





410

JOHANNIS BOTERI

LIBRI TRES

DE

ORIGINE VRBI-
VM EARVM EXCELLEN-
TIA ET AVGENDI RA-

TIONE

QUIBVS ACCESSERVNT

HIPPOLYTI A COLLIBVS

INCREMENTA VRBIVM

SIVE

DE

CAVSIS MAGNITVDI-
NIS VRBIVM

LIBER VNVS

Cura

L. G. L. H.



HELMESTADII,

Typis & Sumtibus JOHANNIS HEITMULLERI

Anno cl^o l^o c LXV.

Ex Libris Georgii Weis Junioris



LECTORI BENEVOLO

S. P. D.

L. G. L. H.

Thannis Boteri *Relationes de Rebus publicis Superiori* anno hic recusas non omnino displicuisse viris bene doctis ex eo fundamento colligo, quod reliqua laudati viri opuscula rursus lucem adspicere optarint. Eorum igitur desiderio satisfaturus Tibi, Lector Benevole, offero *Iohannis Boteri libros de origine urbium, earum excellentia & augendi ratione*: quibus ceu comitem adjeci *Hippolyti à Collibus* librum *de causis magnitudinis urbium*, ut una eademq; opera hos de urbibus scriptores, si tibi ita visum foret, posses evolvere. Quod ad *Boteri* librum spectat, licet exstet Versio Germanica Argentorati anno superioris seculi nonagesimo sexto excusa, certas tamen ob causas Latinam *Georgij Draudij* versionem, quæ *Vrsellis* secundo huius seculi anno prodiit, ex Teutonica adornatam sum secutus. Ne quid tamen dissimulem, scias velim *Draudium* plurima textui inseruisse: veniam mihi dabis, Lector, si dixerò illū nonnulla parum aut nihil ad rem facientia de suo addidisse; hoc tantum peto, ut, ni aliter visum Tibi fuerit, conferas Germanicam versionem cum Latina & tuo maturo iudicio utaris. De stylo audi ipsum: *Nec vereor, si verbum aliquod interdum barbarum aut peregrinum posuero, quod tamen auctoris sententiam explicet, quin ea res apud æquos iudices mihi fraudi sit futura; in quibusdam enim ad-*

modum difficile fuit tueri latini sermonis elegantiam, proinde : sive adeo rigidas latinitatis leges haud mihi imposui, animique doctores sensa clare licet impolite potius quam obscure & eleganter exprimerem malui. Ipse quid sentiat de se suoque labore docet initium ejusdem epistolæ : De me deque meis ut sum tenuis, ita nunquam quisquam adeo tenuiter sentiet, quin infra censuram eius ego me longe demiserim & poni in aliquo saltim numero satis habeam. Tu igitur, Lector, cense, judica. Hippolyto à Collibus autem manum admovens sustuli quamplurima σφάλματα typographica : juvat unum atque alterum adducere ; reliqua (si quando utramque editionem conferre Tibi non fuerit molestum) ipse me non mōnente videre poteris. Pagina tertia editionis Lubecensis habetur hoc Italorum proverbium ita :

Chi vuol provar l' inferno


La state in puglia in Abruzzo il verno.

Quis sensus? ni aliter Tibi visum, sic velim legas :

Chi vuol provar l' inferno

La state in Puglia, in Abruzzo il verno.

Sententia igitur hæc erit: Qui vult probare æstum inferni, proficiscatur æstate in Apuliam & hycem in Abruzum. Pagina trigesima prima laudat hæc Tertulliani verba: (*Sparsa populi omnium rerum per omnes dies singula &c.* ; quæ tamen sunt Suetonii & petita ex ipsius Nerone. Caterum si quæ forsan in ipsis libris inveniuntur, quæ tibi non arrident, per me dissentias licet & afferas meliora. Vale & fave. Helmeftadij XIII, Cal. Aprilis. Anno M DC LXV.



INDEX CAPITUM
 LIBRORUM JOH. BOTERI
 DE VRBIBVS.

LIBRI PRIMI.

Quid civitas, & qua magna dicatur & quibus rebus moti
 homines primum cohabitare ceperint. *Pag. 1.* CAP. I.

Dejs, qui ad viros divina mentis acie atque excelsio
 animo prditos confluerunt, & civitates at-
 que oppida extruxerunt. *Pag. 5.* II.

Dejs, qui ad facilius propulsandas iniurias lares in
 eundem locum conferunt. *Pag. 9.* III.

Quomodo Romani urbem Romam devastatione furti-
 marum urbium auxerint. *14.* IV.

Nonnullos fuisse, qui alienarum urbium incolas suis
 adseruerint, narratur. *15.* V.

De his, qui voluptatis gratia societatem habitandi
 contrahunt. *16.* VI.

De utilitate, ptopter quam aliquando homines in ur-
 num locum coeunt. *72.* VII.

De locorum situs aptitudine. *73.* IIX.

De fecunditate soli. *75.* IX.


De apta advehendi de portandique opportunitate. *77.* X.

LIBRI SECUNDI.

Q uarum rerum adminiculis effectum sit, locum aliquem inhabitari frequentius, & qualiter hac in re sese gesserint Romani.	Pag. 89.	CAP. I.
De coloniis Romanorum.	92.	II.
De religione fideique negotio.	94.	III.
De studiis & scholis.	98.	IV.
De loco Tribunalis.	103.	V.
De eruditione.	105.	VI.
De privilegiis.	105.	VII.
Certa commercia sunt tractanda, neque temere abjicienda.	106.	II X.
De jurisdictionis loco.	110.	IX.
De nobilium sede & habitationibus.	111.	X.
De sede principis.	113.	XI.

LIBRI TERTII.

V trum expediat civitati, paucos an vero multos habere cives.	Pag. 156.	CAP. I.
Quid causa sit, quod urbes floris sui maturitatem affecta raro maius sumant augmentum, imo sepius decrescant.	160.	II.
Quibus adminiculis parta dignitas & magnitudo conferretur.	166.	III.





JOANNIS BOTERI
DE VRBIUM ORIGINE,
MAGNITVDINE ET SPLENDORE,
SVCCINCTA ET ABSOLVTA
A P O D I X I S.

LIBER PRIMVS.

CAPIT I.

*Quid civitas, & quæ magna dicatur, & quibus rebus
moti homines primum cohabitare ceperint.*

PER Civitatem hoc loco intelligimus, civium multitu-
dinem ideo collectam, ut vitam feliciter & beate trans-
igant, cuique proposita sit, tanquam finis, rerum omni-
um satis magna abundantia: cujus & origo ad vivendum,
& institutio ad bene vivendum refertur, uti Arist. I. Polit.
definit. Congregantur enim homines propter acquirenda
necessaria, vicissitudinaria inter se acquisitione. Nam bene
vivere volentibus plura exiguntur, quæ tamen per homi-
nes unius ordinis procurari omnia non possunt. Cumque
sex potissimum, juxta Aristotelem, valde necessaria ad o-
mnem civitatem requirantur, quæ nominatim sunt, ali-
monia, artificia, arma, pecuniæ, sacra, judicatio. Colligi-
tur, quod in urbe necessario requirantur agricolæ, artifices,
milites, opulenti, sacerdotes & indices, ut Scosstris rex Æ-
gypti primusque auctor huius partitionis olim præclare
docuit. Cibi comparatio ad agricolas & pastores, instru-
men.

mentorū confectio ad artifices, armorum usus ad milites divitiarum suppeditatio ad locupletes, sacrorum procuratio ad sacerdotes solum, iudicatio & ad tribuales iudices, & ad curiales senatores consultoresque pertinet; nam consultare est de rebus honestis & utilibus iudicare: hæc, inquam, omnia sunt adeo necessaria, ut sine illis civitas nullo modo constare aut florere possit. Nam sine victu & alimento cives non vivunt, sine instrumentis artes non exercentur, sine armis nec contumaces & seditiosi in ordinem coguntur, nec hostium impetus & iniuria propulsatur; sine vi pecuniæ nec splendor domesticus, nec decus urbis, nec subsidium rei militaris quaeritur; sine sacerdotio nulla religio, sine religione nullus Dei timor, sine timore Dei nulla iusta actio, nullus probe vivendi ordo in civitate manet: quid multis? Sine iudicio & iudice, tribunalia, leges, nec non ipsa iustitia silent, omniaque male succedunt & pervertuntur omnia. Unde recte Isocrates, Civitatis, inquit, felicitas non magnificis murorum structuris, neque civium numerosa multitudine vel quaeri vel contineri potest, sed sapientibus ac moderatis Reipubl. gubernantibus. Atque eademem; ut idem Isocrates de Pace inquit, civitas felix nominanda est, non quæ ex promiscua hominum multitudine multos cives temere colligit, sed quæ antiquissimas & primas familias maxime conservare studet. Hi etiam viri in præclaris habendi sunt, non qui potius imperiis favitiam in cives exercent, aut majores opes ac potentiam, quam par & æquum est, habent: sed qui maximis honoribus digni sunt & illis tamen contenti vivunt, qui populi voluntate ipsis contigerunt. Nam tali auctoritate nemo sive privatus, sive magistratus, neque honestiorem, neque tutiorem, neque pretii majoris aut magis expetendam suscipere queat.

queat. Atque hi ordines, quos diximus, diversi, seu communicationes officiorum multiplices, quæ nihil aliud sunt quam pluralitas & distinctio partium civitatis, ad conservationem vitæ factæ sunt. Habent enim humanæ res se invicem ut catenæ circuli, qui mutuo amplexu hærent, seque invicem sequuntur: quod si unum ex eis, quemcunque tandem attrahas, tota catena cum suo principio consequetur; ita etiam quicquid in vitæ negotiis tibi sumas, reliqua necessario sequi ordine continuo succedentia deprehendes. Verbi gratia, si quis agriculturæ studeat, annon oportet prius habere artem fabrorum lignariorum, & ante illam ærariorum? quam rursus metalla fodientium ars præcedat opus est: Item qui fodinis vacant, ruri ut degere possint, corpore tegantur necesse est, ad quod textores ac domus strutores requiruntur. Similiter & alia omnia si quæras & scruteris, inter se connecti reperies.

Porro, magnitudinem civitatum hic non eam, quæ spatioso mœnium ambitu censetur: sed eam, quæ à numero & præstantia inhabitantium civium denominatur, intelligo. Id quod hoc loco commonefaciendum putavi, hæc enim ignoratio Carthaginensibus olim maximæ fraudi fuit. Nam cum in senatu Romanorum de Carthagine exciendenda decerneretur, pervulgata fama, Carthaginenses legatos Romam miserunt, ne urbem rerum ante gestarum gloria clarissimam, ac urbis ipsius Romæ decus, mœnimentumque victoriarum illustrium delerent. Nihilominus redi vultumque in senatu agitata, decretum est, ad imperii Romani salutem deleri Carthaginem oportere, tum propter loci opportunitatem, tum etiam propter Pœnorum perfidiam, qui jam Romanorum socios bello læcessiverant, & finitimos populos lateenter ad defectionem invitabant.

Posteaquam ita decretum esset, legati Carthaginiensium in senatum venire jubentur; quibus responsum est à Consule, ut in fide senatus populique Romani permanerent, obsidibus trecentis ac navibus populo Romano datis; civitatem Carthaginiensium salvam fore, jura, privilegia, immunitates easdem habituros, quibus antea semper usi fuissent. Legati accepto responso domum lati redeunt. Interea Scipio Africanus Junior accepta classe Carthaginem mature proficisci jubetur, & urbem ferro flammaque delere, salvis civibus ac rebus omnibus, quas ex urbe exportare possent. Scipio Censorinum legatum mittit, qui posteaquam obsides una cum navibus Carthaginiensium recepisset, jussit populum universum Carthaginensem ex urbe excedere: sic tamen, ut quæcunque vellet, exportare; urbemque à portu remotiorem condere liceret. Carthaginenses, imperio ducis perterrefacti, fidem senatus populique Romani appellant: quibus responsum est, populum Romanum semper fidem coluisse, & quæcunque legatis eorum promissa essent, præstitisse; civitatem vero mœnibus urbis minime contineri. Ita Carthaginenses verborum ambiguitate decepti urbem totius Africa pulcherrimam ardere, & solo æquari viderunt. Ita sapissime legati juris fœcialis ac legum imperiti, in pacis actionibus fœderibusque feriendis gravissime peccant.

Ceterum varia semper fuerunt causæ, quibus permoti homines societatem ac cohabitationem mutuam inierunt: Cum enim humanæ societatis ratio ita comparata sit, ut homines & ordine & vitæ studio dispares sint atque dissimiles. Alii enim sapientia & æquitate præstant, divinaque mentis acie & excelsò, singulari sapientia & industria præditi animo donati sunt, quo quid universitati expediat & videre

videre prudenter & perficere constanter possunt. Alii vero non tanta virtute excellunt, alacritate tamen & invicto animi robore firmati sunt, aut ad arma tractanda, communesque injurias propulsandas, aut ad eas artes persequendas, quibus in rebus magnis Reipubl. usui esse possunt. Alii locorum amœnitate affecti sociantur ac sedulo terrâ colunt. Alii denique fabrili artificio aliquid conficiunt, varia ve tractant commercia earum rerum, quæ ad communem vitam cultumve pertinent. Sic enim divino consilio effectum est, ut dum pro se quisque cæteris auxilium fert, & vicissim aliorum artibus atque facultatibus seipsum tuetur, jus illud humanæ societatis & coalescat & sanctum permaneat. De quibus omnibus sigillatim insequentibus agemus.

CAPUT II.

De ijs, qui ad viros divini mentis acie atque excelsò animo præditos confluerunt, & civitates atque oppida extruxerunt.

CAin absque omni dubio primus civitates, oppida atque villas extruere cœpit. Quanquam de hac re Poetæ, quos etiam Cicero sequitur, suos eorymbos intexant fabulis, in hanc sententiam scribentes: Olim genus humanum in montibus atque sylvis erat dissipatum, cum nullis esset civilibus institutis aut domesticis moribus excultum. Excelluit autem maxime tunc unus & alter eorum, quos natura finxerat ingenio & prudentia præstantes, qui dispersam illam multitudinem unum in locum congregavit & ex immani agrestique vita ad humanitatem & honestos mores excoluit. Id quod homines doctissimi fictis fabulis memoria prodiderunt; Orphei cantu sylvas ferasque omnes unam in locum confluisse, voluptate illa eximia commotas. Sic etiam traditur Amphion, cantus sua vitate lapides impulsit

se, quo vellet, unde vellet, deduxisse: quo significarunt, homines illos agrestes atque feros, qui vel ingenii stupore, vel immanitate morum, lapidum atque ferarum instar haberent, paucorum ingenio fuisse moribus humanis & civilibus institutos. Hoc opere Theseus, qui primus Athenienses per pagos dispersos in unum locum compulit, & legibus ac institutis devinxit, est immortalē gloriam consecutus. Ut nihil interim dicam de illis, qui Theseo longe vetustiores extiterunt, à quibus civitates fuerunt initio conditæ & constitutæ. Inde igitur cœperunt homines intelligere, quantum generosus animus & excelsus humilibus anteiret. Tantaque extitit virtutis admiratio, ut quamdiu in vita manebant ij, à quibus beneficium illud acceperant, omnes illis sui regendi potestatem traderent: mortuos vero divinis honoribus afficerent: eorumque liberos omni caritate amplectendos statuerent. Primum movebat homines recens memoria principum, à quibus tam multis obstricti fuerant beneficiis, eorumque posteritati gratiam referendam esse putabant. Deinde ubi experientia didicerunt, inesse in liberis paternam effigiem, non tantum corporis lineamentis, quantum animi indole evidenter expressam: jam non solum parentum memoria, sed etiam indolis admiratione provocati, gentem illam præcipue coluerunt, eique Reipubl. gubernacula libentissime tradiderunt. Fuit enim prifeis illis hominibus maxime persuasum, virtutem paternam in posteritatem infundi, morumque præstantiam esse claræ gentis indicem: quod est ab Euripide sapientissime dictum:

Egregia dignitatis indoles, nota

Insignis est nobis, generis amplissimi.

Hæc autem opinio tantum valuit apud antiquos, ut qui
maximo

maximo loco natus esset, eundem continuo sperarent maxime fore virtutibus exornatum. Quod si cuiusquam virtus adeo esset admirabilis, ut extra communem hominum sortem posita & collocata videretur; is humana cuncta despicens, seque longe inferiora reputans, originem suam ad Deos auctores referebat. Hoc autem ut posset multitudinè persuaderi, non tantum imperitia atque superstitio, quibus illa rudis antiquitas obligata erat, quantum virtutis admiratio faciebat. Eiebat enim illis verisimile, divino semine susceptum esse, quem cernerent divinis virtutibus esse cumulatum. Hinc illi prisce Heroes extiterunt, quibus Homeri Ilias referta est; inter quos nemo erat, qui non Deorum aliquem in suis gentilibus numeraret. Quæ opinio etiam effecit, ut Theseus, de quo ante diximus, Neptuni filius haberetur; Romulus item Martis. Alexander autem Magnus se multis post ætatibus Jovis filium dici concupivit: quod etiam de Scipione Africano existimatum est. Fuit enim de illo viro, rumore quodam vanissimo dissipatum, quod prius in Alexandro Magno vulgatum fuerat: Nempe, anguem immanem per sepe visum in matris cubiculo eumque hominum interventu repente ex omnium oculis elapsum, neque postea unquam comparuisse. Inde consecuta est opinio ejusmodi, anguis illius concubitu Scipionis matrem gravidam esse factam. Quis vero est tam ignarus omnium disciplinarum, ut ista vera esse in animum inducat. Verum istud ab eâ opinione minime falsa natum est, quæ magnam virtutem & excelsum magnis & claris natalibus assignat. Hinc jam facile potest perspici, quanto in honore fuerit apud prisceos illos hominès inclutum genus & excellens. Et merito quidem. Nam si quid in illa ætate extitit præclare gestum dignumque memoria sempiterna, plurimum ab hoc ordi-

ne gestum est, quod satis est manifestum vetera scripta memoria repetenti. Quis neget Heraclidarum gentem ita magnitudine animi præstitisse, ut Pelopidarum potentiam copiis exiguis fregerit, & rebus Atticis in ultimum discrimen adductis sæpe lucem attulerit. Quid hic Perseidas referam? Quid Aacidarum res immortalitate dignissimas? Jam si te Athenas animo converteris, ut res memorabiles videas, quæ ab illa civitate gestæ sunt: omnes maxima ex parte videbis, à viris maximo genere ortis, & majorum gloria, concitatis editas esse. Ut enim reges præteream, quos singulari virtute fuisse constat, certe Clisthenes qui tyrannidis delenda princeps extitit, Miltiades, Cimon, Aristides, Pericles, & multi præterea, quos infinitum esset recensere, à quibus tam multa suscepta sunt facinora, tum contra Barbaros, tum etiam adversum Græcos, omnes isti ferme in amplissima familia nati sunt. Idem etiam apud Thebanos & Spartiatis, & innumerabiles alias nationes accidisse comperies. Hæc vero omnia eo spectant, ut appareat, extitisse omnæ ætate viros quosdam egregios, ad quorum nutum & præscripta omnes suas actiones cæteri conformarunt.

In Brasilia hodie adhuc prisco illo ac ferino more vitant incolæ. Ibi enim tenebrosarum specuum inhospita receptacula inhabitant, quas vel arborum ramis aut strue lignorum, vel palmae arboris frondibus ac foliis, ei regioni non ignotæ, ruditer contegunt, atque ita diversissimis mapalibus ab invicem segregati, dum occultis spelæis, ferarum in morem degunt, in beluinos etiam mores ab incunabulis degenerant; quo fit, ut tam difficulter rudimenta Christianæ religionis admittant, oleumque fere ac opera in erudendis ipsis tam in fidei negotio quam etiam in moribus perdat. Quamobrem Portugaleses ipsique adeo Jesuitæ eos è spe-

è spelæis quasi protractos in unum cogunt, ac tum demum religione & moribus feliciter imbuunt, id quod antehac præstiterunt Pernambucci, Pyratiningæ, il Santo Salvatore, il Porto Securo aliisque locis pluribus. His annumerari possunt civitates à laudatissimis potentissimisque principibus extractæ, ad quas inhabitandas peregrinos undequaque populos adscivere. Sic Græci & Phœnices, Alexander Magnus aliique reges ac principes, quamplurimas urbes de novo extruxerunt, certaque nomina indiderunt. Hinc illæ, Alexandriæ, Ptolemaidæ, Antiochiæ, Lysimachiæ, Philippopoles, Demetriades, Cæsareæ, Augusta, Sebastia, Agripinæ, Manfredonia, & nostra ætate Cosmopolis & del Sole.

Cæterum post Alexandrum Magnum, qui ultra septuaginta urbes extruxit, rex Seleucus in extractione urbium nemini cedit, qui præterquam quod tres illas in honorem uxoris, Apamias, ac quinque in memoriam matris, Laodiceas, quinetiam quinque in sui ipsius monumentum ac memoriam Seleucias, dictas, præter has ultra triginta urbes magnificentissime extruxit.

CAPUT III.

De ijs, qui ad facilius propulsandas iniurias lares in eundem locum conferunt.

Inevitabili quandoque necessitate coguntur homines, modo vitæ ac fortunarum suarum cura eos tangit, alibi sedes suas figere, aliorumque auxiliis se munire, potissimum vero gliscentibus tumultibus bellicis, è quibus plerunque damnum irrecuperabile, vitæque ac fortunarum pariter jactura, nisi mature declinetur, fere imminet.

Atque huc referuntur potissimum montium anfractus, paludosa sylvarum solitudines, insulæ quam minimum inaccessæ, quippe quæ certissimum afflictis præbent refugium.

Post universale illud orbis diluuium, tempore Noæ, cum timerent homines iterum periculum inundationis, solitarios recessus in montium fere cacuminibus petierunt, alii altissimas turres pyramidum instar extruxerunt, fore sperantes, ut si qua denuo inundatio terram obrueret, ipsi periculum hac ratione effugerent. Cum autem alterius futuri diluuii metus, de quo frustra erant solliciti, ex ipsorum animis paulatim aboleretur, tum demum de cacuminibus montium in planitiem se conferre coeperunt, ubi ex singularum familiarum radicibus, quas Deus immortalis conserauerat, quasi stirpes primum fuerunt propagatae, quibus domicilia tecta que sibi, ut ab iniuria cœli ac ferarum animantium, tutiores essent, ædificare necesse fuit: & cum in eam multitudinem excreuissent, ut eadem regione contineri non possent, quippe domiciliorum conjunctione, vicos; deinde vicorum continuatione pagos auxissent; alio proficisci ac novas sedes querere oportuit. Itaque locis ac regionibus, generisque proximitate disiuncti, cum nullis imperiis ac legibus tenerentur, uti quisque vi ac robore cæteris præstabat, ita finitimos de locis ac domiciliis depellere, aut fontis ac loci amoenitatem eripere, aut de pascuis dejicere conabatur. Ea vis à valentioribus illata, fecit, ut imbecilliores loca natura tecta ac munita conquirerent; aut arte ac prudentia munirent, ut se, liberos, uxores, familiasque suas ab aliorum iniuriis, fossa, vallo, mœnibus denique tuerentur: inde oppida urbesque constituta. Sic enim de rege Servio scribit Dionysius, in locis montanis firmissimisque collibus perugia quadam disposuisse, quæ Græci pagos appellant, quod se agrestes ex agris per hostiles irruptiones reciperent. Sed ne mœnibus quidem hostium vis arceri poterat, quo minus qui se propugnaculis cinxerant, à potentioribus obsiderentur.

rentur. Fuit enim primum genus hominum rapinis, cædibus ac latrociniiis deditissimum, & cui nihil esset prius, quam grassari & occidere; aut imbecilliores servitute premere; ut verissime Plutarchus in Thesgo, cum historia sacra, Genes. 6. congruenter scribit. Ac multis ante seculis Thucydides, historicorum, qui in Græcia floruerunt, longe clarissimus, Græciam univèrsam, ait, paulo ante sua tempora potentiorum latrociniiis ac direptionibus infestam, nec propter latrocinia ullam in familiam contractam fuisse: sed qui terra marique obvios haberent, ab ijs sine contumelia quæri consuevissent: an latrocinium an piraticum exercerent? Nec tantum Plato ejusque discipulus Aristoteles latrocinium inter venationis genera posuerunt: sed etiam legibus Solonis (libro ultimo de Collegiis) latrocinandi causa societatem jure contrahi potuisse planum fit his verbis: ἐπὶ λείαν οἰχόμενοι; quod Latinus interpres, cum absurdum ac falsum putaret, alio detorsit; nam quid aliud est, ὄπι λείαν οἰχόμενοι, quam prædari? Quin & Cæsar sua adhuc ætate de Germanis scribens, Latrocinia, inquit, nullam habent infamiam, quæ extra fines cujusque civitatis fiunt; atque ea juventutis exercendæ, ac desidiæ minuendæ causa fieri prædicant.

Hæc igitur latrocinandi licentia homines ad amicitias & societates coeundas adegit; nam principio sodalitia contracta fuerunt ab ijs, qui quod ex eodem puteo seu φρέατι aquam haurirent, φράτορες seu fratres sunt appellati: inde quoque φρατρία dicta: aut qui ex eodem fonte, quem Δορές πύργου appellant; unde pagi dicti sunt; ut Latini quoque commissari dixerunt eos, qui in iisdem vicis, quos Græci κομμάς vocant, convictu communi fruebantur, ut Festus scribit. Ex quibus perspicitur, societates hominum inter ipsos vitæ tutius commodiusque degendæ fuisse quasitas: easque

primum ab eo; qui virum inter & uxorem intercessit, amore profectas. Inde fluxisse mutuam parentum ac liberorum pietatem; tum fratrum ac sororum inter ipsos caritatem; post etiam proximorum & agnatorum amicitiam; ac postremo affinium benevolentiam.

Atque hi cum nullo certo more traducerent, proindeque qui imbecilliores essent affligerentur, latrociniaque atque cædes infinitæ passim fierent, essetque adeo omnis vita innumeris malis circumventa: omnes ii, qui iniuriam acceperunt graviores, confugiebant ad præsidium alicujus præstantis ingenio viri, in quo lumen æquitatis elucere prospexerant. Is cum miseros & supplices in suam fidem recepisset, studiumque suum extinguendi latrocinii, reprimentæque cædis & injuriæ vindicandæ declarasset, & potentes cum tenuioribus pari jure retinisset: eveniebat, ut omnes, qui otium & securitatem amabant, omnia vitæ præsidia in ejus virtute & imperio constituta putarent, quem animadverterebant esse justitiæ laude florentissimum. Aut si id non daretur, in tutissima, quæ videbantur, asyla sese recipiebant.

Sic cum Mauri Hispaniam hostiliter invaderent, tandemque miseræ servituti crudeliter subigerent, ii, qui ex lamentabili illa strage evaserant, partim in deserta atque impervios montium recessus, qui sunt in Biscalia & Aragonia, secesserunt; partim in septem civitatum insulam (à septem Episcopis, qui sedem inibi cum suis fixerunt, ita dictam) trajecerunt.

Depopulatio illa immanissima, qua magnus Tamerlanes ubique populos crudelissime afflixit, Persas eorumque finitimos sedibus patriis (non secus ac fugatas aviculas) excedere coegit, inde alii in Taurum montem, alii in Antitaurum, alii in maris Caspii peninsulam aufugerunt. Atque

uti populi Istriæ, cum Sclavi in Istriam irruptionem facerent, in Caprarias insulas solventes, Justinopolim inibi extruxerunt: eodem plane exemplo Galli, cum Longobardi Italiam hostiliter invaderent, eis Padum in loca palustria secessione facta, urbem Cremam construxerunt.

Et si vero loca hæc, quæ jam diximus, ad versus hostium irruptiones natura satis sunt munita, cum tamen nec fecunditate soli, nec amœnitate, nec commerciorum frequentia præsent, nulli hæctenus extiterunt, qui novorum ædificiorum structura accessionem inibi facere concupiverint. Quod si vero loca illa, ad quæ rebus, ut supra, stantibus confugitur, non tantum sunt natura munita, verum etiam ad varios usus humanos accommodari possunt, facile incolis, divitiis atque domiciliis augentur & locupletantur.

Hoc modo plurimæ civitates versus Orientem in Barbaria sitæ, in quibus præcipue numerantur, Salonica & Rhodus, maxima incrementa sumere, ab eo nimirum tempore, quo Ferdinandus Hispaniæ, & Emanuel, Portugalliæ reges, Judæos regnis suis eiecerunt. Sunt vero etiam in Anglia hoc nostro ævo civitates non paucæ, quæ ædificiorum & hominum numero intra paucos ab hinc annos mirifice excreverunt, ab eo nimirum tempore, quo primum Belgæ eo cœperunt migrare, adeo, ut vel saltem Lovanii aliquot mille Belgarum familiæ numerentur.

Circa annum Christi nongentesimum, cum Saraceni Genuam omnemque circa regionem, prædis, incendiis atque rapinis devastarent, Pisa urbs propter confluentem eo fugientium multitudinem, incredibiliter accrevit. Vnde verò? Urbs nempe est non tantum natura ac ratione sitis munitissima, verum etiam præter soli fertilitatem in super variis commerciorum generibus commodissima.

Cum Attila impressione in Italiam facta, omnia devastaret ac crudelissime prosterneret, Longobardi maximo terrore concussi relictis sedibus in peninsulam maris Adriatici traiecerunt, ibique pro ratione loci oppida ac civitates, Exquilinum nempe, Heracliam, Palæstinam, Malamocco, constituta simul certa Reipublicæ administrandæ forma, extruebant. Cum vero postmodum à Pipino rege bello impeterentur, nec satis virium ad retundendos hostium impetus sibi esse cernerent, sponte excesserunt: atque iuxta Rialtum orbem collecti, consilium de Venetiis extruendis iniierunt, coeptum feliciter, feliciter continuarunt ac felicissime finierunt oppidum illud Venetiarum nobilissimum & laudatissimum, universo orbi decantatum.

CAPUT IV.

Quomodo Romani urbem Romam devastatione finitimarum urbium adauxerint.

Romani urbis suæ gloriæ avidissimi semper omnibus nervis in hoc incubuere, ut æternam posteris patriæ memoriam relinquerent. Unde & prudentissime potentia sua usi referuntur. Nam, ut finitimos in urbem suam cogerent, astute consilio iniro, rebellium oppida funditus evertere. Quo pacto Tullus Hostilius, Albam celeberrimam urbem vastavit. Tarquinius Priscus Cornicolo urbem divitiis omnibus abundantissimam exitio dedit. Servius Tullus Pomeriam solo æquavit. Libertatis postea tempore Veios urbem post decennalem obsessionem fraude & astutia non vi occupatam diruerunt.

Itaque privati urbibus, & domiciliis pulsi, proinde sedibus destituti propriis, ne omnino de salute periclitari cogentur, Romam pro patria profecti incoluere. Hoc modo excrevit Romana civitas, & tam opum quam civium copia

copia, inter omnes totius terrarum machine caput extulit
urbes, quemadmodum Poeta canit.

CAPUT V.

*Nonnullos fuisse, qui alienarum urbium incobas suis
adseverint, narratur.*

Denique in medium, paullo ramentius, in amplifican-
dæ urbis processu, observantur ante dicti Romani in eo
quod populum devictum sub imperio iam subiugatum vel
universum in urbem receperunt, vel maiorem saltem par-
tem intra moenia admisserunt. Sic à Romulo Genienses,
Antennates; Crustumini in civitatem pertracti fuere. Nul-
la autem gens civitatem Romanam adeo auxisse dicitur,
quam Sabinorum. Quibus cum congressus Romulus, post
longum ac diutinum bellum, pepigit fœdus cum ipsis hæc
conditio: ut Tatius Sabinorum rex cum populo univer-
so urbem ingrederetur, & intra moenia urbis habitaret.
Quam conditionem acceptans Tatius, Capitolium & col-
lem Quirinalem pro habitaculo regio elegit. Hanc secutus
viam Ancus Martius, Latinos consimili exemplo, Polito-
rio, Fellena & Ficana urbibus evocatos ad urbem associa-
vit, montemque Aventinum attribuit.

Támerlanes Magnus Sarmacadam urbem amplissi-
mam mirifice & populis & edificiis opibusque adauxit dum
opulentiores ex iis, quos diversis præliis devicerat, illuc se-
des suas figere adigebat. Quam rationem observantes Ot-
tomanni, cum primum Constantinopoli potirentur, multa
familiarum millia, ex devictis urbibus, earum potissimum,
quæ in certis artificijs insigniter excellerent, utpote Maho-
metes II. Trebisunda, Selimus I. Cayro, Solymanus
& Tauris, alii aliunde oriundos eo-
transulerunt.

De his, qui voluptatis gratia societatem habitandi contrahunt.

NON raro contigit, ut loci cujusdam amœnitate allecti, vivendi conjunctionem inierint homines. Amœnitas autem illa vel per se ac natura loco inest, vel arte comparata. Ad naturalem atque ingenitam amœnitatem accensentur: purus & incorruptus aër, jucunda convales, umbrosa nemora, idonei ad venandum tractus, amœna fontium sufframina, flumina salubria, & si quæ sunt alia, quæ hominis naturam afficiunt & recreant: cuiusmodi præcipue visuntur Antiochiæ in Soria, Damasci, Bursiæ in Bythinia, Silviliæ in Hispania aliisque locis pluribus.

Ad artificialem locorum amœnitatem referuntur plateæ ædesque artificiose extructæ, theatra, fornices, stadia palæstra gladiatoria, fontes arte diducti, monumenta, picturæ, pontes aliaque huiusmodi, quæ arte potissimum constant, spectantiumque oculos ac mentes mire afficiunt. Sic Thesbin urbem, visendi artificiosissimi Cupidinis simulacri gratia quam plurimi undique adierunt. Samum propter templum ibi magnificentissime extructum viserunt innumera hominum caterva. Alexandria propter Pharos insulam turrimque, quæ ibi visebatur, arte atque opere insigniter extructa, passim frequentabatur. Memphin Ægyptiorum urbem Pyramides in summum celebritatis culmen erexerunt. Rhodon gratia visendæ ingentis solis statuæ, quæ Colossus dicebatur, excurrerunt innumeri. Eorum, qui Babylonem ierunt, contemplatum mœnia à Semiramide extructa, vix putem iniri posse numerum. Si quando olim Romani se recreare vellent, Syracusas, Mitylenam, Smyrnam, Rhodum, Pergamum aliove, ubi saluberrima esset ac;

set aeris constitutio cum amœnitate, quam & locorum natura & hominum inventa exhibebant, se receperunt. Atq; ut paucis omnia dicam, quicquid visum ac reliquos hominum sensus afficit, adeoque omnia, in quibus hominum curiositas acquiescit, huc referenda veniunt.

Omniùm Europæ totius urbium populosissimæ hodie sunt Roma & Venetiæ. Et si enim hodierna Roma ab antiqua illa, qualiter à Publico Victore & ab Hanufrio Panuino scriptis exactissime demandata est, quæ ante annos aliquot in lucem missa erat, Clemente VII. pontificatùm tenente, quam maxime discrepet, atque ex admirandis ædificiis & structuris nihil hodie supersit, præter exiguas reliquias & fragmenta mutilata, ex quibus antiquæ urbis splendorem, magnificentiamque & profusos imperatorum principumque sumtus, opificum divina ingenia & industriam stupere & admirari possumus: certissimum tamen est, quicumque eam urbem diligenter & accurate lustraverit, solerti que indagazione notaverit omnia, quæ in ea servantur à viris antiquitatum studiosis, animadverteret fatèbiturque nihil usquam gentiùm spectari, quod cum Roma possit merito conferri. Atque hæc omnia magis commendari debent, quod præclari illi patritii & cives nihil habeant domi suæ, quod non liberaliter peregrinis videndum permittant, tanta humanitate, tanta comitate, ut etiam credere velint ab eisdem beneficium recipere, quod in eos ultro conferunt. Quis obsecro unquam literatus exclusus est ab ædibus clarissimi illius patritij Romani Fulvij Ursini? quis unquam ab eo sine aliqua beneficentia dimissus est? quis unquam invisit Marium Delphinum, quin ab eo discesserit cum singulari fructu & delectatione? Omitto personas illas Ecclesiasticas, Cardinales, Archiepiscopos & sacerdotes illustriores, qui

propter dignitatum quibus funguntur amplitudinem, communicare colloquia non semper possunt cum hominibus privatis & peregrinis. Tanta enim in ijs est facilitas, ut neminem à suis adibus arceri patiantur, sed domesticis se vere injungunt, ut amice & comiter omnia communicent possentibus, eosque in canacula, hortos secretioraque conclavia admittant, potissimum bonarum literarum studiosos, ut contemplantur, admirentur & notent quicquid spectatum dignum est: non solum marina exquisita & pretiosa, vasa, statuas, tabulas, numismata & signa gemmis exsculpta, sed etiam ipsas bibliothecas exacte perlustrent, libros ex antiqua papyro, membrana, intestinis corticibusq; confectos revolvant, ac sese contemplatione tam excellentium rerum, si fieri posset, expleant & satient. Quis vero est tam in Gallia, quam in Germania, qui ignoto fores suae domus a pertas esse patiatur, vel illi videnda praebeat, quae ornamenta possidet? Nemo sane, nisi sint aliqui viri docti qui eruditione faciliores redditi sint, & erga peregrinos mansueti, quibus tamen non sine supercilio & morositate sese communicant nisi dignos hoc officio prius judicent. Et dum de hospitem dignitate dedignantur inquirere, indigne à se expellunt eos, quorum studio & curae satisfacere esset consultius.

Ceterum quo de humanitate Romanorum, & facilitate in exhibendis, quam penes se habent, monumentis verius constet, referre huc libet Jacobi cujusdam Boissardi testimonium, quo sibi metipsum hujusmodi humanitatis officia Romae exhibita fuisse praedicat: Memini, inquit, magnificentissimum illusterrimumque illum Antistitem Pium Rudolphum, Cardinalem Carpenssem (qui, quo tempore Romae eram, in Quirinali possidebat, hortos amoenissimos, o-

manibusque antiquis marmoribus referatissimos.) fingulare humanitatis argumentum in me contulisse. Dum enim eo venissem cum aliquot studiosis, ut admiranda palatii structuram, statuasque, columnas, obeliscos & aras antiquas viderem, neque possem illa omnia tam brevi temporis spatio, quod mihi concedebatur, describere (nondum enim tanto viro innotueram) sociis relictis abdidi me inter viretorum umbracula, latitans donec omnes hortu exivissent. Clausis tandem horti ostiis, reliquum diei, quod superstit, impendi in delineatione priscarum inscriptionum, ac totam noctem illic exigens sub arboribus, cum primum illuxit, ad opus coeptum redij: cumque illic haerem attentus in descriptione cujusdam marmoris, Cardinalis suorum aulicorum numero & comitatu stipatus, hortum ingressus est. Illi, cum ex remotiore loco me fuissent intuiti, substiterunt attoniti: nescientes, qua ratione omnibus insciis domesticis eo irrepissem. Confestim ad me duo accurrunt, qui sciscitarentur, quomodo & quando eo venissem. Ego licet non me dioeri formidine percelleret, composita tamen ad fiduciam fronte, mihi que nullius doli vel criminis conscius, rogavi ut tantillum expectarent, donec absolvissem descriptionem alicujus monumenti, quod coeperam: qua ad finem perducta, tanquam re bene gesta, ordine explicavi meam historiam: ut vespere superioris diei in hortos essem excoptus cum aliis peregrinis, a quibus postquam paulo longius, quam par erat, secessissem, lecturus & designaturus quaedam antiqua scripta, illi me relicto discessissent: cumque paulo post egredi conarer, omnia clausa me invenisse, coactumque illic pernoctasse: Quod tamen absque ullo radio mihi accidisse dicebam, capto & occupato in perillustratione tam excellentium rerum, quæ in toto hortorum ambitu latissimè

conspiciebantur. Illi cum risu ad Dominum regressi nar-
 rarunt, quicquid mihi accidisset; tantumque absuit, ut du-
 rius exciperer propter id factum, ut Cardinalis mei miser-
 tus, quod absque cæna sub dio pernoctassem, jussit mihi
 jentaculum præparari, ne nimia inedia meâ valetudo offen-
 deretur: summaque cum delectatione revolvit meas char-
 tulas, laudavit industriam meam, & voluit ut deducerer in
 ejus palatium, quod amplissimum habebat in urbe plana, ad
 campum Martium. Permisit quoque ut omnia, quæ illic
 essent, viderem, & pugillaribus ad id præparatis, quæcunq;
 placerent, exciperem. Ego postea, ut gratus viderer erga
 tam beneficum principem, exemplar omnium, quæ domi-
 suæ mihi communicata erant, diligenter exaratum illi ob-
 tuli libello uno comprehensum: quem non solum hilari
 fronte excepit, sed donum dono compensans, numismata
 antiqua mihi largitus est duo aurea, duodecim argentea, &
 totidem ahenea, cum parva Apolliniæ ærea statua altero
 brachio manca. Non absimilis humanitas mihi exhibita est
 à clarissimo viro Maria Delphino. Ad eum enim eadem
 hebdomada cum tertio deduxissem scholasticos aliquot
 Germanos & Gallos (qui Patavio & Bononia simul vene-
 rant Romam) ut ejus ædes omni antiquitatum ornamento
 celeberrimas lustrarent: iterumque alii adventassent, me-
 amq; operam flagitarent amicorum literis mihi commen-
 dati; illis meum officium sine pudore non audebam recusa-
 re, verebar interim gravis esse tanto viro, & illius facilitate
 abuti. Ad eum igitur me festinus contuli, veniamque hu-
 militer deprecatus, rogavi ut mihi hanc importunitatem
 condonaret, coacto gratificari meis cõterfaneis: in quo-
 rum præsentia petivi, ut ne mihi succenseret, quod toties
 repetita reversione illius graviores occupationes interrump-
 perem.

perem. Vir bonus & candidus meam formidinem joco excipiens: Quid ais, inquit, mi Boissarde? irane me durum & inhumanum existimasti, qui tibi officium hac in re recusarem, in qua beneficium mihi à te non exiguum tribuitur? An es nescius, tua opera Marii nomen extendi usque ad postremos septentrionis terminos, quod alioqui coereretur intra Romanorum mœnium pomeria? nisi hospites isti viri nobiles & literati me inviserent, mea contemplerentur & admirarentur, domumque reversi, quæ apud me vidissent, enarrarent. Fac, mi Boissarde, ut veniant, neq; quenquam à meis arceas foribus, quem potissimum virum bonum modestumque & studiosum antiquitatis agnoveris. Nemo certe est quem non libentissime excipiam, humanissimeque & humaniter tractatum dimittam. Hæc postquam dixisset, introductis in Musæum hospitibus, comiter videndos exhibuit stateres antiquos, & infinitum numismatum exquisitissimorum numerum, sardonychas, jaspides & gemmas singulari torcumate sculptas. Ostendit præterea nobis ingentem cippum marmoreum, qui olim, ut inscriptio prodebat, terminus erat vineæ Trajani imperatoris extra urbem. Hunc ut suo loco restitueret Gentilis Delphinus Marij pater, ingenti pretio vineam redimere conatus est, neque à possessore venditionem extorquere potuit. Marius post patris mortem eodem studio flagrans fundum duplici pecunia coemit, & cippum in antiquum locum transfulit. Hucusque Boissardus; quæ ideo hic memoro, ut ostendam, quantum humanitate & facilitate Romani superent cæteras quascunque nationes, dum hospites peregrinos tam promptè & comiter excipiunt.

Porro non pigebit huc referre, nec lectorem poenitebit cognoscere, quæ hodie adhuc memoratu ac visu dignæ

Romæ vifantur. Ac primum, ut ab ea parte incipiam, qua per Hætruriam, Romam itur, occurrit primo Porta Vaticana, qua Caftello S. Angeli eft contermina, juxta quam præta Quindtia, Tyberi & Vaticalis collibus ac Strozziarum vinea claufa. Eo fe frequentiffime Romana juventus conferre folita eft, deambulationis oblectationifque gratia. Voluptati enim præ cæteris omnibus hic locus tributus eft. Quia autem ingreffus in urbem pater, porta Ælia, quam Caftelli vocant, prope fe extollit ingens illa moles Adriani imperatoris, quam extra Vaticanam urbem extruxerat, ut in eo fepe- liretur: & in eadem Antoninorum cineres reconderen- tur. Hodie Caftellum S. Angeli dicta, quod ut fama refert, angelus exerto gladio vifus eft urbem eo loco defendere: ideo noftro tempore ingens ftatua angeli marmorea in fummitate molis repofita eft, ut nomen arci confirmaret. Ab hac arce deambulacra secreta fornicato opere proten- duntur ufque ad palatium Pontificum, quod in colle Vati- cano ftructum eft, vocantque Curritorium: per quod Pon- tifices urgente neceffitate, dum obfiderentur, occulte fe poffent fubducere, & tuta fuga ex palatio in hanc arcem fe recipere.

Caftello S. Angeli vicinus eft pons Ælius, factus ab Æ- lio Adriano prope regionem Vaticanam: per quem in fuam fe- pulcrum tranfitus effer facilius, ad funera eorum, qui in tam magnifica mole fepe- lirentur, procuranda. Hodie pons Caftelli vocatur, per quem ex urbe in Burgum via protendi- tur ad palatium fummorum Pontificum. Inde fub Ælio, medio Tyberi confpiciuntur è regione xenodochii S. Spiri- tus, ruina pontis triumphalis, qui olim triumphis facer fuit. Imperatores enim de exteris nationibus & provinciis tri- umphantes, hoc ponte pompas folennes in Capitolium a- gebant.

Huic

Huic proximum est Burgum recte ducens ad palatium Pontificum, quo loco olim ante Alexandri II. tempora sylvam fuit, sive lucus Vaticanus, qui erat insignis sepulchrali pyramide Scipionis Africani. Nunc aliquot ædificiis illustribus atque diversis ornamentis, insignibus nempe palatiis conspicuum. Quorum illud, quod assurgit prope S. Catharinam, Cardinalis fuit Dandini: in eoque monstratur caput elegans Agrippinæ matris Neronis pectore vestito: Hadriani Imp. & Antinoi Bithini juvenis formosissimi, quem Hadrianus in delitiis habebat atque alia insuper multa. Superius ad dextram est palatium Cardinalis Roberti Strozze: ubi præter infinita ornamenta notatu digna ostenditur armamentarium splendidissimum, omni genere armorum exornatum, tam nostratum, quam exterarum nationum; maxime Indorum & Americorum: ut sunt clavæ & gladii lapidei & lignei, quibus etiam chalybs scinditur; diversa vestimenta, pileæ, cassides, perizonia, periscelides, & balthei clypei que, ex plumis artificiosissime composita omnia, tantæque industria elaborata, ut sine admiratione nemo ea satis contemplari potis sit. Duo etiam ibi monstrantur Aleriones sive aves Paradisi, quas Apodes nominamus. Harum corpora sunt tenuia, quasi ex xylo vel bombice; plumis oblongis versicoloribus & quæ colorem iridis cœlestis referunt & mutant, dum aviculæ corpus invenitur, nunc aurum, nunc purpuram viridemque, Smaragdum, & Saphyri cyaneam representantes formam, vel eam geminam, quam opalam vocamus: Sunt & alia in Burgo palatia, ut Campogioeni, ad dextram, & ex opposito Parisinum: utrumque picturis & tabulis elaboratissimis instructum. In domo Petri de Radicibus in eodem Burgo, præter Bacchum integre nudum & tres Musas longis insitis amictas, monstratur etiam

iam caput senis, quod dicunt esse Caroli Magni : sed quod longe dissimile est illi Caroli Magni effigiei, quæ in Prætorio demonstratur Norimbergæ.

Sinistram ibi plateæ partem prope partem S. Honufrii, Palatium Cæsarianum occupat; ibi monstratur effigies Hippolytæ Amazonis, quam Michael Angelus Banarotus Florentinus, nostri seculi pictor, sculptor & architectus excellentissimus, mirifice laudat, utpote in qua summum videatur artificium & proportio perfectissima. Huic aræ sive corti adjacent amœnissimi & spatiosissimi hosti, qui in quatuor aræ latissimas distincti sunt, ac singulæ fontes præbent limpidos, quibus statuæ superimpositæ sunt. Atq; hic effigies & sculpturæ artificiosissimæ videntur, utpote Bacchi, Fauni, Neptuni, Apollinis, Agrippinæ, Palladis, Hermaphroditi cujusdam nudi, Jovis Hammonis, Pompeji Magni, Demosthenis, Spécusippi, Veneris Romæ triumphantis de Dacia victa, aliaque signa antiqua, quæ spectantibus singularem præbent delectationem.

Paulo altius attollitur ædificium rotundum testudinatum, quod Antiquarium vocant, a diversis signis & imaginibus marmoreis, quæ in eo continentur. Ubi præter alia simulacrum est Satyri, cui assidet juvenis inflans fistulam septemplex. Nusquam gentium videtur statua elaboratius facta vel venustior. Scopæ dicitur opus.

In Palatio pontificum, in quod relicta Lateranorum Basilica propter amœnitatem sese receperunt pontifices (cujus amplitudo tanta est, ut oppidi potius justam magnitudinem æquet quam domus) ornamenta exquisita tanta sunt ac talia, ut admirari potius quam recensere ea quis possit. Inprimis vero sacellum xysti, quod altissimum latissimumque templū æquat amplitudine, hic annotare & contempla-

templari necesse arbitror. In hoc solet fieri novi Pontificis electio, congregatis in hunc locum Cardinalibus omnibus, & Ecclesie Romanæ præfectis, in sede vacante & interregno, sententiæ & suffragia ab unoquoque excipiuntur & referuntur in publicum. In huius sacelli pariete, qui attollitur pone summum altare, videtur pictura illa admiranda Michaelis Angeli Bonaroti, qua extremum Christi iudicium expressum est, tanta arte, tanta venustate, ut nihil elaboratius, nihil perfectius, aut absolutius toto mundo videri possit. Sunt etiam in hoc palatio horti, qui propter collium Vaticanorum amœnitatem, Belvedere nominantur. E simulacris, quorum infinita ibi visuntur, Michael Angelus summe laudat illud Herculis, quod est ad partem inferiorem statuæ Veneris cum Cupidine colludentis, idque omnium, quæ Romæ videntur, absolutissimum esse asserit. Atque præter hoc etiam statua Laocoontis, cum duobus filiis, quos gemini dracones implicant, & flexuosis voluminibus intricant. Hoc opus est omnium, quæ toto orbe videntur, absolutissimum, teste Plinio, atque hanc statuam Michael Angelus dicit esse miraculum artis singulare, in quo divinum artificum debeamus suspicere ingenium potius, quam ad imitationem nos accingere. In adjacente canaculo, sub testudinato receptaculo, est alia Cleopatra statua quasi morientis, tanta arte sculpta & perfecta ut per medias vestes tenuissimas, quæ ex marmore factæ sunt pretiosissimo, videatur corporis forma numeris omnibus absolutissima. Et quid multis? verbis exprimi non potest, quanta loci pulcritudo, quantum singulorum, quæ ibi videntur, pretium & quantam admirationem spectantibus moveant.

Quid de bibliotheca Vaticana, quam Nicolaus V. stabilivit, memorem? quam, qui læstra verit diligenter, in ea nihil desiderabit, quod ad admirationem, curâ aut studium

viri literati facere possit. Tam multi sunt in ea libri ex membranis, linteis, corticibus, & antiqua papyro, ut Ægyptiorum illam Ptolomæi bibliothecam superare non sit dubium.

In platea media, quæ latissime expanditur ante Pontificias ædes & S. Petri deiubrum, obeliscus ille Vaticanus integer ex lapide ophite, cujus altitudo est pedum 170. præter basin, quo continet pedes 37. Obeliscus in inferiori parte latus est ped. 12. in superiore vero octo. Fuerat ante paucos annos erectus ad sinistrum templi Vaticani latus in circo Neronis: sed Sixti VI. P. M. beneficio inde translatus est in mediam plateam loco celebriori, opera Dominici Fontana; architecti Comensis: quod contigit anno 1586. nescio an in hoc magis admirari debeamus audaciam architecti, quam artis efficaciam: qua potuit saxum tanti ponderis suo loco movere, & alio transferre sine ruptione. Solus enim obeliscus præter basin superat pondus 956148. librarum: præter vectes, repagula, cingula, & harpagines ferreas, quibus oportuit tantam molem lapideam cingi, ut posset facilius comprehendî, & alio moveri: quæ omnia decies centena millia quadraginta duo millia octingentas & viginti quatuor libras æquabant.

Non procul ab hinc est xenodochium sive hospitale S. Spiritus, ab Innocentio III. primo ædificatum, postea multis ædificiis ampliatum Sixti IV. sumptibus; pauperum & hospitem peregrinorum usibus & necessitatibus dicatum est. In eo, sicut & in Laterano, diligentissime ac summa cura tractantur hospites, ægroti maxime: ad quorum comoda pharmacopolium omnis generis medicamentorum instructissimum erectum est, medici experientissimi ac fidelissimi constituti sunt, qui advenarum usibus fidelissimam

præ

præstant operam. Fitque sapius, ut non solum pauperes & egeni sese, eo transferant, sed etiam opulentiores & ingenui cives, qui familiam non alunt, ut curentur exactius, in hoc xenodochio suis sumtibus tractantur. Opus Christianæ charitati ac dilectioni proprium.

In monte aureo (qui ita vocatur à fabulo scintillante tanquam aurum, quod illic nascitur) structum est templum S. Petri, omni picturarum elegantia ornatissimum. In quo etiam erectum est insigne Julii III. P. M. sepulcrum, quod sibi dum viveret, struxit: conditus tamen jacet in Vaticano, loco humili & inglorio.

È regione Naumachiæ sive Arsenalis, ubi olim omnia instrumenta bellica, quæ ad classes instruendas erant necessaria, reponebantur (hodie vero vinum venale ibi proponitur, quod ex Ostia navigio per Tyberim in urbem invehitur) paulo inferius pontem Aurelium, (hodie Ponte Xysto) reliquiæ adhuc quædam conspiciuntur pontis sublicii, qui olim ligneus fuit, quo tempore Horatius Cocles imperum sustinuit hostium, dum pons deiceretur, ne per eum in urbem irruerent Heirusci. Hunc postea lapideum struxit Æmilius Lepidus. Ex eo præcipitatus est in Tyberim Heliogabalus, saxo ad cervicem alligato.

De insula Tyberina fama est, excrevisse eam olim ex segenibus Tarquini Superbi in alveum fluvii conjectis: ad quas paulatim arenarum cumuli & excrementa urbis sunt addita, successuque temporis emerit terra, quæ firmari cœpit, & solidiorem sumens basim ædificiis in ea struendis facta est commoda. Lata quidem non est admodum, sed ita dia duo sua æquat longitudine. Æsculapio sacra fuit anti-
quitus hac de causa. Cum Romani contagiosa lue laborarent, Apollinis oraculo jussi sunt ex Epidauro Romam Æ-

sculapium accersere : qui in specie serpentis ex ara templi profiliens, in naves legatorum Romanorum, quæ in portu erant, tortuosis repens volucribus, magna spectantium admiratione conscendit. Cumque ad Ostiam pervenisset, per Tyberim in urbem appulsa ad hanc insulam confédisse fertur, neque inde potuit navis abstrahi : quæ res argumentum Romanis dedit, Deum velle coli eo loco. Ideo ex senatus consulto illic templum erectum est, quod hodie S. Bartholomæo sacrum est, videturque adhuc in fine inferiore insulæ navis illius forma, quæ ex lapide formata erat : & quam inundatio fluminis rapidior superioribus annis detexit.

Dignus etiam vel maxime visu est hortus Cardinalis Farnesii in Transtiberina urbe, variis statuis illustris. Nec procul abhinc in templo Jovis, quod nunc Joannis Baptistæ nomen habet, duo adhuc marmorei tripodes triangulares servantur, qui religiose ad aram Jovis adstant.

Carceres plebis eo loco fuerunt, ubi hodie est ædes S. Nicolai in carcere, quod templum erat Pietatis à M. Atilio Glabrione dicatum : propterea quod in eo carcere filia patrem in vinculis arctatum multis diebus aluit proprio lacte.

Pilati domus (si vulgari famæ fidem habemus) ibi fuit, ubi prope pontem senatorium (qui nunc est S. Mariæ Transtiberinæ) altissimæ conspiciuntur ruinae, sed re vera si quis eas contempletur attentius, cognosceret illic fuisse lavacra, sive sudatoria Laconica : quod ex caminorum canalibus frequentibus, qui undequaque parietibus inserti sunt, facile judicatur.

Templum Fortunæ virilis adhuc fere integrum est & illæsum, longo utrinque columnarum ordine : nunc S. Mariæ Ægyptiacæ sacrum est. Quidam hoc asserunt fuisse Pu-
dicitia

dicitiæ matronalis delubrum: in quo fuit Bucca veritatis, quæ statua erat marmorea, exertis labris, in cuius os Volaterrani reguli filia manum inseruit, ut suam virginitatem impollutam probaret, cum ab anu Fesulana de stupro accusaretur. Quod cum paulo post idem tetrasset alia puella ejusdem criminis rea, simulacrum os strinxit, & impudicæ dextram trunçavit. Saxum illud ampsum & rotundum ex porphyro, in cuius medio leoninus extat rictus, quod ante scholam Græcam erectum est, hodie Bucca veritatis appellatur. Quia tamen in urbe, quamplurima ejusmodi animadvertuntur, ex diversis marmoribus, stultum est ad buccam veritatis hæc applicare, quæ ad sullicidia & receptacula aquarum pluviasum servivisse verisimile est. Atque in hæc vicinia etiam quædam sunt domus, in quibus spectantur multa egregia antiquitatis monumenta. Ostenditur etiam posteriore Capitolii parte præcipitium quoddam, Tarpeia rupes, quæ recta spectat Vestæ aram: ex hac Manlius affo-
 Stata tyrannidis reus, edicto senatus præcipitatus est.

Domus Ovidii ostenditur inter eas ruinas, quæ sunt non procul a templo S. Mariæ della consolatione: alii dicunt fuisse in vico Jugario prope portam Carmentalem ad radices Capitolii, prope forum holitorium: ubi quoque Valerius Amerinus habitavit, & Opis & Saturnus ades habitaverunt.

Templum Vestæ, quod a Romulo post urbem conditam est adificatum inter Capitolium & Palatinum, fuit eo loco, ubi nunc est templum S. Mariæ delle Gratie (alii S. Mariæ della Consolatione volunt) in eo Vestales virgines ignem sacrum & inextinctum custodiebant: & Palladium, quod erat simulacrum Palladis ligneum versatilibus oculis olim ab Ænea ex Troia, cum penatibus Illi in Italiam de-

portatum. Hoc templum Deæ cum conflagraſſet, ex incendio ereptum Palladium translatum eſt in Veliam, ubi eſt delubrum S. Andreae in Pallara.

Templo S. Georgii in Velabro adjacent Arcus Boarius, totus marmoreus, artiſicioſiſſimis ſacrificantium figuris inſignitus. Erectus olim in honorem Septimii Severi & M. Aurelii Imp. ab argentariis & negotiatoribus. Cui vicinum eſt templum Jani quadrifrontis quadratum, & in unaquaque fronte porta ampliſſima, ſuperiusque duodecim receptacula, quibus olim menſium ſimulacra continebantur. Janus enim ſacrificiorum princeps apud antiquos eſt habitus; ob id multa olim fuerunt Romæ templa Jano ſacrata, è quibus illud maxime claruit, prope portam Carmentalem juxta theatrum Marcelli, quod Numa crexerat: habuitque tantum duas portas, quæ pacis temporibus claudebantur, bello autem relinquebantur aperta. Hoc ter tantum clauſum fuiſſe prodiderunt hiſtoria. Primo à Numa conditore. Secundo à T. Manlio Conſule. Tertio ab Auguſto Cæſare, poſt bellum Actiacum. Suetonius refert, à Nerone quarto fuiſſe clauſum: quod ex ejuſdem Imperatoris numiſmatis probatur, in quorum a verſa facie legitur: PACE POPULO ROMANO UBIQUE PARTA JANUM CLUSIT. Hodie templum hoc S. Catharinæ ſacrum eſt.

Herculis Victoris fuit olim templum è regione ſcholæ Græcæ verſus Tyberim, ubi hodie videtur adhuc ædificium rotundum fornice tectum, dirutum fuit à Sixto IV. P. M. In hoc templum neque muſcæ neque canes, ut fama prodidit, ingrediebantur: tanta fuit veneratione apud antiquos, & hanc cauſam referunt. Cum Hercules cum victimariis Jovi ſacrificaturus eſſet, & à muſcis moleſtaretur, myagrium Deum muſcarum rogaffe fertur, ut muſcas à carnibus arceret:

ret: clavum autem suam ad templi fores appendit, quam canes formidabant, neque offio audebant appropinquare. Sacris, quæ in eo fiebant, non aderant mulieres, neque servi neque liberti, sed liberi tantum liberisq; parentibus nati.

Ara maxima, quæ prope scholam Græcam ab Hercule fuit erecta, prope quam Æmilius aedificavit Pudicitia patritia fanum: in quod cum ingressa esset Virginia nobilis quidem, sed plebei viri uxor, à reliquis matronis ejecta est: quæ offensa propter repulsam, in vico longo Pudicitia plebeia templum erexit, à quo patritia quoque matronæ arcebantur. Nulla horum hodie extant vestigia.

Mons Aventinus diu infamis & inauspicatus habitus, quod Remus in eo casus esset, à Sabinis habitari coepit, hodie antiquum nomen retinuit. In cuius vertice, Dianæ templum ab Ancō Martio erectum, nunc S. Sabinæ sacrum est. Prope hoc templum Bona Dea delubrum habuit, nunc S. Mariæ Aventinæ dicatum. Nec procul ab hoc templo domum olim habuit Julius Cæsar: ex hac Calpurnia Cæsaris uxor, cum se ad sacra nocturna Bonæ Deæ cum reliquis matronis contulisset, illius amore captus Clodius habitum muliebri tectus e se contulit: cumque loci ignarus huc & illuc vagaretur, ut amicam quæreret, neque virorum ulli sacris Dei liceret interesse, nescius, quas ceremonias deberet servare; ab ancilla proditus est. In summo Aventino Hercules Victor fanum habuit, quod hodie dicitur S. Alexij.

Thermarum Decianarum, Variandarum & Trajani, ingentes hodie adhuc extant ruinae, prope templa, S. Priscæ, S. Alexii, & ad munitionem Farnesiam & portam veterem Tergeminam, in vinea Francisci Albettini, civis Romani.

Remoria vocatur is locus, ubi Remus cum suis auspicatus est: qui priscum nomen hodie retinet: vocantq; Romani

mani Remoriam viam, quæ à Circo maximo per dorsum Aventini recta ducit ad munitionem Pauli III. Farnesii, in ea casus est à Celere Remus, Romuli jussu, & ibidem sepultus.

Spelunca Caciæ loco fuisse dicitur, ubi rupes aspera & exesa, locusque acclivis cernitur, spectans Tyberim, è regione S. Mariæ Aventinæ. Hunc cum mactasset Hercules, quod boves, quos ex Hispania devictis Geryonibus captivos abduxerat, adversis caudis in id antrum traxisset: ibidem aram Jovi inventori erexit, ubi postea templum erectum est Herculi. Ad hoc præcipitium fuerunt olim Furcæ Gemoniæ, ubi facinorosi & scelerati uncis tracti immaniter trucidabantur. Ad has Vitellius Imperator furca sub mento applicata, & vestibus ad nates usque turpiter laceris, Vespasiani jussu necatus est; quod paulo ante Sabinum Vespasiani fratrem è vivis sustulisset.

Porta Tergemina antiquissima ex opere latericio adhuc hodie fere integra videtur ad Aventini radices prope Tyberim, ad vineas, quæ Trajani thermis adjacent. Per hanc portam exiverunt urbe Tergemini fratres Horatii, ut contra Curios Albanos pro patriæ libertate decertarent; quibus casis, ac duobus fratribus amissis, Horatius ovans in urbem regressus est.

Mons testaceus horreis Diocletianis centum & quinquaginta cellis, sed ruinosis, conspicuus adjacet, qui ex vasta congerie vasorum fistilium erectus est. De hac urnarum coacervatione variæ feruntur opiniones. Quidam existimant montem hunc (qui in circuitu suo fere duo millia passuum continet, & in altitudine plusquam centum & sexaginta pedes) in tantam vastitatem insurrexisse ex fragmentis ollarum, quæ à figulis eam urbis partem circa flumen incolen-

colentibus congregabantur, ne si in Tyberim projecta essent, fluvii cursum impedirent, vel si in agros vicinos essent exonerata; locorum obessent fertilitati. Quidam, sed inepte prorsus, eum vocant Montem d'ogni terra: fabulantes conjectura ridicula credum fuisse ex valibus diversarum nationum, quibus tributa Romam importabant. Evasa in eum locum memoria causa detrudi jubebantur. Olim Circus Olympicus totum id spatium loci complectebatur, quod Testaceum montem continet.

Ad portam Ostiensem adhuc integra conspicitur Pyramis C. Cestii Septemviri Epulorum. Structa est ex candido marmore, saxis ingentibus & quadratis. Quamvis autem in ejus frontispicio, quod Testaceum spectat, majusculis literis nomen C. Cestii referat: volunt tamen doctiores, hanc Pyramidem fuisse sepulcrum commune omnibus Epulorum septemviris. Erant enim Epulones, qui curam gerebant conviviorum, quæ fiebant diebus festis & solemnibus sacrificiis in honorem Deorum.

Huic Pyramidi vicina est porta Ostiensis, quæ nunc S. Pauli dicitur. Extra hanc portam statim se offert templum illud splendidum, quod D. Paulo dicatum est. In quo quatuor sunt ordines columnarum ingentium marmorarum, Dorico & Corinthio opere: præter alias innumeras, Atticas & Jonicas, quæ totum chori sustinent aedificium. Neque ullum invenias Romæ templum, quod columnarum frequentiore numero, vel exquisitioribus marmoribus sit ex cultum quam hoc.

Ostiensi via ad Tyberim relicta, pons se offert ad lavam, rivo non admodum magno superiacens. A quo semita sese extollit in colles vicinos, ducitque ad eum locum, qui vocatur Tre fontane. Templum est antiquum, ante cujus por-

ticum porphyriticæ extolluntur columnæ preciosissimæ; variegatæ enim sicut venustissime rubro ac cinericio colore. Intrinsicus ostenduntur tres fontium scaturigines: quarum aqua sacrosancta vulgo existimantur, ac morbis multis mederi. In eo loco Paulus Apostolus sub Nerone truncatus capite creditur.

Ad finem Parionis sive Hyperionis vicij, ad quem à Strada Julia transitur, sunt Arianae ædes amplissimæ: ad quarum angulum sita est tota illa urbe, imo toto orbe celeberrima Pasquini statua: cujus factum celebratur toto fere anno, sed maxime in die S. Marci. Ad hanc solent Romani affigere scommata & famosa epigrammata: quibus innotescit omnibus, quicquid joci aut vitiorum tota urbe solet committi inter principes ac matronas nobiliores: plerunque cum infamia ac dedecore multorum, eum Satyrica illa scripta nullius nomini conditionique parcant; imo etiam sapissime summorum Pontificum gesta, joci ac secretiora dicta in eo loco publicantur, & Cardinalium collegium turpi sanna plerunque suffragatur.

Haud procul inde vastum illud palatium Cancellariæ quadrato edificio, ac totum ex Tiburtino lapide constructum: hoc ædificatum est ex ruinis Amphitheatri Titi Vespasiani, quod Coliseum vocant. Ne tamen hæc tam munifica structura prorsus deleteretur, Pontifices voluerunt aliquam ejus partem relinqui superstitem, ut ex ea appareret splendor integri ædificij. Erectum est sibi inter alia egregium Bacchi nudi simulacrum, redimiti pampinis & avis, & cum Satyro colludentis: Bacchus hic dicitur sculptus à Michaelæ Angelo Bonaroto, cum primum Romam juvenis venisset Florentia: eo tempore primum locum inter pictores totius orbis facile obtinebat Raphael Sanctius Urbinas.

Is cum tacite Bonaroti famæ invideret, & illius honorem crescentem studeret subvertere, Michaëlem non latuerunt Sanctii consilia, cumque Florentino esset ingenium elatum & invidiosum prorsum, ex adversarii judicio sibi famam apud Romanos stabilire constituit, opera multorum amicorum, maxime Cardinalis Capoferrati, qui illum dum vixit, perpetuo dilexit & fovit, Bonarotus igitur ex antiquo more, quanta potuit arte & industria hunc formavit Bacchum, perfectamque statuam uno mutilavit brachio, quod penes se servavit, & in basi statua, excavata lacuna suum inscripsit nomen, quod litocolla cooperuit, opusque quod clanculum elaboraverat, iussit terra recondi in vinea cuiusdam civis, qui in ea domum paulo post structurus erat. Cumque anno sequente simulacrum hoc esset repertum ab iis, qui fundamenta domus jaciebant, ut solet Romæ fieri, statim ad laudicœptum est, & ad æctum ante Pontificis Palatium, laudari à multis, & cum aliis conferri, ac multis præponi. Solus Michaël dissimulatum suum opus laudare quidem, sed in eo non deesse, quæ possent reprehendi, dicebat. Tunc contentione inter illum & Sanctium orta, in verti basim iussit, suum nomen ostendi, & brachium quod avulerat novum applicari statuæ, quam calce cemento liniverat prius, ut hunc situm ex antiquitate contraxisse videretur. Factumque est, ut Bonarotus summum honorem apud Romanos ex Sanctii sententia fuerit adeptus.

In foro Farnesiorum, quod la piazza del Duca vulgo nuncupatur, est amplissimum magnificentissimumque palatium, quotquot in urbe videntur, à Paulo III. P. M. Farnesio summis impensis extractum, ac multis statuis insigne. Ex cuius opposito sunt ædes Norciarum, diversis inscriptionibus antiquis insignes & elegantissimo illo Adonide nudo,

integro & baculum tenente: alii Melcagrum esse dicunt, propter caput apri adiacentis, & canem, qui spirare videtur. Inventus est in Janiculo monte in vinea: eius pretium quinq; millibus ducatorum aestimatur, nulla statua tota Roma videtur magis integra: nusquam gentium antiqui operis statua tanti emuntur, quam Romae. Omnes enim istorum ornamentorum ita sunt studiosi, ut in iis conquirendis videantur in vicem decertare sumptibus & curiositate. Videtur ibidem simulacrum Boni Eventus, qui dextra speculum tenet, laeva sertum ex spicis. Opus est Praxitelis absolutissimum.

Non procal à Campo Florae sunt aedes Cardinalis Capoferriati, qui S. Georgii dicitur, Farnesianis multo minores, sed non minoris splendoris & artificii. In frontispicio depingitur tempus vernum: veris praeses est Venus (quae ad similitudinem corporis Liviae Columnae principis formosissima depicta est) quaecunque illic representantur, sunt amatoria: complexio hominum est sanguinea, & aeris elemento cuncta signantur. Ita & in reliquis frontispiciis complexiones, cholericæ, melancholicæ & phlegmaticæ sunt expressæ. Elementa, ignis, aqua, terra: tempora, aestas, autumnus, hyems: Dii praesides; Mars, Saturnus & Janus. Opus est absolutissimum: Cardinalis hic, ut fuit vir ingeniosus, comes & liberalis, intimo Michaelém Angelum persecutus est amore, & ab eo impetravit, quicquid à tanto viro potuit artificiosum excogitari. Cui & conclave pinxit secretum: in quo duodecim Jovis adulteria arte summa sunt expressa.

Prætereo hic aedes Gabrielis Vallati, in quibus sunt plurimae inscriptiones, & antiqua marmora. Aedes Marii Delphini, in quibus monstratur Canopi statua ex Simithe lapide facta

de facta in hydræ speciem: in cuius frontispicio anteriore tabula est proposita literis hieroglyphicis plena, quibus arcaana sacrificiorum Canopi mysteria tradi creduntur. Præterea etiã in domus Maximorum, in quibus collosa Pythiæ regis Epirotarum statua, galeata & armata erecta est. Palatium novum Cardinalis delle Vallè, quod omnibus antiquitatis ornamentis excoluit princeps eruditus & locuples. Palatium Valerii Cardinalis Vallæ, ædesque eiusdem Vallæ huius palatio contiguas in quibus erectum est marmor candidum, altum & quadratum cum horoscopo solari & signis Zodiaci, ubi singulorum mensium dies & horæ notantur, & quicquid observare assueti erant antiqui, tam in sacrificiis Deorum, quam in iis, quæ ad rem rusticam pertinebant, ut hodie nostris Calendariis factitatur. Domus Bocabellorum, quæ occurrunt in ascensu Capitoli, in quorum ædibus, præter inscriptiones varias & marmora selecta, fons ostenditur venustissimo constructus artificio, ex tophis & conchylis marinis, unde limpidissima scaturiunt aquæ, & in iis supernant pisces artificiales sabini filis æneis subtilissimis, quæ ad aquarum motum crispantur, & videntur leniter pisces moveri.

Ad partem superiorem Capitoli ad sinistram attollit sese templum Franciscanorum, quod vocatur Ara cæli, ad quod conscenditur gradibus marmoreis octoginta quinque, qui quinque ordinibus sunt distincti. Templi testudinatum ædificium sustinetur utrinque duobus columnarum marmorearum ordinibus: quibus tota urbe non videntur sumtuosiores, si Vaticanas excipias. Hæc templum fuit olim Iovi Feretrio dicatum à Romulo, post bellum Sabinum: quod eo in loco Iupiter tulisset auxilium regi oppresso hostium violentia. In area Capitolina palatium est iustitiæ, ubi præ-

ter alia est fragmentum leonis mordicus equum tenentis: cuius artificium Michaël Angelus miraculosum usque ad cælos laudibus extollere suevit. Ad sinistram positum est palatium Conservatorum, ad cuius ingressum sinistro latere tabula est marmorea, cui insculpta est mensura Romani pedis & Græci: sicut in monumentis Neronis & Agrippinæ excavata sunt mensuræ tritici, calcis, olei & aliorum: ad quarum normam corriguntur urbana mensuræ, si falsa iudicantur. Atque alia præterea multa memorabilia ibi videntur.

Templi Jovis Opt. Max. ubi hodie fiunt funes & rudentes, qua ad Tarpeiam rupem iter patet. Templi Veiovis, (ubi olim fuit arx Capitolina) quod olim fuit asylum facinorosorum. Monetæ Junonis, quod a Camillo dedicatum fuit non procul à domo Manlii. Et Jani custodis, in ea Capitolii parte, quæ forum Romanum spectat, ubi hodie carcer & custodia est sceleratorum. Cum horum templorum dejectæ & fere solo æquata ruina duntaxat hodie conspiciantur, non opus est illis diu immorari. E Capitolio clivus est lapidibus status, per quem descenditur in forum Romanum, usque ad templum S. Mariæ, à radicibus Capitolii & arcu Septimii Severi, qui ad finem clivi Capitolini, marmoreus & integer erectus est. Per hunc arcum triumphales pompæ è foro ad Capitolium ducebantur. Ad radices Capitolii fuit Concordiæ templum, à Camillo dedicatum, cum plebem reconciliasset senatui. Ad sinistram clivi Capitolini partem locus est, qui vocatur S. Petri in carcere, quod illic S. Petrus vinculus fuerit & clausus, ideo illi à Silvestro Pontifice dicatus est: ubi festum vinculorum Petri celebrabatur olim primo Augusti: cuius feriæ Eudociæ imperatricis iussu translatae fuerunt in Exquilias, ad templum quod

illic ædificavit, & dedicavit S. Petro in vinculis. Carceres in primo structi sunt ab Aneo Martino: quibus concameratum locum subterraneum adjunxit Servius Tullius, a quo Tulliani carceres sunt postea dicti: in iis strangulatos feribit Sallustius eos, qui Catilinae conspirationi nomen dederant.

Adibus divæ Martinæ (ad quarum angulos iacet Martiorum Colossus, fueruntque olim sacra Marti ultori, proximum est Sancti Hadriani templum, quod antiquitus fuit Saturni, à Numatio Planco ædificatum, vel ut alii malunt, restauratum). In hoc fuit ærarium populi Romani, ubi etiam recondita erant tabulae Elephantinæ, quibus continebantur XXXV. titulus civitatis Romanæ. Ibidem quoque reponebantur signa militaria, decreta senatus, acta publica, & quæ ab Imperatoribus bellorumque ducibus in triumphis adferabantur spolia devictarum provinciarum & populorum.

Ad dextram ubi sunt columnæ porticus templi Concordiæ, sub radice Capitolii, templum est hodie dicatum S. Mariæ Liberatrici: quod olim fuit Veneris & genitricis. Ad illi parietes, qui sub Palatini radicibus adhuc conspiciuntur, pars sunt Rostrorum novorum. Rostra enim vocatus est hic locus, propter suggestum & pluteum æneum, qui ex rostris navium Antiatitini structus erat: ibi leges ferebantur, & habebantur conciones & conventus patrum, ad ea proponebantur capita ex forum supplicio publico, ut Cicero contigit, cuius caput amputatum iussu Antonii rostris affixum est, cum eius manibus; unde Philippicus illas orationes declamaret Cicero, in æternum dedecus Antonii. Nova dicta sunt hæc rostra, ad distinctionem veterum, quæ ad Curiam Hostilianam fra erant prope Comitium: quod extendebatur à porta Palatii usque ad eum locum, ubi hodie

est structum templum S. Mariæ novæ. In rostris veteribus nunc structum est sacellum S. Mariæ de inferno.

Forum Julii Cæsaris occupabat olim eum locum decliviorẽ, qui videtur post Faustinae porticum, usque ad templum S. Martine. Foro Augusti adiacet templum S. Laurentii. Templum Castoris & Pollucis fuisse dicitur inter S. Hadriani & Faustinae. Templum Pacis à Claudio coeptum & à Vespasiano finitum, fuit augustissimum & magnificentissimum: cuius altissima restudines adhuc extant, non procul à templo Sanctæ Mariæ, ubi videtur hodie columna integra superstes omnium, quæ Romæ sunt, altissima & maxima. In hortis S. Mariæ novæ fornices alta ac rotunda extolluntur, quæ fuerunt olim duo templa, contigua, sacra Soli & Lunæ, vel ut alii asserunt, Ihsidi & Serapidi.

Fori Augusti spectatur adhuc portuicula eo loco, qui à Arcadi Noë vocatur, corrupto vocabulo pro Arcus Nervæ. Ad dextram sunt duorum arcuum reliquiæ, partes palatii Nervæ sumtuosissimi. Arcus Nervæ restant adhuc fragmenta maxima, inter templum S. Basilii & turrim militiæ.

Via sacra, quæ ita dicta est ab antiquis, quod Augures solenni pompa per eam ad sacra faciendâ procederent, & in arcem conscenderent, extendebatur à foro Romano per arcum Titi Vespasiani, usque ad eius Amphitheatrum, quod vocatur hodie Coliseum. Ad hanc viam sacram eminentiore loco Titi Vespasiani ex marmore erectus est arcus: in quo sunt exsculptæ victoriæ & triumphî pompa, quæ ferebantur templi Hierosolymitani spolia post devictos Judæos; nempe Arca foederis, candelabrum septem lucernarum, mensa panum Propositionis, tabula Decalogi, & vasa sacra, ex auro puro, quibus utebantur ad sacra templi: quæ omnia in eo arcu videntur sculpta, cum curru triumphantis Imperatoris.

ratoris. Prope hunc arcem sub Palatino ad dextram turris erigitur quadrata, quam vulgus vocat Studiolo di Vergilio: fabulanturque ridicule, ex ea fuisse Poetam appensum in corbe à quadam meretricula, ac toto die spectaculo fuisse populo, quod ut ulcisceretur Vergilius, qui Magicam callebat artem, effecit ut ignis tota urbe extingueretur, universisque populus candelas & lucernas incenderet ex flammis, quæ in pudendis meretricula fuerant excitata. Fabula pingitur hæc ubique, sine auctore. Non est verisimile, tale aliquid magno illi Vergilio contigisse, qui propter continentiam Parthenius vocabatur. Si quid in hac fabula verum est, de alio Vergilio Mago scriptum puto: de quo Neapolitani quoque dicunt plurima fuisse facta; inter cætera Paullipum montem excavatum fuisse arte Magica, & pervium factum: nam Vergilii sepulcrum prope hanc celebrem cavernam erectum est.

In monte Palatino, qui olim fuit celeberrimus propter augustas Cæsarum ædēs, quæ in eo fuerunt superbissimæ, hodie nihil admodum notatu dignum videas, cum omnia sint incultâ & devastata, neque locus est tota urbe desertior. Inter has ruinas templum exiguum S. Nicolai adhuc extat cum aliquot ædiculis, reliqua occupantur vineis, hortis & vepribus. Ad hujus radices, prope Pacis delubrum fuit olim Curia Hostilia, eodie, quo Clodius à Milone castus cremabatur, tota igne combusta cum Basilica Portia illi vicina. Fecerunt etiam in monte Palatino multa templa diversis Diis sacrata: ex quibus unum fuit Victoriæ; ex cuius ruinis patet aspectus ad hortos S. Mariæ novæ. Apollo quoque ibi habuit templum, fulmine postea dejectum, cuius adhuc quædam vestigia videntur. Penates quoque suum fanum ibidem possederunt ad Veliam, quæ spectat forum

Romanum: in eo reposita erant simulacra, quæ Æneas ex Phrygia deportaverat in Italiam: verso Ilio: hæc in summa veneratione semper habita sunt à Romanis. Multaque alia in eodem monte fuerunt templa; quibus certus assignari non potest locus propter ruinarum implicatas ambages & confusionem. In eodem quoque Palatino multæ fuerunt splendida domus, ut Tarquinii Prisci, Ciceronis, qui suas à Crasso quinquaginta millibus ducatorum emerat, Germanus, domus Faustuli à germanis fratribus Remo & Romulo, qui illic fuerunt à Faustulo nutriti, qui casam incoluit, non procul à Græcostasi; Summa Velia, quod illic pastores soliti essent vellere lanas ab ovibus antequam tonsuræ modus innotuisset: unde lanæ à vulgæ vellera vocantur; Palatium Scauri, Græcostasis, ubi diversabantur legati diversarum nationum, qui Romam mittebantur; domus Valerii Publicolæ, quam una nocte solo æquavit, quod suspectus esset populo; Palladium, delubrum, in quo Palladium custodiebatur, simulacrum ligneum versatilibus oculis, quod Æneas cum penetibus ex Ilio transtulerat in Italiam, quod in templo Vestæ repositum est postea, & traditum custodiæ Vestalis virginis. Fuit quoque ibi templum Cybeles; domus Augusti Cæsaris, in qua ipse natus est, cujus ruinæ adhuc spectantur altissimæ; Bibliotheca palatina, item balnea palatina, in quæ derivabatur pars aquæ Claudie per aquæ ductus, qui adhuc hodie videntur in vinea Fædriæ Patricii Romani, versus Circum maximum; vestigia portæ veteris Palatii, quæ & porra Romuli dicta est. Ad radices montis Palatini, nempe ad columnas porticus Livie, vicinum videtur templum S. Theodosio dicatum: id olim conditum dicitur à Romulo, quo tempore bello Sabino Romani perterriti fugerent, eorumque fugam voto suscepto rex cohibuit, postea Jovi Statori consecravit.

In

Indescensu ad Circum Maximum occurrit statim locus depressior & excavatus: unde sub fornicibus amplis emanant aquæ copiosæ, ad quas mulieres suos pannos & linthea lavant, & hæ dicuntur esse fontis Nymphæ Juturnæ in Velabro. Fornicatum vero illud opus, quod subterraneo ductu longe protenditur, pars est cloacæ maximæ, quæ à Tarquinio structa est, ut esset receptaculum omnium foridum urbis, quæ per subterraneos meatus ferrentur in Tyberim. Incipiebat enim hæc cloaca ex Foro Romano ad Jovis Statoris ædem, deinde per Velabrum porrigebatur in Tyberim. Cujus amplitudo tam lata fuit, ut facilime sub ejus fornicibus currus onustus ageretur. Legimus Censores aliquando vendidisse cloacæ hujus immundicias, ad stercorationem agrorum, sexcentis ducatorum millibus. Quod cum objectum esset Imperatori, respondit: Odor lucri bonus ex re qualibet. Chia vica nunc vocatur. Illi vicinus erat Lacus Curtius, à Curtio dictus, qui se in voraginem præcipitem dedit armatum cum equo, ut averteret pestilentem aerem, qui ex ea exhalabat, & Romam contagio malo infestabat. Prope cloacam maximam locus fuit Numæ Pompilio sacer & mysticus, in quo ne spueri quidem licebat ulli. In hoc loco Gallorum Senonum cineres reconditi erant: nunc Dolioli vocatur: propter dolia sive vasa fictilia, quibus cæcorum cineres continebantur, sepulta.

Ex omnibus Circi maximi ornamentis nihil fere superest præter loci circumscriptionem integram, qua ejus amplitudo facile cognoscitur, longitudo nempe trium stadiorum cum dimidio, latitudo vero trium jugerum: capax erat hic Circus ducentorum & sexaginta millium hominum, alii restringunt ad numerum CL. millium. In eo loco Romulus primos edidit ludos Circenses in raptu Sabinarum.

Verfus Palatinum restant crebri porticuum fornices, quibus fedilia erant reposita, & testudines plurimæ, secundum Circi ductum, quæ putantur fuisse officinæ negotiatorum, quibus venales merces exponebantur populo, qui frequens conveniebat ad spectacula. Alii existimant, fuisse lupanaria, in quibus habitabant meretriculæ corpore quæstum facientes. Huic Circo templum habuit conjunctum Neptunus, ad Palatini radices, post S. Athanasie delubrum: cuius adhuc aliqua videntur ruina, incrustata conchyliis marinis. Fuerunt etiam in hoc Circo erecti obelisci duo, quorum major, præter basin, longus erat pedes centum & triginta duos, omnium, qui Romæ erant, maximus.

Naumachie locus, ubi Romana juvenus se in exercitiis navalibus exercebat, hodie ostenditur, ubi crebra aquarum lacunæ sunt & arundinum carecta. Vbi & aquæ illæ, quæ super Circo per canalem circa murum fluunt, pars sunt aquæ Claudia:

Ad lavam viæ Appiæ partem ingens Septimii Severi moles attollitur. Nullum hoc ædificio fuit altius Romæ. Septisoliū vocat Plinius, quod septem solaria contineret; nunc Septizonium dicitur. Hoc ab Imperatore fuit erectum in tantam altitudinem, ut navigantes ex Africa in Italiam hoc spectare possent è mari, & ejus cineres (qui in apice supremo hujus molis erant repositi) adorarent: erat enim Severus natione Afer. Ex tanto ædificio Septisoliū, quod olim septem contignationibus in altum extollebatur, tres tantum nostro tempore restant contignationes; quæ longa antiquitate videntur nutare, & ruinam minari.

Via Appiæ, quæ ab Appio Cæco senatore, lapidibus durissimis primum strata est, reliquæ quædam monstrantur in viâ præcipue, qua itur Neapolim prope Privernum &

Circa-

Circum promontorium: Via nova autem dicitur ea pars viæ Appiæ, quæ à Thermis Antoninianis ducitur usque ad portam Capenam: propterea quod id totum spatium pavimento novo stratum est ab Antonino Caracalla, dum suas extruxit thermas, quæ sub Aventino & regione Piscinæ & templi S. Sixti sitæ sunt. His nullæ videntur Romæ magis integra præter Diocletiani.

Via nova ab Antoninianis thermis, qua reditus patet ad viam Appiam, est porta Capena, à Capena urbe vicina Albæ longæ. Alii Camœnam portam nominarunt à delubro Camœnarum, quod non procul fuit ab hac porta, dicta est triumphalis, quod per eam olim duo Scipiones triumphis sollemnibus Romam inveci sunt; & novissime Carolus V. Rom. Imp. Paulo III. regnante triumphans devictis Afris urbem ingressus est. Porta hæc hodie dicitur S. Sebastiani: à templo eidem Sancto consecratò, quod abest a porta duobus passuum milibus ad cæmeterium Calixti. Erecta quoque sepulcra magnificentissima ad hanc viam, magno numero utrinque, adhuc fere integra. Ad dextram Almonis rivi, qui Romam influens sub Aventino Tyberi insinuat, aedificium altum est & rotundum, quod ex inscriptionibus inde erutis probatur fuisse sepulcrum Scipionum.

Appia via ad dextram relicta occurrit sacellum rotundum, quod vocatur Domine quo vadis. Eo loco divo Petro Romam fugienti metu persecutionis occurrisse Christus dicitur: cui cum Apostolus dixisset, Domine quomodo vadis? Romam, Christus respondisse fertur, ut iterum crucifigat: Juxta hoc sacellum multe sunt sepulcrorum ruinæ, ubi, ut & in aliis plurimis locis, sub fornacibus integris cellulæ conspiciuntur, in quibus ordine concinno plene cineribus mortuorum urnæ repositæ sunt. Ad hanc viam etiam paulo ulterius

terius ad sinistram adhuc extant parietes, ex costilibus lateribus: qui pars sunt templi, Fauni & Silvani. Atq; in eadem via ad dextram partem non procul a Sancto Sebastiano, aliud templum, olim Apollini sacrum, visitur, integrum quidem sed ornamentis vacuum, in quod opiliones suos noctu aut per æstus recipiunt, greges. Hinc ad sinistram in vicinos campos sese extendit via: in qua vix quadraginta passibus ab hac Apollinis aede, inter fentes & dumos obscuro loco caverna est subterranea, cujus aditus, propter arbuta & lapidum acervos vix conspicitur: sed postquam in interiora hujus loci fueris ingressus, videbis fornices arte diligenti constructas, quæ utrinque habent repositoria oblonga, decem aut duodecim pedum, in quibus olim recondabantur mortuorum Christianorum corpora, quibus solenniter aut aperte non licebat suos funerari. In harum fornicum subterranearum recessu remotiore sunt adhuc crebræ cellulae, & quasi locorum receptacula lampadibus applicandis idonea. Sub his cavernis obscuris & amplissimis, vulgo asseritur Christianos olim habitasse, & secreto latuisse; dum sub Imperatoribus persecutiones crudelissimæ excitarentur & hodie hæc loca dicuntur Stantie di Christiani.

In templo S. Sebastiani, quod est ad viam Appiam, descenditur per gradus in speluncas subterraneas, quæ Cataumbæ vocantur, in quibus olim tyrannorum metu Christiani latebant, dicunturq; illic quadraginta pontifices martyrium sustinuisse, ac cum his centum & septuaginta quatuor millia martyrum mortem pro religione Christiana tolerasse: uti ex inscriptione apparet, quæ ad principium descensus applicata est. Locus summa veneratione colitur, plenusque est pavore propter profunditatem & tenebras. In eum subire sine facibus aut lucernis non est tutum; neq;
ultro

ultro citroque vagari sine periculo quis potest: tam diversi videntur utrinque cavernarum anfractus, & cuniculi sese in omnem partem protendentes, ut labyrinthi speciem præ se ferant. Adhibitis tamen facibus & accito conductore loci perito, tuto licet per spatiosiores meatum ad exitum pervenire. Sepulcrum vocatur Calixti. Inter cætera, quæ ibi videntur, nobis, ad altare sacelli lævi ostendi vestigia pedum Christi in lapide: quæ dicuntur relicta esse in monte, cum Dominus noster spectantibus Apostolis in cælum esset assumptus. Huic S. Sebastiani templo vicinum est templum Gradivi Martis, centum ingentibus columnis marmoris sustentatum; in eo olim hostium legati audiebantur, quibus in urbem introitum non permittebat senatus. Hujus templi pars major corruisse scribitur precibus Stephani pontificis, cum jussu Galieni cogeretur illic Marti sacrificare. Prope hoc templum servabatur Manalis lapis, quem Romani solenni pompa & ceremoniarum veneratione in urbem importabant, ut elicerent pluvias. Inferiori loco super via Appia videntur amplissima ruinae arcis prætoriae, ut putantur. Ad hujus arcis ingressum videntur sepulcrorum moles quadratae, pyramides obtusæ & solidæ. Inter has quæ est celeberrima, forma rotunda ex quadratis facta marmoribus candidis instar amplissima turris, intus concava, & parte superiore aperta, cujus muri crassi sunt circiter pedes viginti quatuor: ea mœnium angulo adjacet, in cuius circuitu incisa sunt marmorea boum capita, cute ac carne nudata, ut in sacrificiis fieri solitum erat, quæ continentur lemnicis & fasciarum involucribus, conjungentibus fructuum, florum ac foliorum congeriem (festones vulgo dicuntur) & in intervallis patinæ repositæ sunt sacrificiorum. Capita boum fere sunt ducenta, ideo Capo di Boi vocatur; volunt que

que antiquarij geminam Hecatomben factam esse in funere celebri Cæcilia Metellæ. Ad radices collis, in quo turris hæc ædificata est, si quis integrum versum heroicum pronuntiet, Echo admiranda eundem reddet integrum & articulatum sapius. Oætes ad minimum integre & postea aliquoties confuse. Nusquam gentium ejusmodi Echo auditur: quæ ideo tanto dicitur excitata artificio, ut in funere hujus Cæciliae plorantium, ejulatus, exclamationes & planctus funebres in mensum multiplicarentur, dum Hecatombe illa celebraretur duplex, & ludi funebres in honorem matronæ præberentur.

Sub hoc colle, loco depresso, sunt adhuc ingentes circi Hippodromi ruinae, omnium, quæ hodie videntur, integerrimæ, ubi sese curru, equitatione & quadrigis quotidie exercebant milites. Extollunturque hic altissimi muri, suis intervallis distincti, ubi erant stabula, quibus equi clauderantur, edocebanturque ad certamina equestria, quæ in hoc Hippodromo exhibebantur. In planitie superiore super circo templum est integrum quadrata structura, cum suis columnis & porticu anteriore, id fuit olim sacrum Deo ridiculo. Quod Hannibal post stragem Cannensem, qua ceciderunt civium quadraginta millia, cum ad urbem obsidendam copiis victricibus properasset, eo loco castra posuit, audito risu effusissimo perterritus abiit, & obsidionem urbis reliquit, in qua si pertinacius institisset, ut erant omnia metu ac pavore consternata, sine magna difficultate potuisset Roma potiri. Romani post ejus discessum Deo ridiculo consecrarunt sanum.

Non procul à porta Latina erectum est templum rotundum in honorem S. Joannis Evangelistæ, qui dicitur eo in loco cruciatus oleo & igne. Inde ad portam Gabiensem
itur,

itur, quæ, sicut & Latina, muro clausa est & obstructa. A dextra conscenditur ad Cœlium collem, qui olim Querquetulanus dicebatur, à quercuum frequentia, antequam illum inhabitarent Hetrusci. In Cœliolo templum Sancti Ioannis Evangelistæ olim Dianæ sacrum fuit; hic Cœliolus appendix Cœlii est. In summitate Cœlii templum est rotundum, Sancto Stephano dicatum à Simplicio Pontifice, quod fuit olim Fanni sumtuosissimum delubrum: sed temporis injuria, semidirutum, restauratum est à Nicolao V. in ea forma, quæ videtur hodie. Curia Hostilia fuit olim, ubi nunc est templum S. S. Ioannis & Pauli versus Septizonium Severi. Albanorum mansiones in ea parte Cœlii fuerunt, quæ spectat Aventinum, ubi hodie situm est templum Sanctæ Mariæ in Dominica, prope quod videtur aquæ ductus aquæ Claudiæ. Castra peregrina, ita dicta (in quibus diversabantur sub Augusto navales copiæ, quas Imperator ad Misenum detinebat) olim fuerunt, ubi hodie est templum quatuor Coronatorum. Palatium Constantini Magni, cuius adhuc magnificentissima supersunt ruina, fuit inter portam Gabiniam & Coelimonianam, nunc S. Ioannis dicitur. Lateranorum Basilica nomen suum retinet, sedes olim Pontificum Romanorum, cuius se vocant Episcopos; sed postea ducti amœnitate collium Vaticanorum, in eum locum se contulerunt, ubi palatium celeberrimam incoerunt cum templo S. Petri conjunctum. In hac Lateranensi Basilica locus ostenditur orbiculato ædificio & altissimis fornicibus. Locus hic vocatur Basiliscus Constantini. Fama est Constantinum Magnam lepra laborantem, suam medicorum voluisse lavari in sanguine puerorum, atque ideo sumptuosum hoc ædificium præparasse; sed monitum ab Angelo in somnis, ut aqua baptismi ablueretur in nomi-

ne Iesu Christi Dei veri, quem Helena ejus mater colebat; Imperatorem obtemperasse monitis caelestibus & baptizatum fuisse in eo labro porphyritico, quod adhuc in medio Basilisco videtur. Sed fides sit pene lectorum; neque enim verisimile est, ad tam barbarum nefas patrandum tantis sumptibus exstructurum fuisse eum hoc ædificium, quod potius tegi & celari oportuit, quam vana ostentatione publicari; quid quod ab Episcopo Nicomedensi baptizatum tradunt historiae, cum in Asiam venisset. Puto itaque fuisse balneum Laterani Palatii, quod eousque protendebatur.

Huic ædificio vicina sunt ad dextram sacella sacra, in quibus multa marmora preciosissima, quibus parietes intricati sunt, conspiciuntur, & columnæ Hierosolymis adportatae Romam. Ad sinistram duæ sese attollunt columnæ marmoris flavi Mischij, quæ manu vestibus confriatae & attritæ, suavissimum emittunt odorem, qualis est violarum cum lilio. De iis diversæ narrantur fabulæ, à Regina Æthiopum Salomoni donatas, & alia plurima pleraque inepta & ridicula.

In templo Lateranensi summorum Pontificum ossa sunt recondita: ubi omnia ex marmoribus preciosissimis facta sunt tanto studio & industria, ut nihil usquam gentium videri possit absolutius. Ad summi chori latus sinistrum parieti applicata est tabula ænea, characteribus antiquis leges & senatusconsulta sub Vespasiano referens. Sub hac tabula est tumba sepulcri Laurentii Vallæ, qui Canonicus erat hujus templi. Ante chorum erectæ sunt quatuor ingentes columnæ æneæ opere concavo, sed quæ repletæ sunt, ut vulgus asserit, terra sancta, quæ ex sepulcro Christi Romam advecta est. De his columnis dissimilia narrantur.

In Basilica Laterana, quæ integra est, & antiqua, cænaculum est Rotæ amplissimū: in quo Pontificum & Senatus Ecclesiastici, Cardinalium & Archiepiscoporum habebatur consessus, cum de rebus magnis tractandum esset. Tres illæ portæ altissimæ & marmoreæ, quibus in cænaculum patet ingressus, ex prætorio Hierosolymitano sunt advectæ. Inde per amplissima deambulacra relicto S. Mariæ Gratiarum sacello, super scalis sanctis duæ sunt cathedræ ex porphyro pertusæ, de quibus non parvi equidem nominis auctores tradunt Pontifices eligendos (postquam Ioanna mulier sexum virilem mentita, pontificatū adepta fuerit) antehac in illis consedis, quibus admota manu sub cathedra per exploratorem virilia tractata fuerint, cumque comperitum esset marem esse alta voce exclamarint: *Testiculos habet, dignus est papali corona.* Quinetiam pompas sacras, quæ quotannis solenni ritu ducebantur ex Vaticano in Lateranum templum, propterea nunc divertere ad templum, S. Clementis, declinantes locum illum, in quo fama est, Ioannam peperisse, sacellum nempe exiguum illud, prope xenodochium Lateranum ad muros hortorum constructum. Ridicula sunt hæc: fides ergo est penes lectorem. Inde descenditur per gradus marmoreos summæ reverentiæ ac devotionis; erant enim gradus Prætorii Hierosolymitani, per quos Christus virgis cæsus Pilati iussu sanguinolentus populo est propositus, & in iis craticulæ aliquot æneæ deauratæ videantur applicatæ marmori, quæ guttas sanguinis servatoris tegunt. Tanta in veneratione habentur, ut piaculum morte dignum haberetur, eos pedibus contingere. Geniculatim per hos ad altiora loca conscenditur, suntque ita excavati vestimentorum attritu, ut cum difficultate maxima consistere quis in iis possit; propterea ad latus alii gradus

das lapidei sunt erecti, per quos commodè ascenditur & descenditur. Eodem in loco super gradibus sanctis columna albicans marmoris demonstratur; in duas partes divisa ab epistylia ad basim: ea parieti adhaeret, & creditur fuisse ad ingressum Sanctuarii templi Salomonis, quæ Christo in cruce Spiritum Deo Patri reddente cum velo templi rupta est & in partes separata. Ubi patet ingressus in Sancta Sanctorum, sacellum est summa veneratione cultum, in quod nulli licet mulieri introire: in eo servatur arca foederis, virga Aaronis, mensa eorum Dominicæ, Manna sacrum, umbilicus & præputium Christi, eiusque sanguinis phiala una, spinæ aliquot ex ejus corona, clavus unus integer, quo Christus affixus est cruci, frænum equi Constantini Magni, quod confectum fuit ex duobus pedum clavis, nam ex quarto conflata est lamina, quæ diademati aureo Imperatoris appositæ est. Eodem in sacello ostenduntur plurimæ reliquiæ, quæ summa devotione à Romanis observantur:

In ultima montis Coelii parte templum est S. Crucis in Hierusalem, olim sacrum Veneri & Cupidini: in eo servatur pars crucis Dominicæ, & crucis titulus scriptus linguis tribus, denarius unus ex triginta, quos Iudas proditor recepit pro precio venditionis domini, & alia plurima. Ibidem est sacrum sacellum subterraneum, ab Helena Constantini matre conditum, in quod semel tantum quotannis patet ingressus matronis.

Prope ductum aquæ Claudiae, versus Coelum, Xendochium est Lateranum opulentissimum & rebus omnibus, quæ ad excipiendos hospites, cujuscunque conditionis aut status sint, instructissimum. In eo sunt cubicula, quibus principes & nobiles excipi possunt commodissime. Pharmacopolarum apothecæ, refertæ sunt omni genere medica-

men

mentorū exquisitissimorū: neq; quicquid potest excogitari, quod ad agrorum necessitatem conducere possit, quod ibi non inveniatur, & officiose omnibus præstetur. Idque in causa est, ut multi nullius rei indigentes, cum in morbos inciderunt, eo se deportari curent, ac propriis impensis curari.

Paulo ulterius se offert stupenda illa & admirabilis Amphitheatri moles. Hoc Colisæum vulgo vocatur, à Colossæa statua, quam Nero illic crexit centum & viginti pedes altam. Hujus Amphitheatri tanta fuit altitudo, tanta amplitudo, tam concinna structura, ut nihil admirabilius Romæ videri possit. Triginta servorum millia tantum opus perfecerunt spatio undecim annorum. Capax fuit octoginta septem millium hominum, qui commode in gradibus & subsellis possent sedere & spectare ludos, qui mediâ cavea quotannis exhibebantur. Ad sinistram erectus est Constantini Magni triumphalis arcus, à Romanis positus post devictum ad pontem Milvium Maxentium. Exstat adhuc integer cum suis victoriis & statuis. Ante Colisæum super via, qua itur ad arcum Titi Vespasiani, ædificium est altum & arcum, testudinatum & acutum in speciem pyramidis rotundæ: Hoc vocabatur Meta sudans: quia inde manarent aquæ copiosæ & uberes, ex quibus bibebat populus, qui in Amphitheatrum ad publica spectacula conveniebat. In palatio Massæorum, quo ab Amphitheatro, Capitolio ad lævam relicto, recta itur, plurima videntur antiquitatis monumenta, epitaphia, inscriptionesque, & ejusmodi reliquiæ priscae venustatis, quæ mirifice delectant peritorum artificum, & literatorum hominum oculos, & ingeniunt excitant.

A posteriori parte templi S. Apollinaris antiquissimi prope domum Cardinalis Paceci Hispani, quod olim Apol-

lani sacrum fuit, templum est S. Augustini, in quo Monicæ eius matris sepulcrum ostenditur. Amplissimum illud forum, quod à templo Apollinaris, & palatio Ducissæ Parmensis, usque ad Gallorum templum, quod S. Ludovico dicatum est, extenditur, nunc in Agone dictus, circus fuit Agonalis; in quo Agonalia certamina, & agonales ludi, in honorem Iani à Numa Pompilio celebrari cœpti sunt. Thermae Alexandrinæ, Hadriani & Neronis ibi postea constructæ sunt.

In ædibus Episcopi Sauli prope Agonem, in canaculo ostenditur caput M. Tullii Ciceronis. Apud Alexandrum Ruffinum prope templum S. Aloysii, simulacrum est Julii Cæsaris armatum, & quasi colossæum, cujus crura sunt ocreis antiquis eleganter circumducta; è regione est Octavius Cæsar ejusdem altitudinis & vestimenti. His duabus statuis vix Romæ quicquam spectatur rarioris artificii. Inter templa S. Eustachii & Minervæ videntur ruinae quadratæ & longæ, reliquias quidam asserunt esse templi boni Eventus, qui colebatur ab antiquis, ut consiliorum & rerum, quas homines peragendas aggrediebantur, felicem & expectatum finem largiretur. Eius statua formabatur habitu plebeio, læta facie, dextra tenebat craterem, sinistra sertum ex spicis.

Fornices illæ rotundæ & altæ, quæ spectantur eo loco, qui Ciambella dicitur; partes sunt reliquiarum thermarum M. Agrippæ. Prope quas Nero quoque thermas ædificari curavit sumtuosissimas, quarum vestigia cernuntur satis ampla à posteriore parte templi S. Eustachii.

M. Agrippa prope suas thermas construxit templum architectura & sumtibus admirandum, Nullum in urbe antiquius, nullum integrius aut splendidius exstat hodie. Hoc quia Diis omnibus sacraerat Agrippa, Pantheum vocatum

carum est: hodie dicitur S. Mariæ rotundæ delubrum. Est que omnino sphericum seu rotundum, caret fenestris, lucem admittit ingenti orbe, qui apertus est in summitate fornicis. In medio locus est profundus, & crate aenea tectus, ad excipiendas aquas pluvias. Fuit olim laminis argenteis coopertum; sed Constantinus Heraclii nepos eas abstulit cum reliquis urbis ornamentis, quarum loco restitutæ sunt plumbæ à Martino VII. Aditus olim ad portam patebat gradibus septem, qui templum in circuitu cingebat; nunc unde eum ad eam descendit. Unde apparet, quantum ex ædificiorum ruinis solum urbis accreverit. In hoc Pantheo sepultus est Raphael Sanctius Urbinas, pictorum nostri seculi princeps.

Non procul à Pantheo Minervæ suum habuit templum, quod occuparunt hodie Dominicani, retento nomine antiquo: vocatur enim S. Maria della Minerva. In eo pauca videntur antiquitatis monumenta, præter paucas inscriptiones, quæ in repositoriis aquæ lustralis & altaribus leguntur.

A posteriore parte S. Mariæ rotundæ, cum descendis à via lata, eo loco, ubi Jesuitæ habitant, erectus est arcus antiquus, rudis, & omni ornatu nudus, qui Camillianus vocatur. Hunc à Camilio extractum putant, sed falso: nam primum sub Imperatoribus hæc opera publice sunt excitata.

In domo Nicolai Stagni, prope arcum Camillianum, retro Minervæ templum, est Herculis statua nuda, cujus caput tectum est leonino ricu, corio circa collum involuto: quæ nisi pedibus careret, posset reponi inter præstantissimas, quæ tota Roma servantur, columnas. In domo Pauli de Castro demonstratur caput Socratis, cum toto pectore & alia multa notatu digna, quæ spectatorem mirifice recreabunt. Pro-

pe arcum Camillianum super platea jacet pes collosseus ingentis magnitudinis : qui indicat altitudinem monstruosam, & artificium stupendum statuæ, cum esset integra. Omnia illa, quibus olim forum Nervæ erat exornatum, aut vetustate perierunt, aut alio translata sunt; proinde parva admodum ejus hodie extant vestigia, sicut & Fori Trajani, quod fuit inter Capitolium, Quirinalem & Forum Augusti. Ex quibus ornamentis Fori Trajani sola columna cochtis superest, quæ notas manifestas præbet imperatorii splendoris. Alta est pedes 128. præter basim, quæ cum columna efficit 140. structa est lapidibus viginti quatuor, tantæ vastitatis, ut opus videatur non ab hominibus sed à gigantibus perfectum, singuli lapides sive partes columnæ, continent gradus octo, per hos patet ascensus ad superiora, per interiorem partem concavam, lumen præbent ascendentibus fenestellæ 44. Nihil potest usquam gentium, videri admirabilius, nihil magnificentius. Erecta est in honorem principis, ut ostenderetur, quantæ altitudinis mons egestus esset in eo loco. Hanc columnam non vidit, erectam bonus Imperator, qui tunc occupatus detinebatur bello Parthico, & in reditu sanguinis fluxu mortuus est apud Seleuciam in Syria, ejusque corpus Romam translatum est, & in summitate columnæ pila aurea eius ossa recondita sunt. Duæ illæ columnæ, quæ videntur prope S. Mariæ de Lauretò templum, reliquæ sunt porticus Trajani.

Suburram, vicum patricium, Exquilias, arcum Galieni & macellum Livianum studio hic omittimus, quam minimum enim de eorum structuris hodie visitur.

Templum Iſidis, nunc S. Mariæ majoris (ad quod à templo S. Viti sursum itur) insignem habet structuram auro & marmoribus peregrinis selectissimis exornatam. Sustainetur

tur enim altissimis columnis marmoreis Ionicis. In eo sepultus est S. Hieronymus: ibi ostenditur imago Mariæ virginis, quæ creditur depicta à S. Luca Evangelista. Prope hoc templum sacellum est S. Lucæ sacrum, versus fanum S. Potentianæ: in cuius colle declivi fuit olim lucus lunonis summa religione sacer.

A templo quadraginta martyrum ad templum S. Clementis versus Amphitheatrum ruinæ sunt ingentes thermarum Titi Vespasiani, accius Palatii, in quibus adhuc amplissima spectantur ædificia subterranea, quæ dicuntur le fette Salé. Erant enim castella sive aquarum receptacula, quæ ad lavacra thermarum erant necessaria. In vineis adjacentibus Feliciorum visuntur adhuc integri fornices, in quibus picturæ Grottescorum apparent venustissima. Pertinebant enim concamerata hæc loca ad palatium Titi. Et in his reperta est illa Laocontis statua cum duobus filiis, quæ in palatio Vaticano Pontificum cum tantâ spectantium admiratione demonstratur.

Prope templa SS. Juliani & Eusebii, moles quædam lateritia & alta extollitur, in qua fuerunt castella aquæ Marcianæ: in huius molis superiore parte erecta sunt trophæa, hoc est, armorum & spoliolum congeries alligata trunco arboris. Hæc omnia sunt ex marmore posita bello Cimbrico in honorem C. Marii: quæ cum Sylla everisset, à Julio Cæsare sunt restituta in integrum.

In vineis prope S. Eusebium, à posteriore parte trophæorum Marii magnæ sunt ruinæ thermarum Gordiani: prope quas idem Imperator splendidum crexerat palatium, quod ducentas habuit in duplici ordine columnas marmoreas. Sed de iis omnibus, præter ingentes murorum spondas nihil videtur admodum notabile, cum ex iis postea ad

nobilium domos translata sint omnia ornamenta.

Per portam Tiburtinam sive Exquilinam, quæ nunc S. Laurentii vocatur, sumtuoso aquæ ductu introducitur in urbem aqua Martia, quem primum Q. Martius extruxit, postea verustate consumptum restituit Agrippa: deducebatur hæc aqua per millia triginta quinq; antequam urbem contingeret, & per campum Exquilinum derivabatur ad thermas Diocletiani, & ad loca vicina; salutifera enim fuit, ideo potui civium maxime accommoda.

Paulo ulterius pons est Mammeus, sic dictus à Mammea Iulia matre Alexandri Severi Imperatoris, cujus impensis pons est restaurat⁹: nunc vulgo vocatur Ponte Mammo. Via Prænestina ab hac porta Exquilina ducebat Prænestem, & ab hac quoque oriebatur Labicana via, quæ ad Labicanos, hoc est, ad Valmontonem ferebatur.

Rars illa Exquiliarum, quæ est prope templum S. Laurentii in Fontana, vocabatur Clivus Virbius, prope quem Faguralis erat lucus, ad quem Servius Tullius habitavit, ibique dictus est vicus sceleratus, quod in eo Tullius à genere casus est, & per patris mortui corpus filia currum agere iussit aurigam, & hic sceleratus vicus habebat suum principium ab hoc loco plano, & extendebatur usque ad busta Gallica: ubi Galli Senones casti cremati & sepulti sunt per Camillum; locum hodie vocant Portogallo, ubi structum est templum S. Andreæ ad busta Gallica: vicus hic sceleratus vocatus est & Cyprius. In summitate vici scelerati, Teluris templum antiquitus ita dictum, hodie S. Pantaleoni dicatum est. Ex ruinis arcus triumphalis Gordiana constructum est templum S. Gregorii in Damaso. Vestigia templi Silvani prope S. Agathæ templum, ampla hodie videntur. Porta Viminalis hodie porta S. Agnetis vocatur. Remotius

motius aliquanto in via Numentana, pons est Numentanus, à Narsete Eunuchò constructus, ut docet inscriptio. Nero Imperator inter hanc portam Numentanam & Salariam, habuit suburbanum ædificio singulari, quod Liberto donavit. & in eo supplicium publicum metuens, pugione sub papillam adacto, adjuvante Sporo liberto, sibi mortem conscivit. Hujus suburbanii aliquot ruinae sunt adhuc superstites.

Porta Querquetulana hodie clausa est; extra quam videntur moenia erecta forma quadrata: reliquiae sunt castelli, in quo diversabantur milites, qui custodiae Diocletiani Imperatoris erant destinati.

In dorso Viminalis admirandae vastitatis & sumtuositatis videntur Diocletiani thermæ semidirutæ; nullæ tamen in urbe sunt magis integræ. In his construendis quadraginta Christianorum millia, per annos quatuordecim servili more dicuntur esse vexata. Hodie vocantur allé Terminé; & locus ille subterraneus (qui dicitur la botta di Terminé) castellum est sive receptaculum aquarum, quæ ad lavacra erant necessariae. Ad has thermas magnificentissimum struxerat palatium Diocletianus; quod testantur ruinae testudinataque ædificia adhuc fere integræ, & ingentes columnarum bases, quæ ibidem inventæ sunt. In eo fuit illa celebris Bibliotheca Ulpia in qua libri servabantur Elephantini. In harum thermarum parte dextra, Bellaiani sunt horti amoenissimi; in quibus videntur plurimæ statuae artificiosissime suis loculis applicatæ, & in deambulacris dispositæ. Muri fere omnes, Punicis, & medicis arboribus, cedris, cyparissis, myrtis & lauris in speciem peristromatum concinne lecti, non mediocrem voluptatem præbent. In alia thermarum parte postrema, ubi elevata sunt ædificia concamerata & ampla (quæ vocantur le Botté) templum est S.

S. *Annæ*, quod olim fuit sacrum *Quirino*. In eo enim loco *Romulus* in cœlum antea translatus, *Proculo Julio Alba* redēnti creditur apparuisse: propterea illi à senatu divini sunt honores tributi, & templum positum. Totus ille clivus vocabatur olim *Vallis Quirinalis*, quod in ea *Romulus Proculo* venit obviam, & varia cum eo communicavit.

Vallis illa, quæ est inter *Diocletiani* thermas, & templum *S. Mariæ majoris*, continuit *Olympiadis* balnea, quorum adhuc vestigia demonstrantur non procul à templo *S. Laurentii* in *Palisperna*. Juxta delubrum *S. Pudentianæ* sunt adhuc multæ ruinæ balnearum *Novati*. Ubi vero ædes est *S. Vitalis* ad principium montis *Quirinalis*, olim fuerunt balnea *Agrippinæ* matris *Neronis*, cujus ibi adhuc extant ruinæ. In templo *S. Laurentii* in *Palisperna*, demonstratur marmor ingens summa veneratione & religione cultum, in quod *S. Laurentii* corpus assatum & ustulatum repositum est post eius mortem.

In via ad montem *Quirinalem*, quem hodie vocant *Monte Caballo*, occurrunt horti *Cardinalis Carpensis*, qui omni ornamento antiquitatis pleni sunt, his enim nihil tota *Roma*, imò si ausim dicere, tota *Italia*, videtur amœnius, nihil magnificentius. *Neapolis* multos habet hortos insignes fontibus, herbis & arboribus, maxime *Toletanos*, qui *Chiaia* vocantur, sed propter amœnitatem situs & aquas uberes, frigidas & salubres, pauca habent antiqua. In his *Carpensibus* nihil desiderari potest, nihil excogitari ab homine, quod non reperiat: tanta magnificentia ædificiorum, tanta marmorum peregrinorum varietas, statuarum excellentia & pulchritudo, inscriptionum numerus & diversitas (quarum plusquam *CXXXVI*. numerantur diversis figuris artificiosissime sculptæ) ut omnia ad miraculum & delicias

quam in Paradiso aliquo proposita esse videantur. Antea cætera fontis illius congrua concinnitas, & artis admiranda singularis perfectio, reliqua omnia quæ ibi spectantur videntur præcellere. Quæ etsi à diversis auctoribus summis laudibus celebrata sint, præsentia tamen famam videntur superare.

In monte Quirinali sunt horti magnificentissimi Cardinalis Ferrariensis, quibus nulli videntur Romæ arborum diversarum cultu splendidiore, & adificio mirabilis artificii, quod ex arboribus confertis simul & implicatis labyrinthum efficit. In dorso Quirinalis colossæ sunt duorum virorum statua, quæ frænis duos ingentes equos marmoreos impediunt. Ab his equis mons Caballinus vocatus est. Et hos fama est Romam advectos à Tyriditate Armeniorum rege, dono datos Neroni, qui ut regem peregrinam Romano splendore exciperet, Pompeii theatrum, in quo ludos exhibuit, laminis aureis tridui tantum spatio sterni curavit. Quam magnificentiam non tam admiratus est rex barbarus (qui non ignorabat Romanam esse receptaculum divitiarum totius orbis) quam diligentiam & solertiam artificum, qui tam brevi tempore tantum operis potuissent constare & perficere. E regione harum statuarum vastissima conspiciuntur & altissima testitudines, quæ sunt reliquæ Oratorii Neronis, quod cum suis hortis habuit conjunctum. Spondæ enim murorum ingentes ab hoc loco per clivum usque ad inferiorem Quirinalis partem, ubi est palatium Liviæ Columnæ, protenduntur, quæ satis indicant magnificentiam & amplitudinem domus imperatoris; in cujus elatiore parte, altissimum sese extollit frontispicium, quod vulgus vocat il Fronton di Nerone. Ex hoc Nero spectavit urbis incendi-um, quod ipse per incendiarios secreto excitaverat, & Chri-

fianis imputavit, ut eos in odium senatus populique adduceret: edictoque publicato quotquot Christum fatebantur Deum, comprehensi, & in Neronis hortis flammati sunt, & crudelissime excarnificati.

Videntur in alia Quirinalis parte, arcus, fornices & cellæ subterraneæ plurimæ: ea omnia sunt thermarum Constantini Imp. reliquiæ; Sacellum Neptuni in vineis Bartholinorum, Balnea Pauli Æmilii, vulgo Bagnanapoli, quorum exiles supersunt reliquiæ, Domus Corneliorum, hodie, illico de Cornelii: & templum S. Salvatoris de Cornelii, quod olim fuit Saturno & Bacho sacrum; Alta Semita, hodie porta S. Agnetis. Fuit & ibi Suburra plana, & paulo remotius templum Silvani. In apice Quirinalis, fuit templum Apollinis & Clatræ, & sacella Iovis & Junonis, Capitoliumque vetus: horum nulla fere supersunt reliquiæ. Forum & domus Salustii non fuit procul a templo S. Susannæ, eo loco, qui dicitur hodie Salostrico. Videtur ibi adhuc obeliscus parvus literis Ægyptiacis signatus, qui dedicatus fuit Lunæ. In descensu Quirinalis versus forum Nervæ, turris alta se extollit, quam Torre meza vocant hodie. Ea pertinuit ad Mœcenatis domum, ad quam hortos habuit cultissimos: & ad hos sapius se confertè solitus erat Augustus Cæsar, ut cum amico se oblectaret, dum se à curis gravioribus vellet extricare.

Non procul à turre di Comti sunt domus Aseam Margarozzi & Faryali Silvestris antiquitatum memorabilium monumentis instructissimæ.

Fanum Neptuni, quod olim dicebatur situm in eo loco, qui dicitur Ripeta: in eo naufragi tabulas suæ fortunæ soliti erant appendere, & vota suscepta pro sua conservatione solvere; nunc dicatum est S. Blasio.

In valle Martia ad templum S. Rochi videntur ingenia ædificia Mausolei Augusti. Hoc Mausoleum structum est ab Octaviano Cesare, ut in eo sepeliretur, ac post eum reliqui Imperatores ex familia Cesarum: eodem in loco prius erectum fuit Amphitheatrum sive Circus a Julio Cesare, quem Augustus in sepulcrum convertit: hujus circumferentia cernitur adhuc fere integra & superstes, opere per rhombos distributo. In domo Fr. Sonderini ostenditur statua Pasquini spectantis Anteam mortuum: hanc maxime commendat Michael Angelus. In hac mole Mauseoli duo fuerunt erecti obelisci, singuli pedes XLIII. longi: quorum unus jacet fractus in via Flaminia ante templum S. Rochi: alter semisepultus terra cernitur in hortis posterioribus. In hoc tractu fuerunt olim: Circus & porticus Augusti, lucus Deorum Manium, sepulcrum Marcelli, nau machia Domitiani, vallis Martia, & via Flaminia.

Extra portam Flaminiam inter hortos Franciscus Ragaterius habet cultissimum & elegantibus simulacris ornatum hortum. Ad hanc viam Julius III. vineam extruxit, cuius ornamenta sumtu & magnificentia superant ea omnia, quæ Romæ conspiciuntur. Ad principium hujus vineæ erectæ sunt, in palatio magnificentissimo, multæ imagines senatorum & patitiōrum virorum. Fons quoque positus est in eodem loco, in quo nescias an magis ingenium artificum, quam sumtuositatem & splendorem Pontificum laudare debeas.

Sunt & alia ædificia in collibus vicinis extructa, addeambulationes æstivas: quorum quod est celeberrimè, in montis cacumine, duos habet obeliscos erectos cum pyramide altissima, cui sphericum horologium superimpositum est: in coventorum omnium signa summo notata artificio designant.

signantur, & discrimina singulorum cognoscuntur. Ad hoc palatium hortus est amœnus, spatiosus, & alto muro circumctus, quem inscriptiones antiquæ & marmora diversis sculpta figuris exornant, numero centū & ultra. Ibidē sunt duæ statuae præcii maximi, una Termini, alia Suria, sive Naturæ. Huic ædificio vicin⁹ est alter hort⁹ superiore paulo amplior: vitium concamerationes altissimæ fulciuntur & sustentantur terminis marmoreis antiquis octodecim, qui vice columnarum serviunt: ex Græcia Romam adportati sunt fere omnes. Paulo ultra Pons Tyberi superpositus videtur, quem Ponte Mole vulgus vocat: erat antiquis Pons Milvius, ad quem habito conflictu cum Maxentio Romæ tyrannidem occupante Constantinus Magnus victor evasit: tyrannus vero in fluvium cum equo se dedit præcipitem, ne in hostis potestatem veniret, & in triumphum duceretur, ludibrioque populi ad supplicii poenas traheretur. Hac victoria salus & libertas urbi restituta est & in rei memoriam Imperatori bene merito, victori ac triumphatori, conditus est ille arcus, qui adhuc integer superest inter Coliseum & Septizonium Severi.

In summitate vallis Martiæ occurrit arcus Tripoli, vel di Portogallo. Fuit hic arcus olim Comitiano sacer, incultus & rudis, neque ullum habet ornamentum, præter Domitiani imaginem, quam tamen nonnulli asserunt esse Claudii Imp.

Templum S. Laurentii in Lucina fuit olim sacrum Junoni Lucinæ, nomenque antiquum retinuit: in hoc antiquitas puerpera & prægnantes post partum vota solvebant; quod Deæ beneficio liberatæ essent, & infantibus superstribus vita esset servata.

In via Flaminia, quæ vocatur Strada del Popolo, domus

mus sunt aliquot, in quibus multa videntur statuarum antiquarum, ut: Domus Pauli, Pontii, Francisci Aragonii, Card. Sarmonetti & Ambrosii Lillii.

Campus Martius planitiem eam totam complebat, quæ à Quirinali protendebatur usque ad pontem Xistum & Tiberim. Non procul à templo S. Laurentii in Lucina, in cellis vinariis multarum ædium, videtur ingens obeliscus, qui medio campo Martio fuerat erectus; literis & notis hieroglyphicis illustris, quem ex Hieropoli transferri Romam iussit Augustus Cæsar, cum duobus aliis, quos statuit in Circo maximo. Hunc longum centum & decem pedes scribit Plinius, atque in eo interpretationem Philosophiæ Ægyptiorum contineri.

In ea campi Martii parte, quæ vocatur hodie la piazza di Sciarra, Antoninus Pius erexit altissimam columnam cochlidem, altam pedes CLXXV. fenestellas habet LVI. quæ lucem præbent intrinsicus. Quidam asserunt esse coniectam ex XXVIII. lapidibus. Pars illius exterior continet res gestas Antonini sculptura figurarum excellenti ab hac vocatur ille locus in Colonna.

Undecim illæ columnæ altissimæ, quæ ad templum S. Stephani in Truglio conspiciuntur erectæ, sunt reliquæ porticus, quam Antoninus Pius struxerat in suo palatio. Inter columnam cochlidem Antonini, & fontem aquæ virginis erant septa campi Martii. Erat autem is locus vallatus tabulato denso, in quem conveniebant populus suffragiaturus, quando magistratus erant eligendi. Collis ille qui aliquantulum eminentior tollitur in Campo Martio, inter Antonini columnam & S. Laurentii in Lucina (quem hodie Monte Acitorio nominant) fuit antiquis mons citatorum: in quem ex septus se recipiebant singula tribus post la-

ta suffragia. In eodem colle fuit Curia, quæ Villa publica dicebatur; in qua recipiebantur hostium legati, quibus non licebat urbem ingredi, vel in Græcostasi diversari.

Haud procul hinc est fons aquæ virginis, humili & de presso aquaductu per Campum Martium influens; hodie fontedi Freio dicitur. Et hæc sola ex omnibus aquis, (quas tantis sumptibus & aquæductibus, tam sumtuosis antiqui principes in urbem introduxerunt) remansit superstes ad usum civium. In hoc Campi Martii tractu sunt ædes aliquot, ut: Pompilii Nari, Gaddiorum, Desiderii Vrsari, Antoni Gabrielis, in quibus multe visuntur antiquæ statuæ. In primis vero palatium Cardinalis Carpenfis: in quo tot statuæ, tot inscriptiones videntur, ut mirari nemo satis possit studium tanti viri in exquirendis iis, quæ ab antiquitate pervenerunt ad nostra tempora, magna omnium doctorum utilitate & voluptate. In primis repositum est ibi in quodam cœnaculo Veneris nudæ corpus, cujus artificium superat reliqua omnia, quæ Romæ sunt: id si esset integrum, nulla esset toto mûdo statua, quæ huic conferri posset, neque abs re creditur esse Veneris Cnidæ toto orbe celebrata. Prope hanc Venerem est juvenis non minoris artificij, in quo tanta est membrorum proportio, tam elegans & pulposa musculorum convexitas, ut sculptorum & omnium artificum oculos cum summa admiratione fixos detineat. In alio Musæo huic cœnaculo contiguo statuæ duæ sunt, Satyri & pueri plorantis: quibus nihil perfectius tota urbe conspici potest, nihil elaboratius aut artificiosius; multaque præterea omnis generis, quibus Romæ nihil possidet magnificentius, nihil admirabilius.

In colle Pinciano; à Pincio senatore ita dicto, fuit sepulcrum Domitiorum; in quo Nero sepultus est. In elatio-

re collis parte videtur arcus sive concameratio fornicata, quæ olim fuit pars templi Solis. Prope quam est templum S. Trinitatis, à Ludovico XI. Rege Gallia structum. Non procul abhinc jacet obeliscus ex lapide Thasio factus cum hac inscriptione: *Sibi Sacrum*. Prope Collinam portam non procul à templo Susannæ Salustius habuit hortos amoenissimos & splendidas ædes, quarum ruina adhuc sunt superstites in ea valle, qua itur ad portam Salariam. In media horrorum parte videtur obeliscus non adeo magnus, literis signatus Ægyptiis hieroglyphicis, qui Lunæ sacrus est. Locus adhuc hodie vulgo dicitur Solostrico. Campus sceleratus sive via scelerata (in qua Vestales virgines, quæ stupro violatæ erant, viva defodiebantur) complebat id totum spatium, quod est à portâ Collinâ sub adibus & portis Salustianis, usque ad portam Salariam.

Extra portam Quirinalem, ad sinistram viæ Salarie partem, fuit ruina templi Veneris Erycinæ: cujus festum solenibus ceremoniis celebrabant matronæ pudicæ, Augusto mense, ad simulacrum Veneris Verticordiæ, quæ maritos uxori⁹ credebatur reddere placabiles & benevolos: ad hoc templum fiebant Iudi agonales, unde porta nomen sortita est.

Paulo remotius super Anienē pons est adhuc integer, quem longa inscriptio docet à Narsete structum fuisse. Ad hunc pontem Annibal imbrium inundatione vehementi vexatus, obsidione soluta, castra removit ab urbe & discessit. Paulo inferius Tyberi miscetur Anien: ibique Torquatus Gigantē Gallum superavit, & ab ejus collo torquem aureum detrahit, à quo nomen postea accepit.

Cæterum (hoc obiter) prope Tybur inter Anienis arenas leguntur amygdala, anisum, feniculum, & alia plurima

petrificata, quæ circumferuntur pyxidibus in conviviiis, ut matronæ & cōvivæ deludantur, existimâtes esse ex saccharo facta tragemata, quæ vocantur passim confette da Tivoli & superioribus annis corpus hominis interfecti & coniecti in Auienem adha sit radicibus arboris, quæ fluvii ripam ingrediebantur, factumque est longo temporis intervallo, ut corpus à putrefactione conservatum, in lapidem sit conversum.

Ad portam Salariam demonstrantur reliquæ templi antiqui, quod Honori sacrum fuit, & domus illius sive suburbanæ, in quo Nero Imp. adjuvante Sporo cuspide sub pappillam adacta se interemit, ne in manus & potestatem senatus veniret, qui illum poscebat ad supplicium.

Sub hortis Carpensibus plurimæ sunt camerae & fornices obscuri, & longo ordine producti: hos nonnulli volunt esse officinas, in quibus conficiebatur & elaborabatur minium: alii malunt eum locum adsignare habitaculis meretricum, quæ eo se recipiebant tempore Floralium ludorum, qui celebrabantur in circo. Floræ fornicibus his adjacent.

Sub Quirinali monte sunt ædes Buffalorum, parvæ quidem, si conferantur cum majoribus illis palatiis Cardinalium & principum virorum, sed qui cæteris non cedunt omnino ornamento antiquitatis. Hortulus est confitus diversis herbis rarissimis, & arboribus palmis, cedris, malis Punicis ac medicis, myrtis & aliis. Palmæ enim videntur Romæ multis in locis, sed nullæ gerunt da Cylos præterquam eæ, quæ sunt in horto S. Mariæ del populo, & S. Mariæ in Transyberis. Huic hortulo fons est additus, ex rophis marinis efformatus affabre in speciem rupis naturalis, tantæ pulcritudinis, tantorum sumtuuum, compositionis tam raræ, ut nihil specio-

speciosiusquam videri possit. Disposita sunt diversis in locis conchilia pretiosa, quæ margaritarum referunt splendorem, & ingentes cochleæ Indicæ ludicissimæ, colore iridis & unionum. Poræque hæc rupes artificiosa venustissime regitur lauris, cedris, tamariscis & altis arboribus, quæ præbent umbram fonti subjecto; sub quibus simulacra sunt tria Musarum elegantissima, & Caracallæ Imperatoris, qui pallio marmoris corogatis testus est. Disposita sunt undique signa, quæ suis è loculis extant, ut Demetrii, Maximini, Philippi, Claudii & aliorum. Ex rupe fontis ejaculantur aqua limpidiissima, per tubos & canales arceos mirando artificio. Litostrotum ex marmoribus compactum est exquisitissimis, opere tessellato, ex chalcædónico, porphyro, alabastró, thiasio, pario, ophite, Marmaridum & Æthiopiùm lapidibus. Opus summa admiratione dignum: quodque, licet multo minus sit, pulchritudine tamen & artificum inventione potest conferri cum fonte Iulii P. M. qui ad portam videtur Flaminiam. In summa, quicquid in domo patricij hujus civis spectatur, dignum rege & opulentissimo putat princepe.

En habes hic, Laconica quidem brevitate, urbis Romæ monumenta ac memorabilia pleraque, partim integra adhuc, partim eorum ruinas. Consulio autem omisit statuas atque effigies pictas aut sculptas, nisi quæ singularis alicujus essent artificii, ne videlicet nostra in immensum excreset narratio; ob id etiam potissimum, quia pleraque statua, quæ passim in patritiorum aut aliorum civitum primariorum adibus cernuntur, quos nimirum representant, non possunt dignosci. Hoc enim malum semper fuit Romæ, propter nimium rerum antiquarum studium, ut qui statuas non potuerunt emere integras, partes earum maxime

capita sacrilege contracta & a corporibus avulsa sibi vendi-
 cariunt. Hinc fit ut passim non agnoscantur corpora sine ca-
 pitibus, & raro quoque capita sine corporibus. De concla-
 vibus et quoque multorum Cardinalium, nobilium & civium
 opulentiorum, in quibus servatur infinitus numismatum
 aureorum, argenteorum & aeneorum numerus: toreumata
 excellentiū artificum ex diversis metallis Onyches, Sardo,
 ni, Cornallini, Lazulii, Amethystæ, Topazii, Berylli, Cyani,
 Pyropi, Hyacinthi, Saphyri, Crystallini lapides castati & si-
 gnati capitibus Deorum, Imperatorum, virorum illustrium, di-
 versorum animalium, herbarum & arborum, variaque em-
 blemata continentes, hæc præterire satius putavi, cum im-
 possibile sit singula enumerare, vel enumerata explicare:
 quod præterea hodie (propter fraudes multorum malorum,
 qui clanculum multa furto turpissimo subtraxerunt) paucis
 aditus præbetur ad hujusmodi secretiora loca. Multique
 timent ignotis ea communicare, quæ conjuncta sunt cum
 multis statuis, tabulis ac picturis nudis & lascivis: quæ etiam
 à vitis ecclesiasticis servantur, propter artificium & operis
 venustatem & excellentiam. Nonnulli autem sunt, qui ma-
 lignitate depravati seculi, post reditum in patriam proterve
 suis annumerant & narrant, scriptisque publicant, quæ vide-
 runt, ut invidiam, dedecus & contumeliam concitent pos-
 sessoribus, à quibus comiter & perhumaniter sunt excepti,
 beneficiorum immemores ingratitude pro gratia refe-
 rentes. Hæc malignitas in causa est, cur hodie domibus no-
 bilitatis pauci admittantur, nisi commendatione amicorum
 id contingat, aut longa familiaritate, & usu communicatio-
 nis quotidiana eos, quorum fidelitatem & ingenium per-
 spectum habent, in musæa sua admittant, & amice commu-
 nicent, quæ habent pretiosa. Hinc fit ut virorum malorum
 ingra-

ingratitude viris bonis sit opprobrio & damno inastimabili impediaturque studium iuventutis, & comitas caritasque omnium refrigeretur, aut plane extingatur.

Ceterum de Venetiarum urbe, qua & ipsa adificiorum structura rerumque memorabilium splendore ac magnificentia insigniter eminet, sigillatim omnia, quae ibi videntur, memoratu digna, percurrere, nimis longum foret. Sufficiat dixisse, naturam ipsam vires ac potentiam suam in illam effudisse, imo urbis domus extruxisse, undasque cohibuisse, ne in perniciem Venetiarum maris fluctus altius assurgant aut evagentur. Omnium vero maxime memorabile quicumque illic videre desiderat, petat is sibi monstrari ipsorum armamentarium, quod lingua sua Arsenalis vocant. Locus is patet ad duo millia, in quo bellica omnia instrumenta adseruantur, triremes nauesque incredibili numero, indiesque construuntur, planeque ego crediderim, Venetos omnibus praefectos in instruenda numerosa ingenium triremium ac amplissimarum navium classe, munitiones ac tormenta bellica infinita habet. In iumentum excresceret oratio, si altissimas turres, splendidissima templorum aedificia atque ornamenta, magnificas palatiorum atque aedium structuras, areas siue planities amplissimas, iuxta atque iucundissimas recensere vellem. ne quid dicam de multifariis artibus & commerciis, quibus urbs haec facile totius mundi urbes praecellit, legibus civilibus sapientissime constitutis, decore utriusque sexus, aptitudine morum civilium. Tempus & oratio me deficerent, si singula prodigiosa tepersequi oratione

conarer.

CAPUT VII.

*De utilitate, propter quam aliquando homines
in unum locum coeunt.*

MAXIMUM momentum ad promovendam atque conciliandam hominum cum hominibus adeoque loci alicujus habitationem habet utilitas, quæ vel maxime spectatur ab iis, qui locum aliquem incolere secti deliberant, proinde hac deficiente, non est quod speres, te multitudine incolarum urbem aliquam amplificaturum. Nullius siquidem auctoritas tantæ apud homines est estimationis, ut, nisi proposita utilitatis spe, unus hominis auctoritatem atque arbitrium sequantur.

Sed neque necessitatis tantum est protelum atque incentivum, siquidem collectio hominum talis coalescit duratque in plurimos annos. Necessitas vero, cum violenter agat, nihil producit durabile atque perpetuum. Quo fit, ut non solum civitates, quæ vi coactæ primum confluxerunt, verum etiam principatus ac dominationes violenter constitutæ, non diu durent, aut certe accessione civium ac incolarum minime augeantur. Proinde haud incommode conferri possunt torrenti è clivis sylvarum agorumve defluenti nec habenti scaturiginem unde continuum habeat effluxum. Ut igitur facile succrescit, ita etiam facile decrescit; facile itinerantibus incurrit timorem, facile etiam vicissim eximit. Exemplum satis luculentum præbent Tartari, qui Asiam diversis vicibus hostiliter invaserunt, Alexander Magnus, Attila, Tamerlanes Magnus, Carolus VIII. & Ludovicus XII. Rex Galliarum.

Causa enim harum vicissitudinum talis assignari potest. Natura nostra sic comparata est, ut in rem suam cum sit intenta, sui que emolumentum studiosa, illa coactionis vincula,

cula, quibus vi metue constringuntur homines, facile disrumpat. Consimiliter enim ut plantæ, tametsi telluri satis alte defixæ, nisi tamen ventorum spiramine, pluyiarumq; humiditate foveantur, arescunt atque intermoriuntur; sic cohabitationes hominum vi coactæ, nulla emolumentia licuius spe proposita, facile flaccescunt ac diffociantur.

Sed neque sola loci amœnitas tanti est momenti, ut ob eam tantum multitudo hominum coalescat; homo enim ad labores natus est, ac natura aliquid operatur, hinc est ut plures negociiosi quam ociosi ubique reperiantur, atq; horum otium in negotiantium artibus & scientiis fundatur, laboreque ipsorum fruitur. Amœnitas enim nisi habeat adjunctam comitem, lucri aut emolumentia licuius fructu, nihil æstimatur.

Cum itaque utilitas principalis imo principalissima causa sit, propter quam homines coalescunt, hominumq; multitudo facile succrescat, & vero diversimoda utilitatis ratio sit, videndum nunc est, quænam ad multitudinem inhabitantium cogendam atque conciliandam accommodatissima sit: dicendumque, eam in loci situs opportunitate, soli fertilitate, atque apportandi a vehendique commoditate sitam esse. De quibus omnibus sigillatim deinceps ordine tractabitur.

CAPUT. IIX.

De locorum situs aptitudine.

Congruam locorum rationem eam appello, quæ ita disponit apportandi deportandique facultates, ut plurimis gentibus idonea fiat in commerciis, quorum copia est, a vehendis, quorum defectus, apportandis, conditio. Eiusmodi locus, qui æque his opportunus atque illis, de utrisq; æque participat, quorum æquam servat proportionem, ita ut exinde opum affluentia pari utrinq; ratione mire exere-

scat & dilatetur. Quod si veroneutrum horum contingat, tamen si locus a vehendis apportandisque mercibus commodissimus simulque per necessarius sit, nisi tamen ibi fiat, qui commerciis dent operam, illac quidem peregrini transibunt, neutiquam tamen commerciorum gratia, cum nulla ibi vigeant, commorabuntur. Derbentum, in mari Caspio urbs sita, accommodato loci situ ita convenit in Tartariam & Persiam navigationi, ut an magis possit competere, quis dubitet; neque tamen inquam laudis nomen aliquod egregium hæc urbs adeptæ fuit. Hoc qui fiat, merito quis querere possit. Non aliam profecto causam invenio præter eam, quod nulla ibi vigeant commercia: sed transitum duntaxat præbeat mercatoribus, qui non ut negotiosi institores, sed ut viatores illac transcunt atque hospitantur. Et ut un o verbo dicam, necessaria quidem, ac sibi parum utili, rebus ita stantibus loci aptitudine sita est.

Propter eandem causam, in Alpium angustiis, quæ majori ex parte Italiam cingunt, media nunquam, multo minus amplissima civitas coaluit, quam creberrimum mercatoribus Gallis, Helvetiis, Germanis atque Italis illac sit iter, & nusquam ferè viatoribus vacet.

Idem dici potest de plerisque aliis locorum opportunitatibus. Quam enim accommodam arbitraris Susam ex India solventibus & per mare rubrum Cayrum navigantibus? Quam necessarias D. Jacobi insulas, Palmam, Terzeram, Portugalsium & Hispanorû transfretationibus in Indiam, Brasiliam, Americam &c. putas? In prædictis tamen locis nulla unquam ætas hominum laudati oppidi mentionem fecit. Ipsum quoque accidit Daniæ & Suediæ interjectis insulis, idem quoque inter mare Germanicum & lacum Subsolanum interpositis. Vlyssinga loco situque Anglis ac Flami-

Flaminiis reliquisque non parvis nationibus tam idonea sita est, ut eius opè nullatenus ad commerciorum hinc illinc transportaciones carere possint: Nunquam tamen quantumvis commoda, urbs hæc celebritate commendata fuit, sed in pristino semper statu permansit. Contra Venetorum & Genuensium urbes passim inclaruerunt, quoniam exterarum gentiũ opes ignotas sibi copiosissime apportatas commercantur, & non ut transitus peregrinatis, sed ut nobilissima emporia variarum gentium sunt, & frequentissime invisiuntur. Eadem ratio est Lyfaboræ, Antverpiæ & aliarum urbium. Concludimus itaque ad incrementum civitatis alicujus ac populorum, non modo eam opportunitatem, cuius carentia esse nequit: verum etiam quæ finitimis nationibus ac populis magnopere proffit & congruat, requiri.

CAPUT IX.

De fecunditate soli.

CAusam etiam inter alias non exiguam civitatum incrementis præbet terræ fertilitas, in qua sitæ sunt. Cum enim hominis vita duabus possimum sustentetur rebus: victu scilicet & amictu, & utriusque horum æquum ex terra comparatur subsidium, non potest non soli fertilitas eximium ad hæc emolumentum conferre. Quo autem ipsius terræ fecundior gleba, eo potior ad nostrum institutum fiet accessio. Et cum non omnis ferat omnia tellus, ea demum felicissima, atque ad conciliandam accessionem accommodatissima est ratio aut civitas, quæ rerum plurium abundat copia; hinc enim fit, ut minor sit eorum, quibus abundant alij, indigentia. Quæ sola causa sæpe permultos movet, ut patria relicta sedes exteras quærant. Hinc finitimis facilius ea, quorum apud nos copia superfluit, suppeditantur, quare ducti alij populi relictis suis sedibus eo se conferunt, ubi omnium rerum affluentia constat atque percipitur.

Sed neque sibi fertilitas per se & simpliciter ad civitatum populorumque incrementa satis est. Multæ siquidem sunt regiones, eaque fertilissimæ, quæ tamen oppidorum incolarumque numero minime abundant. Sic Piemontu, quamvis omnibus Italiæ regionibus, frugum, vini, jumentorum aliorumque esulentorum fertilitate, facile superior sit, incolis tamen minus abundat. In Angliâ, excepto Londino, nulla est civitas memorabilis, licet ea natio omnium rerum copia atque ubertate abundet. De Galliâ idem verum est; sola Parisiorum urbs & amplitudine moenium & multitudine civium præstat, quantumvis non in usque adeo fertili aut commodo solo sita sit. Non enim tanta ibi est æmœnitas, quanta Toureynæ urbe, non tanta rerum abundantia, quanta Xantonge aut Pojectiers; nec tanta fructuum varietas quanta Landedocke, nec tanta maris commoditas, quanta est apud Normanos, nec tanta vini copia, quanta apud Burgundos, nec tanta frumentorum ubertas, quanta apud Campanos, nec invenio, in quo sit æquiparanda civitati ac provinciæ Orliens: quinetiam jumentorum multitudine Britannis ac Burges provinciæ facile cedit.

Ex quibus perspicuum evadit, fertilitatem solam ad conciliandam incolarum multitudinem minime sufficere. Cujus ratio hæc est; siquidem incolæ, qui omnium rerum ubertate fruuntur, eaque soli fertilitate gaudent, urbi non singularum rerum ad sustentationem vitæ humanæ affluentiam, sufficientiam tamen penes se habeant, de aliarum nationum frugibus, adeoque ijs, quæ in commercia veniunt, parum sunt solliciti, ijsque, quæ patriam suppeditat solum, contenti, alienarum mercium rerumque, quarum in vita communi usus est, asportandarum curam plane abjiciunt, ac potius intra, quam extra patriam victui student, omne-

inneque extravagantiae studium intermittunt. Nam quorum Anticyrasna viget ad consequendas gazas, quibus patria uberrime affluit? Omnium autem eorum, quibus abundamus, precium eo praestantius, quo hominum moderatior est affectio, & quo minus voluptatum illecebris sunt delectantium ingenia.

Itaque exinde consecrarium est bonorum affluentiam non sufficientem esse causant ad societatem populorum contrahendam: sed requiri insuper singularem congruentiam, modum ac rationem in unum locum cogendorum: quod per idoneam facilemque adportandi deportandique conditionem, de qua in posterum dicemus, fieri aptissime poterit.

CAPUT X.

De apta advehendi deportandique opportunitate.

Hæc aptitudo partim terra, partim mari haberi potest. Terra quidem, quo superficies ejus magis est plana, eo facilior: quandoquidem merces & quidquid demum mercatorium est, exiguo negotio huc illucve possunt transportari: quod fit variis vehiculorum generibus aut enim esse, quæ equorum gestatoria sunt, aut perorito, aut id genus aliis adminiculis advehuntur devehunturque. Idonea quoque profectio hominum magis tum est pedibus, caballis, rheda, aliisque modis, ubi nempe iter est planum.

Cæterum Portugaleses memorant, maximam in regno China esse camporum amplitudinem, in quibus soleant aurigari incolæ expansis velis, non secus ac li navigiis veherentur; id quod & in Hispania quidam paucis abhinc annis tentavit. In aulis vero advehuntur devehunturque merces atque adeo ipsi insulares, quando remigiorum pondus sustinere aqua moles potest.

Inter duo hæc vehendi commoda, utrum præferendum sit, docet usus. Absq; dubio navale iter terrestri multo prævalet: non propter facilitatem modo, sed & propter velocitatem. Nam appense breviori mora, parcioreque impensa ac minore negotio, onerosiora quæque de loco in locum maritimo transvehuntur navigio, quam plaustrali in terris rota.

De aquis navigabilibus jam ut dicamus: Primo sciendum non eodem pariter modo se habere aquas: nam aut natura sic constituit & ordinavit eas, ut sunt mare, flumina & lacus, aut opera artificioque humano huc illucque sunt deductæ magno labore & impensis; ejusmodi sunt canales & alicubi stagna à stando sic dicta, quale erat Mircum Ægyptium, cujus ambitus quadringenta & quinquaginta millia-ria parva continebat.

Ex quibus satis coniecere licet, quantam omnium rerum conditor Deus Opt. Max. in omnibus rebus, hominum rationem habuerit, & præcipue in usu aquarum. Est enim aqua elementum omnium maxime tñ ad vitam, tum etiam ad victum necessarium. Nam etsi aer magis præcordia spiritusque animales & vitales fovet, naturales tamen partes ac regiones corporis, aquarum fontes magis desiderant, eorumque usum majorem in omni cibo ac potu sentiunt; quin etiam Deus ter Opt. Max. aquas noxias ab innoxiiis, certis quibusdam notis distinxit. Aqua enim quæ est motu velocissima, limpidissima aspectu, levissima pondere, facilissima concoctu, ab ortu solis ad occasum incitata, habetur omnium saluberrima; quæ ubi deest, ingenium humanum, instillante omnium rerum opifice excogitat artes, quibus aqua insalubris, per fistulas arenosas aut alio modo diducta & quasi decolata, purior & subtilior adeoque salubrior redditur.

tur. Sed & præter hunc usum, etiam alium maxime necessarium aquarum usum esse, nempe ad transportandas omnigenas merces, ex superioribus satis liquet. Sic enim divina ordinavit providentia, ut cum hominem animal sociale omnesque homines unius tanquam universalis cuiusdam corporis membra esse voluerit, sua dona sic dispersit sit, ut non omnibus ex æquo rationibus omnium rerum affluentiam concesserit: sic enim fit, ut dum alter alterius eget adminiculo, mutua illa animorum connexio coalescat. Id autem quo fieret compendiosius, aquarum fluctus ita divina sua & inscrutabili sapientia ordinavit, ut ad onera sustinenda adjuti ventorum statibus & rudentum velorumque adminiculis facillime quæcumque transportare possent. Hoc medio facta est orientis, occidentis, meridiei, septentrionisque apra dispositio atque amica conglutinatio. Parum ergo obstat, quo minus dicamus, omnem tellurem omnia æque producere, propter commodam illam avehendi advehendique huc illuc oportunitatem.

Nunc, ut ad aquarum descriptionem propius accedamus, affirmandum censemus, mare ad ante memoratas commoditates esse apertissimum, & mercibus hominum de loco in locum transmittendis maxime congruam, secus vero lacuum reliquorumque fluminum navigationes: idque non modo ob immensam ejus magnitudinem, sed & propter gravitatem & ponderositatem tantæ aquarum molis. Admodum tamen parum in mari proficiscis, nisi habeas portus amplissimos, naviumque stationes tutissimas. Illos quidem, ut minus navis illidatur: has vero, ne procellarum turbulentiæque impetuositatibus percussatur concutaturve.

Cæterum omnium fere concors sententia est, Favonium omnium ventorum esse placidissimum, minusque ab eo
navi-

navigantibus imminere periculum, atque ad ejus compositionem ac cessationem, omnem maris tempestatem subito conquiescere. Contra vero Aquilonis impetuosissimum esse flatum didicerunt, quibus aliquando marinae tempestates exploratae fuerunt: in tantum enim, ajuunt, septemtrionales hosce ventos concitare fluctus, ut requiescente etiam earum flatu, aliquandiu tremant, fluctuantque huc illucve unda: quod summo salutis cum periculo in Venetiani maris sinu saepe numero navigantes experti fuere.

Porro portus marinos aut natura ipsa, artificiosissima operum conditrix, primitus struxit, quales visuntur Messinae & Marsiliae; aut ars sive industria humana obices quasi, contra ventorum impetus fruit, quales visuntur Genuae ac Palermi.

Sed & lacus, qui quasi exiguorum marium numero atque appellatione habentur, vel maximum possunt conferre ad conciliandam incolarum multitudinem; pro ratione nimirum cujusque loci amplitudinis variarumque commoditatum, quae ibi spectantur. Sic ad lacum Mexicanorum, in nova Hispania, qui ad nonaginta miliaria parva extenditur, quadraginta plus minus urbes populosissimae sitae sunt, è quibus amplissima urbs Themistitan, potentissimi hujus regni metropolis, ambitu suo tria miliaria magna comprehendit.

Fluminum praeterea usus non mediocris est, eorum praesertim quorum lata est derivatio, praesertim per opulentas regiones, quales sunt; Padus in Italia, Scaldis in Flandria, Ligeris & Sona in Gallia, Danubius & Rhenus in Germania. Atque pari ferme modo, quo lacus cum marinorum sinuum conyallibus, quarum fabricatrix natura est, comparantur, ita canales & aquagia, ut vocant, quod ex uno lacu sive flumine in alium deducuntur, veris fluminibus opera

humana-

humana æmula assimilantur. Antiqui Ægyptiorum reges fossam è Nilo adusque Heroum urbem, quam dixerunt, duxere. Conati etiam sunt è mari rubro ad mare Meridianum canalem struere, atque ita nostrum cum Indico mari conjungere: quod cum in finem institutum, ut commoda navigatione mercimoniorum fieret transportatio, quo augeteret regni potentia. Nec semel scopulorum inter Tenedum & Chium perruptio & Ægei maris cum Jonico conjunctio attentata fuit. Sic Satrapas quidam Cayrinus aquarum ductus construi fecit, ab Euphrate fluvio in civitatem Alepo dictam. In Flandria hujusmodi passim visuntur multis impensis, & maximo labore constructi canales, quorum tamen impensas, opportunitas atque immensa emolumenta exinde fluentia uberrime compensant.

In Lombardia plurimæ civitates hanc occasionem summo studio & labore nactæ fuere: Omnium vero commodissimam ac fructuosissimam Mediolanenses. Etenim canali quodam, Romanorum haud inferiori ex Thesino & Verbeno lacu aquam ad se traducentes, maximas divitias, & innumeras exterarum nationum opes acquisiverunt. Alio deinceps canali ex Adda diducto quicquid frumenti ea tellus germinabat, facillime in horrea convexere. Quorû conditio porior adhuc foret, si Paviæ & Jureæ canales tandem aliquando sordibus atque impedimentis evacuarent. Inter hujusmodi autem aquarum ductus, & flumina, ea tandem ad deportandas merces maxime convenire censentur, quorum non modo per varias regiones est defluxus, quemadmodum supra dictum, sed & quorum maxima profunditas, composita lenisque fluctuatio, æqua latitudo, & deniq; spissitudo & densatio est aquæ. Profunda esse congruit. Aquæ enim profundæ majora ferunt onera, minusque imminet ab

ijs navigantibus periculum. Lenis non concitatus eorum æstus sit oportet; sic enim facili labore, quocumque libet, navium cursus dirigi queunt. Proinde aquagia ex Thesino, in Mediolanum traducta, non sunt tantopere commendanda: siquidem ob velocissimum ejus decursum, quæmaquæ præbent sinus, multo labore atque opere nautico remigibus in regressu opus est, & sæpissime longissimum tempus in adverso cum nausea & dispendio rerum teritur. Quod ad flumina attinet, artificis naturæ mira apparet lenitas, Gallia Celticæ & Belgicæ exhibita. Tam mansueta enim fluminū in Gallia Celtica & quæta est decursio, ut incredibilem navigantibus præbeat delectationem: pleraq; enim eorum in planitie scaturiunt, proinde minus concitato feruntur cursu. Sed neque intra montium convalles decurrunt, nec brevioribus cursibus finiuntur; verum aliquot centum milliaribus mira suavitate per planum defluunt. Quod ut tamce-
nissimum spectantibus præbeant spectaculum. Hic enim extenduntur, illic contrahuntur aut contorquentur, nonnunquam antrorsum, sæpiuscule retrorsum concinno cursu fluunt, adeoque exercendi veluti atque affiendi navigantes speciem præbent: & quod maximum est, hac flexione decursuque vario, innumeras urbes atque provincias aut focundant, aut victualia usibus humanis accommoda important.

Omnium vero Europæ nationum tractus ille Gallia Belgicæ, Flandria dictus, aquarum commoditatibus atque usibus maxime gaudet. Sunt enim ibi fluvii Scaldis, Mosella, Tenora, & Rura: quique tribus ramis diffuens in Rhenum effunditur. Hi totam illam regionem undiq; circumfluentes, immensis opibus propter idoneam navigationem, & incredibilem commerciorum frequentiam nobilitant.

Hac

Hæc una re supradictis regionibus multo est inferior Italia. Italia enim in longitudinem protenditur, angustus vero ejus latitudinis complexus montibus Apenninis in medio finditur: quod causa est, quæ intempesto cursu immoderate decurrant ibi flumina. Fluviorum Longobardicorum communis fere scaturigo est ex Alpibus, ut sunt Thesinum, Adda, Laber, Serio, & Adiga: vel ex Apenninis montibus, ut sunt Taro, Lenza, Panarus, Rhenus. Tam breviusculo autem feruntur cursu, ut torrentes potius rivulive sylvestres, quam fluvij appellandi sint: repente enim in Padum qui Apenninum atque Alpes interfluit, effunduntur. Exinde Solus Padus navigabilis hanc regionem universam præterlabitur secundum longitudinem, atq; hæc ratione nempe reliquorum fluviorum alluvie excrescit, & longitudine sua, dum cæteros violento influxu illabentes excipit, intempestos eorum cursus moderatur. Sciendum & hoc est, antedictos fluvios ob brevem decursum, maxima cum æstuatione sese in Padum quandoque evacuare, quorum affluxu velociore usque adeo Padus excrescit, ut etiam munitissimæ civitates in vicinia sitæ sibi ejus impetum summopere metuant.

Verum flumina, quæ intra Romanorum fines aliasq; Italiæ partes ex Apennino monte instar torrentium sylvestrium utrinque decidunt, recto cursu in Adriaticum Tyrrenumve mare feruntur; unde nulla mora sistendi cursum suum subitum illis datur, quo fit ut navigabiles nunquam efficiantur. Navicularum enim usus, qui in Arno fluvio aut Tiberi exiguo admodum decursu cernitur, nullius fere est momenti.

Cæterum plurimum etiam confert ad ferenda onera navigiaque transportanda spissitudo quasi ac densitas aquarum. Negari siquidem non potest, ad ferenda onera fluvios

alios aliis esse aptiores. Senna, Gallia fluvius mediocri amplitudinis, tanta sustinet onera, ut qui non viderit, incredibile existimet: certumque est ac indubitatum, nullum toto terrarum orbe inveniri fluvium, qui magnitudinis proportionem huic correspondens tanta sufferre possit onera. Et si enim mediocri duntaxat magnitudinis sit, omnia tamen quibus Parisiorum urbs, ædificiorum simul atque inhabitantium numero amplissima atque instructissima, opus habet, hoc mediante illuc invehuntur apportanturque.

Verum hoc loco non incommode quæri posset, quanam causa sit, quod ferendorum oneram in aquis dispar sit ratio: alia enim aliis ferunt majora atque graviora. Nonnullis ea placet sententia: quod nimirum ex aqua multum ex materia terrea habeant admixtum, per quam fluentes spissentur crassaque fiant. Sed horum opinionem redarguit Nilus, qui tantum materia terrea ac limosa secum trahit, ut in S. Scriptura non nisi fluvius turbidus appelletur: quapropter & unda ejus non est potabilis, nisi prius in cisternis bene perpurgetur: adhuc humiditate sua terram non modo perfundit & humectat, sed etiam pinguedine sua, instar cultura fertilem facit, atque excolit, neque tamen fluvius hic quantumvis amplissimus, ad sustinendum in vecta usque adeo est accommodus. Cui sententiæ astipulatur etiam Plinius loquens de obelisco sub imperio Cæsaris Romæ delato.

Potius ergo dixerim requiri ad hanc rem aquæ viscositatem magis, quam lutositatem. Illa enim quasi conglutinat atque conspissatur: & per consequens ad ferenda onera fit aptior.

Unde vero, (quærat porro aliquis) hæc aquarum diversitas oritur? Respondetur, ex duabus causis eam provenire. Primum ex ipsa scaturigine, quando nimirum è loco pingui,

pingui, putri ac viscoso scaturiens per locum ejusdem naturæ ac qualitatis decurrit. Fluvii enim naturam soli quod perfluunt, imitantur atque ad se attrahunt, quod ubi fuerit pingue ac viscosum, etiam aqua perfluens viscosa ac pinguis redditur, fereque olei naturam induit. Hæc ergo viscositas à decursu aquæ, lentiore tamen atque breviorè, existit. Quod si enim aquæ cursus fuerit concitior, omnis viscosa materia dissipatur, undaque subtilis ac rara efficitur. Ad cuius comprobationem vel unius Nili defluxum in exemplum traxisse sufficiat. Is enim in bis mille milliaria (juxta mensuram lineæ rectæ, juxta obliquam enim lineam longe plura computarentur) extenditur subinde per scopulos atque altissimas rupes perlabens, quo fit, ut frequenter spuma aut guttulæ instar pluvialium ob impetuosum decursum in superficie aquæ conspiciantur. Hoc modo Nili unda in tantum attenuatur, ut subtilis prorsus reddita omnem viscositatem penitus deperdat, quam tamen Germaniæ atque Galliæ fluvii retinent: quippe qui ut plurimum è locis amœnissimis scaturiunt, solumque pingue ac viscosum perfluunt, quo fit etiam, ut neque impetuoso ferantur cursu. Hanc veram esse & nervosam causam, declarat aquæ supra citati fluminis Sennæ: quod si manibus loricibus ad faciem atteratur ad instar smagmatis adhærescit & admirando ferme modo omnes naves & maculas eluit.

Cæterum & de aquarum latitudine dicendum aliquid restat. Ac primo quidem, ut fluvii sive canales, de quibus hic sermo est, satis amplam habeant latitudinem, id vel maxime requiritur. Sic enim naves commode possunt huc illuc moveri, sic invicem sibi obviantes cedere, violentasque collisiones declinare possunt. Hoc tamen addendum, ad hanc latitudinem necessario etiam requiri profunditatem.

Hæc enim si desit, ad institutum nostrum minime quadrat, nec ullam navium usum admittet latitudo absque profunditate. Hujus exemplum præbet Plata fluvius, qui ob nimiam latitudinem, ob vagum alveum inæqualiter profundus est, quin etiam salebrosis rupibus & parvis insulis abundat. Hanc ob causam flumina in Hispania minus navigiis frequentantur, quoniam lata est quidem eorum alvus, verum & plurimum salebrosa, proinde navigiis minus sunt accommoda. Atque hæc de fluviis dicta sufficiant.

Cum itaque aquarum commoditas tantum habeat momenti, ad conciliandam in locum aliquem hominum multitudinem, consequens est, eas etiam urbes esse præclarissimas, quæ fluvios habent navigabiles. Ac sane infinitus hic foret sermo, si de immensis commodis ac beneficiis dicerem, quæ urbes prope mare aliosve fluvios navigabiles sitæ præstant. Nam præter facilitatem exportandi atque importandi merces, accedit etiam opportunitas expugnandi hostes, itemque delectabilis vivendi ratio prope mare ac flumina, & perennis fructuum velut scaturigo, quæ à mari in urbem fluit. Hic enim situs lignea mœnia in portu adversus hostem habet, hic situs commune quasi forum orbis terrarum habet, hic situs amœnitatem maris & fertilitatem telluris affert, hic denique situs infinita bona ab exteris nationibus in urbem vehit. Est ergo urbs hoc situ fortior, & excellentior, amœnior est, est locupletior.

Cæterum ne quis existimet, data de portandi conditione, statim sequi ipsum urbis alicujus amplissimæ fundamentum atque perfectionem, tenendum est, aliquid amplius adhuc requiri. Necessè enim est, ut evidens aliqua subsit utilitas, quæ homines ad coalescendum alliciat, ut & supra dictum est. Sic ubi commoda advehendi deficit opportunitas, ibi etiam minus frequens est incolarum numerus. Per-

spicue

spicuum id est in montibus, in quibus multa quidem munitiones, nullæ tamen populosæ, conspiciuntur. Cujus hæc est ratio, quod ea, quæ ad vitæ humanæ sustentationem sunt necessaria, non nisi sumtuosis impensis & maximo labore apportari possunt. Quid causæ est, quod Fesula habitatoribus orba, Florentia vero eorum multitudine tantopere succrevit? Hæc nempe, quod Fesula loco sublimiori & fere inaccessio, Florentia vero in planitie adeoq; accessu facili, sita est. Eadem de causa quoq; ex Romanis civibus ijs, qui montem Aventinum incoluerunt, eo relicto in planitiem aut prope Tyberim sedes suas transtulere.

Unde vero illud? quod etiam ijs in locis, ubi commodæ sunt rerum transportandarum opportunitates, needum tamen loca illa incolarum numero abundant. Sic portus maritimi, qui sunt Messinæ, multo præstant ijs, qui sunt Neapoli. Duplo tamen major est Neapolis, si multitudinem spectes, quam Messina. Portus maritimus, qui est Carthagenæ, longe superior est Genuensi, Genua tamen celebritate, incolarum multitudine, omniumq; rerum affluentia Carthagenæ longe præstat. Ecquis vero uspiam portus amœnior ampliorve est eo, qui est Catharo? Neq; tamen unquam locus hic civitate aliqua insigniori illustris fuit.

Quid fluviorum præstantiam dicam? In Peru flumen Maragonne sese explicat, cujus defluxus (mirabile relatu) sex millia parvorum milliarium in longitudine continet, in latitudine plus sexaginta milliaribus expanditur. Ibidem Plata fluvius labitur, qui etsi longitudine fluctuationis Maragonnæ cedat, plus tamen aquarum in sese recipit; cujus latitudo in eo, quo in freta flexitur, loco, plus minuse centum & quinquaginta parvis milliaribus extendi narratur. In nova Gallia visitur flumē Canada: quod in latitudine ultra quinq; & triginta milliaria, in profunditate alibi ducentas
ulnas

ulnas complectitur. Africa similiter celeberrimi sunt fluvii: Senega, Gambea, Coanza: quorum posterior recenter in regno Angola inventus est, & ea, qua effluit parte, plusquam 35. miliaria continet. Neq; tamen omnium horum fluviorum ullus accolarum multitudinem est celebris. Ad Coanza fluvium vivunt in spelæis & cavorum arborum latibulis occultantur, in sodalities quasi, cancrorum marinorum, locustarum, & id genus animalium, quæ crebra consuetudine mansuefaciunt, & domant.

Asia noti fluvii sunt: Menan, qui ipsorum lingua, mater fluviorum vocatur, & Meicon, qui ultra duo miliarium millia navali itinere frequentatur. Similiter fere se habent Ganges atq; Indus, ut & alii fluvii, qui aliquatenus accoluntur. Aliter verò se habet Obio fluvius, qui tamen omnium ejus regionis fluviorum maximus, nulla civitatis alicujus amplioris conterminæ accolarumve celebritate & multitudine deprædicatur. Cumq; ea parte, qua in mare Scythicum effunditur, plusquam octoginta miliaria in latitudine contineat, non desunt, qui opinantur, mare Caspium in hunc fluvium effusum in mare magnum sese emittere.

His positis adhuc dubitatur. Cum dictum sit ex commoda oportunitate loci & deportationum conditione, magnitudinem urbis esse metiendam, qui fiat, quod his conditionibus apparentibus, effectus non semper respondeat. Videmus enim multas urbes, quæ tamen dictis commoditatibus aliis minime cedunt, amplitudine tamen urbium & civium ac negotiantium numero neutiquam sunt pares. Cujus ratio assignari potest, insufficiens nempe enumeratio requisitorum. Non enim sufficit comoda ultro citroq; transportandi opportunitas; sed præter hanc etiam aliud aliquid peculiare requiritur, quod homines ad mutuam societatem contrahendam alliciat. De quo subsequenti libello fufius agetur.

JOANNIS BOTERI
VRBIVM ORIGINE, MA-

GNITUDINE ET SPLENDORE
LIBER SECVNDVS.

CAPIT. I.

*Quarum rerum adminiculis effectum sit, locum aliquem
inhabitari frequentius & qualiter hac in re se-
se gesserint Romani.*

H Actenus DE OPORTVNO locorum situ, de soli-
feracitate, de commoda mercium com meatuumve
transportatione sicutum est, que omnia ad incremen-
tum civitatum summo opere conducere arbitramur. Jam
quod restat, de his etiam videbimus commoditatibus, qui-
bus allecti homines, inconditis alioquin præditi moribus,
flexiles, ac sibi ipsis consulere nescii, locum quempiam ele-
gerunt, quem potius, quam alium incolere maluerunt, Ro-
manos primum speciatim, deinde generatim cæteros po-
pulos considerabimus.

Primum ac præcipuum medium, quo usi primitus sunt
Romani, hoc fuit: ASYLUM, quod libertatis refugique se-
dem appellaverè, extruxerunt, omnibusque ad id confugi-
entibus immunitatem concesserunt. Cum enim Romulus
sinitimorum tyrannorum ac principum in subditos sævitiam
atque ferociam animadvertisset, asylum hoc extruxit, quo
isape vulgiansimos ad Romanam civitatem mirifice allexit,
facileque populosam reddidit; innumera enim fugitivorum
aut bonis suis ejectorum multitudo hominum eo con-
fluxit. Cæterum ex crescente virorum in urbe Romana mul-

titudi-

M

titudi-

titudine, cum mulierum copia deficeret, Romulus missis per Hetruriam, Sabinamque legationibus, omni studio dedit operam, quo finitimos populos & matrimoniorum iure sibi devinceret, & urbis suae populariumque atque ad venarum propagationi una consuleret. Cum vero illi utramque rem inimice invidenterque negarent, quod ægre ferrent novam urbem in caput ipsorum crescere, eaque ratione conarentur procreandis liberis obviam ire; sic artem arte lusit Romulus. Ludos se vovisse Neptuno cum similitas esset, ad eos publice celebrandos vicinas invitavit urbes, spectaculo publice indicto. Igitur plurimi eorum mortales concurrissent cum uxoribus ac nubilibus puellis, ubi tempus visum est, dato signo iussit Romulus ab ijs, quibus demandatum id fuerat, virgines rapi, quos post conjuncta sibi Hersilia, inter populares distribuit, celebratis solenni more nuptiis. Nam & ante nuptiarum diem honestissime eas habendas curavit, & ipse blande appellando, dum vim excusat, ac prolis cupiditatem in causam vocat, prætexitque honestum culpa titulum, solari eas omni arte conatus est. Atque hæc sunt imperii Romani principia; quamque prudenter à Romulo excogitatum sit & actum, exitus ipse ac tanti magnitudinis imperii declaravit.

Eadem fere ratio hæc nostra tempestate Genevensium civitatem tantopere adauxit, quippe qui omnibus passim Gallia atque Italia ob religionem eiectionis hospitium præbuerunt. Huc referri potest urbs illa Germaniæ (Francorum vallem dicunt) permissu Casimiri Comitum Palatini noviter extructa à Belgis, qui ob religionem patriis sedibus eiectionis fuerunt.

Cosmus dux magnus Toscanæ, cum Portum Feraio populis complere vellet, omnes exules patria sua propter commissam

missa flagitia eiectos; facta sponfione libertatis susceperit; qua re ingentem hominum multitudinem collegit. Hunc postea secutus Franciscus Casimirus filius hæres, Pisam & Livonium inhabitari curavit. Illud vero, quod supra monui, diligenter est animadvertendum, neque necessitatem, neque vim aut potentiam satis habere virium ad conciliandam in locum aliquem incolarum multitudinem. Etenim populus in unum locum coactus similis est semini trajecto in arva arenosa, in quibus ad maturitatem nunquam potest exerce-

scere. Ut autem de asylo aliquid adhuc attingamus: certum est, immunitatem alicujus loci vel aliquam, ad conciliandam incolarum multitudinem maximum habere momentum. Hinc est quod civitates liberae plerumque sunt populosiores ac ferè ampliores, quam ea, quæ principibus subsunt, etiam si in cæteris utrinque consentiant.

Porro alterum adminiculum, quo Roma accrevit, in eo est, quod civitates bene meritas, postea Municipia vocatas, jure civitatis, privilegiisque donarunt, & ad capessenda munera admisserunt. Dignitas enim magistratus, jus civitatis & privilegiorum urbis, omnes eos Romanam compulit, quibus suffragia, favores aut officia in Rempublicam collata ad dignitates & honores obtinendos spem aliquam iniciebant. Qui altiora ambire non audebant, minimum cognatos & amicos ad dignitatum fastigia aspirantes suffragiis, quoad licebat, juvabant. Hinc illa Romanæ urbis incrementa, hinc illa potentia & populo & opibus: quas mirum in modum auxerunt nobilitas atque opulenti, quos quotidie magno agmine ad conflendum eo, jure civitatis donatos, Romanorum præcères illectabant.

Tertium adminiculum in eo situm fuit. Cum ingeni-

um humanum novis semper rebus inhiat; iisque mirifice afficiatur, summa Romanis cura fuit, qui huiusmodi hominum cupiditatibus satisfacerent. Hunc in finem subinde res novas quæque admirationi essent, visentibus struxerunt atque instituerunt. Hinc illi ducum victorumque triumphum magnificentissimi; hinc splendidissima illa ædificia; pugnae navales; palastra; venationes peregrinarum ferarum; publica convivia; Iudi Apollinares, seculares, alique incredibili pompa & solennitate celebrati. Quo effectum est, ut dum hæc Romanorum opera atque exercitia, omnia ad spectantium animos oblectandos accommodata, hoc modo continuarentur, & è vestigio sese quasi invicem exiperent; ad urbem Romam continue peregrini undequaque confluerent,

et sequitur in præteritis CAPUT III. De bonis quibusdam

De coloniis Romanorum, quas Res publica augendæ causa, ex urbe in loca viciniora traducere interdum solebant.

Quid denique de coloniis sentiendum? fueruntne è re Urbis Romæ amplificandæ? Quod ad augendam Urbis magnitudinem & potentiam plurimum contulerint, nemo sanus (opinor) negabit: an vero per eas incolarum numerus creverit, vehemens adhuc sub iudice lis est. Mea tamen fert opinio, neque hic fuisse plane inutiles.

Videtur quidem per colonias alio translata civium numerus nihil auferri, sed potius diminui: at contrarium nonnunquam contingere docebo. Quemadmodum enim in nativo solo plantæ minus feliciter, translatae vero uberius crescunt & multiplicantur; sic quoque humana proles intra patriæ mœnia vivens difficilius & alitur & propagatur. Jam enim peste, jam contagiosa lue correpta perit, jam fame compulsæ patriam, ac patrios lares deserit, jam lectif-

simi

simi & formidini quique externis bellis; aut intestinis feditionibus aut cadunt aut exulant. Multos dira pauperitas & rei familiaris angustia a matrimonio & prolis studio prorsum absterret. Quis itaque praedictis malis Romae alioquin absorpti sine liberis decessissent, illi coloniarum beneficio periculis exempti; commodis habitationibus & agris fruentes animum ad suscipiendam & educandam sobolem adjiciunt. Hinc saepius adeo crescant & multiplicentur, ut loco decemcentum videas succedere.

At quorsum hæc, inquit aliquis? Quomodo ablegati è patria, quam cives adhuc augere non poterant, augebuntur alio translati? Proclive admodum. Primo enim colonia cum matre, a qua exierunt, uno quasi corpore coalescunt. Deinde amor patriæ, quo quisque educitur, & spes aliquando ad dignitates præ aliis ascendendi, aliaque eiusmodi, tanti sunt momenti, ut ingenis sublimioribus & nobilioribus patriæ memoriæ indefinenter refricent. Hinc evidentissima & populo & opibus patriæ incrementa emergunt. Anne enim quis negare audeat, quin triginta illis coloniis ex Alba Longa ceu de una stirpe deductis, ut & aliis, Roma deductis, permagna utriusque civitatis dedecori & potentia facta sit accessio. Cui vero insuper dubium esse potest, Portugalenses ab eo tempore, quo primum Lisabona egressi in insulas Astori, Capo Verde, Madera, aliaque, ut eas inhabitarent ac colerent, majorem ad urbem Lisabonam accessionem fecisse, quam si nunquam sedes suas in dictas insulas transtulissent.

Hic autem requiritur, ut & ipsa ratio monet, ne colonia matrem amplificatam ab ea longius deducantur. Nimirum enim distantia patriæ amorem facile extinguit, adeoque rerum communio plane refrigescit. Hæc causa moti Romæ.

ni, a primordio urbis condita, nullas colonias extra Italiam intra septingentos annos deduxerunt: quas demum post tot annorum elapsum Carthaginem & Narbonam transtulerunt. Sed hic subsisto, cum in sexto libro de politica illustrium suo loco copiosius de his omnibus sit dictum.

Atque his præcipue mediis Romani potentia ac robore feliciter excreverunt, peregrinosque ad se abripuerunt. Restat ut promissis satisfacturi videamus, quid hac in re alii nationibus fuerit usitatum. Initium autem de religione, quæ omnium rerum caput est, faciamus.

CAPUT III.

De religione fideique negotio.

Tanta est vis, tantaque necessitas religionis, ut procul dubio non tantum multos in sui amorem pertrahat, sed etiam multorum commerciorum dux & caput existat. Urbes, ubi cultus religionis est floridior & præstantior, faciliorem quoque & illustriorem habent aditum ad potentiam & gloriæ accessionem.

Hierusalem ut tradit Plinius fuit orientis urbs antiquissima & florentissima, tam religionis Deique cultu, quam totius regni respectu; utriusque enim metropolis erat. Hierosolymis vivebant Summi Pontifices, Sacerdotes, Levitæ; peragebantur ibi sacrificia, vivebantur Domino vota, omnis fere populus Israelis ibi quotannis ter conveniebat. Scribit Josephus Hierosolymam, quando à Tito Vespasiano obsideretur, circiter viginti, quinquies centena millia hominum fuisse: numerus sane inmensus & ferme incredibilis, si urbs ex ambu, qui quatuor milliaribus paulo fuit amplior, æstimeretur. Sed credendum viro perito & scienti, quemque omnis occasio mendacia comminiscendi defecit.

Jeroboam Rex Israelis factus mature perpendens sine cultus

cultus divini & sacrificiorum exercitio non diu staturum imperium, metuentisque, ne populus Hierosolymam religionis & sacrificiorum ergo confluens cum Juda reconciliatus in Regis Israelitici necem conspiret, ommissa vera religione idololatriam instituit. Conflatis enim duobus aureis vitulis & in fines regni Israelitici collocatis ad multitudinem conversus, *Saris*, inquit, *tam ascendistis Hierosolymam? En Dyta Israel, qui te ascendere fecerunt de terra Aegypti.*

Magna itaque religionis vis est in amplificandis urbibus, ditibus, in illectandis peregrinis: quod cum Jeroboam cognitum haberet, ut tribus decem Israeliticas, quibus imperitabat, suo dominatu coerceret, veram religionem idololatriæ permixturavit. Hic suo scelere omnium primus dei meruit, qui cupiditate dominandi debitum honorem & cultum Dei magno cum dedecore missum fecit, posteritati que sic supplantata malo exemplo præluxit, non tam stultitiæ, quam extrema impietatis nota insignis.

Non desunt, qui nimia sibi scientia in constituendis imperiis arrogata gloriantur, imo publicis scriptis docere audent, utilius esse principi subditos recte coercituro humana ratione rem tentare, quam consilio divino. At quos nulla verecundia, hæc ut adstruant, tangit, sciatis se præsentissime veneno tanquam peste principes fallere, imperia & principatus corrumpere, orbem Christianum offendere, capita les esse ecclesiæ hostes, imo ipsius Dei, contra quem novam tyranniam Babylonicam ut de Gigantibus legitur moluntur, sed non sine confusione sui & pessimo interitu. Nam

Ipsorum facta atque minas ridebit inanes

Qui super cælos & super astra sedet.

Attendite, o Principes Jelsaiæ vaticinium de Pharaonis consiliariis, *sapientes*, inquit, *consiliary Pharaonis insipientes derunt*

derunt consilium, deceperunt Aegyptum angulum popularum eius, Dominus miscuit in medio eius spiritum vertiginis & errare fecerunt Aegyptum in omni opere suo, sicut errat ebrius & uolens.

Quod si mihi liberum esset, facile indice quasi digito monstrarem, quomodo plurimi ordines Christiani orbis hac praeravicatione & peccato, conciderint, ac se suosque ab auxilio & gratia Dei abalienantes flagello iustitiae divinae Turcas & gentes in sese saepe numero armarint. Sufficiat hic admonuisse principes, qui praepostero illo gubernandi modo legem Dei quantum in se est conculcant, ne unquam ex memoria tristissimum magistri sui Ieroboami interitum abiciant, sed respiciant, ut alieno cauti malo periculis eximantur. Posteaquam enim execrandi regis execrandam impietatem non amplius ferret Deus, excitavit Baasan filium Ahia, qui facta conspiratione Nadabum Ieroboami filium trucidavit regnumque occupavit pro eo. Factumque est, cum ipse regnaret, ut percuteret universam domum Ieroboam, ut nihil spirans de Ieroboam faceret reliquum, donec deleteret eum, juxta verbum Domini. Sed progrediamur.

Religio cui usque divinus, constantque divini auxilii in loco al. quo vigenus opinio ad alliciendos illic homines maximum habet momentum. Inspice & testes habebis locupleatissimos Loreum in Italia, D. Michaelem in Gallia, Guadalupen, Monserratam & Brigantium in Hispania, quo quot die magnus undique est concursus omnium nationum vel longissime remotarum. Omitto jam solitudines, eremitarum tuguria aut speluncas potius, quae non minus singularibus animorum devotionibus passim frequentantur.

Penitus autem rem introspecte & minus admirabilis videbitur. Quid enim majus, quid potentius, quid efficacius ad al-

ad alliciendum & vi quasi attrahendum ipso summo bono, qui est Deus? Hic anxie desideratur, indefinenter expectatur & quæritur ab omnibus creaturis tam animatis, quam inanimatis. Eum enim tanquam summum finem ad unum omnes spectant. Levia summum hoc bonum supra in sublimi quærunt, gravia infra in terra; cœli concava ac orbiculari sua periodo, nascentia terræ floribus & fructibus, animantia speciei conversatione, homo tranquillitatem conscientiæ æternique gaudii quærendo.

Cum vero summum bonum sua essentia tam sublime sit, ut sub intelligentiam nostram, tamque lucidum, ut sub oculorum sensum non cadat, quivis eo se convertit, ubi divina potentia quoquo modo enitet, vires suas exerit aut singulari auxilii ratione præsentem Deum declarat, in montes, in solitudines aut aliquovis. Quid enim? annon se in societatem amplificatæ Romæ ingerunt, martyrum sanguis, reliquæ sanctorum, loca sancta & in divinis suprema iudicandi potestas! Annon aspera & inculta jaceret, nisi quotidie locorum sanctitas & religio infinitos homines ab extremitatibus mundi eo pertraheret? Annon deserta pateret, nisi sedes Apostolica clavium potestas sede ibi fixa multa millia hominum dulcedine sua delinira, quotidie eo abire cogeret? Mediolanum, urbs populosissima volens nolens restatur, quanta honoris laudisque decora sibi parva sint ex insigni pietate eximii illius Cardinalis Borromœi. Ab extremis mundi septentrionalis plagis eo convolabant principes, quinetiam quibuslibet subortis dissidiis Episcopi ejus discretionem ac iudicio unice stabant: & quid multis? Omnium nationum clero Mediolanum patria erat, domus divi tutelæ pro portu tutissimo, liberalitas ejus pro tuto refugio, vita ejus transacta pro nitidissimo speculo & exemplari habebatur, ad cujus formam omnes ecclesiæ essent componendæ.

Molestus forsitan lectori suus, si longior velim esse in decantanda laude, qua Synodus coegerunt tam publice quam privatim: unam tertio quoque anno, alteram quotannis. Quot illi crexerunt templa? quot collapsa refecerunt? quot novis reditibus donarunt? quot eorum monasteria? quot studiosorum collegia, ex quibus tanquam ex equo Trojano tot presbyteri adeoque spirituales prodierunt? quot Academiae maximo totius regionis bono aperte? quot & quanta artium artificumque ac commerciorum laudatissima promotiones? Quod si, ut iterum dicam, tantum recensere velim, quo pacto una cum propagandae religionis studio fines urbis Mediolani extenderint, in infinitum abiero. Itaque haec omitto.

Sed pro dolor pauca admodum numero sunt hodie civitates aut principes, qui hoc nomine jure commendentur. Ubi enim hodie Numma Pompilius, qui tot Romae augurum collegia? ubi Constantinus, qui tot sacrae gymnasia? ruxit? ubi Theodosius, qui tot vestigalia? ubi Justinianus, qui tot privilegia dedit. O tempora! in quam aetatem mundi, in quot mores incidimus? Sed velum obduco coloribus meis, ne se multi nigro carbone in his tabulis notatos videant: illos innuo, qui spoliis ecclesiae & sacrilegiis ditati sacerdotibus victum, ecclesiae censum, pauperibus, viduis, & orbatis cibum, ignorantibus veritatis lucem, desperantibus salutis anchoram sustulerunt. Sed quid moror? Religio divitias peperit & filia devoravit matrem. Non potest ergo non seges esse deinceps, ubi Troia fuit, Babelque & confusio nimis superba excelsa & certo concidit.

CAPUT IV.

De studiosis & scholis.

PLurimos praecipue studiosos in urbes, quarum magnitudo no-

do nobis jam proposita est, adducit celebris & docta schola. Duo enim, si proprie loqui volumus sunt adminicula, quibus intelligentes fortesque viri ad fastigia honorum perveniunt, Libri & Arma. Quorum illi in Academiis chartis & calamo, hæc in aperto campo gladiis & hastis tractantur.

Cum vero humanum genus duobus potissimum ducatur, gloria & utilitate, & verò liberalium artium quædam artes divitias, quædam nominis existimationem adferant, est profecto, ut in urbe, de qua hic loquimur, sit Academia talis, quæ studiosam juventutem certis propositis commoditatibus sui amore vehementius accendat, ita ut potissimum eo nomine à pluribus diligatur & seligatur, potiusque hanc quam aliam frequentare studiosa juvenus malit Academiam. Id autem fit, cum ad scholæ & artium commoditatem peculiaria quædam & honesta privilegia insuper accedunt. Honestæ ideo dico, ne licentiam dent scelus scelere impune accumulandi, quod privilegium turpitudinis dicunt, sed ut habeant ansam alacriter sine impedimento studiis invigilandi.

Etenim magno cum labore omnis studiorum ratio est conjuncta & corporis & animi. Hinc veteribus Dea artium sive sapientiæ Minerva dicta, quod animi meditationes & lucubrationes nervos imminuant, adeoque vires corporis incidant. Plerumque autem affecto corpore animus quoque afficitur & turbatur. Equum itaque imo necessarium est, ut studiosis honesta sint privilegia, quibus animus lassus reficiatur; spiritus autem recreati majore cum ardore ad studia denuo ferantur.

Non autem, ut ante memini, indulgenda est petulantia licentia, quæ tamen Academiis Italis, ut conceditur, ita exercetur. Ibi calami in pugiones & atramentaria in thecas

pulveris bombardici abierunt, disputationes in cruentas cædes, scholæ in propugnacula pro lubitu quidvis audendi; academici autem in homicidas mutati sunt. Irrisui ibi habetur honestas, verecundia & castitas dedecori, adeo ut studiosus vere studiosi vitam honestam nempe & modestam victurus nihilo plus efficiat, quam si seipsum in extrema pericula det præcipitem. Dolendum certe; sed abrupto querelas, Illud saltem dicam; fieri non potest, ut Academia ulla efflorescat, aut justam laudis maturitatem assequatur, nisi ab alea & armis nocentissima, utraque peste radicitus sit repurgata.

Franciscus L. Rex Galliarum magno agmine Lutetiarum studiosos confluere deprehendens magna animi cura eo incubuit, qui studiosis honestam pararet recreationem. Designatum itaque est ingens pratium prope urbem ad aquam situm, ubi esset solitaria & jucunda à studiis recreatio. Hic se exercebant, hic luctando, ille saltando, hic cursitando, ille pila ludendo, quibus non tam sibi quam alijs qui spectatum aderant, oblectamento fuerunt. His concessis strepitus armorum & tesserarum conticuit.

Porro etiam in loco Academiarum destinato temperata & salutaris sita aeris constitutio, amœnus situs, aquis, fontibus, sylvis & campis undique arridens. Fac enim deesse cœtera hæc solæ tamen studiosos morantur. His omnibus insignes olim erant Athenæ & Rhodus, adeoque studiorum ibi vegetissimus vigor.

Galeatius Vicecomes primus erat, qui Academiam Pataviam celeberrimam redditurus animo ad prædictas amœnitates in primis adjecto edicto veruit, ne quis è subditis studiorum gratia alio se conferret. Hoc ipsum nonnulli Italiae principes sunt secuti.

Verum

Verum magnam hoc parit diffidentiam & fastidium. Optimi autem vasalli retinentur & peregrini invitantur commoditatibus ad honestas animi recreationes & commensatus abundantia si insuper privilegia facta tecta conserventur, defensentur, usurpentur, si ad quosvis studiorum honores aditus pateat, si eruditioribus certi ijque honorifici tribuantur gradus, si vitæ bene actæ sua sint præmia, suus locus & imprimis si copia sit professorum eruditorum. Non erubuit Pompeius Magnus scholas bene constitutas intrare: domita enim Oriente scholam Rhodi; ut professores audiret profitentes, ingressus legitur. Sigismundus Rex Polonia gravissimis causis motus edixit, ne quis vasallorum suorum extra regnum studiorum gratia vagaretur. Qui sic? ais. Ne videlicet dogmate illo, quod sub Rege Sigismundo revixit, & fere omnes septentrionales imbuit incenderentur.

Cæterum Academiâs tollere artiumque scholas prohibere, tyrannicum plane ac barbarum est. Sunt enim Academiâ & artes lumina & fontes sapientiæ, à quibus splendor & sapor virtutis in omnes partes Reipublicæ fluunt, suntque insuper Academiæ velut Musarum orbis & artes sidera in illis fixa: at nisi orbis suum motum, sidera suam lucem habeant, quæ vita rerum, quæ influentia erit? Præterea ut oculi sunt in corpore, ita Academiæ & artes sunt in civitate, atque ut oculi omnia membra corporis, ita Academiæ omnes Reipublicæ partes illustrant. Quin etiam contra jus naturæ ac rationis est, Academiâs tollere; natura enim confusionem, ratio ignorantiam fugit, quæ tamen duæ sublatis Academiâs artiumque scholis sequuntur necessario. Quæ enim cognitio rerum sine arte, quis ordo sine toga, quæ administratio civitatis sine doctrina & sapientia esse potest? Porro quid magis licentiam morum, perturbationum rerum,

barbaritatem plebis, tyrannidem principis gignit, quam bonarum literarum naufragium & casus? Sic truculenti olim carnifices Athenas (factum totius Græciæ, sydæra & lumen) penitus exstinxerunt. Sic Julianus funestus apostata Christianorum gymnasia sustulit, artiumque professoribus silentium iussit. Sic in Hungaria aliisque eximiis mundi partibus (quas Mahometes vicit) Academiæ, scholæ & artes immanitate oppressæ jacent. Norunt enim crudelitatis monstra, Palladem & tyrannidem, amorem artis & Martis furorem, sapientiæ lumen & ignorantiam, studium virtutis & odium civitatis simul cohabitare non posse. Multa hic alia se offerunt argumenta, quibus probetur hæc causa, sed infinitum esset hæc omnia, quæ velim, de re tanta scribere, pauca tamen addam, si non sim molestus, nempe à tempore, à testimonio, ab exemplo. Constat enim omnes scientias post diluvium columnis lapideis insculptas posteris apparuisse; constat Deum, solem, lunam aliaque cœli lumina dedisse in signa temporum, probabile ergo est primam ætatem honorasse Astronomiam. Constat Tubalem Adami filium invenisse Musicam, constat Chaldaeos in omni arte fuisse instructos, & simos. Nihil hic dicam de Moyse aliisque gubernatoribus filiorum Israel, qui omni scientia Chaldaeorum ac Ægyptiorum fuerunt imbuti. Nihil hic de Samuele cœterisque Prophetis, qui Rama Gilead sua collegia & Academiam habuerunt. Nihil hic de Paulo, qui disputando sæpe in schola cuiusdam Philosophi nomine Tyranni, adeoque Athenis non contempsisse sed approbasse venerabile nomen Academiae videtur. Nihil de Constantino, Theodosio aliisque vere augustis Imperatoribus, qui scholas, collegia Academiæ magnificè extruendo, Ecclesiam Christi plurimum propagarunt; omnesque adeo ætates hominum Academiæ & artes

res approbarunt. Coeterum rationes à testimonio & exemplis tacitus hic nunc prætereo, nam adhuc hodie florent ubique Academiae, vivunt doctissimorum hominum ingenia; monumenta majorum palam & aperte hanc rem loquuntur, plenae historiae, pleni annales sunt illorum laudibus, quas malitia nulla delebit, ætas nulla conticescet. Sed brevitati studeo, aliter hic potuissim quidem urgere, quod nihil magis barbaritatem, vim, perfidiam, licentiam vitæ, hæresim, atheismum & confusionem omnium parit, quam scholarum & Academiarum defectio. Si ergo justis, si pij ac religiosi esse velint principes, non tollere sed fovere, non evertere sed conservare debent Academiae, in quibus splendor Regis, honor civitatis, amor virtutis, omnium bonorum sapor ac influentia inest. Perniciosa ergo vox ista & plane tyrannica. Tollantur scholæ, tollantur Academiae. Imo oraculum hoc sit: Vivant scholæ, vivant Athenæ, artes ac scientiæ, quæ sunt radij divinæ sapientiæ, ad gloriam beatæ Triadis in sempiternum vivant. Pius est, qui assentitur, improbus qui non acclamat: Amen.

CAPUT V.

De loco tribunalis.

OMnis vitæ nostræ, famiæ ac fortunarum salus in arbitrio judicis sita est. Cum enim dilectio in hominum animis ubique deferbuerit, inque ejus locum malitia ac protervitate successerit, male sane nobiscum ageretur, nisi spem in æquanimitate judicis repositam haberemus. Hinc urbes in quibus gravissimi, prudentissimi ac iustissimi senes tribunali insident, qui ad sedem sine pompa, ad causam sine fraude, ad sententiam sine motu & ardore animi accedunt, plus & frequentantur & inhabitantur non tam frequentia litigantium, quam etiam eorum, qui clavum imperij tenent, quo
 ref.

referuntur Præsides, Consiliarij, Advocati, Procuratores, Solicitatores, Notarij. Memorabile autem est, non quidem ad imitationem sed ad execrationem, quod sola præsens pecunia processum juris hodie, proh dolor, expedite absolvit: nihilque adeo in toto terrarum orbe invenias, quod ad incitatiores cursum concitet, quam argentū currens. Non tam ad se ferrum magnes attrahit, quam aurum oculos judicum inflectit. Cujus hæc censetur ratio, quoniam aurum ratione valoris atque facilitatis acquirendi, dignitates & commoditates omnesque fortunas in se complectitur. Summatim, qui ære abundat (ne quid gravius dicam) omnia mundana possidet.

Hinc summa illa tribunalia, quæ primitus quidem ad hoc sunt constituta, ut casus quidam reservati tam criminalium, quam civilium earumque graviorum causarum inibi decidantur, id quod etiam Dominus ad Moysen loquitur Exod. cap. 18. *Provideas, inquit, de plebe viros prudentes & timentes Dominum, in quibus est veritas, & qui odierunt avaritiam & constitue ex eis tribunal & centuriones &c. quicquid autem majus fuerit, referent ad te & minora iudicabunt.* Tum vero etiam, ut ad hæc tanquam asylo à corruptis, indoctis, maleque affectis iudicibus confugiatur, ut ibi corruptæ aliorum iudicum sententiæ, aut revocentur aut moderatione quapiam leniantur. Sed & hæc hodie ubique fere privata commoda redolent.

Ubique fere locorum hæc ita observantur, potissimum ubi causæ forenses ex jure communi deciduntur: hic enim processus longius extenditur pluresque ministros requirit. In Anglia, Scotia præcipue autem in Turcia, ubi admodum brevis & stricta est juris via ac iudex in uno tanquam vestigio insistens super lite deducta sententiam profert, parum proficitur

citur ad amplificandam urbem. Causæ enim quantumvis arduæ & sublimes intra dimidium diem, modo adsint probati & sufficientes testes absolvuntur, præciduntur ibi longiores termini, nihil valent instrumenta, nihil processus, nihil præfecti. Pauca admodum suscipiuntur, quæ non quamprimum finiantur: brevius hic adhibetur tempus, minores sumtus, pauciores Jureconsulti, quam in jure civili Romanorum. Hæc vero non eo à medicuntur, quod velim judicia differenda, terminosque dilandos. Qui enim longiores quærunt exceptiones dilatorias, ubique prætendentes periculum ne videlicet cui injuria adferatur, non possunt, quin sint iniqui. Nostra itaque urbs, de qua in præsententi loquimur, summum tribunal & pro eo actiones juris & justitiæ executionem requirit.

CAPUT VI.

De eruditione.

Libro octavo de politia illustrium, ubi sermo erat de amplificandis ditionibus, prolixè egimus de artibus & eruditione humana, de variis commerciis & negotiis, quæ in civitatibus ac regnis vigent: eo itaque benevolus lector brevitas studio esto remissus.

CAPUT VII.

De privilegiis.

HAc nostra tempestate subditi à principibus avaritiæ immeritis aut alia necessitate urgente adacti ita premuntur, ut vel minimam spem qualiscunque immunitatis ambabus, quod ajunt, amplexari gaudeant. Videre hoc est ex mercatibus & nundinis, quas catervatim mercatores, institores, propolæ, frequentant, solum eo, quod oneribus carent. Inspiciantur hodierna Neapolis incrementa & adificiis & populo; unde vero illa tanta tamque egregia? ex so-

lis privilegiis, quibus cives gaudent. Quid, quod majoribus finibus amplificata esset, nisi peculiaribus rationibus, potissimum, quod viciniam incolis destituerentur, magna cum principum querela Rex Hispaniam gravi edicto vetuisset, ne quis novas ades ibi exstrueret.

Civitates Flandriae commerciis celeberrimae in tota Europa fuerunt: ratio praecipua sita est in privilegiis & immunitatibus a vectigalibus; perexiguum enim vectigal de commerciis pendunt.

Non infrequens fuit ijs, qui urbes aut extruxerunt aut inhabitandas dederunt, praclaris privilegiis eas aut minimū primos incolas donare. Secuti hoc sunt, qui urbes vacuas aut peste exhaustas aut Marte vastatas aliove Dei flagello exinanitas restaurarunt. Pestis, quae teste Bocatio in Italia ad triennium grassata est adeo saevit, ut a Martio usque ad Julium Florentiae circiter centum millia e medio sublata peremerit: Venetiis tot deciderant, ut urbs fere desolata staret. Unde effectum est, ut Senatus necessum haberet, novos incolas adsciscere, quos publico SCro jure civitatis omnes donabat, qui cum familia eo migrarent bienniumque ibi commorarentur. Porro eadem Veneriana Respublica aliquoties ab extremis periculis famis ac inopia vindicata est, dum eos qui frumenta advehebant privilegiis donabant.

CAPUT IIX.

*Certa commercia sunt tractanda neque temere
abjicienda.*

Populissimam reddunt urbem certa commercia & eorundem diligens studium: id quod maxime florere potest, cum patrium solum illas merces aut omnes aut maximam partem aut sane potissimas gignit, aut cum nullibi copiosior aut praestantior inveniri potest. Sic sola insula Mo-

Lucca

lucca profert cariophyllum, Sabæathus, Palaestina balsamum. Plurimum piper fert Calecutia, Zeilan Cinnamonum, atq; alia alibi. Præstantissimū sal generatur in Cypro; faccarū in Madera, lana in quibusdam civitatibus Hispaniæ & Angliæ. Huc accedit præstantia artium, quarū exercitationes aut ratione aquarū aut studii in ijs collocari aut reconditæ & abstrusæ scientiæ, quā soli incolæ callent, hic quā illic, ut frequentiores, sic sunt meliores. Sic optima arma suppeditat Damascus & Scyras, elaboratissima Aulæ Arazus, holosericum Genua, aureas texturas Mediolanum, & si quæ sunt alibi alia elaboratiora.

Non hic sicco, quod ajunt, pede prætereundum, commercia, mechanicas, artesque fere omnes omnium optime in China florere, idque multis de causis, quarum hæc apprimè notandæ. More receptum est apud Sinaitas, ut filii eadem artes, quas parens addiscant & profiteantur. Hinc quasi cum lacte materno paternas artes & commercia imbibunt: non est, quod parens eos celet, quin paterna affectione instruit, informat, nulli neque diligentia neque labori parcens. Hinc omnes artes artiumque opera tantam assurgunt perfectionem, ut nihil quod in ijs desideretur invenire liceat. Probant hoc labores, qui è China in insulas Philippinas, & hinc Mexicum, tandem vero Seviliam advehuntur. Sed procedamus.

Sunt etiam nonnullæ urbes, in quarum potestate certæ merces versantur, non quidem quod sua ipsorum tellus illas effundat, aut ab incolis elaborentur, sed quod dominantur aut finitimis locis ac regionibus, ut, Sevilia, quo immensa opes ex nova Hispania & Peru advehuntur, aut mari, ut Lisabona, qua nemo prætervehi potest nisi Lisabonensium salvo conductu & venia. Hac ratione piper Cocinense &

cynamomum Zeylanense aliasque opes Indicas sibi vindicarunt. Eodem modo ante annos nonaginta Venetiani aromatum commercia fere prorsus ad se pertraxerunt. Hæc enim (antequam Indiam occuparent Portugalenses) trans mare Suezam & hinc camelis Cayrum Niloque Alexandriam asportabantur. Eo suas triremes Venetiani amandabant ad vecta aromata coentum, quæ deinde non sine maximo lucro Europæis passim vendebant.

Verum illa commercia hodie plane in Lisabonenses derivata sunt. Eo quotannis (in Lisabonam nempe) nova via nuper ad inventa ingressi Portugalenses aromata, Turcis & Æthiopicis quasi adempta, divendunt Hispanis, Anglis, omnibusque septentrionalibus. Tam autem fructuosum hoc est commercium, solum ut sufficeret ditandæ Portugalliæ.

Sunt & aliæ urbes, quæ omnes fere negotiationes pluribus nationibus peritiles ad se pertrahunt, unde pro emporiis vulgo habentur. Tales sunt in oriente Malacca & Ormus: in mari mediterraneo Alexandria, Constantinopolis, Messina, Genua: in mari septentrionali Antverpia, Amsterdamum, Dantiscum, Nerva: in Germania Francofurtum ad Mœnum, & Norimberga. In his aliisque pluribus multi opulentissimi mercatores sua commercia exercent, emporia constituunt, quo finitimi deinde se conferunt, non tam quod ibi cuncta venalia prostant, sed quod vectura commoda habeatur. Eiusmodi occasiones habentur, ubi magni sunt portus; ubi flumina navigabilia aut urbem perfluunt aut præterfluunt, ubi stagna sunt, alveique alio translati, ubi viæ & planæ & tutæ. Quoniam vero hic mentio incidit viarum publicarum, non possum præterire duas illas vias, quas reges Cusci, (suo idiomate Inghe vocant,

cant,) per suam ditionem decussatim patefecerunt. Pro-
tenduntur ad duo millia milliaria parva, amœnitate suâ,
commoditate, planitie tam insignes, ut nihil viis Romano-
rum in historiis celebratis concedant. Videas ibi montes,
uti & valles planitiem olim impediens nunc æquatos, al-
tiora saxa petrasque discussas. Videas ibi arbores utrinque
tanquam ad amussim sitas, magna cum oblectamento eo-
rum, qui iter illac faciunt. Umbra earum dulcisque avium
concentus viatores mire afficit. Videas ibi plurima diver-
soria in quibus pro hospitantibus benevola & parata non
desunt palatia, lautaque ædificia, quæ decore suo omnes in
admirationem convertunt. Videas ibi amœnissima oppi-
da, vicos, suavissima tempe, aliaque infinita, quæ varlis co-
forum pigmentis oculos gratissime pascunt, ac naturæ va-
rietate artisque additamentis incredibili jucunditate ani-
mum spectatoris afficiunt & perfundunt.

Ceterum maximum in eo situm est momentum, ut
princeps regionis suæ ingenium, situm & naturam teneat;
sic enim naturæ iniquitatem commodius tollet. Sic boni
principis est, ut exemplis declarem, portus munire, vallibus
aggeribusque obfirmare, commoditates mercium expor-
tandarum & importandarum parare, mare à piratis repur-
gare, flumina navigabilia reddere, commoda & apta em-
poria extruere, vias munire tam eas, quæ ad montes, quam
quæ per campi planitiem vergunt.

Ex hoc magnam laudem Sinaitarum reges captarunt.
Incredibili enim sumtu regni sui vias lapidibus struunt, ma-
ximosque fluvios pontibus jungunt, editiores montes
& saxa perfringunt, planitiemque lapidibus instruunt, quo
ipso tam æstate quam hyeme equiti juxta ac pediti facili-
mum præbent transitum.

Hoc in genere gravissime quidam Italiae principes errant, quorum viae adeo inaequales & iniquae sunt, ut profunditate luti non raro equi & carri impediti immergantur. Hinc mercimonia difficilime eo transferuntur, & viatores intra triduum minus viae spatium quam alibi uno die conficiunt. Idem videmus in Gallia multis in locis, ad Augustoritum praecipue, in Xantogia, in Beauussia, in Burgundia & alibi. Sed sufficiant haec: non enim est nostri instituti de celeberrimis illis regionibus iudicium ferre.

CAPUT IX.

De iurisdictionis loco.

In super etiam populosa urbs efficitur suprema iurisdictione: haec enim homines, loco illi quasi adstrictos raro discedere sinit, hanc magnus litigantium concursus appetit, unde civitas facile civibus abundare potest. In urbibus, ubi summa est iurisdictione, peculiaribus rationibus tam publicae quam privatae opes coguntur. Ibi conveniunt principum, ducum, civitatum & Rerumpublicarum legati, ibi causae gravissimae disceptantur & finiuntur, eo diriguntur appellationes, ibi negotia tam publica quam privata transiguntur, eo ditionis proventus conferuntur, & necessitate urgente expenduntur, opulentioresque exterarum urbium cives amicitias & sedes ibi quaerunt.

Hinc non potest non sequi pecuniarum abundantia, quae per se tanquam inescat mercatores, negotiatores, aliosque quos ex locis longe distantibus allecat. Exinde civitates pro ratione iurisdictionis indies aedificiis, multitudine civium, opibus &c. splendidiore exurgunt.

Horum veritatem arguunt omnes urbes, in quibus celebris fuit iurisdictione, Pisa, Sena, Genua, Luca, Florentia, Brescia: quarum ditiones centum longae, & 40, miliaria latae

lata sinu suo complectuntur & coerent non tantum ferti-
lissimos agros, sed etiam uberrimas valles, multas urbes,
castella, infinitaque loca, ubi circiter millia aedificia intueri
licet, summam vero sexcenta millia hominum affatim a-
lunt. His annumerari possunt multae liberae imperiales ur-
bes Germaniae, Norimberga, Lubeca, Augusta Vindelicorum.

Gandavi in Flandria, magno illo vexillo aliquando
erecto, circiter centum millia bellicosorum numerata fue-
runt.

Nihil jam dicam de Sparta, Carthagine, Roma, Ve-
netiis, quarum incrementa ubique pro ratione iurisdictionis
conspicua fuerunt. Carthago, ut ceteras omittam, in-
summo potentiae gradu constituta ambitu suo 24. parva
milliaria continuit, Roma 50. praeter suburbia, quae tanta
fuerunt magnitudinis, ut una parte ad Hostiam, altera ad
Otricoli porrigerentur. Sed dilabamur ad alia, quae de
principis sede agunt.

CAPUT X.

De nobilium sede & habitationibus.

PLeraque Italiae urbes augustiores & maiores sunt urbibus
Galliae aut reliquae Europae, idque quoniam nobiles Ita-
liae, urbes inhabitant, Galli autem suis castellis, quae ad in-
star palatiorum exaedificata aquis & muris circumdata edi-
ficationibusque turribus ita obfirmata sunt, ut facile improvi-
sam hostium irruptionem & sustinere & arcere queant.

Erst vero nobiles quoque Italiae, pagos incolant, po-
tissimum juxta Florentiam, Venetias & Genuam, ubi tam
splendida ac magnifica visuntur aedificia, ut etiam regnis,
nedum civitatibus aut oppidis maximum sint allatura orna-
mentum. Gallia tamen sumtuosioribus augustioribus &
frequentioribus nitet, Italia enim & sumtum & industriam

bipartitus, & urbibus & pagis delectatur, plus tamen urbibus. At Gallus urbana sorte spreta, rure magis delectatur, facile contentus quacunq; sorte, modo sibi ædes & hospitalia sua salva consent. Experientia autem satis superque docet, urbes à nobilibus inhabitatas fieri & splendidiore & populosiores: non tam quod ipsimet sua familia incolarum numerum adaugeat, quam quod in conferenda liberalitate, quam in conspectu aliorum nobilium exercent, dum alter ubique alteri in expendendo superior videri cupit sunt largiores, quo fit ut multi, qui emolumentum aut beneficium quodvis ab ipsis sperant, gratiam ac benevolentiam eorum modis omnibus conciliare nitantur. Cum contra nobiles ij, qui in rure victitantes, quibus cum magnificis ejusmodi largitionibus decertent, aut quorum admirationem aucupentur, non habeant, quin sordidulo etiam ac lacero vestitu inter rusticos incedere quandoque minime morantur.

Cæterum & hoc addendum, quod urbes, quo à pluribus inhabitantur nobilibus viris, eo splendidiore atque amplioribus nobilitantur ædificiis: quin etiam omnis generis artes & mechanicæ magis tum florent, semper ad superiorem perfectionem aspirantes. Atque hanc ob causam Ingha, id est, rex Peruanus regiam urbem Cusco amplificaturus publico edicto non tantum omnes nobiles in urbem coegit, sed etiam ut quis sibi pararet palatium, quod inhabitaret, mandavit. Quod quidem ansam præbuit, ut dum quisque deinceps magnificentia ac splendore ædificij emineret, brevi tempore urbs ædificiis fere regis conspicua eniteret. Secuti sunt eum in hoc nonnulli duces Lombardie. Tigranes rex Armeniæ posita maxima urbe Tigranocerta, plurimos nobiles aliosque auctoritate & opibus insignes

signes larés suos eo transferre coegit: quid quod bona omnia, quæ in urbem non illata ab ipsis essent, confiscata esse voluit?

Sic Venetiæ ex parvis incunabulis ad tanta potentia & rerum fastigia pervenerunt. Qui enim ex finitimis locis confugiendo in parvam insulam, ubi admiranda structura jam sita sunt Venetiæ, se receperunt, omnes & nobiles & opulenti fuerunt, omniaque sua bona eo comportarunt. Quorum beneficio postea per maris opportunitates rei nauticæ studiosiores variis negotiationibus admodum exiguo spatio continentes insulas ad se pertraxerunt: situmque Venetiarum suis divitiis & thesauris adeo ampliarunt, ut nunc totius terrarum orbis animum in summam sui admirationem rapiant.

CAPUT XI.

De sede principis.

Cum necesse sit, ut in quavis regione urbs una cæteris sit illustrior & excellentior, ad quam tanquam ad unum euportorium & theatrum honoris causa tota regio fluat; quæ quidem urbs totius regionis veluti cor & centrum esse debet, à quo reliquæ partes ac membra vitam & lumen habeant; si hujus ornatum spectes, augustissima; si mœnia, fortissima; si utilitatem, rerum omnium varietate refertissima; si civium numerum, ordinem, splendorem, omnium populosissima, justissima, magnificentissimaque esse debet. Hanc ipsam principis sedem esse convenit, ad cujus majestatem & honorem excelsa palatia, honorifica tribunalia, altissima turre, munitissima castella, populi magna frequentia, aliaque pene infinita requiruntur. Non capit Augustum Mantua, Roma capit. Imo absurdum est & penitus indecorum, ut nobiles sub cespite & fumoso tugurio viverent; lo-

cus enim ut homo suam maiestatem habet. Sic Roma in Italia, Lutetia in Gallia, Londinum in Anglia, in omni denique regione ac gente unam primariam urbem invenies; qua Regia solis. (uritaloquar) splendet. Vrbs ergo necessario requiritur, in qua principes, proceres, iudices hisque obediētes cives una vivant, & ad quam tanquam ad asyllum iustitiæ, reliquæ omnes regionis partes urgente necessitate veniant, in qua controversiæ decidantur, in qua principum, procerum ac dynastiarum conventus habeantur, in qua exteri legati audiantur, in qua functiones munera atque honores perantur, in qua denique omnium totius regionis oppidorum proventus tanquam in thesaurario ad usus publicos æque ac privatos, prout fert necessitas, afferentur & recondantur, quibus sane rebus urbes mirifice excrescunt atque augentur.

Asserit hoc urbs quæque celeberrima. Reges Ægypti, regni vetustissimi, partim Thebis, partim Memphi degunt: unde utraque civitas mirifice est exulta. Urbs enim Thebæ (quam poetarum more Homerus *ἐκατόμυλον*, id est, centiportam vocat) ambitu suo 17. milliaria parva continebat, si Diodoro credimus, & publicis & privatis ædificiis exultissima, satisque populosa. Hanc æquavit Memphis: Succeedentibus regibus. (qui Ptolomæi dicebantur) aula mutata sedem præbuit Alexandria: quæ exinde populo, ædificiis, opibus venerandaque auctoritate in immensum excrevit. Duæ autem prædictæ urbes (regnum primo obtinentibus Chaldæis, postmodum vero Persis) pristino decore amisso fere sunt devastatæ.

Sultani reprobata Alexandria Cayri confederunt: quod ex subito incremento Magnum cognominatur. Id quod ansam Sultanis præbuit, ut metuentes multitudinis factio

nes undique urbem latis & profundis fossis distinguerent: adeo ut non tam figuram unius urbis quam multarum invicem adjacentium repræsentaret. Hódie in tres urbes distincta est, parvo milliaria à se invicem distantes, quarum nomina sunt: Bulacco, Cayrum vetus, & Cayrum novum. Fama est, sedecim ibi, aut ut placet Ariosto, octodecim vicorum millia contineri, quos noctu ferreis portis obstruunt. Incolarum non potest iniri numerus; plerique enim sub terra degunt tam angustis receptaculis aut spelæis potius, ut alter alteri insidere videatur.

Pestis nunquam ibi cessat, septimo quoque anno vehementer grassans, qua nisi ad minimum trecenta millia absumantur, vix pestem aut luem appellare dignantur; tolerabilemque aeris constitutionem. Sultani æstimant, si grassante peste, mille duntaxat peste absumti efferantur. Atque hac de Cayro dicta satis sunt, quippe quod capacitatis suæ omnibus innotuit.

Aula regum Assyriorum fuit Ninive: cujus ambitus continebat 480. stadia, quæ collecta faciunt sexaginta miliaria Italica; longitudo vero ad centum quinquaginta stadia protendebatur, ut scribit Diodorus: Ejus suburbia procul dubio fuerunt amplissima: eo quod, ut sacræ literæ testantur, trium demum dierum itinere urbs Ninive conficiebatur. Traditque Diodorus nullam postea urbem tanto ambitu, tantaque magnitudine extractam. Altitudo enim murorum fuit pedum centum, latitudo, quæ tres currus junctos caperet: turres in muris mille & quingentæ, centum altæ pedibus, ut recensuit Vives.

Chalæorum aula fuit Babylon, cujus ambitus 480. stadia includit, teste Herodoto. De hac Aristoteles scribit, famam fuisse suo tempore, cum aliquando expugnaretur,

post triduanam demum expugnationem, omnibus in urbe civibus captam innotuisse. Plinius libro 6. cap. 26. de ea sic habet: Babylon, Chaldaicarum gentium caput diu summan claritatem obtinuit in toto orbe, propter quam reliqua pars Mesopotamiæ Assyriæque Babylonia appellata est, sexaginta millia passuum amplexa muris ducentos pedes altis, quinquagenos latis; in singulos pedes ternis digitis mensura ampliore quam nostra, interfluo Euphrate, mirabili utroque opere. Ferunt ei plebis urbana sexcenta millia fuisse: situm vero mœnium aquila pendentis alas: agrum totius orientis fertilissimum. Eadem fere etiam Solinus capite 58. scribit. Eam à Semiramide fuisse constructam scribit Diodorus, Strabo, Justinus. At Josephus, Eusebius Marcellinus; à nepotibus Noæ conditam asserunt: instauratam vero & muris munitam à Semiramide, quod & S. Hieronymus tradit in lib. Osæ ad c. 2. citato poetico carmine.

— — *Babylon, quam dicitur olim*

Costilibus muris cinxisse Semiramis urbem.

Eam autem per singula quatuor latera recta habuisse 15. millia pass. recollit ex Herodoti libro 1. idem Hieronymus super Esaiam ad caput 14. ad illa verba, *Et confurgam, &c.* nihilque superesse præter murorum circuitum; at reliqua omnia introrsus in solitudine versari tradit. Recentiores, cujusmodi Aldus, murorum ejus & latitudinem cubitorum 50. & altitudinem 200. cum Plinio affirmant: sicut & ambitum sexaginta millium passuum. Strabo tamen libro 16. ambitum ad trecenta octoginta quinque stadia memorat, ut non attingat ad quinquaginta passuum millia: adjicit tamen, turres sexaginta fuisse altitudine, ac crassitie, pedum duorum & triginta, murosque adeo late patuisse, ut quadrigæ sibi in visem occurrentes facile pertransire possent. Fossa

autem

autem extrinsecus late etiam patens vice amnis circumflue-
 bar, Aldo teste. Videndus Orof. lib. 2. c. 6. Q. Curtius lib.
 5. & Euseb. de præpar. Evangelicâ libr. 9. cap. 4. in fine ex
 Abydæno vetustissimo auctore. Sunt in ea urbe horti pen-
 siles, qui in figura quadrata, quorum latus quodlibet est qua-
 ternum iugerum. Hi fornicibus continentur, sese in forci-
 pis modum intercidentibus, sitis super pilis, in aleatoriarum
 tabellarum formam, aliis super alias positis. Pilæ concava
 sunt & terra plenæ, ut arbores maximas confitas recipere
 possint, ex lapide coctili & bitumine structæ, tam ipsæ quam
 fornices, & fornicum intersectiones: supremum tabularum
 ascensus scalares habet & cochleas ipsis adjacentes, per quos
 continue aqua ex Euphrate in hortos afferebatur, ab homi-
 nibus ad hoc ipsum constitutis. Nam flumen mediâ ur-
 bem interluit, ejus latitudo stadium occupat. Horti super
 flumine sunt. Strabo lib. 16. in prin. Cæterum a Scythiis
 tandem hostiliter irruptentibus omnia devastata, rursus
 tamen à Bugiafara Calyffo Saracenorum, qui octodécim
 auri milliones ad hoc impendit, tantisper restituta, ut teste
 Jovio, etiam nunc hodie Romæ magnitudinem, quoad com-
 plexum mœniorum, excedat; ubi & non tantum plurima
 rosaria & ambulacra; sed etiam sylvæ venationibus, & ru-
 ræ cultura destinata inveniuntur. Porro ut & de turre Ba-
 bylonica, quæ miraculi fere loco censenda est, aliquid dica-
 mus; eam à Nintroth edificatam legimus, Genes. cap. 11.
 ejus altitudinem tamen si sacris literis expressant non legeri-
 mus; tamen Isidorus lib. 15. cap. 1. ex Hebræorum scriptis
 memorat, altitudine turris illam surrexisse usque ad quin-
 que millia, centum septuaginta quatuor passus. Sed D. Hi-
 eronymus super Esaiam ad cap. 14. ad illa verba: *Et con-
 surgam, &c.* hæc habet: *Babylonis arx, id est, capitulum*

ejus urbis, est turris, quæ in altitudine quatuor millia dicitur tenere passuum, paulatim de lato in angustias coarctata, ut pondus imminens facilius à latioribus sustentetur. Describunt ibi templa marmorea, aureas statuas, plateas lapideis auroque fulgentes & alia pene incredibilia. Hæc ille.

Reges Medorum Ecbatanæ: Persarum Persepoli confederunt: de harum magnitudine præter conjecturam nihil extat. Nostro tempore aulas suas habuerunt primum Taurini, deinde Scyræ, civitatibus nobilissimis.

Tartaria & orientalis Asia ob immensas principum opes & potentiam, majores exhibet urbes, quam ulla mundi plaga. Tartari duobus regnis potentissimis dominantur, quorum unum est Mogorinorum: alterum Cathaynorum. Mogorini Tartari suum imperium hodie late extenderunt: Mahamud enim eorum princeps, finibus suis non contentus ante paucos annos fere omnem regionem, inter Gangem & Indum interiacentem, sibi subjugavit. Samarcanda regia est metropolis Mogorinorum: quam Magnus Tamerlanes mirum in modum ditavit præda ex Asia reportata. Ille enim tanquam laxa & procellosa tempestas omnem regionem pervagatus firmioresque urbes demolitus plurimas opes abstulit. Ex sola Damasco (ut cæteras raceam) octo millia camelorum superbis spoliis onustorum abduxit. Vetera historiarum monumenta tradunt tantam fuisse hujus urbis potentiam, ut sexaginta mille equis dives censeretur. Minor hodie est, ut & ipsum imperium. Ut enim post Magni Tamerlanis obitum à filiis in multas partes divisum abuit; sic nostro tempore à Mahometis filiis magis discerptum videmus.

Cathaynorum Tartarorum princeps, (quem vulgus Magnum Cham de Cathaus vocat) à Magno Chiny originem

nem trahit, qui primus ante trecentos annos ex Asiatica Scythia movens, gravissimis expeditionibus Tartarorum nomen celebre reddebat. siquidem regno Chinesium occupato, bonam Indiae partem sibi vectigalem fecit. Hujus successores in urbe Chiambalu sedes suas fixerunt, quæ ut insignis ita ampla est. Ambitus enim præter suburbia, viginti octo parvorum milliarium esse traditur. Adeo ibi florent commercia, ut quotannis circiter mille currus vel solo serico onusti è China eo advehantur. Ex quibus facile conicere licet, quanto perè ibi vigeant negotiationes, preciosissimæ merces, artes & artifices, quæ incolarum multitudo, quam splendide, quam nitide, quam egregie ibi vivatur.

Non extat in toto terrarum orbe regnum (puta partibus suis continuum & conjunctum) capacius, non populosius, non opulentius, non potentius, non durabilius, quam amplissimum illud & laudatissimum Chinesium regnum. In quo maxime conspicuæ tres urbes, ubi sedes regis olim fuerunt, vulgo recensentur. Suntien, Anchin & Panchin, quæ magnitudine urbes omnes, quæcunq; de numquam in toto terrarum orbe extiterant, vincunt. Suntien (quantum ex indiciis indubitatis edoctus habeo) antiquissima est, metropolis regionis Quinsay, quo nomine etiam ipsa urbs ut plurimum vocatur. Sita fere est ad extremas orientis oras in lacu quodam, multis è fluviis, quorum maximus Polyfange dicitur, collecto. Multa in hoc lacu emittunt insulæ, quod a moenitate situs, salubri aere, hortis pensilibus ac splendidis ædificiis aspectum præbent gratissimum. Litora passim viridibus pratis conspicua, tanquam varicoloribus tapetibus ornata, arboribus confita, salientibus aquis & rivulis irrigua, amplissimis palatiis & ædificiis vix credibilem spirant amoenitatem. Maxima lacus latitudo est quatuor magnob-

magnorum milliaria, incapacissima autem duorum. Urbs ipsa ab effluxu aquarum fere 28. milliaria Italica abest: ambitu suo centum milliaria parva complexa: vicorum sive platearum multitudine, tam aqua quam terra maxime insignis: quarum hæc silice politissime strata traditur. Vstratissima ibi sunt podia, e quibus in vias publicas jucundissimus patet prospectus. Insigniores aquarum alvei numero 15. sunt: super quos pontes eximios struxerunt, & sane ea altitudine, quæ navibus plenis velis transitum præbet. Horum alveorum maximus mediam fere secat urbem, latus milliare Italicum; octuaginta pontibus conspicuus: quorum aspectus & usus omnes amœnitates, omnesque utilitates vincit. Molestior fortassis fuero omnia adducturus, quæ celebritatem urbis concernunt. Quantis enim & qualibus ea patet areis? qui splendores ædificiorum? quam egregii yici? quantus civium numerus? quanta mercatorum multitudo? quæ copia navium, ebene & marmore variegatarum, auro & argento vermicularum? Lubens prætereo imensas illas opes, quæ quotidie & importantur & exportantur. Nec commemoro infinita illa voluptatum & deliciarum plaustra, quibus ubique abundat, & merito *Superba sunt* vocari potest.

Ceteræ tamen duæ magnitudine sunt superiores: e quibus Anchia tanta est, ut vix liceat equiti ad utramque partem diurno spatio pervenire: ubi tamen suburbia non accensentur. Panchina autem ambitu sexaginta magna milliaria continere traditur.

Ceterum posteaquam Chinæ mentio incidit, non absurdum me fore credo, si & aliarum urbium, quas in transfursu obiter attingimus, quædam encomia adduxero. Portugaleses ajunt urbem Cantan (notissimam quidem sed non

non maximam.) Vlysbona, majorem esse; quæ tamen ex-
 ptis Constantinopoli & Parisiis, omnium in universa Eu-
 ropa habetur amplissima, Urbem Sauchico triplo majorem
 esse. Sivilia in Hispania ferunt; quod Siviliæ ambitus est sex
 miliarium, Sauchico vero octodecim, amplior tamen u-
 traque, Vechico urbs creditur. Cincheio, quamvis in nu-
 mero maximarum non sit, à patribus tamen ordinis D. Au-
 gustini septuaginta millia ædificiorum habere credita est.

Hæc aliaque nemini absurda & à vero absona videan-
 tur, cum Marcus Polus in Relationibus suis multo majora,
 quam quæ à me allata sunt hæctenus, adducat. Hæc autem,
 quæ à me dicta sunt, tam vero consonant, & in vulgus tam
 nota sunt ex quotidianis nuntiis, qui illinc ad nos ab homi-
 bus perspectæ fidei comitant, Lusitanique uno ore confir-
 mant, ut qui negare velit, stultitiæ potius quam prudentiæ
 notam incurrat. Quo autem lectori benevolo satisfiat, do-
 cumenta quædam adducam, ex quibus perspicere facile sit,
 unde Chineses populi tantopere succreverint.

In primis autem præsupponamus, quod hæc mundi
 plaga, quam orientalem vocamus aut ex cœli clementia,
 aut arcano & abdito siderum situ, atque efficacitate, alii sive
 causis, quales quales illæ sunt, nescio qua virtute & natura
 omnia uberius proferendi cæteras antecellat. Hinc multa
 præclare, quæ in cæteris regionibus non nascuntur, ex feli-
 ci illa plaga depromuntur, ceu sunt cynamomum, nuces
 myristicæ, caryophylla, piper, caphura, sandalum, thus, a-
 loe, nuces Indicæ, &c. Quid quod ea nascentia, quæ oriens
 & occidens pariter profert, in occidente meliora, præstan-
 tiora, & perfectiora nascantur? Confer uniones, aurum, A-
 damantem, Smaragdum, lapidem Bezoar, & vera hæc esse
 probabunt. Uniones enim occidentales cum orientalibus

Q

collati

collati ad invicem se habent, ut plumbum ad argentum, & Bezoar Indicus bonitate Pèruano longe præstat.

Jam vero regnum Chinenſium propius attingit orientem, quam ulla mundi plâga: adeoque omnium, quæ in oriente naſcuntur, plenior ibi eſt proventus. Chinenſes aère, cui potior vitæ noſtræ pars tribuitur, utuntur temperatiſſimo: cui porro accedit mare, quod hanc regionem & circumluit, & velut brachiis ſuis in eam expaſſis amplexatur ac fovet.

Deinde tota regio ut plurimum plana eſt, locique natura percommoda, non tantum neceſſaria vitæ, ſed etiam oblectamenta & delicias vitæ humanæ affatim producens. Montes & colles variis arboribus & fativis operi ſunt. Plantæ oryza, hordeo, frugibus & oleribus ceu pulcerrimis veſtibus eſt induta; exulta, ornata: Horti non tantum noſtratibus fructibus abundant, ſed etiam ſapidiffimis peponibus, dulciſſimis prunis, optimis ficubus, malis citriis, chryſomelis, fragrantia & ſapore jucundiſſimis.

Naſcitur apud ipſos peculiaris herba, ex qua expreſſum ſuccum loco vini adhibent. Liquor eſt dulcis, ſanitatem conſervans, omnia mala ebrietatis propulſans.

Magna illis eſt abundantia omnium animantium, avium; ferarum, lanarum, goſſypii, lini, plurimique ſerici. Abundans illis eſt metallorum copia, auri, argenti, ferri, & c. pretioſiſſimos ibi uniões invenire licet. Nunquam illis deſit ſaccarum, mel, Rhabarbarum, Caphura, Minium, Iſatis, moſchum, aloë: neque alibi naſcitur porcellana. Univerſam regionem variæ aquæ perfluunt, non ſine magna utilitate rei & nauticæ & ruſticæ. Ruris fertilitatem æquant aquæ piſcibus refertiſſimæ: quorum magna copia tam in mari quam in aliis fluviis paſſim ibi capitur.

Ad soli & aquarum fecunditatem utriusque incredibilis cultura & utilitas accedit: idque duabus ex causis: quarum prima ab incolarum multitudine dependet; China enim ultra sexaginta milliones hominum continere creditur. Altera in diligenti cultura consistit. Æque enim privati ruri colendo & ejus frugibus demetendis intenti sunt, ac magistratus, qui otiosum domi desidere sinit neminem. Hinc vix invenias agellum, vel glebam, quæ non optime sit exculta. Num vero hic artes & opera mechanica silebo? cura non sit locus alius, tot & tam insignibus florentior, id quod itidem à duobus proficiscitur. Primum jam laudatum est, quoniam otia passim interdicta, labores cuivis mandati: nulli licet esse otioso, non cæcis, non claudis, nisi plane viribus destitutis. Viteus Chinensium rex lege sancita etiam fœmellas ad exercendum artes paternas, aut minimum tam nobiles quam non nobiles, colo & acui adstrinxit. Alterum est quod filii patris artificia callere & exercere jubentur. Hinc tot artes, totque artifices, qui à teneris unguiculis omnes, tam masculi quam fœminæ, paternæ artificia tractant. Hinc summa artium scientia absolutaque perfectio.

Non committant, ut vel minima & abjectissima res sine fructu pereat. Taurorum & bubalorum fimo nutriunt pisces. Ex ossibus canum aliarumque animalium varia fingunt sculptrilia, qualia nos ex ebore. Ex laceris pannis conflant papyrus.

Sed quid tantopere in his recensendis immoror? Tanta nimirum est apud Chinenses omnium rerum ad vitæ sustentationem necessariarum artiumque & opificiorum copia, ut aliunde quicquam importare minime opus habeant. Quantam serici copiam quotannis vel duraxat in Lusitaniam mittunt? Quindecim naves ad Philippinas oncran-

tur. Fide major copia in Giapas avehitur. Tantom Cathay excipit, quantam æstimare licet ex superioribus, ubi diximus, quanta in Ciambalu mittatur. Opera sua elaborata (quæ infinita sunt) vilissimo vendunt pretio, quod mercatores novæ Hispaniæ, qui ex Philippinis insulis ea coemunt, eo frequenter habent, vix satis admirari queunt.

Quo fit, ut negotiationes, quæ cum Philippinis exercentur, Hispanorum regi damnosæ potius quam lucrosæ sint. Vilissimum enim omnium rerum pretium Mexicanos, suas merces ex Hispania ante petentes, in Philippinas illestat. Quod autem est summum regis Hispani studium, feras illas gentes horribili caligini idolatriæ adhuc immerfas emolliendi & in album Christianæ Ecclesiæ referendi efficit, ut damnum lucro æquale æstimet, modo earum animas lucretur.

Ex his omnibus & singulis liquido constat, Chinam partim naturæ, partem humanæ solertiæ dote & beneficio infinitos homines nutrire posse: adeoque non absurdam esse tantam inibi populositatis famam. Atque hanc ego porro assero, & necessariis documentis probo, idque dupliciter. Primo enim Chinesium rex non opus habet bella gerere, pro amplificandis ditionis suæ finibus, sed tantum ut sua septa defendat. Perpetua illis fere pax est. At quid pæe optabilius? quid fructuosius? quid antiquius? Nulli ex Chinesibus in scio rege & magistratu terra sua licet exire. Crescentibus itaque incolis patrioque solo semper adhærescentibus non potest non esse incolarum ingens multitudo, urbium maxima capacitas, præsertim cum ipsum regnum Chinesium unum corpus unamque urbem representet.

Profecionos Itali nimio nostri amore omnia nostra summi opere admiramur, suspicimus, dum Italiam ejusque urbes

urbes omnibus orbis partibus anteponeudas censemus; Italia ratione situs oblonga, & media Apenninis montibus divisa, pauca habens flumina navigabilia; non potest ferre magnas & populosas urbes. Fluvii Italiae habent se ut rivulicum Gange, Menane & Meacone aliisque orientalibus collati: Tyrrhenum & Adriaticum mare paludem dicas, si cum Oceano comparaveris. Unde nostrae negotiationes & nundinae pro scrutariis non immerito habeas respectu earum, quae Cantanae, Malaccae, Calecutiae, Ormo, Ulysbonae, Seviliae & in caeteris urbibus oceano finitimis habentur.

Huc accedunt inter nos & Mahumetanos. dissidia & bella bonam partem commerciorum in Africa & oriente adimentia. Quid quod melior pars Italiae, ut regnum Neapolitanum; ducatus Mediolanensis regi Hispaniae pareat? Satis autem tenues sunt reliqui ordines, ut & praecipue urbes. Sed instituti ratio requirit ut eo, unde digressi sumus, revertamur.

Principis sedes ex sese satis virium habet ad instaurantiam urbem & extendendam. Memoria prodidit Franciscus Alvarez, in Ethiopia quantumvis regione amplissima non extare urbem ultra mille sexcentos cives continentem; quarum numero paucas esse ajunt. Rex vero Aethiopiae, quem illi magnum Nego, nos, sed vitiose, Prette Joannem vocamus; incerta aula vagatur. Sola enim ejus aula instar potentissimae urbis est: siquidem ejus tentoria vix aliquot miliaribus capiuntur.

Omnnes celebriores urbes Asiae principum sedes fuerunt. Damascus, Antiochia, Angori, Trebisonda, Bursia, Hierosolyma. Sed ad nostram Europam transeamus. Roma translata aula imperatoria desflorescere coepit; Constantinopolis vero, ubi imperatores considebant, maxima cepit

incrementa : quæ etiamnum ob aulam Turcici imperatoris facta, recta durant.

Hæc urbs sita est in loco amœnissimo, optimo, commodissimo, qualem nulla urbs totius mundi invenit. Sita quidem est in Europa, sed plus minus quadringentis passibus ab Asia abest. Dominatur ponto Euxino (quod Turcæ Mare nigrum, vulgo Mare Maggiore vocant) & Propontidi, quæ nobis Mare D. Georgii nominatur. Euxini ponti ambitus est duorum millium septingentorum parvorum milliarium. Propontis vero ultra, ad ducenta milliaria porrigitur, donec Archipelago (alias mari Ægeo, Turcis Mari albo) committitur.

Nullius tempestatis, quantumvis procellosæ savitia navigationes prohibet, quo minus variæ merces utrinque in urbem adferantur. Et hæud sciò, an, si modo dictam urbem alius adhuc fluvius navigabilis allueret, aliquid ad ejus perfectionem accedere posset. Ambitus ejus est 13. milliarium, & addita P E R A, octodecim : intra hujus complexum septingenta millia hominum invenias. Pestis tertio quoque anno vehementer ibi grassatur : vel verius dixerim, raro aut nunquam fere à peste immunis est. Unde profecto non indignum proponitur disputatoribus problema, cur illa lues tertio quoque anno (ut Cayri septimo) instar tertianæ febris vehementiori paroxysmo in urbem ratione situs & aeris salubrem revertatur. Quæ quidem ego in præsentî differò, aut ingenii exercitatoribus discutienda propino.

Intra Constantinopolim septem montes conspiciuntur. Invenias ibi prope litus ad orientem, Turcici imperatoris gynæceum, cujus muri ambitu suo tria milliaria coercent. Invenias ibi armamentarium, ubi officina & statio narium fornicibus plusquam centum triginta enitet. Videas urbem

urbem situs ratione satis amœnam, portubus laudatissimis, civium multitudine, negotiationibus frequentissimis, ipsiusque imperatoris aula splendissima adeo conspicuam & ornatam, ut facile inter omnes Europas, primas reportet. Una enim imperatoris aula triginta millia armatorum equitum ac peditum alit.

In Africa maximam celebritatis famam affectæ sunt; Alcaïrum, quæ urbs non ita pridem amplissimi regni potentissima Metropolis adeoque civibus abundantissima facta est. Tremise, quæ cum adhuc floreret, sedecim mille familias continebat. Tunetum novem millia: Marocco centum millia: Fessa, ubi Africa regis potentissimi aula est, sexaginta quinque millia aedificiorum continent.

Quamvis orbis Christianus multa habeat regna eaque splendidissima, omnia tamen (puta quorum membra sint continua) Gallico facile concedunt multitudine & incolarum & opum. Gallia circiter 27000 parochias (Parisiensem pro una accipimus) habet, in quibus ultra quindecim hominum milliones inveniuntur. Bonis, quæ natura locorum suppeditat, & opibus, quas humana solertia cogit, Gallia omnibus nationibus est superior. Regia aula longa temporis serie hætenus fuit Lutetiæ, unde ad tantam magnitudinem excrevit, ut parem in orbe Christiano non invenias. Ambitus ejus est duodecim miliarium: intra quorum fines ac septa, quater centena & quinquaginta hominum millia plus minus degunt. Tanta ibi est rerum copia, tanta deliciarum & voluptatum, omniumque, quæ humana vita requirit, est abundantia, ut, qui non vidit, nec credere, nec imaginatione concipere possit.

Regnum Anglicum, Neapolitanum, Portugalense, Bohemicum, comitatus Flandriæ, ducatus Mediolanensis digni-

dignitate & potentia sibi invicem fere pares sunt : unde & urbes, ubi aliquando aulas suas habuerunt prædictarum regionum principes, parum discrepant : Ejusmodi sunt Londinum, Neapolis, Ulysbona, Praga, Mediolanum, Gandayum, in quibus singulis plus minus centum sexaginta mille homines reperiuntur. Paulo tamen amplior cæteris est Ulysbona, propter commercia Æthiopiæ, Indiæ, & Brasiliæ, ut & Londinum ob morus bellicos, quæ in Belgica gliscunt, Tantæ magnitudinis in Hispania nullam invenias urbem, non tam quod hætenus in plura regna fuit divisa, quam quod fluminibus navigabilibus caret, sine quibus sufficiens comæatus, quo aliquantulum populus extraordinarie aleretur, in vehi nequit. Celebriores Hispaniæ urbes, quæ olim regiæ erant sedes, vulgo censentur : Barcinon, Saracofsa, Valeza, Corduba, Tolerum, Biturigum, Lugdunum quæ quidem omnes magnæ sunt, populosa, Italiæ tamen urbibus inferiores.

Has antecellit Granata, (vulgo Garnada) quæ longo tempore Maurorum regibus sedem præbuit, multis eximiis ædificiis ab iisdem exornata. Pars ejus in monte, pars in plano sita est. Quæ monti adhæret, in tres distinctos colles est divisa, aquis abundat, quibus universa regio habitabilior efficitur & irrigatur.

Quamdiu America patuit, in maximam potentiam succrevit Sevilla, quibus maris æstus ibi exundans incomparabiles opes adfert. Ambitus est sex parvorum miliarium, octuaginta millia hominum complectens. Sita est in sinistro littore fluvii Betis, quem alias Guadalchivir vocant, Eximiis templis & palatiis insignis est, solum habet fertile & amœnum.

Vagliadolid tametsi urbs non sit, excellentissimis ra-

men urbibus Hispaniæ comparari potest: idque quia longo tempore regia sedes ibi fuit. Sic Madridum urbs non tantum in majus aucta est, sed adhuc augetur, propter sedem regiam à rege Philippo contractatam. Tantum ibi valuit aula regia, ut ex nimio incolarum confluxu unus pagus, qui ibi olim erat, populosissimum oppidum totius Hispaniæ evaserit.

Poloniæ populosissimæ urbes sunt Cracovium & Vilna, quia Cracovii principes Poloniæ, & Vilnæ magni duces Lithvaniæ aulas suas habebant.

Tribus potissimum urbibus Moscovia inclaruit: Volodimeria, Novogarda magna & Moscovia specialiter ita dicta; quæ omnes ac singulæ celebritatis nomen inde affectæ sunt, quod summi Moscoviæ principes, vulgo magni duces, aulam suam ibi constituerunt. Hac ratione nostro seculo urbs Moscoviæ præ cæteris celebris est, quod nimirum Magnus Moscoviæ dux aulam suam hodie ibi fovet. Moscoviæ urbis longitudo est quinque milliarium parvorum, latitudo aliquanto minor. Amplissimum ibi est castellum, quod ducis magni palatium est & aula. Adeo populosa est, ut à quibusdam Constantinopoli, Lutetiæ & Ulysbonæ æquiparetur, atque his tribus Europæ urbibus, ut florentissimis ita populosissimis velut quarta addatur.

Syracusarum urbs omnium Siciliae urbium amplissima, quatuor maximis urbibus, ut Cicero tradit, olim constitit. Causam amplitudini dedit, regum sive tyrannorum (ut antiquitus vocabatur) sedes. Commercijs vero & negotiationibus, quas cum Africanis habebant, defervescentibus, & sede regia Palermum translata, Syracusa pristinam celebritatem indies magis magisque perdiderunt: Palermum vero caput extulit, dignitateque ac gloria excrevit.

Palermi capacitas satis ampla est, & secundum inrer Italix urbes locum facile obtinet: insignis splendidis templis & palatiis, sanctorum reliquiis, lautissimiſque ædificiis à Saracenis extructis: Duo vero potissimum, quæ nostra secula ibi construi viderunt, notatu digna sunt: Unum, quod regia per mediam urbem patefacta est, ad eo recta, plana, lata, longa, ut num simile quippiam habeat universa Italia, jure dubites. Alterum est, quod valla, munitiones, aggeresque versus mare amplissimam atque tutissimam efficiant navibus stationem. Opus sane dignissimum, quod admirandis Italorum operibus adjungatur.

Marcus Polus, cujus supra mentionem fecimus, rerum Ind. libro secundo, capite 68. tradit, Quinsai urbem in Magni Cham ditione centum passuum millium ambitum tunc fuisse complexam, atque in ea numerata foculorum mille ac sexcenta millia, ut si quinque sive mares, sive fæminæ per singulos foculos adnumerentur, una illa urbs octuagies decies centena hominum millia continuisse visa fuerit. Verum cum omnium rerum vicissitudo semper fuerit, post ducentos à Marco Polo annos cum eo profectus fuisset Nicolaus de Comitibus, comperit adeo insignem urbem jam diu antea excidium passam, ac nihilominus adhuc instauratam, atque ad triginta passuum millium ambitum fuisse redactum. Id ipse Nicolaus memorat in itinerario Indico apud Ramusium tomo 1. In eo numeratos pontes ad duodecim millia, quæ tantæ erant amplitudinis, ut onerarias naves admitterent, Polus eodem loco testatur & Ortelius in Tartaria. Viam autem ejus urbis primariam protendi latitudine 40. passuum, longitudine ad 38. millia passuum extendi Polus ait, scribitque quaque versus reliquas extra urbem vias perstratas pluribus mensibus non permeari; nam octo mensibus etiam

iam Odericus posterior tradidit. Adjicit quoque Polus, ibi plateas esse ambitu singulis bis mille passuum. Incolarum ejus tantus est numerus, ut ad pugnam numerari possint. donec usque ad ducenta millia: quandoquidem trecenta domorum millia conscripta sunt.

Paquin, regiam in Sinarum regione urbem, adeo late patere memoratur, ut septem dierum intervallo recta pertransiri non possit, cum præterea munita sit tribus ambientibus muris. Quicquid ad alimenta regi necessarium est, infra hunc ambitum nascitur. Vrberex nunquam egreditur: assistunt illi quingenti gigantes, non minores pedibus quindecim. Flumine tota urbs alluitur, ex informatione Jesuitarum, de rebus Sinarum, tomo 2. Melchior Nugnez Jesuita scribens ex Malacca.

Quod si libet orbis novi, aut Indiarum, aut extra Europam plerasque urbes admirandas audire, facile mihi suppetent, ac brevibus recolam. Est Vohaca urbs in Japone memorabilis, longa ad quatuor passuum millia, habetque proximas ingentes turres & latitudine & altitudine undiq; conspicuas, quod earum testa inaurata sunt, Lud. Froës in literis anno Domini 1586. Est Amaguci in eodem Japone, centum millia foculorum continens, ut Franciscus Xaverius testatus est suis literis an. 1553. In eadem quoque insula Meacus urbs est, quæ memoratur centum octoginta millia foculorum habuisse, eodem Xaverio teste; habere autem adhuc centum millia constat. In eadem insula est Osacci urbs Republicæ ritum serjans, velut in Italia Veneti. Admiranda ibi est opulentia, numerati sunt mille cives, quibus non minores sunt opes triginta millibus aureorum, supra autem sunt plurimi: tanto fastu educantur omnes, ut quisque civis paterfamilias, sive viri, sive faminæ, reges aut reginæ

nuncupentur, filii vero, principes, ut Ferd. Mendez scripsit anno Domini 1554. Propterea si Constantinus Constantini Magni filius, qui solebat, cum Romæ esset, dicere, tot se reges videre quot cives, in ea urbe, fuisset, verius id dixisset quam Roma.

Odia autem regia urbs Indica orientalis Sornai regno Venetiarum in Italia urbi & amplitudine & situ coæquanda est: tota enim in aquis exædificata per omnes vicus aquis adnavigatur; sed illud valde est admirandum, numerari ibi plura, quam ducenta cymbarum millia, quæ sex milliaria in latissime patente & urbem alluente flumine occupant, omnibusque transitum impediunt. Ferd. Mendez anno Domini 1554.

Sunt & aliæ in aquis exædificatæ urbes in oriente: nam in Burnei insula, cognominem urbem esse ferunt ligneam: totam præter regiam, quæ sola lapidea est; in imo mari fixis stipitibus struunt domos. Vici patent adeo, ut per singulos venalis annona cymbis deferatur: sunt autem viginti quinque domorum millia à Mauris culta, ut Antonius Pigafeta testatur. Est & Lao urbs in eadem insula, illa quidem amplior, eadem structura, in undis exædificata, atque ab Ethnicis colitur, eodem Pigafeta teste. Est in eodem orientis Indico tractu alia urbs, cui nomen Uguin, adeo autem proximis ædificiis abundat, suburbiisque oppidis & villis, ut toto biduo inter ædificia semper eatur, & unam urbem omnia hujusmodi ædificia complecti putentur, Polus libro 2. capite 73.

Quin & Ceuscala duplo Venetiis amplior esse putatur, ut Odericus tradit libro primo. Zaiton quoque urbs duplo Bononia in Italia amplior esse perhibetur. Ibi in unico cœnobio idololatrarum numerata sunt tria Monachorum millia.

lia. Extabant quoque undecim ingentium idolorum millia, quorum minimum hominis altitudinem superabat, O-doricus libro primo. Sed & Fluxo, quæ in eodem Indico tractu jacet, amplissima est: patet etenim ambitu ad passuum millia triginta; ut Oder. lib. I. tradit. At alia urbs, cui Chileraphe nomen est, ambitum quadraginta passuum millium habet, atque in ea lapidei pontes numerantur ad trecentos septuaginta eximie ædificati. Est etiam alia urbs regia, cui nomen Tescol in Mangi provincia, Venetijs triplo major, in qua una tot navigia conspiciuntur in usum haberi per fluvium, quo alluitur, quanta omni in Italia, tum maritum mediterraneis fluminibus lacubusve reperiri queant. At Cambalu Magni Cham regia urbs bipartita est. Pars altera ambitu protenditur ad passuum viginti quatuor millia, altera proxime ad quadraginta millia. Unicus autem murus utramque urbem cingit, qui protenditur ad centum passuum millia. Atque hæc quidem in Asia etiam veteribus cognita. At memorant nostro seculo, qui eo penetrarunt, præter has ingentes urbes inventam urbem Megoa, 40. domorum millia continentem. Sed & urbs Lanchin ab ingressu ad egressum tantâ reperta est longitudine, ut recta linea toto triduo pertranliri non possit; ejus ambitus ad leucas septuaginta porrigi fertur, id est, ad Italica milliaria 280. Reb. Sin. part. 2. cap. 23.

At in orbe novo, nostro hoc seculo comperta non sine admiratione multa de urbibus recoluntur. Nam qui illum intrarunt affirmant, Mexicum urbem centum viginti millia magnarum ædium habuisse, ædificata, abest enim à continenti, qua proxime, octo millibus passuum, cum ejus ambitus sit ad duodecim millia passuum. Referuntque in ea

tantæ magnitudinis templum fuisse compertum, ut quingentæ domus in eo extrui potuerint: in ambitu habere turres quadringentas præaltas, quadrangulares, centum quinquaginta passuum ambitu: itur in summum usq; verticem percommode, primum quidem gradibus centum triginta per girum: deinde exurgunt à vertice duæ aliæ turres, singulæ altitudine pedum sexaginta. In eam urbem cum lacus falsam ferat aquam è continenti, canalibus in superficie laci locatis, potabilis plurima aqua deducitur. Nec unam tantum urbem continet is lacus, sed alias plures. Sunt in eadem Mexico horti porticibus ex Jaspide lapide confectis exornati, eximioque artificio compositi. Et quod valde libet annotare, in eodem novo orbe, in provincia Tapalum altera tantæ amplitudinis urbs comperta est, quæ Mexico prorsus comparatur, ut Petrus Alvaradus scribit. In Peruaco autem ejusdem orbis Pachalchami urbs, Roma major comperta est. Sed & Cuscum regia urbs in Peruaco, cujus muri amplitudine sunt admirabili, confecti ex grandibus lapidibus, quandoquidem quadrangulari forma sunt, per singula latera pedes triginta, quandoque viginti, ad minus quindecim. Est in eodem orbe Tascaltecal, in qua quadringentæ turres numeratæ sunt. Sed omnium rerum vicissitudo est. Cum etenim Cortesius toti orbi novo Caroli Quinti Imperatoris nomine præsideret, ob seditionem illam tantam urbem Mexicum igne consumpsit: at postea augustissime restaurari curavit, exædificato palatio, adeo magno sumtu & amplitudine, ut cum ipsi senatuique universo ac præfectis provinciarum pluribus percommoda hospitia darentur, quicquid ejus palatii superesset habitabile, ad septē ducentorum millia locaretur inquilinis, uti memorat Surius in Commentario anno Domini 1558. Ut quanquam sint hæc memo-

memoratu perdigna, admirari tamen etiam libet, quanta e-
 jus urbis adjacentis sint oppida, quamq; ingens populorum
 frequentia, ut omnia fere orbis loca superare numero ho-
 minum videri possint. Municipia enim prope urbem quæ-
 dam septem, quædam quindecim, alia viginti, alia trigin-
 ta, alia quinquaginta, alia sexaginta, alia septuaginta do-
 morum millia obtinent. Accedit his, quod solo in Mexico
 referunt multi summa fide dignissimi, triginta fuisse Dyna-
 stas, quorum quilibet habuerunt sub se centum millia ho-
 minum, aut circiter, & tria millia Toparchiarum, qui & a-
 lios sub se haberent clientes fiduciares, ac beneficiarios Va-
 fallos, Valvasores & Valvasinos. Qui Dynastæ certa anni
 parte familiam suam alebant in civitate Mexicana curia re-
 gis Montezumæ, & ex ea non licebat illis discedere ad suas
 provincias, nisi regis permisso, ac relictis sive filiis sive fra-
 tribus suis in civitate ob sidum loco, & quod dictu horren-
 dum est, mille plerunque homines uno die in civitate Me-
 xicana demonibus immolabantur, quæ tamen execranda
 abominatio hodie per Jesuitas sublata est. Hæc è Surii Com-
 mentario anno Dñi 1558.

Solinus cap. 53. tradit, in India quinque esse oppido-
 rum millia, quorum singula ad minus novem hominum
 millia habeat. Idque tribuit causæ, quod soli Indi nunquam
 à natali solo recesserint. Pomponius Mela lib. 1. scribit A-
 massi in Ægypto regnante viginti urbium millia numerata
 fuisse, quod & Herod. tradit lib. 2. c. 12. Quinetiam recen-
 tiores tradunt, ob soli præcipuam fertilitatem & hominum
 frequentiam, adeo Ægyptum exultam esse, ut decem & o-
 cto millia inferiorum urbium in ea extracta adhuc nume-
 rentur.

In Chinenfium regionibus Cantæon omnium quidem
 mini:

minima urbs est, amplior tamen Ulyssibona in Lusitania; eoque nomine insignis, quod ad exercendam justitiam ejus rex alat centum millia minitrorum ac militum, tuendæ ubique securitatis causa; deinde quilibet ejus urbis vici noctu portis occluduntur, ne ex uno in alterum transitus pateat: ut ita cohibeantur maleficia, quæ haud dubie non nisi à proximis committuntur. Esseque in ea urbe memorant plures quam mille triumphales arcus eximie ædificatos, terque quotannis agrum referre fructum ob assiduas irrigationes. Hæc Melchior Nugnez Jesuita in literis inde missis.

Huc referre lubet admirandam ædificandæ urbis novitatem. In navigatione, qua itur ab Ormutio Goam, non longe à Bazzain, urbs quædam patet, tota in monte lapideo excisa & excavata, perinde ac cælaturæ fiunt: viæ enim plures, domus, vici, plateæ, cisternæque centum ad civium usum: excavata enim hæc omnia sunt, non autem extructa, ut sic una tota civitas uno è saxo constare videatur, tuta à ruïnis, inundationibus ac terræ motibus simul ac incendiis. Megu etiam Indica urbs palatia cum ingentibus aulis & ipsa amplissima habet excavato saxo.

Sed & de murorum extructionibus aliquid ut dicamus, Adrianus imperator murum per octoginta millia passuum in Britannia duxit, qui Barbaros Romanosque divideret. Margianam regionem Antiochus circumduxit muro perpetuo, atque in ea Antiochiam quoque ædificavit. Erat autem muri ambitus stadiorum mille quingentorum, id est, prope ducentorum millium passuum, ut memorat Strabo lib. II. Alium Miltiades dux Atheniensium fecit, qui à Thraciæ urbe, quam *μακρὸν τεῖχος* vocant, inciperet, supra fidem ingens usque ad sinum Melicum, excluderetque Chersonesum à reliqua Thracia, ut memorat Vives ad libros Aug.

gust. de civ. Dei, lib. 15. ad c. 27. Quo loco memorat Cæsarem quoque alium duxisse murum à lacu Lemano ad montem Juram, qui fines Sequanorum ab Helvetiis dividit. Sic Severus imperator murum duxit in Britannia centum & triginta millium passuum longitudine, à mari scilicet ad mare. Sic Anastasius Dicorus murum longum condidit à magno mari ad Selybriam usque pertingentem, ob Mysorum, sive Bulgarorum & Scytharum incursiones. Carthaginenses quoque murum sexaginta stadiorum duxerant in suæ urbis tuitionem in Isthmo ipsius peninsulæ. Melchior Nugnez memorat, in Sinarum regionibus murum extare, Sinas ipsos à Tartaris determinantem, magnitudine prope inexpugnabilem atque præaltum, porrigique in tantam longitudinem, ut menstruo spatio integro ad illius postremam partem nemo valeat pervenire, ut sic deprehendatur prope ad decies centum millia passuum protendi longitudine.

Porro consideranda hic occurrunt & alia commemoratione digna. Ferunt qui regiones Chineses perlustrarunt, quæ quæversum directas ac lapidibus perstratas vias conspici, in illis regionibus omnium totius orbis amplissimis, non in decies centena millia passuum tantum, aut ad menstruum iter, sed ad octimestre, atque ad septies centena millia passuum, id est, septem millium milliariorum Italicorum directas esse ac perstratas lapidibus vias hujusmodi, tum quæ ab oriente in occidentem tendunt, & eæ sunt plures, tum quæ ab Austro in Aquilonem, quæ etiam sunt plures, adhibitis per commodis hospitiiis quibuslibet itinerantibus, cum equorum ad itinerantium commodum incredibili multitudine certis locis aptissime constituta. Marcus Polus lib. 2. c. 2. expressius id tradit, scilicet ubique Regia, quæ reges capere possent, hospitia perpetuo singularique hospitiiis ali equos

cursores quadringentos, adeo ut itinerationis tantummodo causa numerentur in hujusmodi hospitiiis disposita ducenta equorum millia. Atque hæc in oriente sunt. At in novo orbe ij, qui eum perlustrarunt, non absimilia reperiri memorant. Gusconium enim in Peruvaco amplissima urbs regia est: ejus reges longe potentissimi duas vias militares direxerunt è civitate Gusconio in septingentas leucas, id est, ad plura, quam bis mille milliaria Italica, aut forte etiam prope ad ter mille milliaria, quarum una per alpes, altera per valles dacebat, atque in ijs viis ad singulas septenas leucas diversoria constituta erant, in quibus singulis semper nudus, exarmatus, famelicus quadraginta aut amplius millium hominum exercitus, subito appellens, vestiri, armari, pasci in longum tempus posset. Viam quoque marmore excavatam plana ac montana plurima passuum millia, ac perpetuis literis exaratam, meminere Saxo Grammaticus, & Krantius. Sic enim illi: Via est quædam apud Blekingiam admiranda, apta enim itinerantibus est rupes mirandis literarum interstincta notis longissimo locorum tractu: siquidem à Meridiano mari in deserta Verandia petrosa porrigitur semita, quam binæ lineæ exiguo discretæ spatio protractis in longum ductibus complectuntur: inter quas medium loco planum factis ad legendum figuris undique secus exaratum ostenditur, quod licet adeo sit inæquale existat, ut modo montium alta præscindat, modo vallium ima prætereat, eodem tamen tenore literarum vestigia servare dignoscitur. Quarum significationem rex Woldemarus sacri Canuti fausta proles admirationis causa cognoscere cupiens misit, qui rupem permeantes patentium illic characterum seriem curiosiore indagatione colligerent, ac postmodum virgulis quibusdam sub iisdem formarum apicibus ad-

nota.

notarent; qui ideo nihil ex eis interpretamenti comprehendere potuerunt, quod ipsa cælatura concavitas partim cæno interlita, partim commeanium adesa vestigiis figuratæ protractionis speciem obruto calle confuderat. Unde conspicuum est, etiam petrinæ soliditatis rimas diutino madore completas, aut sordium colluvione, aut irriguâ nimborum instillatione concrefcere. Hæc Saxo in præfatione Danicæ Historiæ.

Ad turres transeamus. Turres igitur sunt quidem & ornamenta & munimenta; sed cum superbia eas adificat, irritæ sunt, quod in altissima ac latissima Babylonica constat, sæpe enim infania eas adificat. Sic in Cyzico urbe iuxta portam, quæ Thracia vocatur, ad stultam voluptatem turres septem ita exadificatæ sunt, ut voces accepto numerosiore repêrcussu multiplicentur, cui miraculo à Græcis nomen datum est, Echo, Plin. lib. 36. cap. 15. Memorant præterea ii, qui orientem perlustrarunt, admirandam eam esse turrim, quæ visitur in Fucheo Sinarum urbe, quam tradunt superare omnia Romanorum ædificia: est enim extructa super 40. solidas columnas amplissimas, simul & altissimas. Altitudinem putant nonnulli maiorem non reperiri in quavis turri Italica, sive Cremonæ, sive Bononiæ, quam in Africa urbe Marocco, in exadificata à rege turri: est ambitu pedum ducentum, superat autem longe hunc numerum altitudine. Surgit enim in septem amplissima solaria, ad quæ præplanis gradibus per gyrum ascenditur. Ubi ventum est in summum, patet planities plurima, in qua locata est pyramis in imo patens pedes quinquaginta, longa circa pedes triginta; in cuius summo vertice ordine locatæ sunt velut veru confixæ tres ingentes spheræ argentæ. Extat & alia turris ad templi usum & ipsa amplissima, in cuius sum-

mo cacumine velut ordine veru confixæ conſpiciuntur tres ingentes ſpharæ aureæ, quarum precium ad centum triginta aureorum millia æſtimari traditur. Hunc ſumtum ſuperant turres in Indiæ orientalis regno Mien: Nam regium ibi ſepulcrum extat inter duas turres locatum, ipſum quidem aureis argenteisque laminis digitali craſſitudine obtegit. Turres vero ipſæ, præter id, quod in ipſarum ſummis verticibus aureas & argenteas campanulas ita conſtitutas habent, ut vento agitate è catenulis pendentes ſonitum ſua veniedant: etiam ipſarum tecta, quanta (quæ maxima eſt) latitudine patent; unius quidem argenteis laminis digituli craſſitudine, alterius autem aureis laminis etiam pari craſſitudine conteguntur, ut tradit M. Polus lib. 2. cap. 44. Altitudinem certe turris admirari quidem quiſque videtur, qui Cremonam proſeſcitur, cum per Lombardiam, ſeu Cisalpinam iter agentibus aut navigantibus à multis paſſ. millibus unde quaque ſpectabilis ſit: ſed revera Argentinæ altior eſt; nam ab imo ad ſupremum culmen quadris & perpulchre figuratis lapidibus tota conſtat; patetque ejus aſcenſus cochleis: ubi vero craſſities ejus in aſſigium incipit acuminari, ibi octo inſurgunt cochleæ: vertex qui vix modicæ amplitudinem videtur habere, commode ſex homines capit: Altitudo ejus tota pedes habet Geometricos 574. Quod vero de Bononiæ turri diximus, velut ea inter reliquas ſit præalta, duo augent de illa admirationem, quod exilis ſit, quod ex debilitate fundamentorum in imo dehiſcens paululum ad perpendicularum propendat inclinata ve ſit. Eſt autem illi proxima alia turris tota prorfus inclinata, velut caſura: attamen arte ita conſecta eſt, ut cadere videatur, cum ipſa firmiſſima ſit. At turris, quæ Venetiis apud S. Marcum exurgit, tota imis fundamentis ipſo mari ſubſtratis ad-

miran-

miranda est, non modo crassitie & altitudine, sed ex gradibus quoque quibus in summum itur: Referemus autem in id Sabellici verba; lib. de situ urbis Venet. lib. 2. Superbissima (inquit) turris occurrit, adeo altis fundamentis innixa, ut pene plus operis latere credatur, quam ad auras exeat: summus apex adeo sublimis, ut fulgor auri quo illius est, ad ducenta stadia ex alto navigantibus velut saluberrimum quoddam occurrat sidus.

Porro & amplissima & magnificentissima quæque regum ac principum palatia huc referte; non incommodum fore existimo. Eorumque omnium maximum esse putatur illud; quod magnus Imperator Cham inhabitat in Cambalicensi urbe. Cingitur primum muro perpetuo quatuor angulis, quorum quilibet ad octomillia passuum porrigitur, ut inde iam deprehendamus, ambitum Romanæ urbe maiorem esse; & quod auget admirationem manifestus huiusmodi murus perpetua profundaque fossa, quæ piscinæ usum præbet. Introitus postea alius est murus; etiam perpetuus, ad sex millia passuum per singula latera, frequentissimis etiam exornatus ædibus insignibus. Rursus paulo interius murus alius est etiam perpetuus; habens in singula latera quater mille passus, exornatus & ipse amplissimis ædibus, cœnitis etiam hortis ac vivariis ferarum. Ac quicquid viarum est intra hæc septa, lapidibus stratum patet; ibidem quoque in montis manufacti vertice alia amplissima domus ex ædificata est, uno viridi colore tota perpicua. At ad ipsa regia, quæ in horum murorum medio extructæ sunt, ex auro tectum habent univrsum, minio, lazurio atque aliis eximii coloribus exornatum. Hæc fufius tradit M. Polus rei inspector. l. 2. c. 6. & Odericus lib. 1. qui adicit, se triennio apud illum regem vitam duxisse ac omnia perlustrasse, extareque ex au-

ro columnas 24. ac pinum arborem maximam auro illigatam, è qua undecunque pendent ramusculi gemmis uvarum modo referri: plures quoque ibi videri ingentes ex auro serpentes, ac prægrandem solidam ex auro columnam. Aedium autem harum ambitus perpetuo muro cingitur per singula latera ad passus mille; extrinsecus autem secus murum hunc perpetuum ambulacrum cum podio ac mutulis columnisque exiguis exstructum est, ita eminens, ut quæcunque inde circumcirca prospectari possint. Extat præterea mons, quem manu confectum diximus: is porrigitur ad stadii unius altitudinem, in imo vero ambitus ejus est octo stadiorum, Pyramidis referens formam, quæ non quadrata, sed teres sit, totus arboribus confitus perpetuoque virentibus. Memorat præterea eodem lib. c. 68 regem Famfur ejusdem Indiæ ad Quinsai urbem, palatium decem millium passuum ambitu inhabitare, proque tanta amplitudine etiam ornatissimum atque instructissimum. Muros ejus fuisse præaltos undecunque: intrinsecus autem longissimas porticus auro & lazurio exornatas, inauratis columnis spectari, solaria omnia auro ornato: ædes quoque reliquas contiguas regiæ magnificentiæ congruas fuisse: & in iis muliebria claustra ornatissima; leporaria quoque & peramœnos lucos habuisse. Hæc Polus lib. 2. c. 68. Regem præterea quendam in regione Sinarum tradunt, qui ea loca iustrarunt, admirandi artificii inhabitare ædes amplissimas. Primum illud est, esse palatium non muris fultum, sed octo altissimis columnis totum superpositum consistere, non minore firmitate, quam si in ipso firmissimo solo amplissimis fundamentis stabiliretur. Auget admirationem ipsa columnarum altitudo, nam ipsis turrium fere altitudo est, assurgunt enim ad pedes 70, singulæ, quas bini homines comple-

cteren-

tarentur. Aedes igitur his columnis superstructa exorna-
 tissimæ sunt, eximiiis picturis exterius, murisque ipsi etiam
 inauratis. Cæterum summus Sinarum rex (nam regibus
 multis dominatur) longe sumtuosiorē inhabitat regiam.
 Aulas etenim septuaginta novem amplissimas continet: at-
 que tantæ vastitatis est, ut dies absumatur tota in ipsis aulis
 cubiculisque perlustrandis. Ex iis aulis quatuor insigniores
 sunt, una inferne superneque tota aere, alia argento tota au-
 ro & encausto alia, quarum unioibus, pretiosisque gemmis
 exornata contecta que est Rex nullo lumine solis se spectari-
 dum præbet, sed qui adstant ministri, perpetuo fasces accen-
 sos præ manibus tenent. Si adæatur colloquii aut audien-
 dorum legatorum causa, ingentem ingreditur serpentem
 artificio factum in palatina arca locatum, cubiculi capaci-
 tatem habentem, rex quoque necessarios secum ingredi iu-
 bet, fenestella quoque in serpentis pectore est, vitro obdu-
 cto, ut loquentes ipse quidem videat, at ab iis non videatur.
 Id tradit Anton. Pigafet. qui adiicit huic regi semper in sta-
 tione palatina custodiæ causa decem militum millia excu-
 bare. Est palatium illud ambitu incredibili, cum septem-
 plices muri invicem valde remoti omnia ædificia cingant.
 Visitur ibi solium regium ex ebore, prorsusque contectum
 est gemmis pretiosissimis, adeo ut noctu micet corusquetque
 in tenebris, Reb. Sin. libro tertio, capite secundo. Regis quo-
 que insulæ Zipangu palatium omne laminis aureis, veluti
 apud nos plumbo, contectum est, solarum eius aureis laminis
 teguntur, adeo ut nihil audiri possit pretiosius. Sed & Javæ
 majoris insulæ regis palatium est, inque illud pluribus gra-
 dibus conscenditur; alterni sunt locati gradus, ut alter aere,
 us sit, alter argenteus: ita quoque atularum muri hac alter-
 natione contecti sunt laminis, sinister argenteis, dexter au-
 reis,

reis, alius item argenteus, atque alius aureus. Tectum quoque eximio auro compositum est. Simulacra extant plurima ex auro, quorum capitibus diademata gemmis innumerabilibus exornata imposita sunt; qui spectatores fuerunt, referunt in orbe nihil reperiri preciosius. Nec prætermittendum videtur aliud, quod in Perside est prope Taurim; est enim octangulare extrinsecus, intrinsecusque encaustico atque auro incrustatum. Continet eximii artificii atque amœnitatis incredibilis hortos. Est & illud non omittendum palatium, quod in amplissima urbe Ochia in Sornai regno conspici tantummodo exterius licet: nemini etenim prorsus ingredi permissum est, præterquam regum oratoribus. Extrinsecus quidem stanno undequaque muri obrecti sunt: intrinsecus autem omnia auro contexta eximio conspiciuntur. Ferdinand. Mendez anno Domini 1554. Hæc equidem in Asia admiranda regum palatia, quibus similia non conspiciuntur in Europa, quamquam artificiosius sint aliqua memoratu digna, velut apud Constantinopolim recollit Luitprandus Ticinensis Diaconus, quando Berengarii nomine ad Constantinum Imperatorem legatione perfunctus est, anno Domini 950. Scribit enim se in regiam fuisse exceptum. Erat illa ornata sumtuosissime, ibi area inaurata arbor ante ipsius Imperatoris solium assurgebat, expansis magnum in modum ramis aëreis atque inauratis, in his frequentissimæ variarum specierum aves arte confictæ, quarum singulæ species proprias voces cantusque emittebant incredibili arte. Regium autem solium miro erat confectum artificio, ut momento videretur humile, atque in ipso solo esse velut depressum, postea momento in sublime, elatumque apparebat, neque ulli cognitum esse poterat, qua id arte fieret, adeo sublime, velut solarium compar, conspiceretur, nullis conspe-

conspectis, aut instrumentis, aut machinis; erant sedilia e-
 jus amplissima, quæ leonum simulacra auro tecta custodire
 viderentur. Delatus igitur est Luitprandus in Imperatoris
 conspectum, duorum eunuchorum humeris innixus, mox
 ubi coram adstitit Imperatori, leonum simulacra illa rugi-
 tum quendam emisere: avium quoque simulacra qualibet
 pro sua specie vocibus obstrepebant, ac cum pronus paulum
 ab Imperatore distans illum adorasset in humili sedentem,
 vix erigens, cervicem conspicit illum jam mutato imperia-
 li amictu juxta aulæ laquearia sublimem sedere. Hæc qua
 arte confecta fuerint, nullo ingenio assequi se potuisse con-
 testatur Luitprandus, nisi forte qua arte trapetiorum torcu-
 laria conficiuntur, celerrimo motu id fuisse excogitatum.
 Hæc ex illius libro 6. cap. 2. Et sane in Pisauriensi ducum
 Urbinatum villa imperiali, conspiciuntur ea arte confecta
 sedilia, quæ quamquam pavimento sint proxima, momen-
 to tamen in laquearia usque tracta conspiciuntur cum ses-
 soribus, trapetiorum simili-vertigine, quinetiam in ipsum
 supra solarium feruntur, ut ulterius non conspiciantur. Hu-
 jusmodi atque alia in regniis domibus artificia in Europa non
 desunt: nam & frondibus velut muris palatium in Hispania
 visitur proxime Valentiam; hortos enim an ædes, nescias
 dignoscere. Id his verbis Laurentius Valla exprimit, rerum
 Hispan. lib. 3. Proxime, inquit, Valentiam Hispaniæ horti
 sunt, non tantum citris confiti, sed etiam citreis parietibus
 vivente materia conclusi, ut dubites, hortinè sint an ædes.
 Nam cum nihil aliud insit, quam arbores frugiferæ atque fe-
 lices, manu positæ, institutæ, digestæ, quid nisi horti dicen-
 di sunt? Rursum cum audis extrinsecus esse parietes, iatus
 autem aulam, conclavia, curiam, item sacella, altaria, se-
 dilia Canonicorum, thronum Episcopi & cætera hujusmo-
 di, non

di, non aliud quam ædes esse putaris. Sunt autem parietes extruncis citrõrum confecti & tamen frondibus vestiti, ut percipi introrsum nequeant, nedum intrari: ita cum rami adoleseunt, inorquentur atque inflectuntur, ita insiti atque inferti, confiti atque conferti coalescunt, ut omnes rimæ expleantur, ut nihil vacui relinquantur; ut pariter firmitatis & decoris ex frondibus ratio constet; eodem pacto introrsum, quæ enumeravi, composita sunt, clericis laicisque deservientia: pavementum laterculo quadrato vitreatoque ac picto constratum est, velut paradisus quidam terrestris. Hæc Valla. In Africa quoque recensentur ædes regum magnificentissima, velut apud Memphim describit Jovius historiarum suarum libris. Sed illa admiranda est domus, quæ fuit Chebreni regis Ægypti, ejus altitudo ad stadii mensuram porrigitur, pertingens ad cujuslibet pyramidis summi eacuminis altitudinem; tota extructa ex Æthiopico lapide, & ne solum cælum petere altitudo videretur, etiam inferna admiranda continebat: subterranea enim ejus ad quadraginta deorsum pedes descendebant. Herod. lib. 2, cap. 10. Quæ quidem palatii structura firmior est quam ea, de qua Petrus Martyr meminit in summario rerum novi orbis. Tradit enim Abibeibam regulum inhabitare paludem ingentem, in qua arbores excelsæ frequentissime, quæ perinde ac nemoroso solo frondeat. Ipse igitur cum reliquo ejus populo arbores inhabitat, constructis pensilibus casis: tanta enim sunt amplitudine arbores, ut octo viri conjunctis ulnis non complectantur. Ferunt igitur magnam illarum domorum contignationem, tamen si vento impellente natare videatur, nullus tamen metus illis neque periculum, omnes illorum opes, gazæ, & thesauri, supellex, escæ, in ijs domibus asservantur, præter vinum: nullus ibi metus ferarum neque

nèque hostium, nisi rate vehantur. Hæc ibi Petrus Martyr. Quin idē tradit in Castilia novi orbis populos adeo frequentes inhabitare plantis, ut dicere jure possis, oppida in arboribus esse. Atque his sane longe minor sumtus est in extruendis domibus, quam reliquis novi orbis incolis, præsertim si comparentur indigenis provinciæ Topiræ, in qua domos contegunt aureis laminis, si credere libet Francisco Vazquetz, qui in illa urbe novæ Galitiæ præfecturam gerens ejus rei literas conscripsit, quæ extant apud Ramusium tomo tertio. Cæterū longe minori sumtu ac longe minori ornatu sunt domorum tecta Aquilonarium quorundam, quin etiam majore emolumento; etenim nonnulli populi in domorum tectis ferunt hordeum ac reliquas fruges; præpini enim humo domorum tecta conservant, semperque ea arte virescunt ad suum & pecoris alimentum. Ad inveniendi autem circa tecta hujusmodi industriam causa fuit frequentium fulminum metus; humor etenim perpetuus & virens olus disjicit fulminum ignes, ne hæreant. Hæc Olaus lib. 12. c. 3. Eodemque nomine commendandi sunt ij Aquilonares novi orbis populi, qui domos piscium ingentium coriis contegunt, quod memorat Ramusius tomo 3. in nova Francia.

At quo feror? Omnia mundi climata percurro, omniaque adduco, quæ ad celebritatem urbium, in quibus regiæ olim sedes fuerunt, faciant. Externa allego, domestica negligo. Annon unica Roma omnium vice sit? præsertim si consideretur, qualis olim fuerit; perquam enim multum ab antiquo illo splendore hodie recessit. Audiamus vero Plinium de amplitudine urbis Romæ lib. 3. cap. 5. loquentem: Urbem tres partes habentem Romulus reliquit, aut (ut pluribus tradentibus credamus) quatuor. Mœnia ejus colle-

gere ambitu imperatoribus censoribusque Vespasianis, anno condita urbis octingentesimo vigesimo octavo, passus tredecies mille ducentos, complexa montes septem ipsa. Dividitur in regiones quatuordecim, compita eorum ducenta sexaginta quinque passuum ejusdem spatii mensura currenti à milliario in capite Romani fori statuto ad singulas portas, quod sunt hodie numero 37. ita ut 12. portæ simul numerentur, prætereanturque ex veteribus septem, quæ esse desierunt. Efficit passus per directum trigesses mille septingentos sexaginta quinque. Ad extrema vero tectorum cum castris prætorii ab eodem milliario per vicos omnium viarum mensura colligit paulo amplius septuaginta millia passuum. Quod si quis altitudinem tectorum addat, dignam profecto æstimationem concipiat, fateaturque nullius urbis magnitudinem in toto orbe potuisse ei comparari. Clauditur ab oriente aggere Tarquini Superbi intra prima opere mirabili; namque cum muris æquarunt, qua maxime patebat aditu plano. Cæterum munita erat præcellis muris aut abruptis montibus, nisi quod expatiantia tecta multas addidere urbes in prima regione. Hac Plinius. Quibus persuasum nobis videri potest, venientibus Romam ædificia ac tecta reliqua urbi adjacentia cœpisse videri: imo cœpisse esse Ocricoli oppido, quod hodie ab urbe distat triginta & eo amplius passuum millibus, continuisque ædificiorum structuris hoc omne, quod superest, usque Romam via hinc inde ornabatur, adeo ut qui paululum ejus via ab Ocricolo confecisset, jam se Romam ingressum putaret, ut recollit Leander. Ideoque, quod Vopiscus habet, Aurelianus Imperatorem ampliassè urbis Romæ muros ad quinquaginta fere millia passuum, quod & Cassiodorus habet in Chronico, & Oros, lib. 7. cap. 23. non ita accipiendum est,

ut omnia ædificia hoc ambitu continerentur; sed tantummodo ipsius urbis mœnia montesque ejus septem: at suburbia tecta que reliqua extra urbem ad eam dimensionem, quã diximus ex Plinio, porrigebantur. Quod igitur Plinius ait, expatiantia tecta multas addidisse urbes, argumentum est, omnem circum circa regionem ædificiis ita cultam, ut Romæ adesse quisque videretur, etiam longe absens. Id manifestum facit Constantius Imperator & alii, ut ex Ammiano memorat Leander. Veniens Romam Constantius itineris comitem sibi adhibuerat Hormisdam, peritissimum architectum genere Persam: Ocricolo igitur discedens suis præcepit Constantius, ne quisquam Hormisdam Romæ initium significet; sed suo ille judicio animadvertat. Suburbiorum itaque parte maxima transacta, Hormisdam interrogat Imperator, quid sibi de urbe Roma videatur, & quantum iam itineris in ipsam confectum consiciendumve esset; respondit Persa, putare jam urbis dimidium inambulasse, adeo splendida continuaque jam ex Ocricolo suburbiorum ædificia semper fuerant spectata. Qui igitur nondum in urbem pervenerat, jam se in urbe esse putabat, cum multis adhuc abesset passuum millibus. Ex Ocricolo igitur suburbiorum erant initia: quod & Claudianus subindicat in sexto Honoriæ consulatu, ubi sic habet:

Inde salutato libatis Tybride lymphis

Excipiunt arcus, operosaque semita vastis

Molibus, & quicquid tanta promittitur urbi.

Dionysius quoque libro 4. suffragatur his verbis: Sunt omnia (inquit) circa urbem habitata loca: multa ea & magna facilimaque ad venientibus hostibus fieri obnoxia, si quis aliquis ad hæc spectans velit Romæ magnitudinem exquirere, is & errare cogetur, nec habebit signum ullum certum,

quousque sit hæc urbs progressa, aut unde esse non amplius urbs incipiat, ita urbi contexta est regio, præbetq; spectantibus opinionem extensæ in infinitum urbis. Aristides quoque sic ait: Descendit hæc urbs usque ad mare, ubi commune emporium, communisque omnium, quæ terra eveniunt, dispensatio: quacunque in parte ejus urbis constiterit quis, nihil prohibet, quo minus sit pariter in medio. Quicquid nunc Italiæ restat, completura esse mihi videtur, unaque futura urbs perpetua in Jonium mare protensa. Hæc ille. Recolite eadem Antonius Massa Galeus J. C. apprime doctus in libello de origine Faliscorum. Addere libet, quo magis miremur, & ut Plinium seniore recte scripsisse testemur, ad septuaginta millia passuum Romam protensam fuisse; non modo usque ad mare ipsam pervenisse, verum etiam ipsum littus Ostiense ad multa passuum millia perpetuis propemodum ædificiis ornatum spectabatur. Referam in id verba Plinii junioris in Epist. ad Gallum lib. 2. Littus (inquit) ornant varietate gravissima, nunc continua, nunc intermissa tecta villarum, quæ præstant multarum urbium faciem, sive ipso mari, sive ipso littore utare. Hæc ille. Quanta autem ejus urbis tum majestas esset, vel inde patet, quod mille senatores esse consueverant, licet plerique abortivi, sed horum immodicum numerum correxit Augustus, cuius libertæ censu annuo aureorum triginta millium adscripto, ut Suetonius memorat in reformatione senatus Octavij & recollit Budæus de Ass. lib. 2. qui lib. 5. adjicit, cum senatoribus census adscriptus esset singulis ad quingenta sestertia annua, paupertati tolerandæ id erogari consuevisse: ut ita duodecim millium census senatorius paupertatis nomen non amitteret, cum hodie in senatu sacro, qui duodecim hujusmodi millium aureorum censum habuerit, inter divites con-

scriba-

scribatur, præter id, quod longè majoris æstimationis erant Romanorum tempore illa duodecim, quam hodie triginta; adeo aureorum valor est immutatus. At tamen etiam Adriani tempore, cum is aliquando Centumcellas urbem veterem scilicet refocillandi animi causa diverteret (ut auctor est Cæcilius) cellas centum judicibus, ut se ibi præsentem causas audirent, extruxit, quæ postea in urbis justæ formam cum crevissent, Saraceni Bernardi regis tempore (fuit autem hic Caroli M. nepos, qui Italiam Longobardis pulsus obtinebat) diruerunt. Hic D. Augustinus de Trinitate libros composuisse dicitur, teste Egnatio in scholio ad Commodam. Ideo autem diximus Centumcellas urbem veterem, ut moneamur, Centumcellas in Baiano quoque sinu repertas, de quibus Leander in Campania. Civium Romanorum copiam tradidere plerique: in ijs Eusebius Chronico sub Claudio, & Fretulfo & alii, comperta fuisse aliquando ad LXIX. centena CLXIII. millia, & eo amplius: quanquam nonnullis videatur, non ita cives conscriptos, qui Romæ degerent, sed qui per orbem Romani civis nomine decorarentur. Quin & ut Polybius scribit, in publicis Capitolinis tabulis fuisse descripta ex omni Italia septingenta peditum millia, ac equitum millia ducenta. Sed quod nusquam ab orbe condito contigit, erant civium Romanorum opes tantæ, ut dives non putaretur, qui annuo reditu suis sumptibus legionem alere non posset: fuisseque ejusmodi plurimos vel inde constat, quod Lucullus Romanus civis (quem Cicero & Cæsar Xerxem rogatum appellabant, ut Plinius & Blondus memòrant) ad viginti quinque hominum millia honorificentissime hospitio excipere poterat; nec tamen ipse solus id potuit in urbe Roma, quando quidem viginti civium millia, & eo amplius in ipsa urbe comperta memò-

rantur.

rantur, qui cum Lucullo de divitiis contendere potuissent; ut ex vetustis monumentis solo argumento hoc Franciscus Albertinus affirmabat Pontifici Romano Julio II. omnibus, qui orbem incolunt, regibus persuaderi potuisse, nullam unquam urbem fuisse futuramve, quæ Romæ divitiis æquari posset. Ut autem verisimile id videatur, suadet, quod Suetonius meminit, Cæsarem Campum Stellatæ majoribus consecratum, agrumque Campanum ad subsidia Reipublicæ vectigalem relictum divisisse extra sortem viginti millibus civium, quibus terni pluresque liberi essent: quod munus tanti fecerunt cives illi, qui acceperunt, ut tanquam una sodalitas inde effecti, pro communi omnibus elogio ac titulo in monumentis se singuli Stellatæ inscripserint, ut memorat Blondus, qui adjicit, intra urbem cives illos omnes fuisse conscriptos, fuisseque non solum viginti, sed multo plura civium millia tum Romæ, qui ædium, suppellectilis, familiæ & apparatus omnis splendore, lautitiaque eminent. Quantus autem ille Stellatæ campus esset, deprehendere licet e Livii Decad. I. libro 3. libro 9. & 10. & Dec. 3. libro 3. Quod si forte ambigamus, non viginti millia, sed duo millia civium Romanorum tantæ opulentia existisse; adhuc incredibile videri potest & longe admirandum, ut si animis concordassent, potuissent milliones multos militum conscribere, si unicam tantum legionem quisque eorum aluisset. Erant autem Romæ innumeri valde divites, sed in eorum, quos diximus, numerum non referebantur: ac prætermissis reliquis sint nobis exemplo duo Plinii viri doctissimi & divitiis etiam affluentibus. Senior enim præter id, quod Romanam classem imperio regebat, pecuniæ plurimum possedit; idque inde deprehendimus, quod cum procuraret in Hispania, vendere potuerit electorum commentarios

Largo Licinio, quadringentis millibus nummum : respuisse autem tam magnum pretium constat ob id, quod sibi afflueret pecunia. Scripsit hoc nepos Plinius ad Marcum, libr. 3. Alter igitur hic junior Plinius ditior certe fuit seniore a vunculo : at opes ejus in eum, quem diximus, ditissimorum hominum numerum referri non potuerunt. Quantum autem pecuniarum illi afflueret, munificentia demonstrat, qua ille non secus insignis fuit, quam sunt nostri temporis summi principes. Nam Quintiliani filia nubenti non rogatus utroque contulit quinquaginta millia nummum, idque munusculum nuncupat scribens ad ipsum Quintilianum libr. 6. Romano quoque Firmo sibi ab adolescentia cognito, ut in equestrem ordinem cooptari ille posset, dono dedit trecenta millia, extat Epist. libro 1, ad ipsum Romanum. Calvinia præterea affini centum millia dotis nomine largitus est. Epist. lib. 2. ad ipsam Calviniam. Suo quoque municipi Metilio Crispo, ut ad equestrem ordinem, in quem conscribatur, sese instrueret, dono dedit quadraginta millia. Epist. ad Hispanum libro 6. Ad alendos ingenuos pueros quingenta millia contulit, triginta scilicet millia annua, Epist. ad Caninium libro 7. At quantus fuit in res alias pro opportunitate absumentarum pecuniarum numerus minore summa, quarum nulla in scriptis memoria? quantum quotidie, non dico in domestico sumtu, in amicos, necessarios, calamitosos quoque profudit? illæ, quas diximus, ingentes erogationes nos docent, quantum minoribus erogare potuerit. Animadvertimus igitur liquido, num summi nostri seculi principes illius munificentiam superent. Erant certe illi villa tanto ornata & sumtu exulta, ut regiam majestatem adæquarent. Tusci sui villa scilicet apud Tifernates, sicut & Laurentini in littore Tyrrheni maris, de quibus scripsit

psit in suis Epistolis disertissime, regum magnificentia adæ-
quabant. Habuit præterea plures villas in ripis lacus Larii:
habuit Prænestinam, Tusulanam ac Tyburtinam, splendi-
das omnes; habuit & alias, quarum unam vendere potuit
nongentis millibus; ipse id memorat Epistolis ad Fabatam,
& ad Coreliam libro tertio. Quid moror? additamentum
villæ unius illi fuit centum sestertio tricies, id est, octoginta
fere millibus aureorum; Epist. ad Calvisium Ruffum libro 3.
Sed cur adeo multa de juniore Plinio? ob id certe, quod
quicquid confert ad ejus gloriam, recidit ad Christianorum
laudem. Deus enim cæli & terræ dominus contulit homi-
ni viventi, velut rependens gratiam humanarum rerum;
quod apud Traianum Imperatorem suis ex Asia literis ege-
rit, ut persecutio Christianorum intermitteretur, quod ex-
oravit, editis in id a Traiano publicis literis: cum ipse Plini-
us jam pridem, quoad se spectaret, abstinuisset persecutione
Christianorum, quorum institutum potius laudaret; ex-
tant enim & ipsius Plinii & Traiani literæ libro decimo. Æ-
quum igitur fuit, ut tanti hominis acta hoc loco recenserentur.
Libet præterea & de Seneca Sancti Apostoli familiari
recolere, ter millies sestertium habuisse, Tacito & Budæo
testibus; arque ita supra septem milliones possedit. Et ex
quoque Senecæ opes non conscribuntur inter eas, quas su-
pra diximus. Sed de hac re hæcenus.

Excedebat igitur Romana majestas omnem orbem,
jureque Cyneas Pyrrhi Epirotarum regis legatus & Constan-
tius Imperator Constantini Magni filius dicitabant: sese in
urbe tot prospicere reges, quot cives viderent. Externæ
autem urbes, quarum meminimus, non adeo omni ex par-
te Romæ comparandæ sunt, licet aliquo nomine ei præfe-
rantur

rantur, vel ambitu, vel civium numero, vel populorum adjacentium illa incredibile multitudinem, quam apud Mexicum esse recolimus.

Sane solitudini Roma esset similior quam urbi, nisi sedes Pontificalis ibi fixa viris principibus, nobilibus ac praelatis urbem augetet, nisi maximo hominum numero, qui sibi & suis inserviunt, urbem repletet, nisi splendidissimis ædificiis, aquæductibus, fontibus, vicis, aliisque rebus nitidissime urbem exornaret, nisi venerandis negotiis, quorum nonnulla cultum religiosum, nonnulla civilem politiam concernunt, ecclesiasticos redditus impenderet, nisi his rationibus tot negotiatores, tot propolas, tot artifices, tot opificia, eorumque cultores attraheret & detineret. Rebus ergo ita ut nunc, seu olim verius, Romæ stantibus, non facile ea urbs alteri urbi, quæcunque tandem ea sit, omni ex parte cesserit.



VRBIVM ORIGINE, MA- GNITUDINE ET SPLEN- D O R E

LIBER TERTIVS.

CAPUT I.

*Vtrum expediat civitati, paucos an vero mul-
tos habere cives?*

Cum nimia hominum frequentia civilis vitæ ordinem & disciplinam reddat difficiliorem (quandoquidem multitudo perpetuis erroribus implicatur) visum fuit veteribus urbiûm fundatoribus certum civium numerum designare, qui si excederetur, fieri haudquaquam posse putabant, ut Reip. suæ pax & tranquillitas constaret. In hac opinione fuerunt Lycurgus, Solon, Aristoteles & alii plures. Cujus rei hanc potissimum habuerunt rationem, quod rara sit in nimia. multitudine. (quæ præter loci capacitatem confluit) concordia, rara morum ac studiorum similitudo; quo circa optimam eam esse Reipubl. formam statuerunt, si, quantumvis immensa & numerosa, civitas ex mediis civibus sit compacta ac constituta, quæ neque abundantia rerum nimia insolescere, neque nimia rerum penuria contabescere videatur, ubi quisque sorte ac fortuna sua contentus in ea vivit, minusque aliena appetit, unde magna vis amicitia civilis nascitur, in qua vivit, viget, floret & conservatur civitas: quo ergo majores sunt civitates ex mediis civibus constitutæ, eo minus seditionibus sunt obnoxia, atq;

ob

obeam causam magis sunt stabiles ac diuturnæ : quæ quidem est sententia Aristotelis Polit. cap. 2. & 5. & Platonis 3. de legibus. Quibus & hoc additur, quod ubi de quantitate ac numero civium certo constat, non tam proclive ac facile in ferendis legibus erratur, omnino enim leges pro quantitate & qualitate civium temperandæ sunt, ne susceptus labor in legibus ferendis inanis & otiosus fiat, ne contentus & harmonia civium in extrema divitum pauperumque odia discordiaque commutetur, unde velut paralysis & convulsio membrorum in corpore civili non sine magno dispendio nascitur. Sicut enim quantitatis ac qualitatibus proportio in corpore naturali venustatem : ita utriusque debita consideratio in corpore civili singularem unitatem efficit ; quippe ut illis in quandam temperiem naturæ, vi reductis multa membra specie distincta unum corpus : ita eisdem in civitate ad quendam consensum deductis variæ Reip. partes, quæ officio distinctæ sunt, una civitas efficiuntur ; quæ si intra prædictos terminos contineatur, non est, ut ait Arist. verendum civium divortium. Invehiturque Aristoteles graviter in eos, qui à multitudine civium potentiam civitatis magnam metiuntur ac definiunt. Magnum enim (inquit) proprie id dicitur, quod opus, ad quod destinatur, expedite potest perficere ; hoc autem in civitate non immensa turba numeroque hominum, sed certa & excellenti facultate civium definitur. Non ergo (concludit Arist.) à vastitate loci, non à civium numerosa turba, non à multitudine rerum, sed ab egregia potentia & (ut ita loquar) sufficientia feliciter ac fortunate agendi magnitudo civitatis pender. Nam quemadmodum in re militari non militum confertissima multitudo, sed vis & ordo magnam victoriam præstat : ita in re civili non sylvæ hominum, sed optima dispositio & po-

sentia civium magnam urbem aut civitatem facit. Altera ratio a comparatione ducta suas vires in natura habet. Sic enim Aristoteles; Civitas magna dicitur, ut Medicus ille Hippocrates magnus fuit; non quidem valetudine corporis sed artis excellentia: sic civitas magna non numero sed potentia habenda erit. Deesse in hac re exempla non possunt, sic magnus Alexander, magnus Pompeius, sic magnus Cæsar fuit. Præterea cum multitudo in civitate sit duplex, civium nimirum & eorum qui servi, inquilini & peregrini dicuntur, quod si servorum ac peregrinorum augeatur numerus, funestior civitati afferri pestis non potest. Insuper conferta, & ut ita loquar, infinita hominum cæterva nec facile in ordinem cogi, nec ratione coerceri, nec legibus sapienter dirigi & gubernari potest. Impedit enim rectam imperandi formam numerosa multitudo hominum, nisi divina mens ac potentia esset, quæ civitatem & urbem, ut Deus ubique subsistens, terrarum orbem regeret: nimia ergo & exuperans multitudo civitatis leges violat, ordinem pervertit, dignitatem obscurat, contemnit magistratum, omnem perniciem ac confusionem parit.

Verumtamen quoniam multitudo ad complendam civitatis magnitudinem requiritur, quanta & qualis debeat esse hæc magnitudo, dubitari non abs re potest. Huic ergo dubitationi obviaturus Aristoteles, quandam, inquit, magnitudinem requiri numero completam, hoc addito, ut neque excedat modum neque deficiat nimisum, justam autem proportionem noveris, si egregie præstare possit civitas id experis, ad quod destinatur. Nam ut tum satis sanum corpus humanum dicitur, cum nulla vel totius vel partis actio impeditur: ita civitas satis tum magna habetur, cum facile suis officiis muneribusque fungitur. Sic enim fit in civitate,

ut in naturâ artivæ opère : nam ut animal, homo, planta respectu naturæ ad proportionem perducentis omnia si partes abundant aut deficient, dicuntur monstra; & ut navigium palmi unius longitudinis, aut ad duorum stadiorum longitudinem porrectum omnino inutile & ineptum est navigationi, aut quia nimis parvum, aut quia nimis magnū existit: ita civitas quæ nullam symmetriam & proportionem suæ magnitudinis & parvitas habet, habetur illa quidem aut vana aut nulla. Nam si sit nimis exigua, omni eventu fortunæ deficit & labascit; si vero sit instar Babylo nis immensa, præco (ut inquit Aristoteles) sonoram vocem Stentoris habere debet; nam aliter in publicandis edictis percipi & audiri non potest: quasi diceret, si civitas sit nimis magna, confusa quoque erit. Concludit ergo, civitatem tum esse satis magnam, cum tanta in ea est multitudo, quanta ad bene beateque vivendum sufficit, quæque suis bonis contenta est. Ad extremum; In vasta & nimis populosa civitate civium classes non sunt probe distinctæ, illorum ordines non sunt satis noti, imo quod est maximum, cives civibus, & illorum ordines magistratibus ignoti sunt. At verò ubi cives civibus ignoti sunt, ibi necesse est munera civitatis minus considerate distribui, judiciaque minus juste & sapienter fieri; circa quæ duo aut negligenter agere aut turpiter errare valde periculosum est civitati. Non ergo in populosa multitudine hominum, sed in justa proportione ac potentia civium materia civitatis aut magnitudo cernitur. Atque hæcæque ex sententia Aristotelis.

Romani vero, quibus exploratum erat, potentiam, sine qua respublica stare non potest, maxima ex parte in populi multitudine consistere, omnem moverunt lapidem in augenda patria tam adificiorum numero quam hominum. De quo etiam in lib. de Illust. statu prolixè dictum fuit.

Sane si pari ingeniorum ac morum ratione omnes homines ducerentur, utique veterum opinio non esset admodum improbanda. Cum vero aurum non sit sine scoria, granum sit sine palea, id est, cum homines non sine infirmitate vivant, & loco justitiæ atque æquitatis, vis prædominetur, ob id Græcorum opinioni, Latinorum sententiam anteponendam merito statuo. Docent enim historia, Lacedæmonum & Atheniensium respublicas (cæteras jam omitto) amissis in prælio septendecim virorum millibus, ilico concidisse; Romani verò quamvis pluries victi cederent, victores tandem triumphasse. Certum est, Romanos in bellis contra Pyrrhum, Carthaginenses, Numantinos, Viriatum, Sertorium, majores accepisse clades, quam hostes; nihilominus tamen semper victores extiterunt, beneficio multitudinis, qua hostem quantumvis fortem & alacrem non raro ipsi sparfi & repressi non minus quam fortitudine superarunt.

Cæterum cum in superioribus libris prolixè satis actum sit de ratione amplificandarum urbium, proinde hic repetere supervacaneum ducentes. lectorem eo remittimus. Unicum duntaxat colophonis loco, non quidem ut apprimè necessarium, sed quia lucem haud parvam operi huic allaturum existimavi, annexere, atque ad differendum propinare visum fuit.

CAPUT II.

Quid cause sit, quod urbes, floris sui maturitatem assecutas, raro minus sumant, augmentum imo sæpius decrescant.

Non desunt qui hætenus adductas rationes, quasque posterior ætas inveniat, judicent ineptiores, quam quæ accessio.

cessiones perpetuas civitatibus adjungant. Itaq; probe considerandum, ecquid causæ sit, quod urbs certam potentiaë metam semel assecuta non altius progrediatür, majorique civium numero non augeatur.

Satis documenti in omnes casus est Roma, quæ teste Dionysio Halycarnasseo, cum primum à Romulo condeditur, 3300 viris bellicosus constabat, atque intra triginta septem illos annos, quibus Romulus regnavit, ita excrevit civium numerus, ut adhuc eo vivo quadraginta millia septem millia virorum bellicoforum Romæ numerentur. Centum & septem annis post obitum Romuli, regnante Servio Tulio Romanorum rege, civium, qui arma ferre poterant, octuaginta millia Romæ numerabantur. Tandem crescens urbis potentia ad quadringentis quinquagies millia pervenit. Hinc quæstionis est, cur Romana incunabula ad tam immensam potentiam excreverint, multitudinem autem illam nunquam transcenderint? Quod idem de Venetiis ac Mediolano quæri eadem prorsus ratione potest, quippe quæ & ipsæ antè annos quadringentos tanta civium multitudine, quanta hodie, confiterunt.

Sunt qui pestem, bella, annonæ caritatem aliaque accuserent. Querela certe, me iudice, iniqua. Quæ enim hominum ætas non sensit grassantem pestem? An non plures olim in præliis cecidere quam nunc? Aperto Marte veteres confligebant, ubi tribus horis major expirantium numerus erat, quam aliquot annis jam hostis obruncat. Hodie aperto Marte nunquam fere pugnatur. Muri hodie loco clypeorum objectantur, intra quos delitescitur, è quorum angulis plerique insidiosè conficiuntur; rastra & arma pugnantium æquali sunt pretio. Quin etiam mundo suæ semper fuerunt vicissitudines: tam annonæ vilitas quam caritas, tam

sanus quam infectus acrfuit; quod cum ex historiarum monumentis satis constet, longius non abibo.

Quid igitur? Cur auctæ urbes ut ab initio, porro non itidem augentur? Adferunt huc nonnulli Dei omnipotentis, qui cuncta gubernât immotam voluntatem, fatalemque ordinationem; Verum hoc dubium nemini. Posteaquam vero divina sapientia, nullis terminis, nullis finibus circumdata & inclusa in omnia diffusa est, in gubernando naturæ cursu non rejiciens causas. secundas ulterius quæro: Quanam illa sunt media, quibus usa divina providentia pauca multiplicat & auget, aucta vero intra certas metas cohibet, ulterius ut progredi non queant.

Pro quæstionis solutione ajo, posse similiter de genere humano quæri. Propagatum enim ab uno mare & fœmina intra tria millia annorum ita auctum est, ut & insulas maris & continentem suo semine replerit. Cur vero illius temporis augmenta desierunt? cur nostra ætate non similiter multiplicantur?

Ut autem quæstioni satisfaciám, ita ad eam respondebo, ut non tam ad civitates, quæ numero civium non amplius augentur, sed etiam ad universum hoc mundi theatrum applicari hæc responsio possit. Ajo itaque:

Multitudinem civitatis aut à virtute generativa aut à nutritiva proficisci. Virtus Generativa usque huc sui similis aut saltem ita comparata, qualis fuit ante tria millia annorum. Æque enim homines ad suscipiendam prolem apti sunt, atque tempore Davidis, Moysis. Fac igitur nihil aliud obstare, annon urbium incrementa erunt infinita? Posteaquam vero in infinitum non augentur, est ut sublato digito fatearis, rem omnem inopiæ alimenterum imputandam.

Alimenta aut ex nostra tellure, aut peregrina peruntur,
omnis-

omnisque urbis incrementa victualibus aliunde inuectis iuvantur. Ut autem obtineamus; frumenta ex longe remotis terris nobis advehi, est ut virtus attractiva tantarum sit virium, quæ vincant salebras & asperitates regionum, vallium profunditates, impetus torrentium, pericula maris, insidias piratarum, instabilitatem ventorum, magnitudinem sumtum, incommoditates viarum, invidiam vicinorum, inimicitias hostium, tempus vecturæ, annonæ caritatem in ijs locis, unde merces deportantur, dissidia nationum, disparitatem religionis, &c. Hæc enim omnia pariter cum incremento & decremento urbis accrescunt & decrescunt: donec eo deveniat potentia ubi humanæ invidiæ & odio nullus amplius detur locus.

Quis enim quæso persuaserit mercatori, ut frumenta ex India Romam mittat: aut, ut Romanus ea inde expectet. Fac autem utrinque mitti & expectari, quis in regionibus illis ubique pollicebitur lætos & uberrimos frugum proventus, populorum amicitias & pacem, commeatus & itinera tuta? Aut quo pacto Romam invehentur frumenta illæsis aurigis aut baiulis, ne labori succumbant & sine fortunarum dispendio cant.

Vel unicum de his impedimentis sufficit ad disjiciendum urbium cives, externo auxilio destitutos, tot vero & tantis incommoditatibus immersos, & dispergendum. Vel unica caritas, famis bellique violentia, impedimenta negotiationum aliaque sat virium habent ad commovendos cives, ut, (ceu hirundines adventante hyeme) conclamatis vasis alio se recipiant.

Ordinaria civitatum magnitudo consistit in his terminis, quibus vix contenta esse possunt. Omnis vero civitas, quæ alimenta sua aliunde per prædictas incommoditates

construit, sua diuare nequeunt. Sic enim affectus ut quilibet, ut omnes opprobriantes, quæ diuina patitur, quam diligenti-
 ssime capiet.

Accedit hoc quod urbes maiores caritatis facilius
 subiacent, ut quam minoribus, quod pluribus alimentis egent.
 Græuissam pellis illis immorat. Scier, quæ uicinia ur-
 bes hominibus pluribus abundanter uolentia uice con-
 gis afficit, pluresque tollit, quam pagos, ut amiserit io-
 minum clementia. Pueri superfluent; & magnis uidi-
 bus nihil diuina abest, quæ supra restant. cum quoque
 pluribus indigeat, quæ ex se mutant nequit. Huc effectum
 est, ut, quantum eadem vis generanda proles & in primis
 Romæ auspiciis & n. e. uisem flore permanentibus,
 nihilominus ea pede fixo subirent: quia uirtus uirtuti-
 va alius ascendere requirit. Insequentiis temporibus,
 cum uirtutis magis magisque deficerent, aut nulla iuncta
 sunt manumonia, aut ut manumonia iuncta sunt, libere uirtuti
 egere proli amato, ab educenda prole abiecit, ex partu
 meliorem formam perschraui, migrante. Hoc uale re
 Romani tempore occurrent, colonias sedem erant: so-
 lum est, ut seu planta translata laetior illis aia præberent
 ad eam modicæ uix sustentationem.

Sic quoque genus humanum certum numerum at-
 git, nunquam excedit, quibus seig sunt quasi circumscripta,
 transgressum. Abierunt autem tria magna aacura, cum
 non minor, atque amicit, in mundo uideret hominum co-
 pia. Præterea enim terra non sufficere pluribus aacis, in
 Mesopotamia primam genus humanum augete coepit:
 inde progressu temporis in omnes terræ fines est diffusum.
 Tandem repleta continente insula habitari ceperat: donec
 tandem multis uentibus aacis etiam illas regiones - quas
 hodie

hodie novum mundum appetant, occuparunt. Quod quæ-
 so sub sole existit peius Eridis pomum, quod majoribus dif-
 fidiiis, rixis, pugnis, horribiliore sanguinis effusione defen-
 dere quisque conatur, quam fellus, victus, sedisque inhabi-
 tanda commoditas? Succi laudi sibi ducunt, quod regio-
 nes ipsis conterminas per aliquot centum milliaria steriles
 effectas devastarunt. In novis insulis, in insula Dominica
 fructumisque locis incolæ exeunt homines venaturi, quem-
 admodum nos cervos aut lepores sectamur, & carne huma-
 na ceu ferina vescuntur. Hos imitantur quidam populi in
 Brasilia, præcipue Aymurij, ut vocantur. Mactantij & vi-
 vos deyorant liberos, filia sive filij sint perinde illis est. Gra-
 vidæ mulieres dissecant, fœtum excindunt, super prænis
 assant, & in conspectu parentum deglutunt, id quod hor-
 rendum est auditu, nedum visu.

In Guinea adeo pauperes & egeni plerique vivunt, ut
 suos filios admodum vili pretio Mauris vendant in barba-
 riam abducturis, aut Lusitanis vendunt in novas insulas
 abducendos, aut Castilianis in novas insulas ablegandos.
 Idem quoque accidit in Peru, cujus incolæ liberos suos fere
 nullo pretio vendunt proximo cuique obvio. Ad hanc
desperatam egestas cogit, quæ fere impossibilem reddit sobo-
 lis educationem. Tartari & Arabes ex solo rapto vivunt.
 Nasamoni & Casri, plane feri in Æthiopia, similiter ex ra-
 pto vivunt, naufragos depraedantes; id quod sapius exper-
 ti sunt Portugalenses.

Neque obscurum cuiquam puto, Gallos, Teutones,
 Gotthos, Ungaros, Anaros, Tartaros aliosque populos,
 cum patria angustior esset, quam ut omnes caperet & ale-
 ret, hæc semel in exteris regiones ejectis incolis migrasse.
 Hinc intra aliquot secula tot mutationes passim in Europa

atque Asia, quarum regiones, atque urbes adventitia gens pulsis primis colonis occupavit. Ratio in promptu est: aut enim nimiam incolarum multitudinem patria non ferebat: aut melioris vitæ alibi ducendæ desiderio illi tenebantur.

Unde quæso subortæ prædationes & latrocinia, annon ex paupertatis miseria? Unde tot contentiones & controversiæ finium herciscundorum, annon ex ditionis incapacitate? Limites, fossæ, sepes, maceriæ, &c. quibus prædia circumdamus, custodes uyarum & frugum, fores ædium, seræ & pessuli, canes appositi, annon satis arguunt mundi angustiam, quæ tenuius necessaria suppeditat, minusque desideria explet? Quid commemorem cruenta arma, in quæ invicem procumbimus? Quid sæva & diuturna bella omnia proventus? Quid commeatus, munitiones, præsidia, expeditiones? quid muros?

Neque hæc malorum lerna omnia continet. Accedunt enim præterea soli sterilitates, annonæ caritates, occultæ & pestiferae coeli *εὐρύειαι* & influentiæ, morbi contagiosi, pestis, terræmotus, inundationes maris aliarumque aquarum, & si qua sunt, ut certe sunt, innumera alia. Annon his omnibus & singulis satis efficax vis inest evertendi urbem, transferendi regna, nunc hos nunc illos incolas ejiciendi? Quæ cum ita sint, nemo est qui jam non videat causam, cur humani generis originalis amplificatio hodie subsidat.

CAPUT III.

Quibus adminiculis parata dignitas & magnitudo conservetur.

POSTeaquam urbem nostram produximus ad dignitatem & amplitudinem quam habitus & natura situs prædictarum rationum ferre potest, omni cura enitendum est, quæ dignitas & magnitudo parata conservetur. Simul & semel

ut dicam : necessaria omnino hic requiruntur. *Justitia, Pax, & Abundantia.* *Justitia* suum cuique tribuit, *fortunasque nostras* in tuto locat, nec est personarum acceptrix ; potentio- rem imbecillo, divitem inopi, gentilem inquilino, civem advena, patricium plebeio minime anteponit ; sed aequabile jus universis impertitur. Atque hoc vel solo *justitiæ nomine*, quippe quæ omnes sub se virtutes continet, optimæ quæque res publicæ commendantur. Hinc tanquam pro insigni *justitiæ Romanis olim gladius ad deterrendos seditiosos & sceleratos publice propositus fuit.* Vt enim secundum Festum, apud eos in signe imperii & armorum hasta fuit (*Proconsules enim de civilibus provincialium causis cognoscentes, pro tribunali hastam erigebant*) ita in facinorosos homines animadvertentibus illis gladius semper in conspectu erat, sicut erudite admodum illud tradit *Jacobus Ravardus, lib. 2. de divers. reg. juris, ubi ita scribit : Savit in vicem discordantium rabies, & inter togas, pace rupta, forum litibus mugit insanum : hasta illic & gladius & carnifex præsto est.* Huc pertinet quod *Dio de Traiano scribit. Nam cum præfectum prætorio, quem creaverat, circundaturus esset ense, nudum eum illi porrexit. Capè hunc, dixit, & siquidem bene imperavero, pro me hoc utere : Sin male, adversus me.* Hoc etiam attigit *Plinius, ubi eum ita commendat, Nulla in audiendo difficultas, nulla in respondendo mora : adeunt statimque dimittuntur.* *Traiano quoque attribuit Aurelius Victor tres insignes virtutes : Sanctitatem domi : Fortitudinem in bellis & armis : Justitiam & prudentiam utrobique.* Sic videmus gladium evaginatum, quod in solennitatibus imperatori & regibus præfertur, indicare *justitiam, ut terror fontibus incutiat & insontes seiant, se sub protectione summi magistratus ab injuria & vi tutos esse.*

Hoc

Hoc quoque olim apud Massilienses usitatum fuisse, testatur Valerius Max. Cæterum, inquit, à condita urbe gladius est ibi, quo noxii jugulantur, rubigine quidem exesus, & vix sufficiens ministerio, sed iudex, in minimis quoque rebus omnia antiquæ consuetudinis momenta servanda. Moribus quoque nostris receptum est, quando equites, qui aurati vulgo vocantur, à Cæsare vel Regibus creari solent, ut gladius evaginatus illis tradatur, eorumque humeri leviter eo perstringantur, cum commonefactione, ut justitiam foveant, viduas, pupillos aliasque miserabiles personas à vi injuriæ defendant. Quid quod adhuc, ut fertur, in quadam imperii urbe extat gladius rubigine propemodum, non secus ac Massiliensis, exesus, quo olim coactus fuit is, qui postremo in senatum eorum assumtus fuerat, supplicium de fontibus sumere. Neque illi hoc ignominiosum sed potius honorificum, utpote factum ad tuendam justitiam, fuit. Huc referri potest, quod in quibusdam locis Franciæ orientalis longissima consuetudine receptum est, ut is, qui in pago aliquo, ubi furtum commissum est, nuperrime uxorem duxit, furi in flagranti crimine deprehenso, laqueum innecat; post omnes ejus loci viri, quando novus ille maritus signum eis peculiare dat, inprimis autem Sculreti, quorum quandoque plures propter diversas jurisdictiones uno in loco jus dicunt, illi adjutores, esse solent, ut fur de annosa & mutilata extantibus ramis quercu, ad hanc rem superioribus seculis delecta, suspendatur. Sic Maximilianum I. hujus nominis, Cæsarem, ferunt loca destinata ad supplicia fontium, venerabundum cum hac voce, SALVE JUSTITIA, præterire solitum. Legimus quoque in Genealogiis Comitum Flandriæ, Balduinum XII. Comitem, tam severum in puniendis criminibus fuisse, ut à securi, qua de fontibus tum

tempo.

temporis supplicium sumebatur, cognominatus sit, ideoque cum securi, veluti peculiari nota, ibi depingitur. Hic undecim equestri dignitate viris, eo quod tres mercatores spoliasset, eosque interfecissent, in palatium suum vocatis, & in tabulam collocatis, laqueos singulis injici jussit: post propriis manibus subtracta tabula illis gulam fregit.

De Alexandro Severo Imperatore Lampridius in ejus vita, (quem citat Erasmus in Chiliad.) ita scribit: Si unquam furem vidisset judicem, paratum habebat digitum, ut illi oculum erueret; tanto odio prosequeretur judices, qui furtorum fama laborassent, ut si eos casu aliquo videret, commotione animi choleram stomacho evomeret, toto vultu inardescente. Sic de Bruto, Consule Romano, ita scribit Matthæus Bossus: Quanti (inquit) extitit incomparabilis illa & immortalis Bruti severitas, qui patriæ libertate tuenda filios de reducendis regibus cogitantes, interimere non dubitavit, exutus tenerum genitoris affectum, & infractum indutus Consulis animum. Quale illud tribunal aut quale spectaculum, Deus immortalis, ubi tam districtæ justitiæ tamque severæ ultionis laus cum natura ipsa & pietate pugnabat? Videbas Brute filios servari tua indulgentia posse, sed contra gloriæ tuæ & perpetuo nomini pluris stare splendorem justitiæ libertatemque servatam. Te spectante licitor sublata securi filiorum cervicibus imminere intendens iussuro te quid velles. Filii in te conversi, Parce, ô genitor, & serva nos tibi, precari non desinebant. Quid agis Brute, quo te vertis in tam gravi & ancipiti luctu? Si te liberis orbas, infelix. Si parcis, injustus. At tandem non quod paternum & jucundum, & molle, sed quod honestum & probabile videbatur deliberans, Percute, inquis,

Vineat amor patriæ laudisque immensa cupido.

Ceterum de justitia extant passim tam apud sacros quam profanos scriptores commonefactiones gravissimæ. Sic enim extat Sap. 1. capite. Diligite justitiam, qui judicatis terram. Justitia enim perpetua & immortalis est. Injustitia autem mortis acquisitio. Et Ecclesiast. 4. In justitia agonizare pro anima tua usque ad mortem: certa pro justitia, & Deus expugnabit pro te inimicos tuos. Bonique adeo principis, ut inquit Eusebius Sardus, hoc unum proprium lucrum & instar infinitorum aliorum est, omnia sic facere, ut & in ipso imperii tempore, & post id, justitiæ ac bonorum omnium à subjectis testimonium habeat. Intelligatque (ut idem ait) vir princeps, quod qualis fuerit ipsarum rerum actio-numque, quas agit, natura, talem quoque ex ipsis memoriam & famam vel bonam vel malam consecuturus sit. His consideratis ita demum alterutram viam ingrediatur, vel eam quæ perducit ad infamiam, vel quæ ad memoriæ splendorem: & illam, quæ ei melior futura videbitur, anteponat. Ibidem: Principatum gerens ne reminiscaris inimicitiarum & dissensionum, si quæ prius tibi cum aliquibus intercesserunt: Non enim ad regnandum promotus es, ut te ipsum ulciscaris, verum ut imperio tuo subditos etiam ab aliorum insidiis securos atque tutos custodires: & ut custos esses recti & magnæ Deæ Justitiæ minister ac interpres. Itaque si quid admiseris præter ejus sententiam aut deceperis ipsam, velut in Deam maximam delinquens, tum ab ipsa, tum à constitutis circa eam genis custodibus & ultoribus pro factis vindictam expectato. Præterea si constitutus in magistratu inimiciæ memor fueris, in deteriorem conditionem te ipsum das, & gravitate ac sanctitate, quæ requiritur in principe, te ipsum privabis apud conscios tibi, quod inimiciæ indulgeas, & pro sanctissimis nominibus, & pro
iudice

judice, inquam, ac principe causam agentium hostis eorum turpissimo nomine appellandus sis. Quin deprehensa veritate agnitaque iustitia nihil moreris, quod jus jubet, pronuciare atque exequi, idque impigre ac citra moram, nisi gravis obster necessitas. Id, quod paucis admodum hodie quidem curæ est. Quo fit etiam, ut non solum plerosque in annos, sed integram ferme hominum ætatem lites protrahantur, fatigentque interdum etiam primam atque alteram sobolem, exhauriantur patrimonia, rabie veluti igni incendantur hominum odia, manus excitentur ad eadem, pericliteturque salus ipsa cum rebus: Addamus, quibus interim curis, molestiis, anxietatibus vitam agunt, qui lites gerunt. Nihil sane miserabilius, nihil infelicius, nihil calamitosius istorum mentibus continue laceratis & diro mucrone confossis, hos nulla requies, nulla oblectatio iuvat, nullaq; vel amœnitas, vel illecebra movet plenos quidem suis malis & sævis cruciatibus laniatos, sed his torvus semper aspectus, caput minax, cervix demissa, ora pallentia, gemitus, planctus, stridor, furor, blasphemia atque desperatio tanquam ad perpetuam ærumnam infelicitè raptis. Quorum malorum cum iudex causa est, potestne quicquam cogitari scelerius atque immanius, cum is, qui debuit his omnibus mœderi malis atque periculis, is quidem sit, qui percutiat, cruentet & sauciet, improbos imitatus medicos, qui in sedandis languoribus, spe quadam amplioris quæstus differunt medicamenta, proditores, prædones, interdum etiam homicidæ. Qui enim, cum potest, oppressum non sublevat, & ab eo non propulsat iniuriam, viduarum, orphanorum, inopum, abiectorum humiliumque non miseretur, sed nimum ad offensiones & calamitates indurat, tam est in scelere, quam qui opprimit & iniuriam infert, cum alter in inferendo

rendo malo, alter in non obstando vel amovendo æque proximum lædat, quod profecto tam alienum esse debet ab eo, qui magistratu dignus habetur, ut mortem potius subeat, quam conscientiam tali impietate, tanquam inexpiabili crimine inquinari patiatur. Quinetiam, (ut inquit Sopater in Epist. ad Hemenem fratrem) quos prius non cognoscebas, & nihil ad te pertinere putabas amplius, quam quivis homo communem hominum naturam, illos iam princeps revereri debes, cœu iam notos & familiares, ac omnes tibi amicos esse videns, paterna benevolentia complecti. Fugienda autem omnis arrogancia & pertinacia tanquam humilis vilisque animæ affectus. Sui enim oblivisci propter phantasia brevem imperii, magnam pusillanimitatem arguit. Neque vero ira in subditos utendum est, neque peccantibus institutum suum sine reprehensione relinquendum: nam iracundia principem ab insanis nihil differre signum est; hoc vero levitatem ad peccandum in subditis gignit. Præbeat autem seipsum simul & clementem & malis infensum; lente quidem puniendo, clementiam, malis autem indignado, improbitatis odium præ se ferens; ut hoc quidem fugienda esse mala: illud autem, non nimis implacabilem iis, qui peccaverunt, esse fortunam, documento sit. Imperandique ad eo modum singulorum moribus decenter accommodet: cum probis moderate, cum supinis vehementer, cum audacibus acerbe, cum cautioribus denique leniter agens. Oportet autem etiam à peccatis arcere per necessitatem suadela coniunctam: his vero, qui deliquerunt, moderatam iustitiæ castigationem inferre, ita ut parva quidem & vulgaria peccata dissimulentur (nec enim conducit & qualibet & omnia simpliciter punire, neque cognoscentem negligere) quæ vero iam in gravescunt, iis cura secundum leges adhibeatur.

beat. Quorespexisse videtur Philippus Macedo. Rogatus enim ab Harpalo, ut Crateram ejus familiarem judicio liberaret, Eum, inquit, rectius est, quam nos ob ipsum male audire. Hac enim (ut Cicero in Laelio inquit) lex in amicitia sanciat, ut ab amicis honesta petamus, simul & rogati amicorum causa honesta faciamus. Neque enim est ulla excusatio peccati, si amici causa peccaveris. Oporteret igitur capessentem Rempublicam, magistratum, judiciaque exercentem deponere amici personam & sanguinis, & induere iudicis, qui aliud nihil est, quam jus loquens & animatum, aut si quo moveatur affectu, propensior misericordia atque benignitas in calamitosos esse debet, si boni & digni misericordia videantur, qui inopes virium & destituti praesidiis illis sunt. Cui correspondet etiam id, quod Epictetus ait: Si iudicia recte proferre voles, nullum contendentium & causam dicentium, sed ipsam causam cognoscas. Etsi vero, ut inquit Plato in Epistola ad Dionysium, austeritas amicorum solitudinem parit; tamen eodem teste, in Politicis, principum mores acrimonia quadam & acri efficaci que pertinacia indigent, proinde valde cautos esse jubet. Austeritatem itaque hic intelligit Plato quatenus in tyrannidem vergit. In quam etiam passim invehuntur auctores, inter quos Seneca in Thyeste ita canit:

*Vos, quibus rector maris atque terrae
Ius dedit magnum necis atque vitæ,
Ponite inflatos tumidosque vultus:
Quicquid à vobis minor extimescit,
Maior hoc vobis dominus minatur.
Omne sub regno graviore regnum est.
Quem dies vidit veniens superbum,
Hunc dies vidit fugiens iacentem.*

Nemo confidat nimium secundis,
Nemo desperet meliora lapsis,
Miscet hac illis, prohibetque Clotho
Stare fortunam, Rotat omne fatum.
Nemo tam divos habuit faventes,
Crastinum ut possit sibi polliceri.
Res Deus nostras celeri citatas
Turbine versat.

Et quod idem Seneca in Octavia scribit, Amari magis regem decere quam metui, innuens:

N. Ferrum ruetur principem.

S. Melius fides:

N. Decet timeri Casarem.

S. At plus diligi.

N. Metuam necesse est.

S. Quicquid exprimitur grave est.

N. Iustusque nostris pareant.

S. Iusta impera.

Consulere patria, parcere afflictis, fera

Cade abstinere, tempus atque ira dare,

Orbi quietem, seculo pacem suo.

Hac summa virtus: petitur hac cælum via.

Sic ille patria primus Augustus parens

Complexus astra est, colitur & templis Deus.

Non possum non his addere, quæ idem Seneca in Thyeste valde eleganter scripsit, ubi egregie docet, quid regem faciat, sic canens:

Regem non faciunt opes,

Non vestis Tyria color,

Non frontis nota regia,

Non auro nitida trabes.

Rex est, qui posuit metus,

Et diri mala pectoris;

Quem non ambitio impotens,

Et nunquam stabilis favor

Vulgi praecepitis movet.

Qui tuto positus loco,

Infra se videt omnia,

Occurritque suo libens

Fato, nec queritur mori.

Mens regnum bona possidet.

Rex est, qui metuit nihil,

Rex est, qui que cupit nihil.

Hoc regnum sibi quisque dat:

Stet quicumque volet, potens:

Aula culmine lubrico:

Me dulcis saturat quies,

Obscuro positus loco.

Levi perfruar otio.

Nullis nota Quiritibus

Aetas per tacitum fluat:

Siccum transferint mei

Nullum cum strepitu dies,

Plebeus moriar senex.

Pax, alterum illud, quod diximus amplificandæ ac tuendæ civitatis medium; ut firmiter constet, omnino providendū est, hac enim vacillante aut rupta, omnia in peius ruere necesse est; stante vero, omnia quoq; firmiter cōsistunt ac durant. Eleganter admodum de pace Mantuanus canit:

Pax plenum virtutis opus, pax summa laborum,

Pax belli exacti pretium est, pretiumque pericli:

Sydera pace vigent, consistunt terrea pace:

Nil placitum est sine pace Deo, nec munus ad aram.

Atten-

Attendendum tamen diligenter est, ne amica illa pacis fructio ad temerarios multitudinis ausus, quicumque illi tandem sint, tacitam quasi ansam præbeat, qua in re illi, quibus id ratione officii competit, caute prospiciant. Est enim populus, ut Plato inquit, ingratus, morosus, crudelis, invidus, immodestus, ut qui est ex colluvie turbæ & stultis insolentibus collectus. Quo etiam respexisse videtur Joannes XXIII. Pontifex Rom. Interrogatus enim aliquando, quid foret à veritate remotius, respondit: Vulgi sententia. Quicquid enim laudat, inquit, vituperio dignum est, quicquid cogitat, vanum, quicquid loquitur falsum, quod improbat, bonum est; quod approbat, malum, & quicquid extollit, infame. Et sicubi sibi ipsi relictum nullis legum repagulis coerceatur, nullum tunc (ut recte Q. Curtius de rebus gestis Alexandri Magni libro 10. scribit) profundum mare, nullum vastum fretum & procellosum tantos ciet fluctus, quantos multitudo motus habet, utique si nova & brevi duratura libertate luxuriat. Hæc enim, teste Livio, natura multitudinis est: Aut seruit humiliter, aut superbe dominatur. Libertatem, quæ media est, nec spernere modice, nec habere sciunt, & non ferme desunt irarum indulgentes ministri, qui avidos atque intemperantes plebeiorum animos ad sanguinem & cædes irritant. Atque hinc etiam non abs re vulgato versu dicitur:

Rustica gens est optima flens, sed pessima gaudens.

Atque alio quoque, cujus idem omnino est sensus:

Vagentem pungit, pungentem rusticus ungit.

Hæc ita esse certissimum est. Quod si vero cui id dubium est, suo is sane periculo experiatur, per me licet, & facile ipsi, ut opinor, dubitationem illam excutient, &c. Quod si præterea superstitio aliqua mentes multitudinis seditiosa occupat:

tunc

tunc demum ea bellua multorum capitum, multo atrocius furit, neque modum tenere potest, exitumve ullum reperit, ubi aut favere semel aut servire instituit, hocque prætexit sibi quidvis licere putat. Quo etiam Q. Curtius respexisse videtur libro 4. de rebus Alexandri Magni, ubi dicit: Nulla res multitudinem efficacius regit, quam superstitio: alioquin impotens, sæva, mutabilis, ubi vana religione capta est, melius vatibus quam ducibus paret. Siquidem simulata religio instar torrentium est, qui nullis obicibus retardari queunt, quo minus campos inundent, & aliquandiu noceant. De quibus Lactantius egregie admodum: (adeoque ijs, qui suam religionem vi defendendam ducunt) Quid ergo, inquit, sæviunt? ut stultitiam suam dum minuere volunt, augeant? Longe diversa sunt carnificina & pietas: nec potest aut veritas cum vi, aut justitia cum crudelitate conjungi. Sed defendenda sunt, inquit, suscepta publica sacra? O quam honesta voluntate miseri errant! Sentiant enim nihil esse in rebus humanis religione præstantius. Sed ut in ipsa religione, sic in defensionis genere falluntur. Siquidem defendenda religio est, non occidendo, sed moriendo: non sævitia, sed patientia: non scelere, sed fide; illa enim malorum sunt, hæc bonorum. Et necesse est bonum in religione versari, non malum. Nam si sanguine, si tormentis, si malo religionem defendere velis, jam non defendetur illa, sed polluetur atque violabitur. Nihil enim est tam voluntarium, quam religio, in qua si animus sacrificantis adversus est, jam sublata, jam nulla est. Illud tamen probe tenendum est, quod & Claudianus monet, illum furorem efferratæ multitudinis, licet interdum terribilem, attamen non diu durare. Nam careteventu nimius furor. Improbam nunquam spes lætata diu. Temereque illi faciunt, qui po-

pulo innixi & magnas res suscipiunt agendas; & susceptas sibi successuras sperant. Etenim quemadmodum crescente umbra vel decrescente, corpus tamen ipsum, cujus illa est umbra, neque crescit neque decrescit: ita nec melior fit quisquam, dum à vulgo laudatur, nec item peior, dum vituperatur. Parum namque præsidii, inquit Cominans, positum est in promiscua multitudine, nisi contineatur aliqua necessitate & imperio: tametsi tempus incidat, cum populi furor & repentinus impetus valde sit pertimescendus.

ABUNDANTIA demum alimentorum, ut tertium ampliandarum civitatum earundemque conservandarum principale medium, facilem reddit victum. Quid enim antiquius, quid acceptius multitudini, quam si vili cibus potusque paratur? Ob id etiam in urbibus ac oppidis rerum omnium affluente copia optimatibus cum multitudine adeoque obscuris hominibus nullum est certamen aut discordia, in tanta vitæ dissimilitudine, & tam dispari studiorum ratione atque voluntate. Illi enim imperium & gloriam expetunt: hi dum vitæ commodis abundant, non ita magnum fructum in decore & dignitate ponendum arbitrantur. Atque hæc pro præsentis dicta sufficiant. Cætera, ut supremam tandem operi addam manum, omnia quæ pro amplificanda urbe adducta sunt, pro conservanda quoque usurpari possunt. Eadem enim rerum (quæcunque tandem illæ sint) ortus & progressus fere sunt principia.

FINIS LIBRI TERTII
ET ULTIMI.

HIPPO.

HIPPOLYTI A COLLIBUS
INCREMENTA
VRBIUM

SIVE

DE

CAVSSIS MAGNITVDI-
NIS VRBIUM

LIBER VNVS.

EDITIO NOVA.

CURA

L. G. L. H.

INDEX CAPITUM.

D E urbium origine & fine.	CAP. I.
De urbium situ ex aëris salubritate.	II.
De ubertate soli.	III.
De urbium amœnitate.	IV.
De urbibus, quas flumen, lacus, vel mare adluit.	V.
De urbibus bene munitis.	VI.
De urbium commoditate, elegantia & magnificentia.	VII.
De urbibus ad vias regias vel in Imperij finibus sitis.	VIII.
De thermarum salubrium opportunitate.	IX.
De vicinitate metalli fodinarum & mineralium.	X.
De urbibus, quæ Academiis, Collegiis vel Biblioth. florent.	XI.
De urbibus, quæ magnorum Principum aulis vel sum- mis dicasteriis clarent.	XII.
De urbibus, quas nobilium multitudo incolit.	XIII.
De urbibus, quæ negotiationib ⁹ & mercimoniis clarae sunt.	XIV.
De urbibus, in quib ⁹ opificū omnis generis magna est copia.	XV.
De urbibus, quæ ius civitatis facile peregrinis & ad- venis tribuunt, civibusque privilegia varia largiuntur & conservant.	XVI.
De urbibus, quæ matrimoniis favent.	XVII.
De urbibus, in quibus Asyla.	XVIII.
De crebris spectaculis, misilibus, publicis conviviiis, aliisque ludis.	XIX.
De urbibus, quæ arario student.	XX.
De urbibus, quæ annonæ curam prudenter gerunt.	XXI.
De ijs, quæ diversa oppida in unum contrahunt, vel vicinas urbes diruunt.	XXII.
De urbium legibus & politia.	XXIII.
De urbibus nonnullis, quæ ad summam magnitudinem pervenerunt.	XXIV.



CAPUT I.

De urbium origine & fine.

Homo societatis est appetens & utilitatis; inde fit, ut suapte naturā se ad cœtus conferat, à quibus parata sibi videri adjuvmenta vitæ jucundius, commodius, tutiusque degendæ. Quis tantæ unquam industriæ, tantæque solertiæ repertus, qui necessaria solus sibi ipse subministrare & se ab aliorum injuriâ tueri potuerit? Conveniendum hominibus profecto, ut dando, accipiendo, commutando, communicando alter alteri, quod satis est, suppeditaret, fuit. Hinc primo factum, ut plures familiæ unum in locum convenerint, unaque certis legibus habitare cœperint: hinc vici, hinc pagi, hinc oppida. Ex domorum enim conjunctione vici, ex vicorum continuatione pagi, quibus, cum imbecilliores à valentioribus se tueri nequirent, loca natura munita & tecta conquirere aut arte munire necesse fuit, fossa videlicet, vallo, mœnibus & turribus; unde oppida & urbes. Ita natura rerum tulit, (ait CICERO) ut quodam tempore homines nondum neque naturali neque civili iure descripto fusi pro parte per agros ac dispersi vagarentur, tantumque haberent, quantum manu ac viribus per cadem ac vulnera aut eripere aut retinere potuissent. Qui igitur primi virtute & consilio prastanti exstiterunt, à perspecto genere humana docilitatis atque ingenio dissipatos unum in locum congregarunt, eosque ex feritate illa ad iustitiam atque mansuetudinem traduxerunt. Tum res communem utilitatem continentes, quas publicas appellamus, tum conventicula hominum, quæ postea civitates nominatae sunt

*sunt, cum domicilia coniuncta, quas urbes dicimus, invento
Sermonū & divino & humano iure manibus seferunt. HORATIUS:*

*lib. 1. Sa-
tyr. 111,
v. 100.*

*Cum proceperunt primis animalia terris
Mutum & turpe pecus, glandem atque cubilia propter
Vnguibus & pugnis, dein fustibus, atque ita porro
Pugnabant armis, quæ post fabricaverat usus:
Donec verba, quibus voces sensusque notarent,
Nominaque invenere, dehinc absistere bello
Oppida ceperunt munire & ponere leges.*

Et in Arte poetica vers. 391.

*Sylvestres homines sacer interpretque Deorum
Cadibus & victu fædo deterruit Orpheus.*

*Origin. Oppidum, ait ISIDORUS, quidam ab oppositione murorum di-
xerunt: alij ab opibus reconcendis, eo quod sit munitum; alij
quod sit in eo conventus habitantium & opem det mutua con-*

*Comm. de bell. Gall. v. tra hostes. JULIUS CÆSAR: Oppidum Britanni vocant, cum syl-
vas impeditas vallo atque fossa munierunt, quo incursiones ho-*

*stium vitandi causa convenire consueverunt. Porro quamvis
hæ voces: Oppidum, Vrbs, Civitas; plerumque confundan-
tur, diversam tamen significationem habuisse certum est.
Oppida non erant aratro cincta urbibusque minora; quæ
cingebantur in nomen urbium transibant. Urbs ab urbo vel*

*in origi- urvo aratri linea nomen invenit. CATO author
nibus. est, eos, qui urbes olim condere volebant, taurum in
dextra, vaccam intrinsecus, jungere solitos, & ritu Sabino
cinctos, id est, togæ parte caput velatos, parte succinctos sti-
vam incurvam ita tenuisse, ut glebæ omnes intrinsecus ca-
derent, atque sic urbo seu sulco ducto loca murorum desi-*

gnasse. VIRGILIUS

v.

*Interea Aeneas urbem designat aratro,
Sortiturque domos: hoc Ilium & hæc loca Troiæ*

Esse

Esse iubet; gaudet regno Troianus. Acestes
Indicitque forum & patribus dat iurāvocātis.

Inter civitatem & urbem, ait NONIUS MARCELLUS, hoc in cap. 7. terest; Urbs est ædificia: Civitas incola; nec incolas tantum §. 27. sed etiam leges. Enimvero fieri potest, ut urbs, mœnibus & ædificiis, imo etiam hominum multitudine abundet, rerumque ad victum necessariorum copia, nec tamen civitas sit, nisi legibus ac magistratuum imperiis cives contineantur. Illi enim sunt vinculum ait SENECA, per quod Respublica coheret; illi spiritus vitalis, quem hæc tot millia trahunt: mentia nihil ipsa per se futura, nisi anus & præda; si mens illa imperii I. 4. subtrahatur. Urbem igitur recte CICERO definit, rectorum de Rept. conjunctionem loci manuque septam, delubris & spatiis communibus distinctam, in qua hominum cætas sit iuris consensu & utilitatis communione sociatus. Quibus posterioribus & Civitas definitur, quæ est collecta hominum liberorum iure viventium multitudo. Roma urbs & eam civitas incolit. Atque hæc quidem de causis magnitudinis dicturo præmittenda fuere: quibus hoc addo, civitatem hodie vel potentiorum vi constitui, vel eorum, qui se libertatemque suam sub alterius imperium ac arbitrium sponte subjecerunt. Jam ut ordine de re propofua differam, primo ea perstringam, quæ ad urbem inanimatam, ut ita dicam, spectant, sicut mœnia, ædificia & similia; deinde ea persequar, quæ ad urbem animatam vel civitatem, hoc est, ad cives, incolas, negotia quæ tractant & munia eorum respiciunt.

CAPUT II.

De Urbium situ ex aëris salubritate.

AD beatam civium vitam non sufficit populum bene institutum habere, nisi opportunitas urbis ea suppeditet, quæ ad usum vitæ tranquillæ sufficiant. In condendis urbibus

bus prima ea cura esse debet, ut locus saluberrimus eligatur; altera ut fertilissimus; tertia, ut commodissimus & ad negotiationes & ad res bellicas. Consistit ergo opportunitas situs primo in aeris salubritate; nam cum is à nobis separari non possit, perpetuoque velut connatus cohæreat, ambiatque & lædat vel quod calidos immodice, vel quod frigidus aut siccos aut humidus nos efficiat, ejus prima quoque cura merito nobis gerenda. Ideo Pallas sapientiæ Dea musæum Græciæ conditura locum in Attica saluberrimum & aëris temperie optima præditum elegit. Spartani de colonia deducenda solliciti consulto oraculo responsum tulerunt: *contra cæcos adificarent*. Crotonienses loco saluberrimo civitatem condere à Diis jussi. Locus autem salubris cognoscitur, si excelsus & non nebulosus, non pruinosus, regionesque cœli spectet neque æstuosas neque frigidas. *Cum enim,*

de archi-
tectura
I. 4.

ait VITRUVIUS, *auræ matutina cum sole oriente ad oppidum pervenient & iis orta nebula adiungentur, spiritusque bestiarum palustrium venenatos cum nebula mixtos in habitatorum corpora flatu spargent, efficiunt locum pestilentem*. Item si secundum mare erunt mænia, spectabuntque ad meridiem aut ad occidentem non erunt salubria: quia per æstatem cœlum meridianum sole exoriente calefcit, meridie ardet. Apulia æstivo calore maxime fervet, ita, ut ante finem Maji pene exusta sit. Siccitati aliud malum additur, innumerabilium muscarum infestatio, ex quo Italorum proverbium:

Chi vuol pruouar l' inferno

La state in Puglia, in Abruzzo il verno

Loca quæ occidentem spectant, sole exorto tepescunt, meridie calent, vespere fervent; hinc caloris & refrigerationis mutatione subita corpora, quæ in ijs degunt locis, vitari necesse est. *Urbes autem,* ait Philosophus, *qua in solem orientem*

Polit.
VII. II.

tem

tem inclinant & venis ab ortu flantibus expositæ sunt, salubri-
ores habentur. Proxima ab his quæ in aquilonem vergunt; hæ
namque magis commodis auris refrigerantur. Siquidem Se-
ptentrionalis plaga non recipit mutationes noxias, & quia
firmior est, corpora diutius servat. Quod quidem ex escu-
lentis, quæ reconduntur, satis apparet, quæ dum modicis fe-
nestellis ad septentrionem refrigerantur, tardius marce-
scunt; quæ verò ad calidas cœli partes ponuntur, facile &
cito corrumpuntur. Locris & Crotone pestilentiam nun-
quam fuisse annotatum est, unde proverbium: *Crotone sa-*
lubrius, Sergianum Hetruriæ oppidum crevit, teste Jovio, *Histor.*
1. p. 67. ex ipsis Luna antiquæ urbis ruinis, quum incole pestilentis eius
litoris aura, quæ maxime ad Macra ostium vergit vehementer
offensa aedificia in editiorem locum subduxissent. Stratonicus
Musicus Seriphi agens hospitem suum percontatus est, ob
quam causam illic homines solû vertere juberentur: quum-
que ijs respondisset; Flagitiosos tantum apud Seriphios exi-
lio mulctari: quin tu quoque, subjunxit, flagitii aliquid com-
mittis, ut ex his locorum angustiis aërisque intemperie emigres.

CAPUT III.

De ubertate soli.

PORCIUS CATO, referente COLUMELLA, censebat in e-
mendo inspiciendoque agro præcipue duo esse consideranda: *De re*
rust. 1. 3. salubritatem cœli & ubertatem loci; quorum si alteram dees-
set, ac nihilo minus quis vellet incolere, eum mente esse captum
atque ad agnatos & gentiles deducendum. Neminem enim sa-
num debere facere sumtus in cultura sterilis soli, nec rursus pe-
stilentiam quamvis feracissimo pinguique agro dominum ad fructus
pervenire. Nam ubi sit cum Orco ratio ponenda, ibi non modo
perceptionem fructuum, sed & vitam colonorum esse dubiam,
vel potius mortem quæstu certiore.

De acris temperie egimus capite præcedenti: nunc ad-
dimus, ad magnitudinem urbis non parum facere agri vici-
ni bonitatem, quæ civibus alimoniam abunde suppeditet.
Cum Diogeni quidam exprobraret: te Sinopenfes Ponto ex-
ulem esse iusserunt; at ego, inquit, illos hac damno pæna, ut
in Ponto extremisque Euxini litoribus inclusi perpetuo ma-
lib. VI. neant. Græca LAERTII ita sonant: ΕΙΠΟΝΤΙ ΤΩΝΟΣ, ΣΙΝΟΠΕΪΣ
in vita. οσ Φυλῶ κατέγνωσαν. Εγὼ δὲ γὰρ, ἔπειτα, ἐκείνων μόνῃ. Eos
Diogen. potius exulare innuens, qui infelici regioni tanquam adscri-
De re pti erant. M. CATO novem conditionibus bonum agrum de-
rustica. scribit: quæ si non conjunctim omnes reperiantur, (nam
cap. 1. difficile id admodum est) is optimus erit, qui plura ex ijs ha-
bebit. Primam agri qualitatem esse illis vult, ubi vineæ esse
possint bono & multo vino; secundam, ubi hortus irriguus:
tertiam ubi salictum: quartam, ubi olivetum: quintam, u-
bi pratium: sextam, ubi campus frumentarius: septimam, u-
bi sylva cædua: octavam, ubi arbutum: nonam, ubi sylva
glandaria.

Qui fit, quod pleræque Italiæ & Galliæ urbes tot inco-
lis exundent? quia ubique vitalis & perennis salubritas con-
spicitur, eximia cœli temperies, campi fertiles, aprici colles,
innoxii saltus, opaca nemora, nobilia pecorum vellera, opti-
ma taurorum colla, perspicui & pisciosi lacus, flumina fons-
resque saluberrimi. Agrum consideremus Neapolitanum,
eius tanta ubertas, ut merito *Liberi Cererisque certamen* à
Rerum FLORO vocetur. Arva ipsa arbutis ijsque frequentissimis
Roman. consita sunt: arbores pleræque patentissimis ramis, diffusa
l. 16. & in vastam proceritatem consurgentes, vitibus amictæ, quæ
geniculato prokursu ad cacumina scandentes atq; inde præ-
cipitata ad solum usque pervenientes ea sunt feracitate, ut
una arbor (incredibile dictu) JEAM vini ferat vim, quæ quin-
que

que clitellariorum mulorum onus sit ; at quæ vina ? generosissima & quæ veteribus etiam in pretio , Massica , Cæcuba , Falerna. Idem solum frumenti ita ferax , ut à nullo , quod ea laude excellat , vincatur , quodque multis in locis , si biennium quieverit , quatuor continuos annos restibile fiat. Quid de agro Mediolanensi dicemus , qui cunctis rebus tam necessitati mortalium , quàm deliciis & voluptati opportunis abundat ? Similia de Galliæ & Germaniæ Superioris & Inferioris urbibus multis dici possent , quæ solum vicinum habent frumenti & omnis generis fructuum feracissimum. Sane mira sunt nec sine rubore referenda , quæ de feracitate Hispaniæ ab Hispanis traduntur , raphanos , lactucas , brassicas quindecim dierum spatio à satu maturescere : pepones & cucurbitas sex & triginta dierum , vitem intra annum frugiferam fieri , triticum (ne non omnia experirentur) principio Februarii humi conditum ad Idus Martias maturuisse.

Objicere hoc in loco quis posset , Athenas olim , hodie Noricum in Germania , Limogea in Gallia , alia sçq ; nonnullas urbes , quæ amplissimæ cum sint , agros nihilominus steriles habere. Sed non difficilis est responsio ; nam urbes illæ aliis excellent oportunitatibus & à bonis agris haud procul ab sunt ; adde quod pauperiores ob agri sterilitatem se majore conatu ad opificia dedere cogantur , qua de re suo loco , Deo favente.

Soli ubertati subjungo copiam lignorum , lapidum & arenæ ; quæ enim urbes harum rerum inopia laborant , difficulter ad magnitudinem aliquam perveniunt. Si domos ædificare volumus , tignis opus est ; si coquere , non magis igne quam lignis carere possumus. *In conclusionibus* ait VIGEV. *De arvius* , id est , obsidionibus , *reliqui omnes faciliores sunt appa- hit. v. ratus , quam lignorum. Salenim facile ante importatur : fru- 9.*

ment a publice privatimque expeditius congeruntur, & si desint haleribus, carne seu leguminibus defenditur. Aqua fossuris putreorum & de calore pentinis tempestatibus ex tegulis excipiuntur. De lignatione, quæ maxime necessaria est ad cibum excoquendam, difficilis & molesta est apparatus, quod & tarde comportatur & plus consumitur. Si igitur urbi vicinæ fuerint sylvæ & lapicidinæ, arenæque vel marinæ vel fluviatiles vel fossitiæ, civibus id ædificandi animum adder. Calx marmore, aut saxo albo vel vivo silice optimè coquetur. Harum rerum neglectus, quæ prima fronte non magni videntur momenti, sæpe urbibus nocuit,

CAPUT IV.

De urbium amœnitate.

lib. 36. ecl. 21. Scribunt Tricala Siciliae urbem inde nominatum, quod tria in se natura id est pulchra contineret, docente DIODORO SICULO: Primum enim aquis fontanis eximie dulcedinis abundat. Deinde agros habebat adiacentes vinetorum & olivetorum plantationi frugumque cultura mirifice idoneos. Tertio locus tam firmus erat, ut nihil supra, utpote magna rape atque inexpugnabili natura instructus. Urbs Granata odoratis citrorum viridariis & fontium perennem scaturigine, vermicealatisque passim pavimentis admirabilis existimatur: duæ ex adverso exsurgunt Regiæ oppositis collibus, ita ut imagine quadam navis hæc proram, illa puppim, obtinere videntur; media vallis domorum frequentia celebris urbem determinat majore amœnitatis quam munitionis studio. Quid de amœnitate urbis Neapolis dicemus, ubi ver perpetuum, neque floribus tantum vernant illa littora, sed nulla pars anni florum & fructuum expers? Nunquam regio illa aut frigore riger, aut nivibus horret, aut gelu torpet. Cùmque ea cæterarum regionum natura sit, ut quod solum pin-
gue

gue ac ferax sit, necessariisque fructibus abundet, id minime amœnum esse soleat: contra quod amœnum est, ab ubertate destituatur, cujusmodi circum Spadanos campos & Ligusticam oram cernimus, quorum illi frumenti ac lactis necessariarumque rerum feracissimi amœnitate Ligusticorum litorum carent, ex adverso frumentis destituuntur maritimæ Liguriæ omnibus amœnitatibus referta ora; jam tanta est agri Campani gloria, ut fœcunditas cum amœnitate certet, & regiones, quæ alterutra tantum laude præstant, utraque superet.

Non dissimilia de multis aliis urbibus dici possent. Quam amœni sunt juxta Bruxellas horti nitidissime culti, in quibus varia hortensium fructuum genera pro diverso anni tempore proveniunt. Mirum dictu, quam agri & saltus vicini vario avium ferarumque genere abundent! Quid amœnius (ut alia præterea loca) prospectu urbis Basileæ? Nam cum ille omnis dupliciter commendetur, vel ex ipsa ad spectus sui ratione justaque dimensione, vel ex rerum, quæ ad spectui subjiuntur, specie ac varietate: Basileenses utroque gaudent. Ambient enim illi colles & campi, quos urbs adspicit, neque tam propinqui sunt, ut radios oculorum nimis cohibeant ac veluti carcere constringant, neque tam longe distanti, ut prospectus nullis locorum terminis circumscriptus per immensam vastitatem excurrat nulloque consistens loco hebetetur; sed oculis sat laxa menti præbent, eosque objectu suo terminant, ne latius circumjectorum acies evanescat. Si visum demittas, Rhenum adspicies mediam urbem secantem & in eo pontem hominibus repletum, ut Incum Petrinum & cætera omittam.

CAPUT V.

De urbibus, quas flumen, lacus vel mare adluit.

Quantum maritimis subvectionibus aliisque navigationibus

urbes ditescant & augeantur, incredibile dictu. Si igitur commoditate aquæ navigæ fruuntur, fieri vix potest, quin ad magnitudinem brevi perveniant. Sic Venetos, Genuenses, Massilienses, Anglos, Belgas & Gallos videmus navibus suis etiam remotissima quæque orbis terrarum loca scrutari, & aromata, uniones, sericum aliaque domum referre. Constantinopolitanæ urbis situm commodissimum esse oportet, cum in Isthmo sita tribus partibus portuoso mari adluatur, Propontidi & Ægæo mari imperet, Euxino pariter, uno illud ostio claudens, Bosphoro scilicet, quem in vitis Constantinopolitanis transire nemo potest: Asiæ & Europæ veluti pons est & porta utriusque orbis expeditior, quam Hellepontus, ut merito *Europa totius arx* vocari possit atque quendam principatum præ se ferre non obscure videatur. Sic Alexandriam duo maria undique adluunt: alterum à Septentrione, quod Ægyptium dicitur, alterum à Meridie, quod Marcotis adpellatur; hanc Nilus multis fossis, tam è superioribus partibus, quam è lateribus adauget, per quas multa importantur quam mari, unde fit, ut portus, qui in lacu est, ditior sit maritimo. Tarentum urbs præclara in insulam traducta mari cingitur, ut Venetiæ. Juxta Lugdunum atrox & fervens Rhodanus per fines Heduorum fluentem Ararim cum quadam aquarum modestia excipit ac tranquillum & cursus suos dissimulantem humeris portat in Massi-

In Europa liense pelagus terras proluens fertilissimas; unde CLAUDI-
trop. li- ANUS:
br. II.

*Quam Rhodanus stimulat Arar: quos inter aprica
 Planities, Cererique favet, densisque ligatur
 Vitibus, & glaucos fructus attollit oliva,
 Dives equis, felix pecorum, pretiosaque picto
 Marmore, purpureis cui cedit Synnada venis,*

In confesso est hisce fluminibus fecundari agrum & populum importata annonâ lætari & quia in mare Ligusticum decurrunt, importandis & exportandis mercibus accommodatissima esse. Turrianus quidam Mediolanensium Prætor ad confirmanda populi studia, omnes operas ad Ticinum condixit, ut non procul ab Abiatio oppido emissarium navigabile derivata parte amnis ad urbem perduceret ad facilissimas subvectiones importandorum ex agris fructuum; qua incomparabili commoditate populus in quotidianos usus perpetuo frueretur. *Non sine causa* (ait Camillus in oratione, quam recitat Livius, de Roma non deferenda.) *Dij hominesque hunc urbi condenda locum elegerunt: saluberrimos colles, flumen opportunum, quo ex mediterraneis locis fruges devehantur, quo maritimi commeatus accipiantur; mare vicinum ad commoditates, nec expositum nimia propinquitate ad pericula classium externarum, regionum Italia medium, ad incrementum urbis natum unice locum.*

Histor.
v. 54.

Sed quid in re tam clara exemplis opus? Si quis quantum navigera flumina urbes juvent scire vult, is eas perpendat urbes, quæ in Italia ad Arnurum, Athesin, Padum; in Gallia ad Ligarim & Sequanam; in Germania ad Rhenum, Albim & Danubium posita sunt. *Perfluunt* Adiabenam (ait AMMIANUS MARCELLINUS) *potiores ante alios amnes hi, quos prædiximus, (Diabam & Adiabam intelligit); & Maarsares flumen regium, & Euphrates cunctis excellens; qui tripartitus navigabilis per omnes est rivos insulasque circumfluens & arva cultorum industria diligentius rigans vomeri & gignendis arbutis habilia facit.*

Rer. gest.
l. XXIII.
p. 252.

Inter flumina vero ea habentur præstantiora & utiliora, in quibus navigia ultro citroque discurrere possunt, torrentia periculosiora & minus idonea sunt. Porro quia de
flumi-

fluminibus in hoc capite mentio facta addendum est, inter urbis maxime necessaria esse aquam salubrem; hoc enim elemento nulla ratione carere possumus, quâ in re veteres diligentissimi fuerunt, qui non modo oppida urbesque condituri, sed & castra electuri in puram inquirebant aquam.

De re milit.

IV. 19.

Magna urbis utilitas est, inquit VEGETIUS, cum perennes fontes murus includit. Quod si natura non praestat, cuiuslibet altitudinis effodiendi sunt putei, aquarumque haustus furibus extrahendi. Aqua ea optima, quæ motu velocissima, ad specu limpidissima, pondere levissima, concoctu facillima est & ab ortu Solis in occasum concitatur. Si aquam contingat alicubi insalubrem esse, confestim ex habitatorum facie cernitur. Quod si aquæ potores validis corporibus, nitido colore & oculis acribus sint, de aqua non dubitandum; secus, si contra. Aquis gelidis & salubribus Basilea abundat in ipsa urbe scaturientibus & aliunde adductis.

CAPUT VI.

De urbibus bene munitis.

Quia urbium ædificatio duplicem habere causam videtur, utilitatem commode vivendi in societate eamque augendi & securitatem civium, ad magnitudinem urbium non parum faciet, si adversus quoslibet belli impetus munitæ fuerint mœnibus, vallo, fossâ, *Maiores vestri* (Romani) ait Paulus Cos. ROM. in oratione ad milites, quæ existat apud LIVIUM, *castra munita portum ad omnes casus exercitus ducebant esse, unde ad pugnam exirent, quo iactati tempestate pugna receptum haberent: ideo cum munimentis ea sepissent, presidio quoque valido firmabant, quod qui castris exutus erat, etiamsi pugnando acie vicisset, pro victo haberetur. Castra munita sunt victori receptaculum, victo perfugium.* Quod hic de castris bene munitis disserit Consul, optime dici quoque

Histor.

XLIV.

39.

que potest de urbibus bene munitis. Arces & muri muniti paucorum opera magnam hostium manum arcere possunt pugnantibus vel solis elementis adversus obsidentes, ut frigore, pluviiis, aestu, aut commeatus penuria intereant; hæc enim sæpe ingentes copias cogunt in vitas obsidionem solvere. Salvi autem sunt cives eo confugientes, qui alioquin in urbibus male munitis omnibus hostium injuriis expositi manerent. Exempla magnarum & potentissimarum urbium hic adducere possem, quæ firmissimo murorum ambitu, propugnaculis, multisque ad hostium furorem arcendum peridoneis turribus formidabiles sunt, sed ijs in re tam aperta opus non est. *Fossa ante urbem, ut testatur VEGETIUS, latissimæ altissimæque id est profundæ, faciendæ sunt, ut nec facile possint coequari, repletique ab obsidentibus & cum aqua ceperint inundari ab adversario cuniculum continuari minime patiantur. Nam duplici modo opus subterrancum peragi prohibetur, earum altitudine & inundatione.*

De re milit.

IV. 5.

Quod ad murum attinet, audiamus VITRUVIUM: *Collocanda, inquit, oppida sunt non quadrata, nec procurrentibus angulis, sed circumionibus, uti hostis ex pluribus locis conspiciatur. In quibus enim anguli procurrunt, difficulter defenduntur; quod angulus magis hostem tuetur, quam civem. Et VEGETIUS ait: Ambitum muri directum veteres duci noluerunt, ne ad ictus arietum esset dispositus, sed sinuosis anfractibus iactis fundamentis clausere urbes: crebrioresque turres in ipsis angulis ediderunt propterea, quia si quis ad murum tali ordinatione constructum vel scalas vel machinas voluerit ad movere, non solum à fronte, sed etiam à lateribus & prope à tergo veluti in sinum circumclusus opprimitur. Verum de ratione muniendi non desunt etiam ex recentioribus viri magni & docti, qui docte admodum & ad nostra tempora con-*

De architect.

I. 5.

De re milit. IV.

2:

gruenter scripserunt. Quæri hoc in loco potest, an arces & propugnacula (quæ vulgo Castella & Citadellæ vocantur) in urbibus collocata ad earum magnitudinem faciant? Dubitandi causa hæc est, quia cives talium urbium ab hostium injuriis tutiores videntur; contrarium nihilominus à prudentioribus amplectitur, quia mercatores præcipue ea loca fugiunt, quæ arcis alicujus præsidio tenentur, quod ea vix unquam sine tyrannide præsumantur. Ideo Pedianus *arcem* definit *sedem tyranni*: & ut uno verbo dicam, solent ejusmodi arces, quod usus quotidie docet Principibus utiliores esse quam civibus. Imminet quoque periculum, ne arcium præfecti se ad urbem prodendam corrumpi sinant ambitione ducti aut avaritia aut perfidia: hic vero metus civibus alacritatem adimit.

CAPUT VII.

De urbium commoditate, elegantia & magnificentia.

Illud quoque ad urbis magnitudinem pertinet, ut ædificia tum publica tum privata ad usum commoda, ad hilaritatem & amoenitatem jucunda & ad urbis gratiam magnifica sint, sive molem, sive materiam, sive artificium, sive symmetriam spectes. Sint igitur urbium plateæ directæ ab una ad alteram partem, & latæ tum ad vecturam tum adversus ventos descriptæ: ad quas ædes privatorum ad pares constituantur dimensiones. Quam rem Vespasianum Gonzagam Principem prudentissimum in instauratione Sabloneta & Bozoli nostro tempore accurate observasse vidimus, cujus ob id quoque lubenter meminimus, quod Pater meus aliquando ab aula illi præfectus. Nec vero potest hæc laude spoliari Bernensium magistratus, qui formam ædificandi civibus proposuit certam, juxta quam ædificaturo publicis impensis lapides & ligna usque ad locum ædificii convehuntur.

tur. Ac tamen si forma illa non à prudenti architecto usquequaque profecta esse videatur, ut quæ porticus atque ædes nimis humiles minusque commodas habeat, tamen ob proportionem servatam urbs elegantissima judicatur.

In platearum triviis latiores aræ relinqui solent ad fora boaria, pictoria, piscaria, suaria, olitoria & similia. *Et si erunt mania (ait VITRUVIUS) secundum mare, aræ, ubi forum constituantur, eligenda proxime portum: sin autem mediterranea, in oppido medio.* Prolixus nimis forem, si Italiae & I. 7.

Galliae tot præclararum urbium elegantiam & magnificentiam recensere vellem; sed & Germania me detineret nimium, si exempli gratia, Augustam Vindelicorum, Noribergam, Uratislaviam, Argentoratum, Viennam, Antverpiam, Bruxellas Brugas aliasque complures describerem, quæ non minore laude dignæ; nam sumtuosissimis ædificiis structura solida & firma, plateis amplis ac nitidis illis nequaquam cedunt. Unico urbis Neapolis exemplo contentus ero, ubi infimorum etiam ædes altitudinem Nobilium domorum æquant, omnesque pene in quintâ contignationem, nonnullæ etiâ in sextâ consurgunt, totis denique familiis sedes præbent & frontium specie atque pulchritudine nobilium domibus pares sunt; nam & ostia & fenestras affabre factas habent, antisque & epistyllis & zophoris ac coronis mirifice exornatas. Ipsorum vero nobilium domibus nihil ad magnificentiam deest; nam maxima pars ex lapide sunt quadrato, peristylliaque habent atque ornatissimas & laxas porticus; quæque unica istius urbis commendatio est, maxima illarum pars hortos pensiles sustinent, felicissimarum quarumvis arborum sylvis consitos, ad secundam contignationem sublatos, in qua herilis habitatio est, ut ex ipso triclinio & cubiculis, quibus herus utitur, sit in hortos ex æquo transitus,

Verum in publicis operibus magnificentia magis est ef-
ferenda. Quis namque dubitat, quin templa, fora, theatra,
amphitheatra, Basilicæ, Mausolæa, Pyramides, thermæ, por-
ticus & ejusmodi ædificia, urbes reddant illustriores, ut, si ex
solido marmore, prudenti structura, vel alia ratione conspi-
cua sint. Augustum Cæsarem adeo urbem Romam excoluif-

In vita Augusti scribit SUTTONIUS, ut iure sit gloriatus, marmoream se res
6.28, 29. *Augusti* linquere quam lateritiam accepisset. Publica opera plurima
extruxit: Forum cum ade Martis, Vltoris, Templum Apollinis
in Palatio, adem Tonantis Iovis in Capitolio. Cujus exem-
plum secuti sunt multi ex successoribus, qui magnificentia
ædificiorum multipliciter eum superarunt.

Magnus Sfortia patriam Corignolam fortuito incen-
dio absumentam privata liberalitate instaurandam suscepit sin-
gulos etiam cives cohortando, ut ædificare luculentius vel-
lent, siquidem ipse lateres, materiam, calcem se gratuito
collaturum profiteretur. Factum ergo est, ut celeriter ad-
ornatis domibus directisque viis privatim & publicæ gratiæ
ingentes Principi agerentur, quod opportuna liberalitate &
privatæ commoditati & elegantia publicæ consulisset. Pos-
sent complures alii nominari, qui exstructis operibus magni-
ficis, templis, xenodochiis, scholis, aquæ ductibus, gymna-
siis, pontibus, palatiis, prætoriiis aliisque urbes suas illustrio-
res reddidere. Roma, Nemausum, Verona, Dola amphithe-
atris & Basilicis: eadem Roma, Florentia, Mediolanum,
Ambianum, Argentinae aliæque templis augustis & amplif-
simis celebres sunt.

CAPUT IIX.

De urbibus ad Regias vias vel in Imperij finibus sitas.

AD magnitudinem urbis plurimum conducet, si ita sita sit,
ut illac homines multi quotidie iter facere cogantur,
tum

tum quod ab extraneis multa importentur ad victum vestitumque necessaria, tum quod ea ratione vectigalia augeantur. Quod si huc accedat, ut in Imperii vel Regni alicujus finibus jaceat, commoditas ad magnitudinem tanto major erit. Qui ex Italia vel Germania in Hispaniam proficiscuntur, ij fere omnes Genuam perunt & contra, qui ex Hispania in nostras tendunt regiones: inde fit, ut urbs hæc ob tantorum regnorum vicinitatem & commercia multis fruatur commodis, ex quibus civēs ditescant. Similia de Antvverpia, Amstelrodamo, Venetiis, Augusta Vindelicorum, aliisque urbibus dici potest. Nee dubium est, hoc inter alia Mediomatricum urbi, Coloniae, Geneva, Argentinae summis profuisse, quod in Imperii finibus jaceant. Trajectum in Frisia à trajiciendo dicta existimatur, ob frequentem mercatorum aliorum peregrinantium per hanc urbem transitum: quin etiam habet multa oppida vicina, ad quæ brevissimo tempore Trajecto perveniri potest. Crevit Lugdunum Galliae ob magnum exterarum gentium concursum, quem parit situs; est enim ita in finibus Galliae, ut medium fere totius Europæ constituat, unde cives omnia mercium genera in quamcunque orbis partem transferre possunt. De Constantino-poli paulo ante diximus eam tam commodo loco sitam, ut nemo ultro citroque in Asiam vel Europam trajicere possit nolentibus Constantinopolitanis, cum sit velut porta & pons utriusque orbis. Hispalis, quam vulgo *Sevillam* vocant, ita sita est, ut quotquot ex India naves pretiosissimis onustæ thesauris Æolo favente redeant eo appellere, seseque exinanire compellantur: ex quo magno numero quotannis in Augusto vel Septembri incredibiles ejus o-

pes excrescunt.

CAPUT IX.

De thermarum salubrium opportunitate.

Hominum concursui aquarum medicarum, quæ vel positione vel ablutione juvant, opportunitatem, causam non exiguam urbis amplificanda præbere, usu est comperitum. Natura nos docet, ut ea quæramus, quæ ad salutem nostram compendii aliquid adferunt. Sulphurosas comperimus articulis nervisque utiles: aluminosas pituitæ fluxionibus: bituminosasalvum sine dolore solvere. Thermas salubres censet **PLINIUS** in *Tarbellis Aquitanica gente, & in Pyrenæis montibus* — *Puteolos in Campania, Staryellas in Liguria, Sextias in Narbonensi provincia* (ita dictas, quia Sextius quidam apud eas oppidum condidit). *Nusquam tamen largius, quam in Baiano sinu* proveniunt. Et paucis interjectis: *In Campania regione Sinuessana aqua sterilitatem feminarum, & virorum insaniam abolere produntur. In AEnaria insula, quæ reperitur, calculosis mederi.* Mirabilis aquarum calidarum ad Budam in Hungaria & ad Badenas tam Helveticas quam Marchionatus natura fertur, cum ebullientis aquæ tantus sit fervor, ut manibus vix tentari possit. Aquis granum pari ratione nobilitant aquarum calidarum uberrimi simul & saluberrimi fontes nec calore nec humore deficiente, tantaque copia scaturientes, ut singuli plures balnearum alveos non exiguos nova quotidie aqua implere queant, quorum multi intra mœnia, cœteri in vico suburano. Fabaria quoque vulgo *Pfevers* thermæ apud Rhætos ad cœnobium Benedictinorum vetustissimum sub **Fridrico II.** Imperatore reperta ulceribus, chironiis, corporibusque vel morbo vel labore resolutis mire utiles. In profundissimo & angustissimo hiatu, ad cujus apicem æstivo tempore meridiana Sol unica tantum hora pertingit, sitæ aquam

aquam fundunt calidam, pellucidam, inspidam, Majorimum mense ex scopulo prorumpentem, Septembri denuo evanescentem, sex fere mensibus feriatam. Valesiani quoque thermas Viberas sive Brigias habent sulphureas: habent quoque Leucinas tanti fervoris, ut coctura etiam inferviant, ad quas incolæ & advenæ crebri confluunt. In agro Senensi quatuor millibus ab urbe passuum aqua reperitur, quam vulgo *Bullulam* vocant, ad quam tanquam saluberrimam & quæ verno tempore epota pluribus morbis prodest, ingens hominum concurrat multitudo. Quod idem de balneis Lucensibus dici potest. Urbi quoque Neapolitanæ eximia additur gratia tepentium fontium, qui non modo delicatum usum balneorum præbent, sed ad complura morborum genera sananda & levanda miras habent virtutes. Sulphuræ quæ etiam sunt venæ, ex quibus exhalans vapor per subterraneos specus ad corruptos humores excitandos debilitataque membra corroboranda, doloresque tollendos mirum in modum valent.

CAPUT X.

De vicinitate metalli fodinarum & mineralium.

Cum usu compertum sit metallorum & mineralium fossionem uberem & magni quæstus esse, inde fit, ut homines libenter ea loca quærant, quæ metalli fodinas vicinas habent vel loca mineralia Hispaniæ felicitatem admiratum Possidonium ferunt, Hispaniæ subterraneâ non infernum sed Pluturum ipsum, id est, epulentiæ Deum nominasse, eo quod tanta in eo terrarum tractu metallorum esset ubertas. Aurum laudatissimum adfert Boetia, quæ totius Europæ maxime Australis, ut Africa Æthiopia, vicena millia pondo auri annis singulis Asturiam atque Galliciam & Lusitaniam præstare viri fide digni adfirmant. Italia metallorum est ad-

eo fertilis, ut interdicto quondam opus fuerit ei parci. *Ex Nat. hist* stat lex censoria, inquit **PLINIUS**, *ſctimulorum aurifodina*, **XXXII. 4.** qua in *Vercellensi agro cavebatur, ne plus quinque milia homi-* *Rer. Vn-* num in opere publicani haberent. Scribit **BONFINIUS**, in *ple-* *gar. Dec. riſq. fluminibus Pannonia auri optimi ramenta inveniri, quin* **I. lib. 1.** & in vitibus in aurifero solo satis aurum quandoque legi. Sed & *Transylvaniam non solum pecoris, vini, frumenti, sed ar-* *genti etiam & auri feracissimam esse idem author est: ibiq;* *amnes nonnullos auri fragmenta quandoque sesquilibria* *trahere, cum montibus undique sit circumsepta in coronæ* *speciem.* **ÆNEAS SYLVIUS** testatur *Cuthnam in regno Bo-* *Bob. c.* hemia argenti inexhaustas fodinas (propter quas *Thaboren-* **44.** ses eam crumenam *AntiChristi* vocabant) habere. *Tempo-* *Nat. hist* re **Plinii** constat, adhuc per *Hispanias ab Annibale irchoatos* **XXXIII.** argenti puteos durare sua ab inventoribus nominahabentes. *Ex* **6.** queis unus *Bebelo* appellatur hodieque, qui *CCC pondo Anni-* *bali subministravit indies, ad mille quingentos iam passus ca-* *vato monte.*

Montes qui in *Forojulio* sunt, omnibus fere metallo-
rum generibus abundant, nempe ferro, plumbo: marmor
etiam habent nigrum, candidum, varium, lapillos carneo-
los, berillos & similes, item crystallum. Jam de *Salinariis*
aliquid dicamus. *Salis genera hæc recensentur: casum, fos-*
sitium, fontanum, fluviatile, lacustre & marinum. Scribit
Marinaus apud *Ribagorciam* in *Hispania* sal lapidum more
cadi & arborum instar pullulare & renasci. *Drepanum* urbs
Siciliæ salis gaudet stagnis, quæ *Solis* ardoribus desiccata in-
credibilem salis copiam præbent. *Cardonæ* quamplurimi
se ex salis mercatura sustentant: præstat enim ille locus salis
fertilitate vicinis omnibus. Notum illud, quantum lucri ex
salinis *Gallicis* percipiatur; nam videmus sæpissime navium
pere.

perēgrinarum classes ad mare Gallicum appellere salis exportandi causa. Salinæ uberrimæ in Germania sunt Lunæburgi inprimis & Hala Saxonum; unde præcipui civium vitam adeo honestam tolerant, ut mercatura illa nobilitatis species esse censeatur. Restaret ut & de terris dicerem fecundis sulphure, bitumine, pice, naphtha, succino; sed cum brevitati præscriptæ mihi parendum sit & hæc apud alios reperiantur hoc unum dixisse sufficiat: Papa Pio II sedente in agro Tolphano prope Centumcellas montes aluminis patefactos esse, ex quibus proventus annui centum millium aureorum nummum summam excedunt: quantum etiam Volaterani ex aluminis fossura ditescant & reliqui hoc negotii genus tractantes palam est.

CAPUT XI.

De urbibus, quæ Academicis, Collegiis vel Bibliothecis florent.

HActenus de urbe inanimata, id est, de urbis situ & ædificiis diximus: jam tempus postulat, ut ad civitatem, quæ animata est, progrediamur & ea pariter, quæ ad urbium magnitudinem faciunt examinemus. Inter quæ primum locum dabimus Academicis & Scholis, quas vulgo Universales vocant. Nam ubi omnis generis disciplinæ publice gratis & cum applausu explicantur, solet merito urbs aliqua etiam à remotissimis quibusque visitari; urbs inquam illa obscura esse non potest. Ut enim magnetis montes, etiamsi plerisque incogniti sint, chalybis aciem magnete fricatam ad suas vertunt partes: sic Academicæ ob docentium eruditionem ex quacunq; orbis parte quamplurimos ad se ex præcipuis quavis terrarum spatio longe lateque dissitos pertrahunt. Inde tot præstantissimos viros in exteras regiones discendi studio legimus in Babyloniam, Chaldæam, Mediam, Assyriam, Sy-

riam, Phœniciam, Arabiam, Palæstinam & Æthiopiam profectos. Verum quid antiquioribus hisce exemplis opus? Quot quæso in Germania, Gallia, Italia & Polonia oppida, quæ ante Gymnasia ibi constructa tam obscura fuerunt, ut Geographi ea noluerint vel exiguo, aliquo loco in tabulis suis donare, eademque postea ad tantam magnitudinem ex solo studioforum concursu Academiaeque celebritate creverunt, ut nunc cum præcipuis urbibus certent, id quod alio loco me dicere memini.

In Prinsipe.

Celebres Athenæ magis ex studiorum cultura, quam alia de causa fuerunt: ideo eas nonnulli *Museum Græcia* vocant, alii *culmen & firmamentum sapientia*. Memphis non solum propter religionem & Deorum cultum Regumque sepulchra celebris, sed etiam sapientiæ studio summe floruit. Rhodus non tam ob loci opportunitatem, quam ob Gymnasium celeberrimum nota quondam orbe toto fuit. Idem de Massilia olim, Lugduno, Lutetia, Aurelia, Biturigibus, Bononia, Salamanca, Patavio, Pisis, Vienna, Praga, Lovanio, Heidelbergæ, Basileæ, aliisque dici possêt.

Porro Academiae celebriores futura sunt, si collegiis bene auctis & locupletatis, gaudeant, in quibus, qui inter Scholasticos inopes sunt, vili pretio vel gratis nutriuntur, ne penuria multos, qui bonis ingeniis præditi sunt, studia deferere cogat, quam rationem ubiq; locorum, in quibus Academiae florent, observari videmus. Patavii ut alia omittam Gymnasia, novem collegia ad sustinendam studioforum juvenum inopiam: Foro-Julienfium, Feltrenfium, Spinellium, Pithium, Campionis, Neapolitanum, Brixianum, Græcum & Ravennate. Quo nomine liceat mihi unum de multis laudare Serenissimum JOHANNEM CASIMIRUM Archipalatinatus Administratorem, Principem æterna memoria dignum: qui

quam-

quamvis armis potius quam literis excelluerit, collegia nihilominus literaria magna & *Neostady & Heidelbergæ* reliquit magnis redditibus locupletissima.

Quod de Academiis & Collegiis dictum, ad loca quæ religione præcæteris commendantur trahi possunt. Cujus rei exempla habemus apud Ethnicos; non minus enim religionis studium in Iudæo, Ethnico, Turca esse potest, quam in Christiano: in hoc tamen verius, hinc à reliquis ita differt, uti lux à tenebris, veritas à mendacio, corpus à phantasmate. Perpendamus magnum ad templum Dianæ veterum concursum, Hierosolymam, Romam, Memphim & alia sacris ædificiis insignita loca & rem ita se haberi fatebimur.

Cæterum & Bibliothecas bene instructas Academiarum & urbium celebritatem augere, non est dubium. Sunt Bibliothecæ *thesauri literarij*, in quibus optimorum authorum libri reconduntur, qui & universæ Reipublicæ & privatorum commodis inserviunt. Laurentii laudés celebrat Athenæus, ejusque insignem librorum numerum, refertque inter eos, qui admiratione digni visi sunt in congerendis libris, Polycratem Samium, Polistratum qui regnavit Athenis, Nicostратum Cyprium, Regesque Pergami & Ægypti. Adrianus Jovis & Junonis templum ædificavit communemque omnibus Diis ædem, in qua Bibliotheca & Gymnasium Adriani nomine erat. Sed ut propius ad nostra tempora accedamus & Constantinum, Carolum M. Ludovicum Pium, Alphonsum Arragonum Regem aliosq; prætereamus, Franciscum I. Galliæ Regem Parisiis apud S. Victorem & in arce Fontanablio bibliothecas præclaras instituisse notum est, quas conquisitis undique libris rarissimis ex mediâ usque Græcia & Arabia illustravit. Bononiæ duæ sunt bibliothecæ, una ad Salvatorem, altera ad D. Dominicum. Florentiæ sex ostenduntur

d'intur: ad Laurentium, D. Marcum, D. Benedictum, ad S. Crucem, apud Episcopum & ad D. Mariam novellam. Romæ quotidie aperitur per duas horas bibliotheca Græcis Latinisque libris exquisitissimis refertissima. De cæteris, quæ in monasteriis reperiuntur nihil dicam. Venetiis quoque insignis bibliotheca visitur, quam BESSARION Venetic legavit. Cur vero Serenissimi & Potentissimi FRIDERICI IV. Electoris Domini mei bibliothecæ augustæ, quæ Heidelbergæ in æde S. Spiritus adservatur, obliviscar? hæc libris optimis iisque raris adeo repleta est; ut cum præcipuis Italiæ & Galliæ bibliothecis certet, cui tam celebri bibliothecæ optimi Principis iussu præest PAULUS MELISSUS

Vates iam dudum tota celeberrimus orbe
ejusque studio indefesso magnum ea indies incrementum capit.

CAPUT XII.

*De urbibus, quæ magnorum Principum aulis vel
summis dicasteriis clarent.*

QVis dubitaturbes eas, in quibus Imperatores Reges alii-
que Principes frequentius habitant, tum ob subditorum,
quibus cum Principe res est, concursum, tum ob multiplicia
aulæ ministeria exterorum Principum & legatorum alio-
rumque adventum ampliores fieri? Adfert & Principis ha-
bitatio hoc commodi, quod ædificiis splendidioribus magis
urbs exornatur, artibusque manuariis & cæteris rebus ad vi-
ctum vestitumque necessariis adfluat necesse sit. Vfus quo-
tidie docet, quantum incommodi Principis ab ordinario ha-
bitationis loco absentia civibus, qui muscas interea captare
compelluntur, adferat. Quó tempore Pontifices Roma re-
lictæ Avenioni annos plus minus septuaginta habitarunt,
urbem plane desertam undique corruiere vidisses, ut refert

PLATINA; sed post reditum Gregorii XI aliam protinus faciem induisse apparuit. Postquam Honorius Imperator Roma relicta Ravennæ sedem Imperii constituit, confestim urbs ista maximis tum ædificiorum privatorum publicorūq; operibus tum non mediocribus civium atque incolarum opibus crevit. Eandem quoque Valentinianus III pro Imperii sede habuit causamque dixit, ut omni munimentorum & ornamentorum genere insigniretur. Idem de Constantino. poli, Praga, Lutetia, aliisque urbibus, in quibus Regia aliqua, dici possent.

*In vita
Clem. V
& Greg.
XI.*

Quod de Regis sedibus dictum est, id ad suprema dicasteria, ubi negotia & controversiæ privatorum definiuntur, trahi potest, quo ob causarum forensium multitudinem quam plurimi confluant necesse est: quæ res immanem pecuniæ vim immensaque opes urbibus accumulât. Argumento est Jurisconsultorum, Procuratorum, Scribarumque infinitus numerus, qui ex tenui re ad amplissimas opes perveniunt, quique magnificentissimas passim comparant & ædificant ædes latifundiaque & amplissima patrimonia successoribus suis relinquunt. Incredibile dictu esset, omnes, qui judiciis Romæ inserviunt, enumerare. Quod ibi auditores Rotæ? quod clerici cameræ? quod thesaurarii? quod Protonotarii Apostolici? quod Subdiaconi? quod Secretarii Apostolici? quod correctores Cancellariæ? quod Summistæ? quod abbreviatores? quod minores? quod ostiarii Cancellariæ? quod Scriptores Apostolici? quod scriptores brevium? quod procuratores Pœnitentiariæ? quod scriptores Pœnitentiariæ? quod collectores plumbi? quod correctores Pœnitentiariæ? quod sollicitatores? quod correctores Archivi? quod scriptores Archivi? quod secretarii bullarum salariatarum? Quid multis, quod notarii? quod præsides Ripæ? quod cursores?

Tale quid de Parliamentis Gallia, de Tribunali summo Romano Imperii aliisque dici posset. In tantum apud omnes litium situs crevit. Adde quod nulla sit pactio, nullum testamentum, nullum caput legis, nullum verbum, nulla syllaba, ex qua argumenta verisimilia ad litium propagationem maximo civium malo exprimi non valeant. Sed hac de re alio loco me dixisse commemini. Urbes quoque, ubi frequenter Regni vel Imperii comitia habentur, vel ubi Reges diademate insigniuntur regniq; cereimoniis more majorum inaugurantur, indies celebriores reddi nullus dubito.

CAPUT XIII.

De urbibus, quas Nobilium multitudo incolit.

URbes, quæ à Nobilioribus coluntur, incrementum indies capere oportet. Quæris quæ fiat, quod in Italia magnificentiores urbes quam multis aliis in regnis reperiantur? Sed non est difficile quod respondeam. Id enim fit tum aliis, tum hac præcipue de causa: quot Italos nobiles, loquor de præcipuis non de mercatoribus urbes inhabitare non pudet; cum contra multis aliis in locis Nobilium plerique rusticentur, id est, ruri vel in prædiis quæ possident hæreant eosque qui in urbibus habitant pro ignobilibus censeant. Nobiles, qui in luce hominum versantur, dignitatis suæ etiam in aditum splendore memores esse necesse est: inde ædificandi studium, ex quo urbium magnificentia. Quam bene vero illud fiat, penes prudentiores iudicium esto. Nam ingenue fateor me non intelligere, quare hodie ignobilius sit urbes bene munitas incolere, quam olim, quo tempore splendidissimi equites consulum etiam in præcipuis Gallia & Germaniæ urbibus gerebant; aut quare nobilius sit casæ alicui rusticæ imperare quam urbi sæpe numero Metropolitanæ. Nam si urbes à nobilibus incolerentur, nullum dubium est eos præcipuam

cipuam magistratus partem facturos. Neque vero metuenda illis est potius generosi sanguinis cum plebeio & ordinum nescio quæ confusio, quam vel antiquis Romanis vel hodie iis quos diximus. Scribit Libertus Follietta, quod stupendum est & fere incredibile, Neapoli plusquam septingentos cives esse, vicorum, castellorum, urbium, etiam dominatu conspicuos: in quibus plus centum Præcipes, Duces, Marchiones, Comites, magnusque eorum numerus sit; quorum annua vectigalia quidem aureorum millia excedant, nonnullorum etiam ad quinquaginta aut eo etiam amplius perveniant, ut vere dici possit, majorem prope esse in illa urbe feudæ obtinentium dominantiumque, quam in multis aliis officium & sellulariorum numerum. Alexander M. urbes plus septuaginta in solo Barbarico ædificavit; sed illud semper vel imprimis advertit, ut à præcipuis & potentioribus illorum regionum incolis habitarentur: quod idem observasse scribunt Figuram in urbe, quam inter Iberiam & Zeugma, quod juxta Euphratem est, condidit.

CAPUT XIV.

*De urbibus, quæ negotiationibus & mercimoniis
clara sunt.*

Mercatores, cum sine fraude pecuniam faciunt, ingentes urbi utilitates adferre perspicuum est; per illos enim quæ civibus superflua exportantur, & quæ nobis necessaria sunt quæque apud nos non inveniuntur, aliunde ad usum quotidianum importantur. Sed & mercatorum peritia & opibus sæpe non levia pericula propulsari contigit. Hinc omnes commerciis nobiles urbes plerumque magnas esse videmus. Venetiis patrii moris est, ut pars multo maxima civitatis tertia fere diei hora unum in locum ebeat velut ad Emporium negotiorum causa. *Rivus alto est loco nomen, ut a*

libi *Börſæ*, ubi ſine fremitu, ſine altercatione tanquam nutu non verbis inter ſe paciſcuntur, *cunctæque orbis verius quam urbis negotia incredibili ſilentio tranſigunt*, ut ait Sabellicus. Nullum eſt emporium interni maris, (quod à Gaditano freto inter Africam & Europam in Syriam & Ægyptum ad ortum excurrit, ad Septentrionem vero & Boream in Boſphorum & Mæotidē paludem) nullus tam ignotus littoris reſeſſus, quem Venetæ triremes ex antiquo civitatis inſtituto negotiorum cauſa non frequentent. Teſtatur idem Sabellicus, naves Venetiis haberi, quæ ſtatis anni temporibus ad merces ex remotiſſimis locis convehendas publice inſtruuntur. Ex his quatuor longæ ex Syria atque ex Ægypto totidem aromata, ſericum, uniones deferunt. Ex Lybia tres aurum, gemmas & mancipia: duæ ex interna Gallici maris ora pretioſiſſimum vellus & Hispanicum ſericum omnium nobiliſſimum; quatuor à Tanai & Mæotide palude ſaſamenta, tapetas & ſmaragdos: quatuor ex Gallici oceani emporiis lanas, aurum, aulæa & Flandrenſis panni vim ingentem.

Hæc cum ita ſint, quid mirum ſi civitas iſta ad tantam magnitudinem excreverit. Non diſſimilia de Genua, Neapoli, Antvverpia, Amſtelrodamo, Lubeca aliſque multis maritimis urbibus dici poſſunt; quam multa ibi quoque, quam magna, quam multiplicia mercimoniorum varietas, ſive in maritima ſive in terreſtria commercia mercatorumque multitudinē intueare? Maritimorum quidem commerciorum teſtis eſt portus in quolibet urbium illarum onerariis & omnis generis navigiis perpetuo refertus. Ampliſſimæ ſunt ſocietates in veſtigalibus publicis exercendis, & in cæteris omnibus rebus, in quibus mercatorum laborat induſtria, occupatæ. Ex hoc fonte naſcitur, quod videmus emporia & annuos mercatus urbes nobilitare. Lug-

Lugdunum Galliā urbs ob celeberrimum emporium & olim & hodie clarum. *Ormus emporium Arabia Felicis, cum omnibus abundet ob concursum gentium, licet ibi nihil nascatur, mortales habet solertissimos: jactant enim convene, si mundus esset annulus, Ormus esset illius gemma, ut loquitur* CARDANUS. Similiter Francofurtum ad Moenum indies amplius & magnificentius ob duos illos annuos mercatus fieri videmus.

*De rerū
varietate
l. 4.*

Cœterum quæ urbs commercia ad se trahere cogitat, in id incumbat necesse est, ut magna cura privilegia mercatoribus etiam extraneis præcipue nundinarum tempore conserventur, ut possit securus & ipsis & mercibus esse accessus, mansio & recessus. Sunt mercatores tempore emporii sub fide singulari & protectione principum vel illius Reipublicæ, quæ nundinas indulget. Jurisdictio quoque mercatoribus, quod nec jure improbatur, summarie potissimum & de plano administrari debet & bona fide conservari, providendumque ne vis illis fiat; item ut libris eorum fides habeatur ad certam summam observatis circumstantiis rationabili suspitione destitutis.

CAPUT XV.

*De urbibus, in quibus opificum omnis generis
magna est copia.*

QVamvis apud præscos Romanos, Lacones, Corinthios, Thraces, aliosque nonnullos populos opifices manuarii in pretio non fuerint, quo plures militiæ studerent, non ideo sequitur etiam opificia urbibus non summo opere esse utilia: fateor, si mechanicæ artes cum liberalibus conferantur, sordidas eas dici posse, sed non idcirco opifices ab urbe pellendi, quia viliores. Nec populi illi, dum peregrinis lucrum indulserunt, opes suas interim valde auxerunt & do-

cetusus opificibus manuariis nihil utilitatis esse: quod intellexit jam pridem Alexander Imperator, qui omnium vere opificiorum corpora Romæ constituit iisque immunitates tribuit, ut necessariam operam Reipublicæ præberent. Masiliensium legibus nemo in civium numerum recipiebatur, qui artem nullam, qua se sustentaret, calleret. Scribit Dio-

*Biblioth
hist. II.*

41.

DORUS SICULUS ex septem tribubus Indorum quartum locum opifices tenere, quorum pars armis, pars rusticis instrumentis atisque utensilibus fabricandis vacat. Hi non solum immunitatem habent, sed certam quæque frumenti mensuram à regis granarum accipiunt. Ex Amasis Regis instituto non solum cogebatur unusquisque destinato magistratui, quo se artificio tueretur palam facere, sed etiam ex Græcia & Asia magnis præmiis manuarii isti evocabantur. Legem quin etiam authore Solone Athenis fuisse præditum est, ut puberes omnes artibus addiscendis vacarent, quod ista fiebat ratione: proponebantur iis publice singularum artium instrumenta & quo quisque instrumento delectaretur, eâ in arte instituebatur, ut naturam secutus tanto evaderet præstantior.

*Rerum
Scotic. x.*

Scotorum Regem scribit BUCHANANUS opifices omnis generis à Flandria præmiis & immunitatibus excivisse, urbesque prope vacuas (quod nobilitas veteri instituto in agris se contineret) hoc genere hominum replevisse: neque speciem tantum & frequentiam antiquam oppidis ita restituit, sed magnam otiosorum turbam ab inertia ad laborem traduxit, effecitque, ne quod parvo sumtu domicilio conficere posset, magno pretio foris pararetur. Intelligebat vir prudens, quantum utilitatis opificia secum trahant. Mediolani tam multa sunt tamque diversa artificum genera, ut inde vulgi sit natum proverbium: Qui Italiam rescire totam vult, is Mediolanum deservare debet, ut tot opificum collegia per totam Italiam spargantur.

Coete.

Cœterum prudentes magistratus in id semper incubuerunt sedulo, ut urbes, quibus præsidebant, si non pluribus, uno saltem opificii genere cæteros populos antecellerent, ut hac ratione eos ad se pertraherent. Damasceni armis fabricandis excellunt, Florentini pannis subtilioribus, Arelatenses tapetibus, Genuenses holosericis, Mediolanienses telis aureis, Veneti purpura, Angli omnis generis pannis, quorum tanta ibi copia, ut ducenta millia laneorum præter alia una Antvverpia quotannis Londino accipiat; Neapolitani tibialibus holosericis, Mantuani laneis, Cameracenses telis, alii aliis rebus eminent. Ad summam; caput hoc Attica illa sententia concludendum: *ut quisque plurimas in civitate artes exercet, ita utilissimus quoque existimatur.* Nam non modo simul vivendi gratia civilis hæc societas instituta est, sed, quod initio dicebamus, bene ac commodius agendi vitam. Proinde qui plus confert utilitatis, ille majore benevolentia ac gratia dignus est. Verum magistratus hîc cura erit, ut opera & opificia sine ulla fraude, dolo vel furo perficiantur solida juxta opificii cuiusque leges. Quod ut melius fiat, inspectores cuiuslibet collegio præficiantur, qui opera examinent. Cavendum quoque, ne prætextu societatum, opificiorum monopolia vel factiones aut conjurationes obtegantur.

CAPUT XVI.

De urbibus, quæ ius civitatis facile peregrinis & advenis tribuunt, civibusque privilegia varia largiuntur & conservant.

Nihil meo quidem iudicio ijs magistratibus ineptius, qui ius civitatis paucis communicandum idque magna pecunia censent. *Illud ait CICERO, sine ulla dubitatione me. In orat. xime nostrum fundavit imperium & Pop. Rom. nomen auxit, pro Corn. q. d. Balbo.*

quod princeps ille creator huius urbis Romulus fœdere Sabino docuit, etiam hostibus recipiendis augeri hanc civitatem oportere; cuius autoritate & exemplo nunquam est intermissa à maioribus nostris largitio & communicatio civitatis. Quod ad urbem usque à Gallis captam duravit: postea quotquot erant alicujus oppidi cives, qui Romam venirent, quamquam Romæ domicilium nullum haberent, eodem quo cives Romani loco habebantur, si domicilium etiam transulerant, cives erant. Memini me alibi exemplum Claudii Cæsaris adducere, qui multas barbaricas gentes civitate donavit, eo quod diceret, nihil magis Lacedæmonis & Atheniensibus exitio fuisse, quam quod tam difficulter peregrinis jus civitatis communicarent,

*Dumque offers victis proprii consortia iuris,
Urbem fecisti, quod prius orbis erat.*

Byzantini, cum lex esset, ne quis admitteretur ad jus civitatis, qui non esset utroque parente cive natus sanxerunt, quicumque esset solvendo libras triginta, eum civem fore. Anno Christi supra millesimum trecentesimo quadragesimo secundo Venetiis præcedente terræ motu nova vis pestilentiæ inguinariæ adeo lethaliter sævit, ut ex omni languentium numero vix centesimus quisque evaserit: tunc Veneti in tam fœda urbis vastitate edictum proposuerunt, ut quicumque Venetias cum conjuge & liberis peterent, perseverarentque biennio in novo incolatu cives essent. Et ne longius abeamus, exemplum à maximis, quæ hodie sunt urbibus sumamus: quid facilius quàm aut Lutetiæ, aut Mediolani aut Ulissiponæ aut in simili urbi jus civitatis adipisci?

Ad civium privilegia & immunitates venio. Faciunt privilegia civitatibus concessa urbes, quo majora sunt, tanta populosiores. Omnes natura eo trahuntur, ubi magnis

gnis beneficiis potiri sperant. Quoties, quæso, vidimus auctis privilegiis auctam quoque paulo post ipsam urbem? *Sed civitas,* inquit ille, *incredibile memoratu est, adepta libertate quantum brevi creverit.* Antoninus Pius urbes divisit in maximas, majores & minores pro ratione privilegiorum majorum vel minorum, quibus fruebantur. *Decet autem* inquit **MODESTINUS**, *maximo quidem numero (im-* l. 6. §. 2.
munitatum) uti metropoles gentium; secundo autem qua ff de ex-
habent vel forum causarum vel loca iudiciorum; tertio autem usat.
reliquas. Unde liquet maximas & præstantiores metropoles dictas, majores, ubi tribunalia iudicium, minores cæteras. Augustus adeo privilegia conservanda civibus censuit, ut publice aliquando professus sit, se facilius passurum fisco aliquid detrahi, quam privilegiis Romanorum.

Porro quia in urbibus vel mediocribus fieri non potest, ut omnes incolæ cives sint, ad securitatem civitatis non parum faciet, notum esse magistratui, qui & quot in urbe alienigenæ vel hospites ad mala præcavenda, quæ multis urbibus infæusta fuisse animadvertimus. Nam si numerus advenarum civium excedat numerum, vel si hospites ex iis sint, quibus cum nobis bellum, urbs malis hisce humoribus purganda erit, ita tamen ut cum cæteris amice semper agamus. *Advenam* inquit **DEUS**, *non contristabis neque affliges eum.* Et alibi: *Si habitaverit advena in terra vestra & moratus fuerit inter vos, non exprobetis ei. Sed sit inter vos quasi indigena & diligetis eum quasi vosmetipsos.* An autem tempore famis peregrini expellendi sint audiemus **AMBROSIIUM**: *Fera non expellunt feras, & homo excludit hominem? Fera ac bestia communem putant omnibus victum quem terra ministrat. Illa etiam conformem sui generis adiuvant,*

homo impugnat qui nihil à se alienum debet credere, quicquid

Exodi
xxii. 21.
Levit.
xix. 33.
34.
De offic.
III. 8.

humani est. Quanto ille rectius, qui cum iam propecta pro-
cessisset aetate & famem toleraret civitas atque peteret vultus,
ut peregrini urbe prohiberentur, praefectura urbana curam
ceteris maiorem sustinens convocavit honoratos & locupletiores viros,
poposcit ut in medium consulerent dicens: Quam
immane esset peregrinos ejici, quam hominem exueret, qui cibum
(prae fame) morienti negaret? Canes ante mensas im-
pastos esse non patimur & homines extrudimus? Quam inui-
le quoque tot populos mundo perire, quos dira conficeret tabis?
quantos urbi sua perire, qui solerent adiumento esse vel in
conferendis subsidiis vel in celebrandis commerciis? neminem
fame aliena iuvare: protrahere ut plurimum diem posse, non
inopiam repellere: imo tot cultoribus extinctis, tot agricolis
occidentibus occasura in perpetuum subsidia frumentaria. Hos
igitur excludimus, qui victum nobis inferre consueverunt?
Hos nolumus in tempore necessitatis pascere, qui nos omni a-
tate paverunt? Quanta sunt quae ab ipsis hoc ipso tempore no-
bis ministrantur?

CAPUT XVII.

De urbibus, quae matrimoniis favent.

l. 1. ff.
solut.
matrim.

SI civitas est civium unum in locum, coeuntium consociatio,
sequitur eam propter hominum mortalitatem sine liberorum
procreatione ac propagatione stare non posse. Atque hoc nimirum
illud est, quod POMONIUS indicat in liberorum procreatione
versari utilitatem publicam; *Dotium causa semper & ubique praecipua est; nam & publice inter-
est, dotes mulieribus conservari, cum dotat as esse feminas ad
sobolem procreandam replendamque liberis civitatem maxime sit
necessarium.* Eam autem esse ejusmodi, in qua civitatis status
consistat, patet, utpote, quae ad replendam liberis civitatem,
id est, ad eam consociationem, quae civitatem consti-

constituit, tuendam pertineat. Et quia ad existimationem quoque & honorem civitatis spectat, turpes soboles non innasci, quæ quamdiu existant suam infamiam civitati quodammodo exprobrent, ideo magistratus est animadvertere, ne alia conjunctio, quam ea quæ est in nuptiis, hisque honeste & legitime contractis in civitatem recipiatur. Non minor Romanis matrimoniorum causa fuit, quam aliorum gravissimorum negotiorum, tum ut dixi ad amplificandam civitatem, tum ad familiarum dignitatem conservandam; atque id leges testantur censorumque diligens prudentia. Q. Metellus Numidius Censor & post eum Julius Cæsar & subinde D. Augustus assidue liberorum gignendorum & sobolis causa de maritandis ordinibus leges tulerunt, ut eos ad sobolem procreandam pecuniis & immunitatibus invitarent, vacatione munerum, jure trium liberorum & libertate. Furius Camillus cum censuram ageret, ut exhaustæ civitati propter assiduas bellorum clades cives suppeterent, legem de maritundis ordinibus tulit, qua inter cætera pœna coercuit eos, qui viduarum nuptias, quarum viri bello ceciderant, devitabant: eos vero qui ad senectutem cælibes pervenerant, ærario reddidit. Fuerunt etiam leges, Julia *l. 1. & 2.* & Papia, quæ ex aliorum testamentis cælibes quæquam ea *de in-* pere prohibebant & puniebant cælibatum & orbitatem si- *firm. pen* liorum. Quantum vero ad curam matrimoniorum, quæ *cælib. &* respicit publicam utilitatem, publica potestas in his reman- *orb.* sit inter orphanas maxime personas, sed conservatis juribus paternis & maternis quoad conjunctionem juxta Theodosii & Honorii Constitutionem.

CAPUT XIIII.

De urbibus, in quibus asylos.

Primus Cadmus, cum Thebas conderet inter Græcos asy-
lulum

sylum aperuisse fertur, ad quod fugientes sine discrimine servi aut liberi ab omni pœna tuti erant: post quod in Rhætæo littore Aiæcis fuit Asylum, in Sigæo Achillis; quorum exemplo Romulus suum aperuit ad lucum opacum & vallem inter Capitolium & arcem, ut hac ratione urbem red-

Fast. III. dederet populosam. Hinc OVIDIUS:

V. 440.

Romulus ut saxo lucum circumdedit alto,

Quilibet huc (dixit) confuge, tutus eris.

Asyla igitur loca sunt in quibus vel divino numine vel principum majestate homines ab externa vi defenduntur. Qui capti bello ad Imperatorum Regumque statuas confugissent, velut ad asylum nexu solvebantur & immunes erant. De Dongardo quodam Scotorum Rege legimus eum loca omnia Christo sacra per universas Scotiæ regiones asyla effecisse, & ad ea confugientes servos fugitivos liberos & cuiusvis criminis reos, ne iudicium subire cogerentur, publica authoritate, dum illic se continerent Regio cavisse edicto.

Sed quæri hic video, an asyla, quæ non modo insidias timentibus sed quibusvis fontibus etiam majestatis reis patent, toleranda sint? Cæsar Tiberius sane, cum propter Asylorum privilegia multa facinora magna licentia admitterentur, eorum immunitates, ne impunita essent crimina abrogavit, & inolitum eorum morem antiquavit. Ante cum Augustus Dianæ Ephesiæ templum, ad quod confugientes noxii mancipio solvebantur, eo privilegio spoliavit, ne immunitas ista facinoribus causam præberet. Et ut ad nostra tempora veniam, scribunt Henricum VII Anglorum Regem, cum assiduis rebellium insidiis regnum turbaretur, ut improbos coerceret, qui conspiratione non succedente in diversa asyla se recipiebant, asyla destruxisse. Deus O. M.

Exod.

xxi. 14.

ipse de asylis ita statuit: *Si quis per industriam occiderit pro-*

ximum

ximum suum & per insidias, ab altari meo revelles eum, ut moriatur. Hisce sane non obstantibus, si quis existimet casus dari posse, quibus asyla permitti debeant, id tamen sine discrimine fieri non debere concedat necesse est, ut saltem abusus tollatur ejusmodi immunitatis, ne, quod favore majestatis divinæ vel humanæ introductum est, in ejus odium convertatur. Asyla eorum causa introducta videntur, qui non sponte deliquerunt, sed vel casu vel se defendendo. Evasio autem illa erat ad discernendum: nam pœna dignus esset, non autem ut liberaretur à pœna, si per odium vel insidias occidisset. Blasphemi itaque, virginum raptores, homicidæ animi deliberati, sacrilegi, rei majestatis divinæ, sed & humanæ ab hoc privilegio excludendi sunt. Non enim meretur beneficio legis frui, qui contra ejus auctoritatem aliquid committit. In Gallia solent ad Ecclesias confugi- entes capi salvo jure redintegrandi, nempe ut post captio- nem cognoscatur, an immunitate Ecclesiæ gaudere possit, quo casu ad Ecclesiam remittitur: quod si per sententiam judicatum fuerit, captum eo privilegio indignum videri, retinetur & observato juris tramite condemnatur,

CAPUT XIX.

De crebris spectaculis, missilibus, publicis convivis, aliisque ludis.

Iudæos reperio, Græcos & Romanos variis iisque crebris spectaculorum generibus populum undequaque in urbes traxisse. Scribit JOSEPHUS Herodem Judæorum Regem ludos Olympios non satis respondentes suæ celebritati propter inopiam, de suo adiuvisse constitatis annuis redditibus, quo splendidius & sacrificia fferent & alia quæ ad decorandum tam frequentem conventum pertinerent. Græci adeo ludorum Olympiorum studiosi fuerunt, ut nec excisa quidem à Ro-

*Antiq.
Jud. xvi.
9.*

manis Corinthi omitti sint, sed & eorum negotium Sicyoniis commissum. C. Julius Cæsar spectacula gladiatorum, venationes & ludos, pompas atque convivia profundissimis sumptibus exhibuit, ut priorum magnificentias omnes obliteraret plebemque sibi obliteratissimam redderet; ne Sol spectatoribus molestus esset, peripetasmata serica supra extensa fuerunt: qui panni facti primum ad Barbarorum voluptatem ab illis ad Romanos & ad muliebres delicias fuerunt importati. Testatur SUTTONIUS *ad spectacula* ab ipso edita, *tantum undique confluxisse hominum, ut plerique advena aut inter viros aut inter vias tabernaculis positis manerent: ac sæpe pro turba elisi exanimatique sint plurimi & in his duo Senatores.* Subsellia ita comta habuere, ut crocum & vinum per singulos cuneos spargerent, illosque præcipuis odoribus diluerent ac picturis exornarent; interdum minio ac chrysocolle arenam circi sternerent, ita ut Adrianus feratur ballama & crocum per gradus theatri stravisse. Pompeium ne populum æstus offenderet, etiam aqua decursum per sellia duxisse scribunt. Sub Severo certamen mulierum institutum fuisse legimus, in quo tanta hominum conuenerat multitudo, ut mirarentur omnes, quomodo solos athletas stadium caperet. Iste in certamine, ut hoc obiter dicam, cum mulieres crudelissime pugnassent, essentque ob eam causam cæteras nobilissimas foeminas conuictis insectata, cautum in posterum, ne qua mulier gladiatorio munere fungeretur. Sub eodem principe propter victorias, quas reportauerat, varia edita spectacula, in quibus apri sexaginta Plautiani invicem certauerunt, cæsaque sunt aliæ permultæ bestia, atque imprimis elephas & corocota animal Indicum Romæ antea nunquam visum. Receptaculum instar navis in theatro edificatum erat ad continendas

In vit.

Cæsar.

c. 39.

nendas feras quadraginta easdemque simul omnes reddendas; inter quas leonæ erant, ursi, pantheræ, struthiones, onagri, biffones (genus boum ferum ad spectu) aliæque complura animalia. Quin etiam septingentæ aliæ feræ mansuetæque bestia concurrere & postea confodi visæ sunt: occisis namque singulis diebus centum pronumero dierum festorum septem septingentæ fuerunt interemptæ. De Traiano etiam legimus, eum, quo tempore complures legationes à Barbaris præcipue ab Indis venissent, spectacula edidisse dierum ceatum viginti trium, in quibus interdum mille cæfæ sint feræ, mansuetæque bestia, interdum ad decem milia & athletarum totidem inter se concertarint. Apparet ex his, non mirum esse si sæpe Romam magnus fieret concursus tum vel maxime, quod non raro per totam Italiam præcones præcurrerent convocatum quosvis ad ludos, quos nec spectasset quisquam nec spectaturus esset. Verum quicquid sit recte HORATIUS:

*Si foret in terras rideret Democritus, seu
 Diuersum confusa genus panthera camelo,
 Sive elephas albus vulgi converteret ora:
 Spectaret populum ludis attentius ipsis,
 Ut sibi præbentem mimospectacula plura.
 Scriptores autem narrare putaret a fello,
 Fabellam surdo. Nam quæ pervincere voces
 Evaluere sonum referunt quæ nostra theatra?
 Garganum mugire putes nemus aut mare Thuscum:
 Tanto cum strepitu ludi spectantur & artes
 Divitiæque peregrinæ: quibus oblitus actor
 Quum stetit incæna, concurrat dextera lævæ.
 Dixit adhuc aliquid? Nil sane. Quid placet ergo
 Lana Tyreni ino violas imitata veneno?*

Ee 2

Hora.

Epistol.

II. I. 8.

194.

Epistol.
VII.

Horatio clarius de his spectaculis locutus est SENECA, qui nihil is perniciosius reperire posse existimat: quippe turba omnis utique animo gravis & noxia; nec enim quos extulisti mores unquam referes, nemo non rubiginis aliquid aut imprimit aut nescientibus allinit. *Inimica est, inquit, multorum conversatio. Nemo non aliquod nobis vitium aut commendat, aut imprimit aut nescientibus allinit. Vitique quo maior est populus cui commiscemur, hoc periculi plus est. Nihil vero est tam damnosum bonis moribus, quam in aliquo spectaculo desidere. Tunc enim per voluptatem facilius vitia surrumpunt. Quid me existimas dicere? avarior redeo, ambitiosior, luxuriosior? imo vero crudelior & inhumanius, quia inter homines fui. At nonne, inquit aliquis, conceditur mortalibus quies, ut alacriores postmodum ad labores redeant; sic enim & somnus homini datus, ut spiritibus refectis ad divina opera habilior vegetiorque reddatur. In negotio vero lusus veluti laborum condimentum admittitur. Hæc ita se habent, sed de illis ludis intelligenda, unde nihil mali ad discimus & qui exiguo durant tempore: spectacula hæc, quæ sæpius redibant multosque durabant dies, otii perniciosi plena erant & plane talia ut à Seneca describuntur. Otio languescit industria, hebescit ingenium, vitia crescunt, scelera prorumpunt, animi status opprimitur & flagitiorum omnium bellum inexpiabile conciliatur. Sed pergo. Solebant etiam Romani missilibus, congiariis & publicis conviviis populum pascere & in urbem trahere. *Sparsa inquit SÆTONIUS, & populo missilia omnium rerum per omnes Neronis dies singula quotidie millia. Avium cuiusque generis multiplex pensus, tessera frumentaria, vestis, aurum, argentum, gemma, margarita, tabula picta, mancipia, iumenta atque etiam mansuetæ ferae, novissime naves, insula, agri.* De tess-*

ris infra dicemus. Congiarium vas cauponarium congii u-
nius capax: inde docti asserunt, congiarium pro munere seu
sportula sumi coepisse, quæ dabatur diurni cibi nomine cli-
entibus, comitibus, asseclis. Augustus congiarium sæpius
dedit tricenos & quadragenos, nonnunquam singulis quin-
quagenos & ducentos nummos & ne parvos quidem pue-
ros præterit. Nero ut alios prætermittam plebi congiari-
um quadragenos nummos dedit. Ad epulas publicas quod
attinet, fuerunt illæ non apud Romanos tantum post tri-
umphos, post sacrificia vel spectacula, sed apud Lacedæmo-
nios etiam & Athenienses in Prytanæo, Panathenæis, &
Thesmophoriis usitata. Scribit Xiphilinus M. Antonio Im-
peratorem ex Africa domum redeuntem octo aureos in
cœnam viritum dedisse, quantam summam antea nunquam
acceperant Romani. Verum de his & aliis, quæ ad magni-
tudinem Romanam spectant nihil doctius Clarissimi Lipsii
scriptis.

CAPUT XX.

De urbibus, quæ arario student.

QVEMADMODUM corpus physicum sine nervis & artibus,
sic nec Respublica, quæ est corpus civile sine pecunia
consistere potest. Bona & pecunias nervos civitatis esse te-
statur ULPIANUS: quod idem Mutianus dicere solebat. Et *l. 1. §. in*
LEO Imperator *pecuniarum vim rempublicam stabilire tra causa de*
dit. *Impossibile enim est, ut sacris tributis non illatis Respu- quæst.*
blica conservetur. *Militares namque copiam adsignato sibi sa. Novell.*
laro inde percepto, hostibus resistunt, ut collatores à barbaro- CXLIX.
rum incursionibus & truculentia vindicent, denique agros at- cap. 2.
que civitates à latronum alioque modo incompositam vitam
sectantium vi & irruptionibus agendis excubias defendunt.
Ex illis etiam reliquæ cohortes, ea qua ipsis attributa sunt, ac-

cipiunt, muri atque civitates indidem instaurantur — ut quæ ab illis contribuantur, partim in ipsos, partim propter ipsos insumantur & impendantur. Nobis autem prorsus nihil inde præter istarum rerum curas habere contigit. Quare cum Nero initio sui principatus omne genus vectigalium populo adimere veller, prudentiores id (laudata nihilominus principis clementia) vetuerunt, quod dicerent id publicæ obfuturae utilitati. Et quamvis rata habita fuerint generaliter omnia, quæ à Sylla bellis civilibus Romæ vel in provinciis gesta fuissent, unum tamen hoc illius Scitum reprehensum, quo vectigalia populo remittebantur, decretumque, ut quibus ille de capite demississet, ij pecunias in ærarium referrent. Censuit enim Senatus id, nec ei permissum, cui omnia concesserat, à populo partarum quasitarumque rerum, quibus Respublica pace & bello salva est, summas imminuere. Civitati duo à civibus debentur; *opera & pecunia*; opera versatur in honoribus gerendis & muneribus publicis obeundis. Pro officio & pietate erga patriam debentur vectigalia, tributa & si quæ sunt aliæ publicæ pensationes, velut ex contractu pœnæ maleficiorum, quæ ad vindictam criminis constitutæ sunt. Hæ enim non privatis sed Reipublicæ exsolvuntur, tanquam contractis maleficiis, cum Reipublica contractum sit. Nam & maleficia contrahi dicuntur. Verum duo hic tanquam scopulos vitanda moneo. Unum ut novarum urbium conditores civibus, quos ad se pellicere conantur, primis annis graves non sint, quin potius ipsis omnis generis tributa & vectigalia remittant, ut majori concursu adveniant & magnificentius ædificare possint; Alterum ut etiam in urbibus antiquioribus vectigalia & tributa tam ordinaria quam extraordinaria moderata sint, & extraordinaria cessante necessitate remittantur, ne, quæ ex lacry-

lacrymis & gemitu exinanitorum subditorum extorta ad magistratus voluptates convertantur. Si quæ etiam vectigalia nova ab antecessoribus imposita reperiuntur, ea remittere boni principis signum est: Imperator Pertinax vectigalia omnia, quæ ad exquirendas pecunias tyranni excogitaverant, penitus remisit. Reddunt nimis ista exactio- nes urbes provinciasque desertas, subditos miseros, effera- tos desperatosque, unde rebelliones & bella civilia. Nihil aliud, ait Cicero, nisi imperata nova tributa audivimus, possessiones omnium venditas, civitatum gemitus, plora- tus, monstra quædam non hominis, sed feræ nescio cuius immanis. Hac ideo à me dicuntur, ut Principes ab ijs dili- genter sibi caveant, qui novas subinde à subditis extorquen- dæ vel conquirendæ pecuniæ strophas excogitant: quibus quorundam adeo invigilat malitia, ut potius ad opprimen- dum quam ad relevandum populum nati videantur; quan- to satius esset in id summo studio eniti, ut ærarium bonis artibus partim conservaretur potius, quam novis tributis augetetur? Ne res eo tandem perveniat, quo olim, ut etiam pro umbra vectigal exigatur.

Quis non iure miretur, ait PLINIUS, arborem umbra gratia tantum ex alieno peritam orbe? Platanus hæc est, per mare Ionium in Diomedis insulam eiusdem tumuli gratia primum invec- ta, inde in Siciliam transgressa atque inter primas de nata Italia, & iam ad Mори- nos usque pervec- ta, ad tributarium etiam pertinens solum, ut gentes vectigal & pro umbra pendant. Quod si omnimodo necessitate urgente nova imponenda civibus onera, non frumento, non lignis, non carbonibus, non tela communi, non denique ijs rebus imponenda, quibus pauperes vitam necessario sustinent & quibus carere non possunt: sed ijs potius quæ ad voluptatem & luxum parantur, veluti seri-

Nat. hist.
XII. 16.

cis, aureis argenteisque telis ac pannis exoticis gemmis, vinis, aromatibus & aliis, quibus inopes carere possunt, ut Marcus & Commodus rescripserunt. Porro solebant olim Imperatores, Principes ac populi, qui novas statuebant urbes præter agros vicinos, quos privatis & præter loca, quæ templis, foris, theatrisque constituendis distribuebant, possessiones quoque & agros, pascuaque publica omnibus civibus æque communiter tuendæ & conservandæ Reipublicæ causa adsignare, quæ privatis locari consueverant, ut eorum canone, ut hodie loquimur, pecuniæ in ærarium publicum cogerentur. Romulus agrum Romanum in tres partes divisit, quarum unam sacris faciendis, secundam Reipublicæ oneribus subeundis, postremam civibus æqualiter adsignavit.

CAPUT XXI.

De urbibus, quæ annonæ prudenter curam gerunt.

ANnonam curare quanti apud Romanos fuerit vel ex unica D. Aureliani epistola conijcere licet, qui cum panis Romæ ponderi unciam unam addidisset de Ægyptio ve-
In vita stigali ad præfectum annonæ urbis ita scripsit referente Fl.
D. Au. VOPISCO; *Inter cætera, quibus diis faventibus Romanam*
rel., c. 47 *Reipublicam iuvimus, nihil mihi est magnificentius, quam*
quod additamento uncia omne annonarum urbicarum genus
iuvi. Quod ut esset perpetuum navicularios Niliacos apud
Ægyptum novos & Romæ amicos posui. Tiberinas extruxi
ripas: vadum alvei tumentis effodi, diis & perennitati vota
constitui, almam Cererem consecravi. Nunc tuum est officium
elaborare, Arabiane iucundissime, ne mea dispositiones in
irritum veniant. Neq; enim populo Romano salvo quicquam
potest esse latius. Parum admodum leges & sanctiones, pa-
rum propugnacula, parum milites juverint, si populus in-
dia la-

dia laboret. Populum famelicum non armā, non magistratus, non leges, non pudor coercere valet. Idcirco in omnibus bene constitutis Rebus publicis magna cura semper adhibita fuit, ut popul⁹ omni genere victus sed frumento præcipue abundaret: ad quā rem Præfecti annonæ creati, quos Veneti hodie *Provisores* vocant. Hi suo tempore frumentum ad vehendum curant vili pretio, ut eodem valore civibus, ubi opus, vendatur: dant operam, ut frumenta locis idoneis posita conserventur, ne ex urbe exportentur, nisi in magna abundantia. Hi pretia rebus imponunt, ne ad voluntatem venditorum care nimis distrahantur: hi denique in Dardanarios animadvertunt, qui annonam in sua horrea avehunt, mensuras & pondera falsant, legibus constituta pretia excedunt, undique frumenta coënta supprimunt *ad annonæ incendium*, ait Quintilianus, id est, ut annonæ augeatur pretium, ingravescatque caritas. Erat autem Annonæ Curatorum munus olim perquam honorificum. Nam suos habebant apparitores, quibus mensura ex ligno vel plumbo adsignata erat, quā, quantum cuilibet frumenti ex publicis horreis dari debebat, distribuebant. L. Minutio, quod magna cura populum fame levasset, extra portam Trigeminam stipe à populo collata statua posita est. *Si ad hanc mensuram*, inquit CASSIODORUS, *consenda sunt dignitates, ut tanto quis honorabilior habeatur, quanto civibus profuisse cognoscitur, is certe debet esse gloriosus, qui ad copiam Romani Populi probatur electus. Tui siquidem studij est, ut sacratissima urbi præparetur annona, ubique redundet panis copia & tam magnus populus tanquam una mensa satietur. Per officinas pistorum ciborumque discurreis, pensum & munditiam panis exigis, nec vile iudicas esse, unde te possit Roma laudare merito, quando gloria singularis est illius civitatis af-*

*Variarū
VI. 18.*

fectus. Et, ne quod agis, aliquid putetur extremum, carpentum praefecti urbis mixta glorificatione conscendis: tu illi in spectaculis coniunctissimus inveniris, ut plebs, quam industria tua satiat, in sua reverentiam te honoratum esse cognoscat. Nam si querela panis, ut assolet, concitetur, tu promissis libertatis seditiones civicas momentanea satisfactioe dissolis & per te prospicitur, ne quid a populis conquerentibus excedatur. Non immerito Pompeius fertur copia quantitate provisa usque ad rerum peruenisse fastigia: quia merito singularis est auctor populi, cum populi a penuria liberari. Hinc ille gratificationem meruit, plausumque populorum. Hinc unice semper amatus est & in gratia civium omnium vicit facta maiorum: qui ne aliquando in honore diceretur cum nominis taxatione vocabatur & Magnus. Et paulo post: Considera nunc, quia non licet aliquid furari de populo. Nam quod in civitatis damna committitur, silentio non calatur. Nescit plebs tacere, quando interdum & hoc loquitur, quod a nemine perpetratur. In fraudulentos disfringe gladium: panis pondera aequus examinatur intende, sollicitus auro pensetur, unde a Quiritibus vivitur; quia gratior nobis est latitiae faveris populi Romani, quam copia pretiosissimi metalli. Coeterum in flagellanda annona nihil fraudulentius, nihil iniquius monopolis, cum penes unum tantum alicujus rei vendendi potestas est, vel si inter mercatores conveniat, ut certa pretii taxatione solum vendant non minori, vel si inter eos conveniat, ne ex alterius municipiis incolae frumentum, vinum, vel talia in urbem deferant, donec illi suum magno pretio vendiderint: qua ratione plebs ab aliis viliori pretio quidem emere impeditur. Unus tamen est casus, quo licite annona oneratur: si nempe Respublica magnam frugum quantitatem comparaverit in populi gratiam, quae tamen

tota distrahi non potuit. Nam ne publicum frumentum vetustate corrumpatur, possunt compelli cives, ut partem frugum licet vetustarum emant, ne diligentia Reipublicæ dispendio sit. Ita enim Valentinianus & Valens caverunt, ut frumenta vetera primum, deinde nova veneant & si forte corrupta sint, ut novarum admistione veterum vitium corrigatur.

CAPUT XXII.

*De ijs, qui diversa oppida in unum contrahunt,
vel vicinas urbes diruunt.*

Scribit PLUTARCHUS, Theseum Athenienses sparsim & *In vite*
vicatim habitantes in unum locum coëgisse, omnibus *Thesei.*
Prytanæis dirutis unum constituisse, unamque urbem A-
thenas nimirum. Ipse se populo æquavit, legum custodem
bellique arbitrum se fore professus. Diodorus Siculus au-
thor est, Eleos diu in multis urbibus dispersos in unam de-
inceps ex omnibus commigrasse, quam tanto concursu
amplissimam Elim nominarunt. Epaminondas post Leu-
ctricam victoriam Arcadibus author fuit, ut exiguis illis &
minime munitis oppidis, quæ habitabant, deleris in unum
locum commode situm, quem postea habitarunt, conve-
nient, quæ urbs Megalopolis vocata est ut refert PAUSA- *In Arc*
NIAS. Livius prolixè historiam Albanorum in urbem Ro- *cad.*
mam traductorum describit, quæ ex Albæ ruinis adeo cre- *Hist.*
vit, ut civium numerus duplicatus urbi mons Cælius addi- *Rom, 1.*
tus fuerit.

Fecisti patriam diversis gentibus unam,

Profuit invitis te dominante capi,

Pragenses posterioribus seculis, ut uniti potentiores essent,
duas in unam civitatem conjungere, fossas complanavere,
portas reseravere, & sic urbem duplo majorem potentio-

remque reddidere. Helvetii ante istos oppidis suis duodecim incensis iter capiebant per Romanorum provinciam sicut olim Cimbrî & Teutones, quibus necedere eos apparerebat & numero erant usque ad trecenta millia, ex quibus arma ferebant ad centum nonaginta millia, ut urbes aliquas in meliori solo statuerent, vel auerent, quas magnas futuras non est dubium, nisi Cæsar impedisset illorum conatus. Adelbertus cognomento *Visus* Orientalis Sclavonia dominus, profligatis oppressisque Sclavorum contumacibus ad Havelam Albimque degentibus Hollandos, Flandros ac Rheni accolas substituit, quibus urbes & oppida incolenda dedit: horum concursu Brandeburgicus & Havelbergensis Episcopatus plurimum incrementi acceperunt, templorum præterea decimarumque numerus inde inmensum exerevit. Florentini Fesulas, quas aperta vi nunquam capere potuerant anno millesimo quingentesimo decimo per inducias occuparunt, atque oppido everso cives omnes Florentiam traduxerunt, & junctis opibus ex duabus urbibus unam fecerunt, idque sine dubio Florentinæ urbis, quæ post id maxime floruit, initium potentia fuit. Pari ratione ex cineribus Augustæ Rauracorum Basilea obscurum tunc oppidum aucta est.

CAPUT XXIII.

De urbium legibus & politia.

Civitatem octo partibus constare Philosophi docent. Primam attribuunt matrimoniis, ex quibus liberi homines nascuntur & sine quibus civitas consistere nequit. Secundam agricolis, à quibus alimenta parantur. Tertiam mechanicis, sine quibus civitas non est sufficiens. Quartam forensi multitudini, quæ circa emendum vendendumque aut circa mercaturam & numulariam artem versatur, unde

de pecuniam trahimus ad usum quotidianum & bellum. Quintam mercenariis, qui mercede conducti opera civitati civibusque necessaria atque utilia præstant. Sextam armis & militibus, quibus magistratui obedire compellimur & externa propulsamus. Septimam & præcipuam cultui divino. Octavam & summe necessariam magistratibus; nam sine politia & legibus nulla civitas consistere potest.

Hactenus satis ut opinor de septem prioribus capitibus licet alio ordine diximus: restaret, ut de postremo nempe de magistratibus & legibus aliquid diceremus, nisi id peculiarem requireret tractatum, quo variæ regendarum urbium formæ exponerentur & cuique formæ leges adcommodarentur, quod nostri nunc non est instituti, quum urbem legibus bene formatam præsupponamus & cæteras hic tantummodo ejus magnitudinis causas investigemus. Nihilominus ne rem tantam sicco pede transisse videamur, nonnulla addemus, quæ magistratibus sequenda vel vitanda. Cum itaque civitates vel unius nutu regantur, vel paucorum vel plurium, id est, cum earum imperium vel penes principem sit vel optimates vel populum, sciendum est, primum caput esse, nosse speciem Reipublicæ, quam quis curandam suscepit. Ineptum enim esset, in regno leges Aristocraticas vel Democraticas observare, aut contra. Non minus quam si magno colosso pigmæi vel pumilioni caput ingentis Polyphemi aptare veller. Aliter cum ijs, qui servituti adsueti & aliter cum libero populo agendum. Si urbs, quam fingimus sub unius sit imperio ea ego Rectori tenenda censeo, quæ in Principe meo docui. Si status sit popularis ad libertatem respiciendum, libertatis pars in eo consistit, ut per vices imperent & pareant. Est igitur populare sumere ad magistratus omnes ex omnibus

ac preesse omnes uniuersique & diuersa ratione unum omnibus. Populare est officia illa, quæ peritiam nullam requirunt aut artem, sorte interdum distribuere; populare est, ne magistratus nec sæpe nimis nec diu nimis ab eodem generatur: populare est, iudicare omnes de omnibus vel ex omnibus vel de plurimis & maximis & præcipuis: populare est, ut populus superioribus omnibus Comitibus consiliisque intersit & de ijs sententiam ferat: populare denique est diligenter cavere, ne quis inter eos emineat aut populo nimium placere studeat, quæ ratio Ostracismi olim fuit apud Athenienses. Porro in Aristocratico statu illud summe cavendum, ne ex optimatibus aliquis vel etiam ex plebe imperandi cupidus emergat, qui plebem in optimates armet ac se ducem profiteatur: quod facile fit, si plebs & tenuiores sese vel in tolerandis oneribus & tributis confectos, vel æris alieni magnitudine oppressos, vel agrum & totam regionem in paucorum possessionem transisse querantur, aut magistratus & honores maximi sædissimis & turpissimis hominibus tribuantur, virtute præditi autem vel bene de Republica meriti excludantur; quare ad inflammandam plebem nihil fortius & validius. Aristocratix finis paucorum plerumque divitiæ; nam divitiis stat, divitiis custodes alit, sumtusque cœteros necessarios facit, quo populo fidere non cogatur, ut commune hoc sit ei cum tyrannide, subditis non fidere, arma eis adimere, plebem conculcare, ex urbe pellerè & civitatem non raro habitatoribus vacuam reddere. Populi vero finis est sæpissime nobilitatem temnere, vexare, clam evertere & palam in exilium mittere tanquam adversarios libertatis & plebis hostes. Qua in re prudente rectore opus est, qui æquo jure utramque factionem

retineat & in primis in otiosos diligenter animadvertat, qui Reipublicæ perniciosi sunt; bonorum enim industria invident, aliena appetunt, & rebus semper novandis student. Audio Antvverpiæ censores constitutos, qui in otiosos animadvertant, eosque vel ad opificium aliquod cogant, cui rei varia destinata domus, vel urbem pellant, ut sic cives & advenæ à turpi otio ad honestas artes & Reipublicæ utiles avocentur, quæ re vix quicquam urbibus utilius excogitari potest. Id institutum ab Ægyptiis tractum videtur, apud quos legem fuisse ajunt, quæ singuli cives nomina sua magistratui dare cogebantur & simul indicare, quo genere vitæ uterentur; qui vel mentiri vel otiosam degere vitam deprehenderetur, severe castigabatur.

CAPUT XXIV.

De urbibus nonnullis, quæ ad summam magnitudinem pervenerunt.

ATque hæc quidem ea sunt, quæ de causis magnitudinis urbium, hoc tempore in mentem mihi venerunt. Restat ut coronidis loco urbes nonnullas describam, quæ structuræ amplitudine, ædificiorum magnificentia, populifrequentia, mercaturæ ubertate, diversarum gentium concursu præ cæteris admirabiles maxime sunt vel fuerunt. Atque ut à Ninivæ Assyriorum metropoli principium ducam, tantæ eam amplitudinis fuisse scribunt, ut area tantum quadringentâ & octogintâ stadia habuerit, mœniacentum pedum altitudinem, adeoque amplâ, ut latitudine in ternis plaustris æquam darent: in mœnibus turres mille & quingentæ, quarum altitudo ducentorum pedum; Tetropolis ideo dicta, quod in quatuor partes divideretur, Ninum, Resenam, Forum & Calem,

Babylon Chaldaicarum gentium caput in campo jacens sexaginta passuum millia amplexa muris ducenos pedes altis fuit, quinquagenos latis, in singulos pedes ternis digitis mensura ampliore quam nostra, mirabili opere constructa interfluo Euphrate. Ferunt ei plebis urbanae DC millia esse, agrum habere totius orbis fertilissimum; ejus olim vastitatem hoc probat argumento Aristoteles, quod captam quandoque ad hostibus tertio demum die vix perfererint, qui in ultima habitabant parte.

Memphis quam hodie Cairum vocant vasto ambitu tres ingentes urbes complectitur atque ad triginta millia domorum habet, ita ut de hac urbe scribant, eam Lutetiam Parisiorum magnitudine quinquies superare: peste grassante mortui ibi saepe ad viginti millia hominum uno die; in longitudinem sex milliarium Italicorum secundum Nilum protenditur, latitudinem decem stadiorum statuunt.

Romam autem scriptores urbium dominam & regionam, imo totius orbis caput appellare non sunt veriti.

Omnia Romana cedent miracula terra,

Natura hic posuit quicquid ubiq. fuit,

111. 22. canit PROPERTIUS. Regionibus quatuordecim olim dividebatur, portas suburbanas & urbis in universum $xxiv$ fuisse refert Plinius. Livius autem $xxxvii$ ponit imperio florente: turres circa urbem visebantur $dcxxxiv$, nunc turres $ccclxv$, portæ xx supersunt. Sub Vespasiano urbis ambitus fuit $xiii$ millium & cc passuum septem complexus montes. Non desunt, qui Romam *totius orbis compendium* dixere, in qua omnes civitates intueri liceat.

Romæ æmula Carthago armis, splendore, fortitudine, di-

ne, dignitate, x xii millia passuum complectebatur & tota fere mari & lacubus cingebatur. Illic omnia publicorum officiorum instrumenta, illic artium liberalium scholæ, illic philosophorum officinæ, cuncta denique vel linguarum vel morum gymnasia: illic copiarum militares & regentes militiam, illic honor proconsularis, illic denique omnia, ut quæ totius Lybiæ insularum domina erat.

Non minora de Euretia dici possunt: templa habet LXXIX, monasteria x xiv, xenodochia I x, sacella x v, portus xiv, pontes v, suburbia x, tantumque concussum, ut sæpe quinquies centena millia hominum numerata sint & sint amplius.

Huc Londinum & Olysipto referri possunt, urbes maximæ & amplissimæ, quæ cum quibusvis hominum numero, ædificiorum magnificentia, templorum copia, mercimoniis & amplitudine certare audent.

Quid de urbe Venetiarum dicam Italiæ totius ornamento, quæ in mediis aquis consistet, quot in ea templa, quot monasteria, quot magnificentissima ædificia, quot hominum millia in ea recenseri possunt? ut non immerito de tanta urbe hoc epigramma circumferatur:

Videat Adriacis Venetam Neptunus in undis

Stare urbem & toto ponere iura mari:

Nunc mihi Tarpeius quantumvis Iuppiter arces

Obijce & illa tui mania Martis, ait:

Si pelago Tybrim præfers, urbem adspice utramq;

illam homines dices, hanc possuisse Deos.

De Hispali Batiæ provinciæ urbe scribunt eam ambitu magnam, visu pulchram, forma rotundam, templis celebrem, sacerdotibus excultam, multis equitibus nobi-

lem, civibus plenam, domibus insignem, hortis & fontibus amœnam, mercimonijs divitem, artibus mechanicis adornatam; quid multis? dignam illo proverbio: *Hominibus, quos Deus amat, Hispali domum largitur & victum: Sevilla* nunc vulgo vocatur. Verum habemus & nos urbes in Germania, Gallia, Italia, quicquid Hispani scribant, urbes & ampliores & magnificentiores, & amœniores & populosiores, quarum nonnullas nominabo; nam eas describere nimis foret prolixum: Antverpiam, Amstelredamum, Bruxellas, Magdeburgum, Augustam Vindelicorum, Noricum, Vratislaviam, Monacum, Argentinam, Basileam, Florentiam, Genuam, Mediolanum, Neapolim, Lugdunum, Rothomagum, Tholosam, ut alias innumeras omittam, quas à multis diligenter descriptas invenies. Unam subjungam Chinæ metropolim & finem faciam: *Quinsai* vocant, de qua incredibilia scribunt. Adjunt enim ambitu centum milliaria continere, pontes habere duodecies mille, eosque tam altos, ut magnæ naves erecto malo transeant: lacum intra mœnia circuitu 30 milliaria continere, in medio lacu duas insulas; plateas omnes urbis lapidibus stratas esse, tria thermarum millia in urbe, familias ad sexcenties mille, in quolibet ponte perpetuo excubias agere decem custodes, palatium regium suo ambitu decem milliaria complecti. Sed & alia quamplurima de hac urbe scribuntur, quæ fidem superant.

F I N I S.

